



السلام لك يا أم النور و يا أُمي

الأستاذ / نصري ميري



سلسلة شرح الإيمان الأرثوذكسى
مع تأملات شخصية
بلغة مصر العامية لخدمة الأقباط
إصدار ثانى منقح ومزید للتوزيع الإلكتروني المجانى

السَّلامُ لَكَ يَا مَنُّ النُّورِ وَيَا أَمِّى

تقديم نيافة الحبر الجليل
الأببا ديمتريوس
أسقف ملوى وأنصنا والأشمونين

أعدها
نصرى مبرى

نداء للكنائس

جميع حقوق الطبع والنشر محفوظة للمؤلف فقط لا غير.
وبالتالى غير مسموح بطبعه بغرض جمع الأموال أو إضافة من أى نوع تحت أى صورة أو شكل من الأشكال دون الحصول على موافقة كتابية من الناشر، وغير مسموح بتحويله إلى الوندو بغرض إستعمال أى جزء منه فى كتب أخرى.
ولكن من أجل أن تعم الفائدة على أكبر عدد من الشعب مسموح لكل الكنائس بنشر النسخة الإلكترونية PDF Format من هذا الكتاب على الويب سايت الخاص بها وعمل نسخ على أقراص الكترونية وتوزيعها مجاناً دون جمع أى أموال من أجل هذا الكتاب المجانى. كذلك مسموح للأفراد بطبع الكتاب لتسهيل القراءة. وشكراً

+++

اسم الكتاب : السلام لك يا أم النور ويا أمى

الناشر : نصرى مترى

الجمع الإلكتروني : نصرى مترى

التوزيع : الكترونيا PDF Format

رقم الإيداع الدولى ISBN: 978-0-9840267-0-8

الجزء الأول

تأملات فى شخصية وحياة القديسة العذراء مريم

الباب الأول: العذراء مريم فى فكر الله منذ البداية

سقوط الإنسان وتدبير الخلاص - نسل المرأة يسحق رأس الحية- الشروط الخاصة بالعذراء المختارة من الله.

الباب الثانى: الله يعد العذراء مريم لدورها الهام

ميلاد العذراء مريم كنديرة للرب - فرحة الجيران بميلاد العذراء مريم - العذراء مريم تتسلم الإيمان من والدتها القديسة حنة - تقديم العذراء مريم للهيكل ومعيشتها فيه - نشأة العذراء مريم فى الهيكل - الله يُكوّن شخصية العذراء مريم - تأمل فى الشرط الأول: أن تحب الله من كل قلبها - الله يدبر القرعة الهيكلية لتجنيد القديس يوسف النجار كخطيب للعذراء مريم - شخصية القديس يوسف النجار البار.

الباب الثالث: البشارة المفرحة

بشارة الملاك للعذراء مريم بتجسد أقنوم الكلمة- العذراء فى أقدس حالة عند البشارة - تأمل فى حوار العذراء مريم والملاك غبريال - العذراء مريم تمتلئ من النعمة - زيارة العذراء مريم لأليصابات - الملاك يطمئن القديس يوسف النجار.

الباب الرابع: العذراء مريم تفرح مع السماء بميلاد المسيح

العذراء مريم تلد مخلص العالم فى مزود ببيت لحم كالنبوات - السماء تتهلل والرعاة يفرحون - العذراء مريم تنفذ طقوس الشريعة مع المسيح - لقاء العذراء مريم مع المجوس الساجدين للمسيح.

الباب الخامس: العذراء مريم هى العبدة والأم

وقفة عند أمومة العذراء مريم للمسيح - الله غارس المحبة فى قلوب البشر - العذراء مريم تتمتع بطفولة المسيح - العذراء مريم تفرح بضحكات الطفل يسوع - العذراء مريم تفرح بسماع الكلمات الأولى للطفل يسوع - العذراء مريم تفرح بالخطوات الأولى للطفل يسوع - تأمل فى نوع أحاديث العذراء مريم مع يسوع فى طفولته - العذراء مريم تبحث عن ابنها الفتى المفقود فى أورشليم.

الباب السادس: المشقات التى تحملتها العذرا مريم فى مجيئها لمصر

الملاك يأمر القديس يوسف بالهروب مع الصبى وأمه لمصر - دخول السيد المسيح والعذرا مريم والقديس يوسف النجار لمصر - العذرا مريم وطفولة يسوع فى مصر - الملاك يأمر القديس يوسف بالرجوع لوطنه - خطوات العذرا مريم مع يسوع فى الناصرة.

الباب السابع: العذرا مريم تتبع المسيح فى كرازته

العذرا مريم مع المسيح فى كل مكان - اشتياقات العذرا مريم لبدء الكرازة - العذرا مريم تشهد معمودية المسيح - أين كانت العذرا مريم عندما صام السيد المسيح وجربه الشيطان - العذرا مريم فى عرس قانا الجليل - العذرا مريم تشهد معجزات المسيح - العذرا مريم تعزى مريم ومرثا فى موت ليعازر - العذرا مريم تستقبل يسوع عند دخوله أورشليم.

الباب الثامن: العذراء مريم حاملة الصليب حتى الجلجثة

مراجعة سريعة لآلام العذرا مريم - (ا) آلام العذرا مريم فى فترة وجودها فى الهيكل - (ب) آلام العذرا مريم لما خدمت القديسة أليصابات - (ج) آلام العذرا مريم بعد ما رجعت من عند القديسة أليصابات - (د) آلام العذرا مريم فى وقت ميلاد السيد المسيح وطفولته - (هـ) آلام العذرا مريم وهى تتابع اضطهاد الكهنة ليسوع - قد أتت الساعة - (و) آلام العذرا مريم عند محاكمة المسيح فى دار الولاية - (ز) آلام العذرا مريم مع المسيح فى طريقه للجلجثة - (ح) آلام العذرا مريم عند الصليب - السيد المسيح يدبر رعاية العذرا مريم وهو على الصليب - أين كانت العذرا مريم ورئيس الحياة فى القبر.

الباب التاسع: العذرا مريم تنال الخلاص بدم المسيح

تأمل فى فرحة العذرا مريم بالقيامة - تأمل فى فرحة العذرا مريم بالصعود - العذرا مريم مع الرسل عند حلول الروح القدس على الكنيسة - نياحة العذرا مريم وصعود جسدها للسماء.

الباب العاشر: العذرا مريم فائقة الفضائل

(أ) - فضيلة تنفيذ وصايا الله والناموس - تلمذة العذرا مريم للمسيح - (ب) - فضيلة الإستحقاق لتطويبات السيد المسيح - (ج) - فضائل أخرى - ذكاء العذرا مريم.

الجزء الثانى

القديسة العذرا مريم فى إيمان الكنيسة وصلواتها

الباب الحادى عشر: النعمة والإمتلاء من النعمة

مقدمة - تأمل فى موضوع الزمن - معايير السماء ومعايير البشر - تأمل فى موضوع النعمة - مفهوم النعمة فى نور العهد الجديد - مناقشة هادئة لموضوع الإمتلاء من النعمة

الباب الثانى عشر: دوام بتولية العذرا مريم

تأمل فى الشرط الثانى دوام بتولية العذرا مريم من ثلاث زوايا: 1- مشيئة الله - 2- مشيئة القديسة العذرا مريم - 3- مشيئة القديس يوسف النجار - العذرا مريم فى الكتاب المقدس - العذرا مريم فى نبوات ورموز خدمة العهد القديم - دلائل من العهد الجديد والتقليد - الرد على المعترضين - استعمال تعبير "إخوة" حسب العرف والتقليد المتوارث - خطورة انكار دوام بتولية العذرا مريم - نصيحة مخلصه.

الباب الثالث عشر: العذراء هى والدة الإله

الباب الرابع عشر: العذرا مريم فى طقس الكنيسة

(أ) العذرا مريم فى إيمان الكنيسة - دوام بتولية العذرا مريم قبل وبعد ميلاد المسيح - تطويب العذرا مريم كأمر الروح القدس - تنفيذ ادعاء البعض أن العذرا مريم أخت لنا - ألقاب ورموز العذرا مريم ومعانيها - العذرا مريم وكهنوت المرأة - العذرا مريم فى أيقونات الكنيسة. (ب) العذرا مريم فى صلوات الكنيسة - أعياد وتذكارات العذرا مريم

الباب الخامس عشر: شفاعاة العذرا مريم المقتدرة

الشفاعة فى إيمان الكنيسة - شفاعاة العذرا مريم - شفاعاة العذرا مريم فى معجزة عرس قانا الجليل - شفاعاة العذرا مريم من أجل إيماننا - شفاعاة العذرا مريم فى وقت كرازة السيد المسيح - شفاعاة العذرا مريم من أجل تلاميذ السيد المسيح.

الجزء الثالث

العذرا مريم هى أمنا

الفصل السادس عشر : محبة العذرا مريم لمصر

العذرا مريم شفيعة ومنقذة الأقباط عبر التاريخ - ظهورات العذرا مريم حديثا رسالة صامته - معجزات العذرا مريم وظهوراتها فى مصر - معجزة انقاذ كنيسة أتريب - معجزة نقل جبل المقطم أيام حاكم مصر المعز لدين الله الفاطمى - ظهور العذرا مريم فى الزيتون عام 1968 - شبرا عام 1986 - ظهورات العذرا مريم فى أسيوط بداية من عام 2000 - ظهور العذرا مريم فى ملوى عام 2008 - ظهور العذرا مريم فى وراق الحضر (محافظة الجيزة غرب القاهرة) عام 2009 - أهداف الظهور - تأمل خاص فى ظهور العذرا مريم فى ملوى - خلاصة التأمل فى ظهورات العذرا مريم وبالأخص فى ملوى - مناقشة المتشككين فى ظهورات العذرا مريم فى مصر - هل ظهور الطيف حقيقة أم خدعة تكنولوجية؟ ما هو هدف معجزات العذرا مريم؟

الباب السابع عشر: فلندعو القديسة العذرا مريم إلى بيوتنا

أمومة العدرا مريم لكل واحد مننا شخصياً - شفاعة العدرا مريم ومشاكل الإدمان - نصيحة
عملية لتكوين أسرة مسيحية - مناقشة هادئة مع الأمهات - فلنفرح بأمومة العدرا مريم فى
ملكوت السموات.

كلمة ختامية

مطرانية ملوى وأنصنا والأشمونين للأقباط الأرثوذكس

يسعدنى أن أقدم لهذا الكتاب الشامل فى موضوعه المتعدد الجوانب فى أقسامه الشيق فى أسلوبه الغنى بالتأملات الجميلة من قلب مفعم بمحبة القديسة العذراء مريم والددة الاله شفيعتنا عند ابنها الحبيب .

والكتاب عبارة عن بحث شامل عن القديسة العذراء مريم تاريخياً وروحياً ولاهوتياً وعقائدياً . يعرض تاريخ حياتها من البشارة بميلادها إلى صعود جسدها وارتباط هذا التاريخ برحلة الخلاص وارتباطه أيضاً بنبوات ورموز العهد القديم وتطابقها على شخصية والددة الاله وابنها الحبيب . كما استشهد بكثير من النصوص الكتابية والكنسية وأقوال الآباء .

والكتاب بسيط فى أسلوبه . عميق فى تأملاته يمكن أن يستفيد منه البسطاء والعلماء يحلق بالانسان فى جو روحى سمائى نقى ينعش النفس ويملأها بالفرح .

الله يعوض الكاتب المهندس نصرى غبريال مترى ويجعل هذا الكتاب بركة للقارئ والسامع . بشفاعات أمنا العذراء البتول القديسة مريم والبار القديس يوسف النجار وطلبات كارونا الحبيب مارمرقس الانجيلي وصلوات قداسة البابا المعظم الانبا شنوده الثالث آمين .

بنعمة الله

ديمتريوس

أسقف ملوى وأنصنا والأشمونين

+

شكراً لله

شكراً لله أولاً وآخرأ لأنه أعطانا نعمة الخلاص من قبضة الشيطان، ولذة علم معرفته المعرفة الحقيقية والإيمان بمواعيده الصادقة وانتظار قيامة الأموات وحياة الدهر الآتى. وشكراً لله لأنه أعاننى على اكمال هذا المجهود المتواضع بفضل الصلوات التى رفعها نيافة الحبر الجليل الأنبا ديمتريوس وآباء الكنيسة من الإكليروس والأحباء الذين كانوا على علم وتابعوا هذا المجهود.

وشكراً لكل من تعب معى في مراجعة محتويات هذا الكتاب **فى إخراجة الأول** وبالأخص حبيبة المسيح التى تعبت معى جداً بفرح شديد رغم بعد القارات التى تفصلنا.

بعد إصدار هذا الكتاب وصلتني تعليقات تطالب بإيضاح بعض النقط. هنا رأيت ضم بعض الأسئلة وإستعارة البعض من كتبي السابقة ليكمل الموضوع. هذه التعديلات مكتوبة باللون الأزرق فى هذه الطبعة المنقحة.

هنا أستاذنكم بذكر قصة عاينتها شخصياً. فى أوائل السبعينات ذهبت للكنيسة فى يوم سبت صباحاً وكانت خدمة مدارس الأحد منتظمة. وجدت الكاهن جالساً فى حوش الكنيسة شاخصاً إلى السماء فلم أشأ ازعاجه. وبعد فترة تنهد بصوت سمعته قائلاً "إنتِ فين يأمى" وبسذاجة افكرت أنه مشتاق لرؤية والدته التى تركها بمصر، فقلت له "إحنا ممكن نعمل دعوة لوالدتك ونبعث لها تذكرة تيجى تزورك" فضحك وقال "يا نصرى وهى أمى حتعمل لىّ إيه، أنا بأنادى على أمى العدرا". وعلى الفور أفقت من غفلتى وأدركت أن العدرا مريم ليست مجرد قديسة طاهرة تبعد عنا كثيراً وعلاقتنا بها هى مجرد تكريم وطلب تشفعات، وإنما هى أمنا كلنا نستطيع أن نتكلم معها ونشكو لها هموم الحياة وبالطبع نطلب صلواتها من أجل أن نعيش فى سلام.

حقاً إن أمومتها المتدفقة بأروع وأعظم وأظهر أنواع الحنان لا تضارعها أى أمومة بشرية مهما كانت. فلنرتو من هذا ينبوع العذب.

ومن هنا أتت فكرة هذا الكتاب والتى بدأت فى ذهنى منذ سنوات طويلة، ومر الوقت والحب الغامر لأم النور يدفعنى للكتابة، ولكن الخوف من التقصير فى حقها كان يؤخرنى لأننى كنت أهاب بشدة، لأنه من يستطيع أن يعطى أم النور حقها الواجب؟

ثم ازدادت الرغبة بعد اصدار الطبعة الأولى من كتاب "إليه إحنا مسيحيين"، ثم اشتعلت بالأكثر عندما ظهرت أم النور العذراء القديسة الطاهرة فى سماء ملوى فى 5 يونية سنة 2008 وكتبت عدة مقالات نشر بعضها على الإنترنت، ومن بعدها وضعت فى قلبى أن أكتب كتاب عنها.

وهنا أعترف وأقول إننى لا أصلح للكتابة عن أقدس كل البشر لأنه أمر صعب جداً لأن العذراء هى الجوهرة النادرة جداً والتي لا تساويها كل جواهر العالم.

إننى أشبه نفسى بإنسان بسيط وجد كرة مصنوعة من حبال من الذهب الخالص المجدول بطريقة وحيدة وفريدة فى صنعها لا مثيل لها فى الوجود ومرصعة بالجواهر واللالئ النادرة والتي يصعب تقنينها حتى من خبراء الجواهر. ثم طُلب من هذا الإنسان البسيط أن يقدم تقرير عما يرى. فأصابته الحيرة هل يصف ما يرى وهو لا يعرف كيف صنعت ومن أين يبدأ فى الوصف وفى أى اتجاه يفحص.

بإختصار أعتقد أن الموضوع أصعب بكثير جداً مما توقعت وأعتقد أنه لو أمكن عقد مؤتمر لكل الأنبياء والرسل والقديسين للكتابة عن العذراء لأعلنوا فى النهاية فشلهم فى إعطائها حقها الواجب.

هذا الكتاب يشمل أكبر قدر ممكن من إيمانيات الكنيسة بالإضافة إلى التأملات فى حياتها بهدف تشجيع الشعب على الإقتراب من العذراء مريم كأم حنون يلزمنا أن نقدم لها الحب والوقار اللازم والدفاع عنها ضد كل من تسول له نفسه الهجوم عليها. أيضاً سوف تلاحظون أننى قد استعرت الكثير مما كتبت عنها فى كتاب "إليه إحنا مسيحيين" ثم أضفت الكثير إليه بشفاعة ومعونة أم النور. كذلك ستلاحظون تشابك الأسئلة بطريقة ألزمتنى تكرار إيمانيات الكنيسة ليكتمل الرد على كل سؤال. أرجو ألا تضجوا من هذا التكرار ولكن لم يكن هناك مفر من هذا. وفى النهاية أشكر الله أننى أكملت هذا الكتاب وهو وإن كان لا يزيد عن فلسي الأرملة لكنه هو ما هو فى طاقتي.

ولأن التأمل هو تعبير عن تفاعل الذهن والروح، لهذا فإن التأملات تختلف من شخص لآخر. لهذا سوف يجد القراء فى هذا الكتاب تأملات فى مواضيع ربما لم يتطرق إليها أحد من قبل. لهذا حرصت بشدة على الانضباط فيما أكتب، وتوخيت الدقة بقدر طاقتي فى التمسك بالتعليم المسيحي الأرثوذكسي المستقيم، بحسب ما جاء بالإنجيل المقدس، وأقوال الآباء المدونة بكتب الكنيسة بخصوص القديسة الطاهرة.

تعليم الكنيسة الجامعة الرسولية واضح جداً فى كل ما يخص العذراء مريم، هى بشر مثل كل البشر، نالت الخلاص بدم ابنها وربنا يسوع المسيح، لهذا فهى عضو أول فى الكنيسة، جسد السيد المسيح. هى مستحقة لكل تعظيم وإكرام، لكننا نرفض أى محاولات للتقليل من كرامتها، تماماً كما نرفض أى محاولات لرفعها لدرجة الألوهة، وحاشا لنا أن نشترك فى أى من الإتجاهين.

وبقدر الإمكان قمت بتقسيم الموضوعات إلى أبواب ثم وضعتها تحت ثلاثة أجزاء كالآتى:
الجزء الأول: تأملات فى شخصية وحياة القديسة العذراء مريم.

الجزء الثانى: القديسة العذرا مريم فى إيمان الكنيسة وصلواتها.

الجزء الثالث: العذرا مريم هى أمانا.

أرجو أن يقبل الله هذا الكتاب كما قبل فلسي الأرملة ليأتى بالثمار التى تفرح قلبه. وتنفيذاً لوصية رب المجد "مَجَاناً أَخَذْتُمْ، مَجَاناً أَعْطُوا" (مت 10: 8). وكما تعودت فإننى أقدم هذا الكتاب المتواضع للكنيسة مجاناً بهدف دعوة الأقباط للتعامل مع العذراء كأطهر وأقدس أم، وأيضاً لنشر التعليم الأرثوذكسى السليم وليس لأي هدف مادي بشرط أن يتم وضعه فى مكتبات الكنيسة للإستعارة المجانية لأحباء المسيح والقديسة الطاهرة، ودون جمع أي تبرعات بحجة نشر الكتاب. أتمنى تشجيع الشعب على القراءة لكل كتب الكنيسة.

هنا أشدد ومنعاً من أى التباس أن حقوق الطبع والنشر محفوظة للمؤلف فقط لا غير.

كذلك أتوجه بالرجاء لله لكى يحرك قلوب خدام إخوة الرب الصغار وأقول لهم أسرعوا فى دراسة حياة القديسة الطاهرة دراسة جادة، وذوقوا حلاوة أمومتها، ثم ازرعوا هذه المعرفة فى قلوب الصغار، بأسلوب مسيحي وديع ليأتى بالثمار الروحية المطلوبة، وثقوا أن لكم أجراً سماوياً عظيماً. لأن كل ما فعلتم من أجل إخوة الرب الصغار فبالرب قد فعلتم. الرب يعوض تعبكم جميعاً ويملاً بيوتكم بالخيرات السمائية ويبارك فى كل عمل تمتد إليه أيديكم بشفاعاة والددة الإله القديسة الطاهرة العذراء مريم، والبار القديس العظيم يوسف النجار والشهيد القديس مارمرقس الإنجيلي والرسول، وكل مصاف الشهداء والقديسين وبصلوات البابا المعظم الأنبا شنودة الثالث وشركائه فى الخدمة الرسولية الآباء المطارنة والأساقفة.

بنعمة الله تمت المراجعات النهائية للإصدار الأول يوم الأحد 29 مسرى 1727 الموافق 4 سبتمبر 2011 والتذكارات الشهرى لأعياد البشارة والميلاد والقيامة. وتم الحصول على حق النشر فى أول يوم من السنة القبطية الجديدة.

تمت التنقيحات والإضافات يوم

الجزء الأول

تأملات فى شخصية وحياة القديسة العذراء مريم

الجزء الأول من هذا الكتاب يقدم الكثير من الحقائق الإنجيلية والتقليدية عن اختيار الله للعذراء مريم، وأيضا لمحات من تاريخ حياة القديسة الطاهرة العذراء مريم من وقت بشارة الملاك لأبويها بميلادها إلى وقت نياحتها مع تأملات كثيرة.

وستجد أيضا الكثير من التساؤلات التى تدور على ألسنة بعض الناس، ثم الرد عليها بأسلوب منطقى مبسط جداً.

العدرا مريم فى فكر الله منذ البداية

سقوط الإنسان وتدبير الخلاص
نسل المرأة يسحق رأس الحية
الشروط الخاصة بالعدراء المختارة من الله.

سقوط الإنسان وتدبير الخلاص

علشان نتعرف على مكانة العدرا مريم فى تدبير الله الأزلى لخلاص البشر من قبضة إبليس تعالوا بينا نراجع بسرعة ملخص إيماننا المسيحى زى ما شرحناه فى كتاب "ليه إحنا مسيحين".

+ فى أول الكتاب شرحنا ازاي ربنا خلق الإنسان على صورته ومثاله، ووضعه فى جنة عدن ليعملها ويحفظها ويأكل من ثمارها. وأعطاه حرية كاملة ومنها حرية سماع نصيحة ربنا أو عصيانه. ومن محبة ربنا الفائقة لأبونا آدم وأمنا حوا نصحهم بعدم الأكل من شجرة معرفة الخير والشر، وحذرهم من عقوبة الموت لو ما سمعوش النصيحة.

+ وفى الأول أبونا آدم وأمنا حوا سمعوا نصيحة ربنا وعاشوا فى سلام وفرح مع الله وباقي المخلوقات. رغم كده الشيطان خدعهم وسمعوا كلامه وبكده غلطوا غلطة شنيعة فى حق ربنا لما أكلوا من الشجرة.

+ فإستحقوا حكم العدالة الإلهية عليهم وعلى كل نسلهم بالموت الأبدى، يعنى الطرد من جنة عدن والوقوع فى قبضة الشيطان وعدم السماح ليهم بالدخول تانى للجنة، وده معناه حرمانهم من نعمة الوجود فى حضرة ربنا زى ما كانوا عايشين قبل السقوط.

+ كمان طول ما البشر فى قبضة الشيطان، يبقى ماعدش ليهم نصيب فى الحياة الأبدية، لأنهم فسدوا وزاغوا وأعوزهم مجد الله، وده معناه إنهم مش ممكن يقوموا من الأموات للحياة الأبدية.

+ كمان فهمنا ليه ماكانش ممكن إن ربنا يسامح الإنسان لو قدم توبة، أو صلوات، أو أصوام، علشان الخطية فى حق ربنا شنيعة جداً، وعدالة وكرامة الله لا تسمح بقبول هذا لأن حكم ربنا لازم يمشى. وكمان لو ربنا سامحهم، يبقى ربنا وضع مبدأ جديد يسمح للإنسان بالإستمرار فى عصيان الله بدون أى عقوبة. وده ضد قداسة الله وصلاحه.

+ قانون العدل بتاع ربنا يقول إنهم لازم يتعاقبوا على غلطتهم فى حق ربنا ويموتوا. لكن رحمة وحب ربنا للناس تقول لازم يكون فى طريقة اللى بيها ربنا يقبلهم تانى من غير ما يرجع فى كلامه، وفى نفس الوقت العدل الإلهى ياخذ حقه.

+ ومن هنا نقدر نفهم **مبدأ الفداء**. لأن عدالة ورحمة الله تستلزم تقديم **فدية** نيابة عن كل البشر علشان ربنا يسامح البشر اللى يآمنوا بمبدأ الفدية.

+ كمان فهمنا إنه ماكانش ينفع إن أى واحد من آدم أو أولاده يقدم نفسه كفدية بالنيابة عن كل البشر، لأنه بسقوط أبونا آدم فى الخطية مابقاش ممكن إن حد يتولد ويكون طاهر ومقدس وصالح علشان يقدم نفسه كفدية بالنيابة عن كل البشر.

+ ولا كان ممكن إن ملاك يقدم نفسه كفدية عن البشر لأنه ما عملش أى ذنب ولا أخطأ فى حق الله، وبالتالي ما ييقاش من العدل إنه يقدم نفسه بالنيابة عن كل البشر، وحتى لو قدم نفسه برضه ما يقدرش يوفى بحق العدل الإلهى بالنيابة عن كل البشر من يوم أبونا آدم إلى يوم القيامة، لأنه ملاك مخلوق نورانى غير مساوى لآدم اللى مخلوق بجسد من تراب.

+ إذاً العدل يستوجب إن الفادى يكون له جسد إنسان ومن نفس طبيعة آدم، لأن آدم (الإنسان الأول) هو اللى أخطأ،

+ ولكن الله غير محدود والخطية فى حق الله غير محدودة،

+ معنى هذا إن الفادى لازم يكون قدوس بلا خطية وغير محدود علشان خطية آدم فى حق الله كانت غير محدودة، وكمان الفادى لازم يكون فى قدرته أن يوفى حق العدل ويفدى البشرية كلها من أول آدم لغاية يوم القيامة.

+ علشان كده رحمة ومحبة الله الغير محدودة للبشر حتمت بأن يكون الحل الوحيد هو إن أقنوم الابن يتجسد من الروح القدس والعدرا مريم فى شخص ربنا يسوع المسيح، ليكون هو آدم الثانى، والذبيحة التى بلا عيب، ليدفع الدين نيابة عن كل البشر، لأن ناسوته المتحد بلاهوته بدون اختلاط ولا امتزاج ولا تغيير هو طاهر ومقدس جداً جداً بدرجة لانهائية، ما عمروش عمل أى خطية، ولما يقدم جسده المقدس على الصليب بالنيابة عن كل البشر، يقوم يوفى حق عدالة ربنا. وبكده تكون تضحيته مقدسة وطاهرة جداً جداً تكفى كرامة ربنا اللانهائية والغير محدودة، وتغطى كل خطايا الناس كلها من يوم ما اتخلق آدم لغاية يوم القيامة.

+ هنا فى حاجة مهمة قوى وهى إن ربنا بعد ما طرد أبونا آدم وأمنا حوا من قدامه قال للحية كلمة مهمة جداً وهى إنه حتكون فى عداوة بينها وبين أولاد المرأة، وإن نسل المرأة يسحق رأسها (تك3:15).

+ ولأن فى تدبير ربنا التجسد وتحمل الإهانة والصلب من أجلنا، إذاً الكلام ده يعتبر وعد من ربنا بينبهننا إلى أن المسيح القدوس هو الفادى اللى حيتولد من عدرا، وحيغلب الشيطان، ويقدم العقوبة بالنيابة عن كل البشر، وبكده يتوسط ويشفع لينا عند الله الآب علشان ربنا يسامحننا ويرجعنا تانى لحضن الآب.

+ الكلام ده تم لما أقنوم الكلمة المتجسد السيد المسيح أخذ هذا الجسد وطهره، وأصلح هذا الجسد الفاسد، ورجعه إلى حالة أقدم من حالته الأولى لما ربنا خلق البشر، وبهذا الجسد المقدس دفع العقوبة عن كل البشر وصالح ربنا بالنيابة عننا، وبهذا حررنا من أسر إبليس وفتح أبواب الفردوس قدامنا.

+ والسيد المسيح رسم لينا الطريق للفردوس والحياة الأبدية:

1- لما نأمن برسالته لخلاصنا من قبضة الشيطان،

2- وبعدين نتعمد فى كنيسة رسولية ممتدة من أيام الرسل بالتغطيس ثلاث مرات باسم الآب والابن والروح القدس، وهكذا ننال نعمة الميلاد الثانى من الماء والروح القدس، ونصبح هياكل مقدسة وروح الله ساكن فىنا.

3- كمان نأمن بأسرار الكنيسة الرسولية الممتدة من عصر الرسل وبالأخص بسر الإفخارستيا وبأن ربنا أعطانا جسده المقدس ودمه الذكى لغفران خطايانا، ولما نستمر فى تناول من الأسرار المقدسة معترفين بأن الجسد هو جسد حقيقى مقدس وبأن الدم هو دم حقيقى ذكى لربنا يسوع المسيح، يبقى إحنا نفدنا وصيته بالثبات فى الكرامة الحقيقية وبقينا أعضاء حية فى جسده المقدس.

+ وبكده يصلحنا السيد المسيح مع الله الآب، وبالتالي أصبح فى إمكاننا نحن المؤمنين والثابتين فى جسد ربنا يسوع المسيح المقدس إننا نرجع لحضن ربنا، لأننا أصبحنا أعضاء فى جسده المقدس من خلال ممارسة أسرار الكنيسة. وأصبح فى إمكاننا نحن المؤمنين بربنا يسوع المسيح أن ندوس على الشياطين بقوة ومعونة الذبيحة المقدسة.

+ وبالتالي نلنا نحن البشر المؤمنون بالسيد المسيح نعمة البنوة لله من خلال السيد المسيح، وأصبح فى إمكاننا أن نصلى لله بدالة البنوة ونقول "أبانا الذى فى السموات ...".

+ وبكده الناس اللى يآمنوا برسالة السيد المسيح، ربنا يغفر ليهم خطاياهم وتفتح ليهم أبواب السما.

الكلام ده هو تعليم السيد المسيح والروح القدس الناطق فى الرسل لينا زى ما هو موجود فى الإنجيل:

+ "12 وَأَمَّا كُلُّ الَّذِينَ قَبَلُوهُ فَأَعْطَاهُمْ سُلْطَانًا أَنْ يَصِيرُوا أَوْلَادَ اللَّهِ، أَيِ الْمُؤْمِنُونَ بِاسْمِهِ.
13 الَّذِينَ وَلِدُوا لَيْسَ مِنْ دَمٍ، وَلَا مِنْ مَشِيئَةِ جَسَدٍ، وَلَا مِنْ مَشِيئَةِ رَجُلٍ، بَلْ مِنْ اللَّهِ"
(يو: 12-13).

+ "20 وَلَسْتُ أَسْأَلُ مِنْ أَجْلِ هَؤُلَاءِ فَقَطْ، بَلْ أَيْضًا مِنْ أَجْلِ الَّذِينَ يُؤْمِنُونَ بِي بِكَلَامِهِمْ،
21 لِيَكُونَ الْجَمِيعُ وَاحِدًا، كَمَا أَنَّكَ أَنْتَ أَيُّهَا الْآبُ فِيَّ وَأَنَا فِيكَ، لِيَكُونُوا هُمْ أَيْضًا وَاحِدًا فِيْنَا، لِيُؤْمِنَ الْعَالَمُ أَنَّكَ أَرْسَلْتَنِي. 22 وَأَنَا قَدْ أَعْطَيْتُهُمُ الْمَجْدَ الَّذِي أَعْطَيْتَنِي، لِيَكُونُوا وَاحِدًا كَمَا أَنَّنَا نَحْنُ وَاحِدٌ. 23 أَنَا فِيهِمْ وَأَنْتَ فِيَّ لِيَكُونُوا مُكَمَّلِينَ إِلَى وَاحِدٍ، وَلِيَعْلَمَ الْعَالَمُ أَنَّكَ أَرْسَلْتَنِي، وَأَحْبَبْتَهُمْ كَمَا أَحْبَبْتَنِي. 24 أَيُّهَا الْآبُ أَرِيدُ أَنْ هَؤُلَاءِ الَّذِينَ أَعْطَيْتَنِي يَكُونُونَ مَعِيَ حَيْثُ أَكُونُ أَنَا، لِيَنْظُرُوا مَجْدِي الَّذِي أَعْطَيْتَنِي، لِأَنَّكَ أَحْبَبْتَنِي قَبْلَ إِنْشَاءِ الْعَالَمِ. 25 أَيُّهَا الْآبُ الْبَارُّ، إِنَّ الْعَالَمَ لَمْ يَعْرِفْكَ، أَمَّا أَنَا فَعَرَفْتُكَ، وَهَؤُلَاءِ عَرَفُوا أَنَّكَ أَنْتَ أَرْسَلْتَنِي. 26 وَعَرَفْتُهُمْ اسْمَكَ وَسَاعَرْتُهُمْ، لِيَكُونَ فِيهِمُ الْحُبُّ الَّذِي أَحْبَبْتَنِي بِهِ، وَأَكُونُ أَنَا فِيهِمْ" (يو: 17: 20-26)

+ بس نلاحظ نقطة مهمة جداً أحيانا في ناس بتتلخبط فيها وهى إن بنوتنا لله هى بنوة بالتبنى، يعنى نعمة من عند ربنا أنعم بيها علينا علشان خاطر إيماننا بابنه ربنا يسوع المسيح. يعنى بنوتنا مش بنوة أقنومية زى بنوة السيد المسيح.

+ والبنوة دى هى من محبة ربنا لينا زى ما علمنا القديس يوحنا الحبيب وقال "أَنْظُرُوا آيَةً مَحَبَّةٍ أَعْطَانَا الْآبُ حَتَّى نُدْعَى أَوْلَادَ اللَّهِ. مِنْ أَجْلِ هَذَا لَا يَعْرِفُنَا الْعَالَمُ، لِأَنَّهُ لَا يَعْرِفُهُ. 2أَيُّهَا الْأَحِبَّاءُ، الْآنَ نَحْنُ أَوْلَادُ اللَّهِ..." (1يو3:1-2).

نسل المرأة يسحق رأس الحية

ربنا أعلن لآدم وحواء عن سحق رأس الحية بنسل المرأة، طيب هل أعلن نفس الكلام للأنبياء؟

فى الحقيقة ربنا أعلن موضوع الخلاص بنسل المرأة لكل الأنبياء لما الروح القدس أعلن ليهم كل تفاصيل التجسد من العدرا مريم وكيفية الخلاص بدم ربنا يسوع المسيح، والأنبياء نقلوا لينا كل اللي عرفوه. ولو درسنا الإنجيل دراسة جادة حنعرف كل حاجة.

كمان الأنبياء تنبأوا عن العدرا مريم بطريق مباشر، وأحيانا بطريق غير مباشر.

كمان فى طقس خدمة العهد القديم نلاقى رموز واضحة للخلاص بدم المسيح ورموز عن العدرا مريم.

الكنيسة دايمًا بتفكرنا بهذه النبوات فى القراءات أثناء خدمة الكنيسة خصوصاً فى قداسات أيام الصوم الكبير، لكن إحنا لازم ندرس الكتاب المقدس وأقوال آباء الكنيسة دراسة جادة ونفهم أكثر علشان ما حدش يضللنا فى طريق بعيد عن المسيح.

طيب من هى المرأة المقصودة فى وعد ربنا لأبونا آدم وأما حواء؟

الله هو خالق كل البشر من يوم ما خلق آدم ولغاية نهاية الأيام. كمان ربنا هو رب الزمان، وبالتالي كل أمور الخليقة منذ خلقتها وإلى نهاية الأيام حاضرة أمامه منذ الأزل. يعنى هو عارف من وقت بداية الخليقة كل حاجة عن كل البشر، يعنى عارف كل واحد وواحدة بالإسم، ومكان وتاريخ الميلاد، ومكان وتاريخ الوفاة، وأيضا مصير كل واحد حيكون إيه عند انتهاء الأيام.

بس نخلى بالنا إن ربنا لا يجبر أحداً على الإيمان به ولا يجبر إنسان على طاعة وصاياه، لأنه تارك مطلق الحرية لكل إنسان، زى ما عمل مع أبونا آدم وأما حواء، بس هو عارف إيه اللي حيحصل بالنسبة لكل البشر. لكن الله محب البشر لا يفرح بهلاك أحد مثلما يرجع ويتوب من أجل خلاص نفسه.

علشان كده نقول بثقة إن ساعة ما ربنا وعد أمنا حوا بإن نسل المرأة حيسحق الشيطان هو كان عارف كويس إن العدرا مريم هى المقصودة بهذا الوعد. لأنه بص فى كل جنس المرأة إلى نهاية الأيام ولم يجد ولا واحدة تساوى العدرا مريم فى قداستها وطهارتها، فقال هى دى اللى تصلح لكى يتجسد منها أقنوم الكلمة زى ما الكنيسة بتقول فى ثيوتوكية الأربعاء "الآب اطلع من السماء فلم يجد من يشبهك، أرسل وحيدته أتى وتجسد منك".

علشان كده نقدر نقول بكل ثقة إن العدرا مريم فى فكر الله منذ البداية، لأن أقنوم الكلمة حيتجسد منها فى ملء الزمان. ومن هنا نقدر نفهم وعد الله لحواء إنه بنسل المرأة فقط (العدرا مريم) يتم الخلاص.

وكمان نفهم وعد ربنا لأبونا إبراهيم إنه بنسله تتبارك الأرض، يعنى إن السيد المسيح يأتى من امرأة من نسله (العدرا مريم نسله) ليتم الخلاص وتتبارك الأرض بالإيمان بربنا ومخلصنا يسوع المسيح.

طيب إيه هو الدور المطلوب من العدرا مريم؟

دور العدرا مريم هى أن تقدم جسدها لخدمة تجسد أقنوم الكلمة، لأنه زى ما قلنا لا يليق أن يأتى الفادى بجسد ليس من نفس عجينة وطبيعة البشر لئلا يظن البعض أنه جسد خيالى.

طيب إذا كان الله قادر على كل شئ، ليه المسيح ما نزلش من السما رجل كامل وقدم نفسه نيابة عن البشر؟

أول حاجة نفهمها هى إن هدف التجسد هو تقديم فدية طاهرة مقدسة لتطهير الإنسان من خطية العصيان والسقوط وإرجاعه ليس فقط لحالته النقية الأولى بل وأيضا رفعه لدرجة أعلى ليستحق الحياة الأبدية. وزى ما شرحنا فى الفصل الأول العدل الإلهى حتم أن ذبيحة الفداء لابد وأن تكون من نفس عجينة الإنسان. فلو نزل المسيح إنسان بالغ دون أن يأخذ طبيعة البشر، أى من نفس العجينة فإن:

- 1- جسده لن تكون له أى علاقة بجسد البشر اللى فسد وفى أشد الإحتياج للتطهير، وبالتالي ليس من العدل أو لمصلحة البشر أنه يقدم ذاته بالنيابة عن البشر،
- 2- والناس كانت حتكون فى شك من حقيقة ناسوته، وفى ناس حتقول ده خيال أو شبح، وكل ده سيؤدى إلى ضلال الكثيرين، وده ضد محبة ربنا للبشر.

الشروط الخاصة بالعدراء المختارة من الله

طيب إيه هي الشروط الخاصة بالعدراء المختارة من الله؟

تعالوا نفكر بالعقل والمنطق الروحاني: الله الكلمة حيثجسد من عدراء وهذه العدراء حتمتلى من النعمة وبعدين حتجلس فى الأبدية ملكة عن يمين ملك الملوك. تبقى الشروط على قد ما نقدر نفكر هي:

+ الشرط الأول: أن العدراء المختارة تحب الله من كل قلبها وهذا الشرط حنشرحه فى الفصل الثانى.

+ الشرط الثانى: أن العدراء المختارة تكون دائمة البتولية، يعنى أن تكون عدراء طاهرة وتظل هكذا طول عمرها وتعيش كل أيام حياتها مكرسة للعبادة والصوم والصلاة والتضرع من أجل كل البشر. و هذا الشرط الثانى خصصنا ليه الفصل الثانى عشر الجزء الثانى بأكمله.

+ الشرط الثالث: أن العدراء المختارة تكون فائقة الفضائل، يعنى أن تتحلى بفضائل وطباع عظيمة جداً لم ولن يصل إليها أى بشر فى الوجود علشان تقدر تتحمل هذه المسئولية الفائقة من غير ما تهتز شخصيتها. وهذا الشرط خصصنا ليه الفصل العاشر بأكمله.

الباب الثانى:

الله يعد العدراء مريم
لدورها الهام

ميلاد العدراء مريم كنذيرة للرب
فرحة الجيران بميلاد العدراء مريم
العدراء مريم تتسلم الإيمان من والدتها القديسة حنة
تقديم العدراء مريم للهيكلم ومعيشتها فيه
نشأة العدراء مريم فى الهيكل
الله يُكوّن شخصية العدراء مريم
تأمل فى الشرط الأول: أن تحب الله من كل قلبها

الله يدبر القرعة الهيكلية لتجنيد القديس يوسف النجار كخطيب للعدرا مريم
شخصية القديس يوسف النجار البار

ميلاد العدرا مريم كنذيرة للرب

تعالوا بينا نتأمل فى سر تجسد أقنوم الكلمة من عذراء الذى هو أسمى وأعظم سر فى الوجود.
أول سؤال يخطر على بالنا هو:

س: طيب مين هى العدرا المختارة علشان تقوم بالدور الخطير ده ؟

لو درسنا صفات العدرا المختارة مما جاء عنها بالإنجيل سواء فى النبوات، أو مما كتب عنها فى العهد الجديد والتقليد، هنكتشف إنها كانت فعلا إنسانة فائقة المحبة، والإخلاص، والطاعة لله وكلية القداسة والتواضع. علشان كده ربنا ملأها من النعمة وقدرت تتحمل مسئولية القيام بهذا العمل الذى يفوق كل عقل، وطبعاً ده كان بمعونة الروح القدس.
والتقليد يقول إنه كان فى رجل قديس اسمه يواقيم من سبط يهوذا، وزوجته كانت قديسة اسمها حنة. ولأنهم كانوا قديسين نلاقيهم بيحبوا ربنا قوى من كل قلبهم وكانوا فقرا، وقعدوا سنين أنفسهم يخلفوا أطفال زى بقية الناس لكن ربنا ما سمحش. ومع كده ما زعلوش أبدا. كانوا راضيين بأمر ربنا. وكانوا نادرين إن أول طفل يخلفوه يودوه الهيكل لما يتفطم.
ربنا زى ما قلنا ناوى يتجسد فى الوقت المناسب زى ما بنقول "فى ملء الزمان" بص ليهم وبعث ملاك بشرهم بإن ربنا حيرزقهم ببنت. وبعدين خلفوا بنت وسموها مريم. واسم مريم ليه عدة معانى.

طيب وازاى نصدق كلام التقليد بخصوص بشارة الملاك لوالدى العدرا مريم بميلادها؟

فى الحقيقة ده سؤال سهل الرد عليه بالعقل والمنطق الروحانى، لكن الإنسان اللى قلبه مش مليان من روح ربنا حيفضل غير مقتنع ودايما يحاول يشككنا فى كل حاجة بما فى ذلك تفسير الإنجيل تفسير رسولى سليم.
إحنا عارفين من دراستنا لبشارة القديس لوقا إن ملاك ظهر لزكريا الكاهن أثناء خدمته فى الهيكل وبشره بميلاد ابنه القديس يوحنا المعمدان، اللى مهمته كانت دعوة الشعب للتوبة، وإعدادهم لقبول كرازة ربنا يسوع المسيح (لو 1: 5-17).
وهنا نسأل سؤال منطقى:

أيهما أعظم مكانة عند ربنا، العدرا مريم أم القديس يوحنا المعمدان ابن زكريا الكاهن والقديسة أليصابات؟

الرد بكل تأكيد هو إن العذرا مريم فى فكر وتدبير الله منذ البداية، ومكانتها عند الله أعظم من كل الأنبياء والرسل والأبرار بما فى ذلك يوحنا المعمدان، لأن أقنوم الكلمة سيتجسد منها، وبعد ذلك ستجلس ملكة فى الحياة الأبدية عن يمين ربنا ومخلصنا يسوع المسيح.

وهنا نسال سؤال ثانى:

طالما إن العذرا مريم أعظم من كل الأنبياء والرسل ويوحنا المعمدان، فهل معقول إن ربنا يرسل ملاك ليبشر بميلاد المعمدان ولا يرسل ملاك ليبشر بميلاد العذرا مريم؟

نقدر نقول بكل ثقة إن ربنا أرسل ملاك للقديس يواقيم وزوجته القديسة حنة ليبشرهما بميلاد العذرا مريم، لأنها أعظم من القديس يوحنا المعمدان ومكانتها فى الحياة الأبدية هى الملكة الجالسة عن يمين ملك الملوك ورب الأرباب.

ويبقى كلام التقليد إن ملاك بشر والديها بميلادها هو كلام روحانى ومنطقى وسليم مائة فى المائة.

فرحة الجيران بميلاد العذرا مريم

معروف إنه لما واحدة تولد لأول مرة نلاقى قرايبها وجيرانها يفرحوا ليها قوى، وكمان لما تكون الولادة تمت بعد سنين كثيرة من عدم الخلفة بتبقى الفرحة شديدة. هنا نقدر نتأمل ونقول إن منظر العذرا مريم وهى طفلة مولودة أكيد كان ملفت للنظر، لأنها المختارة من الله، وبالتالي أكيد وشها كان منور بنور ملائكى وبراعة شديدة، وده منظر مش ممكن يفوت على الستات خصوصا الأمهات التقيات. ولأن القديسة حنة هى سيدة تقية جداً، يبقى أكيد أصحابها أيضاً كانوا تقيات، وضرورى شعروا بأن الطفلة المولودة منظرها غير عادى لأنه كان ملائكى فوق الوصف. وطبعاً فرحوا جداً وفكروا ياترى إيه السبب لكن ما عرفوش.

وفى الحقيقة لو تأملنا نقدر نقول إن السبب هو لأنها ستكون أم يسوع اللى هو أبرع جمالاً من بنى البشر (مز 2:44 قبطى)، إذاً فهى أيضاً كانت جميلة وجمالها كان ملائكى وفريداً فى نوعه، يعنى اللى يبص فى وشها يشعر بالراحة وصفاء النفس.

+

العذرا مريم تتسلم الإيمان من والدتها القديسة حنة

لما ندرس رسالة القديس بولس الرسول إلى القديس تيموثاوس نفهم إن أمه وجدته ربُّوه تربية دينية قوية وعرفوه الكتب المقدسة. طيب بالمنطق الروحانى هل معقول إن القديسة حنة أم العذرا مريم تكون أقل معرفة بالكتب المقدسة من أم وجدة القديس تيموثاوس؟ قطعاً لا، ولا.

ولأن القديسة حنة عارفة إن الملاك بشرهم بميلاد بنتها، ولأنها هي ندر لله، يبقى أكيد كانت بتشرح ليها الكتب المقدسة من أول ما ابتدأت تنطق. يعنى علمتها إن الله هو خالق كل شئ، وازاى آدم سقط، وأن اليهود منتظرين المسيا المخلص. وطبعا علمتها الصوم والصلاة.

+

تقديم العدرا مريم للهيكل ومعيشتها فيه

والتقليد يذكر أنه بعد ميلاد العدرا مريم بتلات سنين، والديها ودوها للهيكل علشان تخدم ربنا زى ما ندرؤا بالظبط. وكنيستنا تحتفل بهذا العيد يوم 3 كيهك وترنم قائلة:

فى سن الثالثة قدمت يا مريم للهيكل،

جئت كحمامة،

وأسرعت الملائكة إليك،

كانت بين العذارى تسبح وترنم معهن،

دخلت الهيكل بمجد وكرامة

كمان نقدر نتأمل ونقول إنه لما القديس يواقيم والقديسة حنة راحوا يوصلوا العدرا مريم للهيكل حسب ندرهم، أكيد الكهنة اللى استلموها شعروا بإن وشها غير عادى وإنه مملوء براءة وطهارة فوق الوصف.

نشأة العدرا مريم فى الهيكل

س: طيب ليه ربنا سمح إن العدرا مريم تعيش فى الهيكل وهى لسة طفلة صغيرة؟

زى ما قلنا ربنا وعد حوا بتجسد المسيح من عذراء. ولأن ربنا عارف العدرا مريم منذ البداية ، علشان كده اختارها وهى لسه فى بطن أمها علشان يتجسد منها، فلما راحت الهيكل نذيرة للرب ده كان بترتيب إلهى، علشان ربنا يعدها للمسئولية المقدسة والخطيرة المطلوبة منها لإتمام سر الخلاص خصوصا وإن ربنا عارف إن والديها حيموتوا وهى لسة فى سن صغير.

ويا ترى العدرا مريم كانت بتعمل إيه فى الهيكل؟

هناك رأى بيقول إن العدرا مريم كانت بتخدم فى الهيكل مع فريق العذارى اللى كانت مهمتهن التنظيف، وغسيل ملابس الكهنة، والتطريز والخياطة لستور الهيكل، ... إلخ، وده مش عيب لأنها كلها تطوع لخدمات هيكل الله. لكن رغم كل هذه الأعمال، التقليد والمنطق الروحانى يقولان إن العدرا مريم كانت عايشة حياة الصلاة والتضرع الدائم، حتى وهى بتقوم بأى خدمة مطلوبة منها.

وعلشان كدة كانت العدرا مريم عايشة فى سلام داخلى مع ربنا، لأنها نادرة نفسها فى سرها إنها تعيش كل حياتها لربنا بتول زى الراهبات فى أيامنا دلوقتى. كمان العدرا مريم كانت منتظرة خلاص البشر من الشيطان بالسيد المسيح، من غير ما تعرف إنها هى اللى ربنا اختارها.

علشان كده العدرا مريم مثال عظيم جداً لينا كلنا، ولو مشينا فى طريقها حنتعلم ازاي نعيش مع ربنا فرحانيين مهما كنا فقرا زى العدرا مريم، وازاي ما ننساش نصلى لله حتى فى وسط مشاغل الحياة سواء كانت مذاكرة أو عمل ... إلخ. ولو فكرنا بهدوء ورجعنا للتقليد حنتعرف على أمور كثيرة حصلت مع العدرا مريم وهى عايشة فى سلام مع ربنا فى الهيكل.

طيب ياترى العدرا مريم كانت بتاكل إيه؟

برضه التقليد بيقول إن خدام الهيكل كانوا بيدوها حصتها من الأكل بس هى كانت بتوزعه على الفقراء، وهذا التصرف يفكرنا بالأرملة اللى حطت فلسيها فى خزانة الهيكل، وهنا العدرا مريم بتدى أكلها للفقراء. والتقليد أيضاً يخبرنا إن الملائكة كانوا بيحيوا ليها أكل مخصوص. وده يفكرنا باليمن السماوى اللى ربنا نزله على العبرانيين بعد نجاتهم من فرعون. يعنى نقدر نقول إن العدرا مريم عاشت على نظام أكل سماوى لإعدادها لأوممة السيد المسيح.

+

الله يُكُونُ شخصية العدرا مريم

الكتاب المقدس لم يذكر إلا القليل عن العدرا مريم لأن هدفه الأساسى هو خلاص البشر من خلال السيد المسيح. لكن هذا لا يمنع إننا نسأل شوية أسئلة علشان نتأمل ونتعرف على شخصيتها:

بالمنطق الروحانى هل معقول إن العدرا مريم المختارة ليتجسد منها أقنوم الكلمة تكون إنسانة عادية وبسيطة فى تعليمها ؟

هنا ناخد بالنظر إن سر التجسد هو أمر فوق عقل البشر، ولغاية النهاردة نلاقى ملايين من البشر بترفض قبول هذه الحقيقة اللاهوتية لأنهم بيحاولوا يناقشوها بعقلهم المحدود ومش قادرين يفهموا أن الله غير محدود فى كل أموره، وبالتالي لايستحيل عليه أى شئ فى الوجود. يعنى لما ربنا يقرر أمراً فلا رادٍ لقضائه. ولأن ربنا هو اللى قرر سر التجسد، يبقى ماحدث عاقل يناقش ربنا فى أمره. وماحدث عاقل يرفض قرارات الله اللى تم تنفيذها ويحاول فرض تفكيره المحدود على الله الغير محدود!!!

ولأن سر التجسد هو سر فائق العظمة، علشان كده العذراء المختارة لهذا التدبير الإلهي ما ينفعش إنها تكون إنسانة عادية وبسيطة فى تعليمها زى أى إنسانة عادية لحسن عقلها يحصل له حاجة لما تحس بعظمة وخطورة العمل اللى حتقوم بيه، وده أمر لايليق بالتدبير الإلهي وكرامة الله اللانهائية.

وزى ما حنشوف فى سطور هذا الكتاب العذرا مريم تمتعت بذكاء شديد، وصفاء نفس تفوق كل البشر، وفى نفس الوقت كانت متواضعة فوق الوصف، وبكده قدرت تتحمل المسؤولية الخطيرة المطلوبة منها من غير ما تهتز شخصيتها، وده فى حد ذاته أمر فوق الوصف وكاف لكى يحترمها ويقدرها كل البشر.

طيب ازاي ربنا أعد العذرا مريم للمسئولية المقدسة؟

احنا عارفين من التاريخ الحديث إن الدول المتقدمة زى أمريكا وروسيا لما قرروا ارسال إنسان للفضاء لدراسة أسرار الكواكب، قاموا بتعليم مجموعة من العلماء، وتدريبهم تدريب تكنولوجى عالى جداً، علشان يقدرُوا يصممُوا ويبنُوا مركبات الفضاء، كمان اختارُوا مجموعة من الطيارين الممتازين، وعملُوا ليهم تدريبات واختبارات صعبة جداً علشان يختارُوا أنسب واحد. وهكذا كان جاجارين هو أول رائد للفضاء يذهب لهذه المهمة الصعبة والتى كانت فى منتهى الجراءة والخطورة.

ولما ندرس سفر الخروج عن تدبير ربنا لإخراج بنى إسرائيل من عبودية فرعون، نلاقيه يختار موسى النبى من بطن أمه. وبعدين رغم اضطهاد فرعون وأوامره بقتل أولاد العبرانيين نلاقى ربنا يحافظ على موسى ويدبر إن بنت فرعون هى اللى تتبناه بنفسها، وتربيته فى القصر لغاية ما بقى عنده أربعين سنة. وهكذا تهذب موسى النبى بكل حكمة المصريين. لكن ده برضه مش كفاية. نبص نلاقى موسى النبى يهرب لصحراء سيناء، ويعيش عند كاهن مديان وبعدين يتجوز بنته. وبكده يبقى موسى النبى إتعلم حكمة كبيرة هى خليط من حكمة المصريين، اللى هى أعظم حضارة مدنية فى العالم فى هذا العصر، وحكمة الصحراء والبرارى، علشان يبقى واحد حكيم جداً يقدر يستحمل المسؤولية الخطيرة المطلوبة منه لما يقود الشعب للخلاص من عبودية فرعون والخروج من أرض مصر، وبعدين يعيشوا تايهين فى البرية أربعين سنة. طيب تعالوا بينا نتأمل فى سر تجسد أقنوم الكلمة من عذراء الذى هو أسمى وأعظم سر فى الوجود. والمنطق الروحانى يقول إن هذا أمر أعظم جداً من إخراج العبرانيين من مصر. وهنا يواجهنا سؤال منطقى مهم جداً:

هل معقول إن ربنا ما يهذبش العذرا مريم بحكمة سماوية تفوق حكمة موسى النبى، علشان

تقدر تقوم بأخطر دور بشرى فى الوجود وهو أمومة كلمة الله المتجسد ؟ مين من البشر
يقدر يستحمل جمر اللاهوت؟

الرد بكل تأكيد ربنا هذب العذرا مريم المختارة بكل حكمة ممكنة.
وبدون شك هى كانت أحكم من كل الأنبياء والرسل والأنبياء، لأن الله ذاته قرر إنها تكون
سماء ثانية يسكن فى أحشائها تسعة أشهر، وأيضا لأنها ستجلس ملكة فى ملكوت السموات
عن يمين رب المجد.

طيب وإيه هو نوع التعليم اللى حتتعلمه العذرا مريم ومين هم المدرسين؟

+ المنطق الروحانى يقول إن العذرا مريم لازم تتعلم الكتب المقدسة وتبقى فاهماها كويس
جداً، خصوصاً وصايا الله والنبوات عن التجسد والخلص.
+ والتقليد يقول لينا إن ربنا بعث ملايكة يزوروها، وطبعاً نقدر نقول إنها كانت بتتعلم فى
الهيكل من الكهنة والمعلمين حاجات كتيرة زى ما بنروح المدرسة.
+ وكمان نقدر نتأمل بالروح ونقول إن الملايكة كانوا زى المدرسين الخصوصيين اللى
بيراجعوا الدروس معاها، وفى نفس الوقت كانوا بيوصلوا ليها دروس خصوصية من الله ذاته.
+ يعنى نقدر نقول إنهم علموها ازاى تصلى وتسبح ربنا طول الوقت زى الملايكة، مش من
أجل خلاص نفسها وبس، ولكن من أجل كل البشر وبالأخص اليتامى، والأرامل، والمحتاجين،
والمتضايقين، وكل إنسان محتاج لمعونة، لأن ده سيكون دورها بعد تجسد أقنوم الكلمة وإلى
نهاية الأيام.

+ كمان ماننساش إن المنطق يقول ممكن جداً إن العذرا مريم إتعرفت على حنة النبوة "وَهِيَ
أَرْمَلَةٌ ... لَا تُفَارِقُ الْهَيْكَلَ، عَابِدَةً بِأَصْوَامٍ وَطَلِبَاتٍ لَيْلاً وَنَهَارًا" (لو2:37)، وطبعاً حنة النبوة
دى كانت فى سن ربما أكبر من جدتها، ويبقى ممكن نقول فى هذه الحالة إن ربنا حرك قلبها
وعطفت على الطفلة مريم، وكانت بتتولى رعايتها وتقدم ليها نصايح غالية وهى صغيرة.
+ وبعدين ممكن نتأمل ونقول إن ربنا حرك قلب القديس زكريا الكاهن ليرعاها الرعاية
الروحانية، وممكن قوى إنه كان بيقدم ليها إرشادات روحية.

+ كمان ممكن إنها تكون قابلت سمعان الشيخ، وفى الغالب عرفت إنه أحد مترجمى العهد
القديم من اللغة العبرية لليونانية فى الإسكندرية من مئات السنين، وإنه مازال عايش بسبب
حيرته فى ترجمة نبوة أشعيا النبى عن حبل العذراء وولادتها لعمانوئيل، وعلشان كده ربنا
بعث له ملاك ليخبره أنه لن يموت إلى أن يرى بنفسه تحقق هذه النبوة.

+ تبقى العذرا مريم إتعلمت فى أعظم وأرقى مدرسة لاهوتية عرفها البشر، وصارت أحكم
كل البشر، لأن المنهج جاى من السما. والملايكة المدرسين كانوا فرحانيين جداً بالمهمة وطبعاً

تمموا عملهم بإخلاص شديد جداً. علشان كده العدرا مريم كمان إتعلمت صفات كثيرة من الملائكة وفاقتهم، يعنى هى اللى بينطبق عليها المثل المشهور "التلميذ الذى فاق معلمه". كقول المزمور (حسب الترجمة القبطية) وكما نصلّى بالأجبية فى صلاة نصف الليل "مَحْبُوبٌ هُوَ اسْمُكَ يَارَبِّ، فَهُوَ طَوَّلَ النَّهَارِ تِلَاوَتِي. عَلَّمْتَنِي وَصَايَاكَ أَفْضَلَ مِنْ أَعْدَائِي لِأَنَّهَا ثَابِتَةٌ لِي إِلَى الْأَبَدِ. أَكْثَرَ مِنْ جَمِيعِ الَّذِينَ يُعَلِّمُونَنِي فَهَمْتُ، لِأَنَّ شَهَادَاتِكَ هِيَ دَرَسِي. أَكْثَرَ مِنَ الشُّيُوخِ فَهَمْتُ، لِأَنِّي طَلَبْتُ وَصَايَاكَ". (مز118- قطعة 13)

+ بس أهم حاجة هى إن الملائكة كانوا بإستمرار يحرسوها ويسبحوا ربنا معاها. آباء الكنيسة علمونا إن اللاهوتيين الحقيقيين هم الأشخاص اللى بيبقوا عايشين مع الله لأنهم بيبحوه من كل قلبهم. وبالتالي معرفتهم ببعض أمور الله بتيجي ليهم كعطية ومكافأة من الله، وهم بالطبع بيستجيبوا ويشكروا الله على هذه النعم.

طيب إيه وضع العدرا مريم فى وسط كل اللاهوتيين؟

العدرا مريم عاشت مع ربنا من صغرها وهى المختارة من الله منذ البداية ليتجسد منها أقنوم الكلمة. علشان كده نسال:

هل فيه أى إنسان يشك أنها أعظم اللاهوتيين وقمتهم فى كل البشر؟!!!

أعتقد إننا لو سألنا كل الأنبياء والرسل وآباء الكنيسة على ممر العصور عن العدرا مريم سيتفقوا بالإجماع على أنها أعظم منهم جميعاً وأنها كانت قمة البشر فى كل المواضع اللاهوتية.

دلوقتى بعد ما شفنا ازاي العدرا مريم تهذبت على إيدين الملائكة تعالوا نتأمل ونشوف ازاي انطبق عليها الشرط الأول من شروط ربنا لإختيارها.

**تأمل فى الشرط الأول
أن تحب الله من كل قلبها**

يعنى إيه تحب الله من كل قلبها؟

قبل ما نرد على هذا السؤال تعالوا نشوف طبيعة علاقة الناس بالله على ممر الأزمنة وخصوصاً وقت العدرا مريم:

* فى ناس غير مؤمنة نهائياً بوجود إله خالق. ودول اللى بنسميهم ملحدين.

* وفى ناس بتؤمن بوجود آلهة عديدة لها سلطان وقدرات أعظم من البشر، ولكن لأنهم لا يعرفون الإله الحقيقى نلاقيهم بيصنعوا آلهة من مواد الأرض وبعدين يعبدوها. وكمان فى ناس

يبعدوا الشمس والنجوم، وكمان فى ناس بتعبد المخلوقات الحية، ودول كلهم بنسميهم عبدة الأصنام أو الأوثان أو الكواكب أو المخلوقات ... إلخ.

* وفى ناس بتؤمن بوجود قوة خالقة لكل الكون ولكن لا علاقة لهم مع هذا الخالق. يعنى عايشين يتمتعوا بالدنيا وقلوبهم بيقول "أنا مالى، أنا أعيش فى حالى، والخالق فى حاله، لغاية ما أموت لأنى لا فاهم حاجة، ولا عايز أفهم حاجة".

* وفى ناس برضه بتؤمن بوجود إله خالق لكل الكون، وليهم علاقة مع الخالق، لكنها علاقة عبد خايف ومرعوب من سيده الجبار البأس. علشان كده تلاقيهم يهتموا بتنفيذ بعض الأوامر تجنباً لغضب هذا الجبار وعقابه فى يوم الدينونة.

* وفى ناس بتؤمن بوجود إله خالق لكل الكون، ولكن علاقتهم مع الخالق محركها الأول هو الحب الفائق للخالق مع تقديم العبادة اللائقة، والوقار، والتعظيم، والشكر الدائم.

الناس اللى عندهم هذا الحب الفائق لخالقهم، نلاقيهم يبذلوا أقصى جهد للوصول إلى العشرة الدائمة مع الخالق المحبوب، والعشرة الدائمة تؤدى إلى حياة الطاعة والبذل والتضحية بكل شئ من أجل الحبيب. زى ما أبونا آدم كان عايش فى جنة عدن قبل السقوط.

علشان كده ربنا فى العهد القديم لما إدى موسى النبى الوصايا العشر كانت أول وأهم وصية هى "فَتُحِبُّ الرَّبَّ إِلَهَكَ مِنْ كُلِّ قَلْبِكَ وَمِنْ كُلِّ نَفْسِكَ وَمِنْ كُلِّ قُوَّتِكَ". (تث6:5، تث30:6) والسيد المسيح أكد أهمية هذه الوصية (مت 22:37-38، مر 12:30، لو 10:27). علشان كده لما أقنوم الكلمة يتنازل ويتجسد لأجل خلاصنا، يبقى العذرا مريم اللى حيتجسد منها، لازم تكون فاهمة الهدف من هذا التجسد اللى حيحتاج منها تضحيات كبيرة فوق الوصف.

ومن غير محبة العذرا مريم لربنا من كل قلبها، يبقى مستحيل إنها تقدر تحب البشر. ويبقى مستحيل إنها تبذل التضحيات الصعبة المطلوبة علشان تقوم بمهمتها الصعبة لتتميم سر التجسد. وما تنسوش كلام السيد المسيح "لَأَنْتُمْ بِدُونِي لَا تَقْدِرُونَ أَنْ تَفْعَلُوا شَيْئًا" (يو15:5).

علشان كده نقول بكل ثقة إن العذرا مريم أحبت ربنا من كل قلبها، ولهذا وقف المسيح معاها فى كل الضيقات، والأتعاب والآلام اللى قاستها فى خدمتها المقدسة، وهى أيضا تحملتها بشكر وفرح وتسبيح لله.

+

الله يدبر القرعة الهيكلية لتجنيّد القديس يوسف النجار كخطيب للعذرا مريم

إحنا عارفين من الإنجيل إن القديس يوسف النجار هو خطيب العذرا مريم. وهنا ممكن نسأل:

طيب ازاي القديس يوسف خطب العذرا مريم؟

لما كبرت العذرا مريم وبقت عروسة، جم فى الهيكل وقالوا البنات دى كبرت وماعدش يصح إنها تعيش فى الهيكل، لازم تمشى وتروح تتجوز. طيب نعمل إيه معاها لأن أبوها وأمها ماتوا

وهى بقت يتيمة. قام قالوا نعمل قرعة بين رجال عشيرتها ونشوف مين اللى يتجوزها. والقرعة وقعت على القديس يوسف النجار.

طيب هل القرعة دى كانت عشوائية ؟

التقليد بيقول إن الكهنة جمعوا عصيان الرجال من عشيرتها ووضعوها فى الهيكل، وبعدين عصاية القديس يوسف أفرخت، يعنى طلع فيها فرع صغير فيه ورقة، وده زى ما أفرخت عصا هارون فى العهد القديم (عد17:8، عب9:4). ويقال أيضا إن حمامة بيضاء جميلة استقرت/حلقت إما على رأس القديس يوسف النجار أو على عصاه، فإعتبروا إن القرعة وقعت على صاحب العصا، وده كان راجل كبير فى السن اسمه يوسف وكان نجار فقير، بس كان قديس بار عظيم.

هنا ناخد بالننا إن الحمامة هى رمز للروح القدس، ولأن القرعة دى تمت فى الهيكل ووقتها كان الهيكل مازال بيت الله ومجد الله كان بيحل فيه، إذاً نقدر نقول إنه إعلان من الروح القدس بإن ده هو اختيار الله، وتبقى القرعة من تدبير ربنا لأنه عارف قلوب الناس، وواحدة قديسة عظيمة زى العذرا مريم حيثجسد السيد المسيح منها وفى تدبير الله منذ البداية، يبقى ربنا لازم يحافظ على كرامتها ويمنع الناس من الكلام السخيف عليها لو كانت عايشة لوحديها وتجسد أقنوم الكلمة منها. وعلشان كده نلاقى ربنا يختار ليها قديس بار عظيم يحافظ عليها كبتول دائمة البتولية أكثر مما لو كان أبوها. وده معناه إن القديس يوسف النجار أيضا كان فى تدبير الله منذ البداية.

علشان كده كتير من البنات والعذارى الحكيمات بيتشفعوا بالقديس يوسف النجار لأنه حامى وشفيع العذارى.

هنا فى نقطة لازم نفهمها وهى إن نظام الجواز عند اليهود كان على ثلاث خطوات، وهى الخطوبة يعنى مجرد اتفاق شفوى أو ما يعادل حاليا تلبيس دبل، وبعدين عقد جواز فى الهيكل دون أن يعاشرها كزوجة، وبعدين الفرح وهنا تصبح زوجة فعلية.

فالعذرا مريم والقديس يوسف كانوا عاملين العقد فى الهيكل علشان يقدر ياخذها بيته فى أى وقت بس مش متجوزين. لأنها كانت نادرة نفسها تفضل بتول راهبة لربنا والقديس يوسف كان عارف كده وموافق. وعلشان كده النص العربى للإنجيل يقول مخطوبة ليوسف، وفى النص الإنجليزى Espoused وكانوا عايشين مع بعض زى الإخوات.

طيب إمتى ربنا اختار القديس يوسف النجار لحراسة العذرا مريم من كلام الناس؟

قبل ما نرد على السؤال ده تعالوا بينا نفكر بعيد عن العدرا مريم علشان نفهم الموضوع ده كويس.

لما يكون فى ملك عظيم جداً عنده بنت وحيدة وديعة ومحبوبة جداً، وبعدين يجى سن زواجها، المنطق يقول إن الملك لازم يختار ليها أحسن عريس فى المملكة لأنها هى أيضا حتكون ملكة عظيمة.

طيب مش العدرا مريم هى بنت ربنا المحبوبة جداً ليه؟

بكل تأكيد العدرا مريم هى بنت ربنا المحبوبة جداً ليه لأنها فى تدبيره منذ البداية، وهى الملكة التى تجلس عن يمين ربنا يسوع المسيح. علشان كده لازم نسأل نفسنا سؤال منطقى:

إذا كانت العدرا مريم هى بنت ربنا المحبوبة جداً ليه، فهل معقول إن ربنا يتجسد من غير مايكون دبر الرجل الذى سيتحمل مسئولية رعايتها وحمايتها من السنة الناس؟

من دراستنا للإنجيل نقدر نعرف تدبير الله لخلاص البشر، وإنه لما يأتى ملء الزمان سيتجسد أقنوم الكلمة من عذراء. ولأن هذا أمر لم يحدث من قبل، ولن يحدث ثانية، يبقى لازم يكون هناك رجل فى الصورة أمام الناس ليحميها من الناس الغير فاهمة لهذا السر الفائق. لأنها لو كانت عايشة لوحدها وبعدين ظهرت عليها علامات الحمل ماحدش كان حيصدقها لو قالت ليهم عن بشارة الملاك خصوصاً إن الأمر فوق إدراك البشر، وكان ممكن قوى إنهم يروحوا للكهنة ويحكموا عليها بالرجم حسب الشريعة.

يبقى ربنا هو الذى اختار القديس يوسف ليكون الحارس الأمين للعدرا مريم.

يعنى قصاد الناس يبدو كأنه زوج العدرا مريم ووالد للمسيح. ولكن فى الحقيقة هو حارس أمين لبتوليته، وخادم مطيع لله، بينفذ أوامر إلهية من غير مناقشة.

طيب هل هذا الحارس حيكون راجل عادى زى معظم البشر أم سيكون شخصية مخصصة؟

قطعاً إذا كان الملك الأرضى بيختار أحسن رجل لبنته، فيبقى المنطق الروحانى يقول إن حارس العدرا مريم لازم يكون نقاوة على الفرازة الإلهية، لأنها بنت الله والمختارة من الله لتكون أم ملك الملوك ورب الأرباب.

كمان فى نقطة ثانية، العدرا مريم عايشة حياة الصلاة الدائمة ونادرة نفسها للبتولية، وندرها مقبول ومحبوب من الله ذاته لأنها هى المختارة، يبقى الحارس المختار من الله لازم هو كمان يكون من نفس الطراز، يعنى لازم يكون عايش حياة الصلاة الدائمة، وبتول نادر نفسه لله،

والكلام ده مش غريب على اليهود فى هذا الزمان. وأكثر من كده، ده لازم يكون إنسان فى قمة العفة لا ينظر إلى عذراء أكثر من أيوب الصديق اللى قال عن نفسه "عَهْدًا قَطَعْتُ لِعَيْنِي، فَكَيْفَ أَتَطَّلُعُ فِي عَذْرَاءٍ" (أى 1:31).

كمان لازم يكون إنسان غير متبرم، يطيع ربنا بدون مناقشة، لأن الأيام اللى حيتولى فيها مسئولية رعايتها ويبقى ولى أمر الطفل يسوع حتكون أيام مش سهلة أبداً، لأنها مليانة مشقات السفر الطويل لمصر، والرجوع للناصره، بسبب محاولات هيرودس قتل الطفل. لكن الأهم، هو إنه يتقبل كل هذه المتاعب بفرح.

الصفات دى واضحة جداً فى شخصية القديس يوسف لأن الإنجيل لا يذكر أى شئ عنه سوى إنه **بار** وأنه أطاع أمر الملاك بالهروب لمصر فوراً (مت 2:14). يبقى هو فعلاً كان قديس عظيم جداً ووديع وهادى جداً.

علشان كده وزى ما العدرا مريم، أعظم وأظهر امرأة فى تاريخ البشرية، كانت فى فكر الله منذ البداية والله اختارها لدور مهم جداً جداً لتدبيره الإلهى لخلاص كل البشر، يبقى المنطق الروحانى يقول إنه كمان القديس يوسف كان رجل بتول طاهر وعظيم جداً لأنه فى فكر الله منذ البداية، أى فى نفس الوقت اللى ربنا اختار العدرا مريم ليتجسد منها.

شخصية القديس يوسف النجار البار

س: طيب إيه هى الصفات المهمة اللى خلت ربنا يختار القديس يوسف النجار لرعاية العدرا مريم من كلام الناس؟

معروف لينا إن ربنا اختار القديس يوسف ليكون حارساً للعدرا مريم من السنة الناس وهنا حندرس الموضوع من زاويتين:

1- توافق الشخصيتين Compatibility of personalities.

2- شهادة الإنجيل عن القديس يوسف النجار.

1- توافق الشخصيتين Compatibility of personalities

إحنا فى حياتنا العامة دايماً نسمع النصائح بإن أهم عناصر نجاح الزواج هى أن يكون الزوجين متقاربين فى التدين، والطباع، والعادات، والتقاليد، والأخلاق، يعنى كلما اقتربا من بعض كلما ازدادت عناصر الزواج الناجح.

ورغم أن القديس يوسف لم يتزوج من العدرا مريم، ولكنه بحسب الشريعة هو رجلها، والرجل هو رأس المرأة حسب كلام الإنجيل، أى أن القديس يوسف صار هو المسئول عنها أمام المجتمع كما لو كانت زوجة لأنه عقد كتاب زواجها بالهيكل، وبالتالي هى مطالبة بطاعته،

ولكنهما عاشا متبتلين كإخوة. وده يفسر السبب ليه إن الملاك ظهر للقديس يوسف وأمره بأخذ الطفل وأمه والهروب لمصر ولم يظهر للعدرا مريم. هنا لازم نسأل سؤال:

هل معقول إن الله يختار إنسان ليرعى أم قدوس القديسين دون أن يكون هناك توافق بين الشخصيتين؟

الله هو فاحص القلوب، وهو زى ما شرحنا اختار العدرا مريم من البداية وكذلك اختار القديس يوسف أيضا من البداية. يبقى بدون أدنى شك كان هناك توافق شديد بين الشخصيتين سواء من جهة الإيمان، أو الأخلاق، أو الطباع ... إلخ ليس لأنه سيتزوجها ولكن لأنه سيتولى حمايتها لسنوات.

تعالوا نعمل مقارنة سريعة بين الشخصيتين.

(أ) - حياة التبتل انتظارا للخلص: معروف من التاريخ إنه ظهرت حركة تبتل ونسك مشهورة بين اليهود قبل تجسد السيد المسيح بفترة. وكانوا منتظمين فى أصوام وصلوات حارة فى انتظار المسيا المخلص، وكان بعضهم عايشين متبتلين كالرهبان فى المغاير، والآخرين متبتلين فى العالم، يعنى بيشتغلوا. واللى بيشتغلوا كانوا بيعتوا للنسك فى المغاير معونات، سواء من كتب أو أكل ... إلخ. والناس اللى فى العالم كانوا أيضا مواظبين على أصوام وصلوات كثيرة فى هيكل أورشليم.

ومن هنا نفهم ليه القديس لوقا أشار إلى هؤلاء وهو يشرح مقابلة العدرا مريم معهم لما راحت الهيكل لتكمل طقس التطهير بعد أربعين يوم من ميلاد يسوع:

22 وَلَمَّا تَمَّتْ أَيَّامُ تَطْهِيرِهَا، حَسَبَ شَرِيعَةِ مُوسَى، صَعِدُوا بِهِ إِلَى أُورُشَلِيمَ لِيُقَدِّمُوهُ لِلرَّبِّ، ... 36 وَكَانَتْ نَبِيَّةً، حَنَّةُ بِنْتُ فَنُوَيْلَ مِنْ سِبْطِ أَشِيرَ، وَهِيَ مُتَقَدِّمَةٌ فِي أَيَّامٍ كَثِيرَةٍ، قَدْ عَاشَتْ مَعَ زَوْجٍ سَبْعَ سِنِينَ بَعْدَ بُغُورِيَّتِهَا. 37 وَهِيَ أَرْمَلَةٌ نَحْوَ أَرْبَعِ وَثَمَانِينَ سَنَةً، لَا تَفَارِقُ الْهَيْكَلَ، عَابِدَةً بِأَصْوَامٍ وَطَلِبَاتٍ لَيْلًا وَنَهَارًا. 38 فَهِيَ فِي تِلْكَ السَّاعَةِ وَقَفَتْ تُسَبِّحُ الرَّبَّ، وَتَكَلَّمَتْ عَنْهُ مَعَ جَمِيعِ الْمُنتَظِرِينَ فِدَاءً فِي أُورُشَلِيمَ. (لو 2: 22-38)

إذاً كان هناك عدد كبير فى الهيكل منتظرين الخلاص، وبالمناطق هذا يشمل رجال ونساء من المنتظمين فى هذه الحركة. ولو ناخذ بالناس من حديث العدرا مريم مع القديسة أليصابات نقدر نفهم إنها هى أيضا كانت منتظرة الخلاص وده سبب تبتلها.

ولو تأملنا فى وضع القديس يوسف نقدر نقول إنه هو كمان كان عايش متبتل فى انتظار الخلاص، لأنه مش معقول أن الله يختار حارس للعدرا مريم وليس فى قلبه اشتياقات الخلاص، والدليل على هذا إنه قبل كلام الملاك عن الحبل المقدس بدون مناقشة، عكس زكريا الكاهن

الى ناقش الملاك عندما بشره بميلاد ابن له وزوجته فى سن متقدمة. كمان ماتنسوش إن بعض أنبياء العهد القديم عاشوا طول عمرهم فى حياة التبتل والتفانى فى خدمة الله. **طيب هل القديس يوسف أقل منهم فى إخلاصه للخدمة الموضوعة عليه؟!!! مستحيل، مستحيل، مستحيل.**

لهذا نقدر نقول بكل ثقة إنه مش معقول أن يختار الله إلا البتول ليرعى البتول أم البتول و قدوس القديسين "لأن الله غير مجربٍ بالشُّرورِ، وَهُوَ لَا يُجْرَبُ أَحَدًا" (يع1:13).

(ب) حياة الهدوء وقلة الكلام: العدرا مريم كانت هادئة جداً وقليلة الكلام. ولو درسنا ماجاء بالإنجيل عن القديس يوسف حنكتشف إن الإنجيل لم يذكر كلمة واحدة على لسانه، إذاً فهو كان مثل العدرا مريم من جهة قلة الكلام. وده معناه إنه كان عايش حياة التأمل والهديز والتسليم الكامل لإرادة الله.

ولما نشوف شهادة الإنجيل ونقارن بينه وبين أبرار الكتاب المقدس حنكتكشف صفات وطباع أخرى مشتركة.

2- شهادة الإنجيل عن القديس يوسف النجار

حسب الكلام المكتوب بإرشاد الروح القدس فى بشارة معلمنا القديس متى "فِيُوسُفُ رَجُلُهَا إِذْ كَانَ بَارًّا، وَلَمْ يَشَأْ أَنْ يُشْهِرَهَا، أَرَادَ تَخْلِيَتَهَا سِرًّا" (مت1:19). يبقى مافيش شهادة أعظم من كلام الإنجيل الذى نفهم منه شخصية هذا الرجل القديس البار اللى اختاره الله ذاته منذ البداية ليرعى أم قدوس القديسين.

ولأن المنطق الروحانى يقول إنه لا يليق بالله أن يختار أى رجل ليرعى أم قدوس القديسين، يبقى نقدر نقول إن القديس يوسف النجار هو أيضا أبر رجل فى تاريخ البشر.

فى ناس حتسأل وتقول طيب عرفنا ازاى إن القديس يوسف النجار هو أبر واحد فى كل الأبرار المذكورين فى الإنجيل؟

فى كل صفحات الإنجيل نلاقى إنه ذكر عدة شخصيات تانية بالإضافة إلى القديس يوسف النجار اللى وصفهم بأنهم أبرار. تعالوا بينا نراجع أسماء الأبرار اللى ذكرهم الإنجيل.

1- نوح البار "هذه مواليد نوح: كان نوح رجلاً باراً كاملاً فى أجياله. وسار نوح مع الله." (تك6:9). " وَقَالَ الرَّبُّ لِنُوحٍ: ادْخُلْ أَنْتَ وَجَمِيعُ بَيْتِكَ إِلَى الْفُلْكِ، لَأَتِي إِيَّاكَ رَأَيْتُ بَارًّا لَدَيَّ فِي هَذَا الْجِيلِ." (تك1:7).

2- أبرام (إبراهيم) "فَأَمَّنَ بِالرَّبِّ فَحَسِبَهُ لَهُ بَرًّا." (تك15:6).

3- لوط البار: "وَأُنْقَذَ لُوطًا الْبَارُّ، مَغْلُوبًا مِنْ سِيرَةِ الْأَرْدِيَاءِ فِي الدَّعَارَةِ. إِذْ كَانَ الْبَارُّ، بِالنَّظَرِ وَالسَّمْعِ وَهُوَ سَاكِنٌ بَيْنَهُمْ، يُعَذِّبُ يَوْمًا فَيَوْمًا نَفْسَهُ الْبَارَّةَ بِالْأَفْعَالِ الْإِثْمَةِ." (بط2:7-8).

4- سمعان الشيخ اللى شال الطفل يسوع على دراعه "وَكَانَ رَجُلٌ فِي أُورُشَلِيمَ اسْمُهُ سِمْعَانُ، وَهَذَا الرَّجُلُ كَانَ بَارًّا تَقِيًّا يَنْتَظِرُ تَغْزِيَةَ إِسْرَائِيلَ، وَالرُّوحُ الْقُدُسُ كَانَ عَلَيْهِ." (لو2:25).

5- زكريا الكاهن أبو يوحنا المعمدان "كَانَ فِي أَيَّامِ هِيرُودُسَ مَلِكِ الْيَهُودِيَّةِ كَاهِنٌ اسْمُهُ زَكْرِيَّا مِنْ فِرْقَةِ أَبِييَا، وَامْرَأَتُهُ مِنْ بَنَاتِ هَارُونَ وَاسْمُهَا أَلِيصَابَاتُ. 6 وَكَانَا كِلَاهُمَا بَارَّيْنِ أَمَامَ اللَّهِ، سَالِكَيْنِ فِي جَمِيعِ وَصَايَا الرَّبِّ وَأَحْكَامِهِ بِلاَ لَوْمٍ." (لو1:5-6)

6- يوحنا المعمدان أعظم مواليد النساء بشهادة السيد المسيح (مت11:11).

7- يوسف الذى من الرامة اللى دفن السيد المسيح فى مقبرته "وَإِذَا رَجُلٌ اسْمُهُ يُوسُفُ، وَكَانَ مُشِيرًا وَرَجُلًا صَالِحًا بَارًّا." (لو23:50). هذا الرجل كان شجاعاً جداً لأنه ماخافش من اليهود ولا من بيلاطس وقام بتكفين جسد الرب ودفنه.

8- كرنيليوس قائد المئة وهو غير يهودى لكن كان مؤمناً بربنا ومنتظراً خلاص الرب "فَقَالُوا: إِنَّ كَرْنِيلْيُوسَ قَائِدَ مِئَةٍ، رَجُلًا بَارًّا وَخَائِفَ اللَّهِ وَمَشْهُودًا لَهُ مِنْ كُلِّ أُمَّةِ الْيَهُودِ، أُوحِيَ إِلَيْهِ بِمَلَاكٍ مُقَدَّسٍ أَنْ يَسْتَدْعِيكَ إِلَى بَيْتِهِ وَيَسْمَعَ مِنْكَ كَلَامًا.." (أع10:22).

تعالوا بينا نعمل مقارنة بين الأبرار دول وبين القديس يوسف النجار:

+ رفض الشر: واضح من كل الكلام اللى فات إن نوح عاش فى وسط أشرار، ومع ذلك رفض إنه يجاريهم فى أفكارهم وأعمالهم، وعلشان كده أحبه الله. وبعديه بمئات السنين ابراهيم ولوط اتصرفوا زيه تمام.

طيب هل معقول إن القديس يوسف المختار من الله يكون أقل منهم؟ وهل هو كان موافق على أى شر بيحصل فى عصره؟ قطعاً لا.

+ طاعة الله: نوح كان مطيع جداً لله لما أمره بصنع الفلك وتحمل سخرية الناس اللى حواليه. وكمان إبراهيم أطاع أمر الله لما أمره بترك عشيرته، ولما أمره بتقديم ابنه وحيد. وكمان لوط أطاع أمر الله لما أمره الملاك بالخروج من سدوم وعدم النظر للخلف، وسمع الكلام على طول من غير مناقشة. وكرنيليوس قائد المئة أول ما الملاك ظهر ليه وأمره بإستدعاء بطرس الرسول ليسمع منه عن الإيمان على الفور بعت له عساكر، وبمجرد ماسمع من بطرس الرسول آمن هو وكل أهل بيته ومن شدة إيمانه حل عليهم الروح القدس أثناء عظة القديس بطرس الرسول، وهكذا ألزم الروح القدس بطرس الرسول بتعميدهم، ولما احتج اليهود أقتنعهم بطرس الرسول بأنها إرادة الله (أع 10:1 - 11:18).

طيب ما هو القديس يوسف كان مطيع جداً لله، ولم يناقش الملاك لما طمنه بخصوص الحبل المقدس، ولا لما أمر الحاكم بالإكتتاب كل واحد فى بلده الأصلية، ولا لما ربنا بعت الملاك ليأمره بالهروب بالصبي وأمه لمصر، وبعد كام سنة لما أمره مرة ثانية بالرجوع لبلده.

+ **الصلاة:** كل الأبرار اللى ذكرنا أسماءهم كانوا بيصلوا. بس فى نقطة ناخذ بالناس منها وهى إنه لما نوح كان عايش داخل الفلك أثناء الفيضان أكيد كان بيصلى من أجل سلامة ونجاة أسرته. لكن القديس يوسف اللى عاش حياة الصلاة الدائمة نقدر نقول إن صلاته ازدادت حرارة من لحظة ما ظهر له الملاك وعرفه بموضوع الحمل المقدس، وأيضاً عندما أمره الملاك بالهروب لمصر، ولغاية عودته للناصره، وأكيد لغاية يوم نياحته، لأنه كان يعيش مع المعلم الشاب يسوع المسيح.

كمان فى نقطة ننتبه ليها وهى إن السيد المسيح علم تلاميذه الصلاة الربانية، والمنطق الروحانى يقول إن المسيح أكيد علم القديس يوسف والعدرا مريم نفس الصلاة. وكمان هل معقول إن القديس يوسف ما صلاش الصلوات السبع مع المسيح والعدرا مريم؟

+ **الشجاعة بسبب الإعتماد على الله:** كل الأبرار اللى ذكرنا أسماءهم كانوا معتمدين على الله وكانوا شجعان. لكن شجاعة القديس يوسف فاقتهم لأنه أخذ العدرا مريم وطفلها يسوع على حمار ومعاهم قليل من الطعام لايكفى للرحلة الطويلة، ومشى على رجليه فى وسط طريق صحراوى صعب جداً مليان لصوص وقطاع طرق، وبعدين فى مصر عاشوا مرتحلين من بلد لبلد لغاية ما رجعوا للناصره. وده أكبر دليل على إن بره كان أعظم من الكل لأنه نفذ حرفيا المزمور اللى بيقول "إِذَا سِرْتُ فِي وَادِي ظِلِّ الْمَوْتِ لَا أَخَافُ شَرًّا، لِأَنَّكَ أَنْتَ مَعِيَ. عَصَاكَ وَعِصَاكَ هُمَا يُعْزِيَانِي" (مز 4:22 قبطى/سبعينى، أو 4:23 بيروتى).

+ **حياة الشكر وصنع الرحمة:** كل الأبرار اللى ذكرنا أسماءهم قدموا ذبائح وصدقات بطريقة أو بأخرى. كمان السيد المسيح قال "إِنِّي أُرِيدُ رَحْمَةً لَا ذَبِيحَةً" (مت 9:13). طيب هل معقول إن القديس يوسف ما صنعش رحمة بالفقراء والمحتاجين فى كل مكان عاش فيه؟

والعمل ده أفضل من الذبائح الحيوانية. لكن أعظم دليل على قلبه المملوء برّاً ورحمة، هو إنه لما لاحظ علامات الحمل على العدرا مريم لم يثر أو يغضب أو ... أو ... وإنما أراد أن يصنع رحمة لما فكر فى تخليتها سرّاً دون أن يجرح مشاعر ها بكلمة.

+ **حياة التهليل وتمجيد الله:** سمعان الشيخ تهلل لما رأى الطفل يسوع وشاله على إيديه لمدة دقائق. كمان كل المرضى اللى لمسوا يسوع وشفاهم مجدوا الله. وإحنا عارفين إن القديس يوسف هو أول من سمع وشاف بعينه معجزة التجسد من العدرا مريم، وأكيد شال الطفل يسوع على إيديه واحتضنه وقبّله لسنوات. كمان عاش مع المسيح 16 – 18 سنة بصفة دائمة. يعنى عرف المسيح أكثر من الرسل اللى عاشوا مع المسيح ثلاث سنين ونصف. ونقدر نقول بثقة إن القديس يوسف تتلمذ للمسيح فى هذه الفترة.

طبيب هل معقول إن السيد المسيح، الطبيب الحقيقي مامدش إيده وشفى القديس يوسف من أمراضه، لو كان مريضاً؟ وبالتالي هل معقول إن القديس يوسف النجار ما تهللش ومجد الله أكثر من كل الناس اللى شفاهم المسيح لما شعر بشفاء أمراضه لأنه شال الطفل يسوع على ذراعيه أو كتفه كما يفعل البعض؟ ورغم إن الإنجيل لم يذكر شئ عن أعمال المسيح قبل بدء كرازته، لكن ممكن قوى إن السيد المسيح يكون شفى أطفال كثير من الأطفال اللى تقابل معهم خصوصاً فى مصر، لأنهم كانوا ببسافروا كثير وبالتالي ما يلحشش الخبر يتعرف والناس تبتدى تتجمع حواليه.

يبقى من كل ما سبق نقدر نقول بثقة فائقة إن القديس يوسف نال بركات فائقة من عشرته مع السيد المسيح لسنوات، وفاق كل الأبرار المذكورين فى الكتاب المقدس.

كمان يجب ألا ننسى أن القديس يوسف اشتغل وعرق ليطعم المسيح والعدرا مريم، ولأن الله لا ينسى كأس ماء بارد فما بالكم بالغذاء لسنوات؟!!! ونقدر نقول إن القديس يوسف أكيد شعر بفرح لا ينطق به وهو يطعم المسيح والعدرا مريم من عرق جبينه عندما كان طفلاً، وأيضاً عندما اشترى ما يحتاجونه من طعام.

وهنا نتأمل ونقول إن الله فاحص القلوب أراح هذا القلب الحنون جداً فأراحه من عذاب رؤية غدر اليهود ورفضهم لرسالة الخلاص، خصوصاً فى لحظات المحاكمة والصلب.

هنا فى ناس حتسأل وتقول لكن السيد المسيح شهد ليوحنا المعمدان وقال إنه أعظم المولودين من النساء، يبقى ازاي نقول إن القديس يوسف النجار هو أبر رجل فى التاريخ؟

الرد بسيط. تعالوا نراجع كلام السيد المسيح عن يوحنا المعمدان "9لَكِنْ مَاذَا خَرَجْتُمْ لَتَنْتَظَرُوا؟ أَنْبِيَاءُ؟ نَعَمْ، أَقُولُ لَكُمْ، وَأَفْضَلُ مِنْ نَبِيِّ. 10فَإِنَّ هَذَا هُوَ الَّذِي كُتِبَ عَنْهُ: هَا أَنَا أُرْسِلُ أَمَامَ وَجْهِكَ مَلَكِي الَّذِي يَهَيِّئُ طَرِيقَكَ قُدَّامَكَ. 11الْحَقُّ أَقُولُ لَكُمْ: لَمْ يَقُمْ بَيْنَ الْمَوْلُودِينَ مِنَ النِّسَاءِ أَعْظَمُ مِنْ يُوْحَنَّا الْمَعْمَدَانِ، وَلَكِنَّ الْأَصْغَرَ فِي مَلَكُوتِ السَّمَاوَاتِ أَعْظَمُ مِنْهُ." (مت 9:11-11).
لو درسنا هذا الكلام وتأملنا فيه بعمق حناحظ الآتى:

أول حاجة: السيد المسيح قال عن يوحنا المعمدان إنه نبي وأعظم من نبي، لأن الأنبياء تنبأوا عن يوحنا المعمدان (أش 40:3، مل 3:1) بسبب إن دوره كان على ومهم لإعداد الشعب لقبول كرازة المسيح.

لكن القديس يوسف النجار مش نبي ولكن دوره هو دور خفى مكلف به من الله القدوس ذاته بغرض حماية العدرا مريم من كلام الناس.

تاني حاجة: القديس يوسف كان ولى أمر السيد المسيح، وفى نظر الشعب هو أبو السيد المسيح "وَلَمَّا ابْتَدَأَ يَسُوعُ كَانَ لَهُ نَحْوُ ثَلَاثِينَ سَنَةً، وَهُوَ عَلَى مَا كَانَ يُظَنُّ ابْنُ يَوْسُفَ، بَنٍ

هَالِي" (لو3:23)، لأن سر التجسد كان غير معلن بعد، ولأن الشعب ما كانش لسه شاف معجزات. كمان القديس يوسف كان قد تنيح قبل وقت بداية كرازة ربنا يسوع بعدة سنوات (12-14 سنة). وأيضاً دوره كان كولى أمر للطفل قدام الشعب لغاية ما يبقى شاب يقبله المجتمع كمسئول عن رعاية أمه القديسة مريم ويشغل كنجار علشان يقدر يقوم بمصاريف الحياة، رغم أنه هو الرازق. وطبعاً ده لأنه تواضع "لَكِنَّهُ أَخْلَى نَفْسَهُ، آخِذاً صُورَةَ عَبْدٍ، صَائِراً فِي شِبْهِ النَّاسِ." (فى 2 : 7).

يبقى مش معقول إنه يتكلم عن شخص غير موجود، ولا معروف شخصياً للناس كتيرة، وفى نظرهم ده أبوه.

كمان متنسوش إن السيد المسيح رغم أنه طوب جميع فضائل العدرا مريم زى ما حنشوف فى الباب العاشر فى موعظته على الجبل وأيضاً فى كرازته، لكنه لم يذكر اسمها ولا مرة واحدة علانية رغم إنها أقدس إنسانة فى الوجود، ومكانتها عند ربنا أعظم بكثير من يوحنا المعمدان وكل الأنبياء والأبرار. السيد المسيح هو فاحص القلوب وهو عارف مكانة العدرا مريم ومكانة القديس يوسف النجار عنده.

كمان ما ننساش إن شهادة المسيح للقديس يوحنا المعمدان هى مهمة جداً لتشجيع الشعب على قبول المعمودية يوحنا المعمدان للتوبة، وبكده يستعدوا لقبول كرازة يسوع، وبعدين يقبلوا المعمودية العهد الجديد زى ما هو مكتوب فى سفر أعمال الرسل. أما العدرا مريم والقديس يوسف فليس لهم أى عمل كرازى فى هذا الوقت، وبالتالي ليس هناك ما يدعو لكى يتكلم عنهم.

البشارة المفرحة

بشارة الملاك للعدرا مريم بتجسد أقنوم الكلمة
تأمل فى حوار العدرا مريم والملاك غبريال
العدراء فى أقدم حالة عند البشارة
العدرا مريم تمتلئ من النعمة
زيارة العدرا مريم لأليصابات
الملاك يطمئن القديس يوسف النجار

بشارة الملاك للعدرا مريم بتجسد أقنوم الكلمة
"طَاطَأَ السَّمَاوَاتِ وَنَزَلَ وَضَبَابٌ تَحْتَ رِجْلَيْهِ"
(2صم 10:22، مز 9:17 قبطى)

تعالوا نبحث ونتأمل فى هذا الموضوع من عدة زوايا وبعضها تكرر لما سبق التامل فيها فى كتاب "إليه إحنا مسيحيين" الطبعة الثانية.

لما نيجى نتكلم عن بشارة الملاك للعدرا مريم بالحبل المقدس لازم نرجع للعهد القديم ونتعرف على الظروف اللى تكلم فيها ربنا مع موسى النبى. وهنا حناخد موقفين وحناحظ إن الموقف فى المرتين كان رهيب ومخيف ومرعب جداً جداً.

المرّة الأولى فى سيناء لما ربنا كلم موسى النبى من داخل العليقة المشتعلة بالنار دون أن تحترق علشان يعطيه أمر تكليف إلهى بالرجوع لمصر لإخراج شعبه من عبودية فرعون.
"وَوَظَّهَرَ لَهُ مَلَكُ الرَّبِّ بِلَهَيْبِ نَارٍ مِنْ وَسْطِ عُليْقَةٍ فَنَظَرَ وَإِذَا الْعُليْقَةُ تَتَوَقَّدُ بِالنَّارِ وَالْعُليْقَةُ لَمْ تَكُنْ تَحْتَرِقُ! فَقَالَ مُوسَى: أَمِيلُ الْآنَ لَأَنْظُرَ هَذَا الْمَنْظَرَ الْعَظِيمَ. لِمَاذَا لَا تَحْتَرِقُ الْعُليْقَةُ؟" (خر3:2-3).

المرّة الثانية بعدما أخرج الله العبرانيين من أرض مصر علشان يعطى موسى النبى الوصايا العشر.

"فَقَالَ الرَّبُّ لِمُوسَى: اذْهَبْ إِلَى الشَّعْبِ وَقَدِّسْهُمْ الْيَوْمَ وَغَدًا وَلْيَغْسِلُوا ثِيَابَهُمْ وَيَكُونُوا مُسْتَعِدِّينَ لِلْيَوْمِ الثَّالِثِ. لَأَنَّهُ فِي الْيَوْمِ الثَّالِثِ يَنْزِلُ الرَّبُّ أَمَامَ عِيُونِ جَمِيعِ الشَّعْبِ عَلَى جَبَلِ سِينَاءَ. وَتُقِيمُ لِلشَّعْبِ حُدُودًا مِنْ كُلِّ نَاحِيَةٍ قَائِلًا: احْتَزُّوا مِنْ أَنْ تَصْعَدُوا إِلَى الْجَبَلِ أَوْ تَمَسُّوا طَرْفَهُ. كُلُّ مَنْ يَمَسُّ الْجَبَلَ يُقْتَلُ قَتْلًا. لَا تَمَسُّهُ يَدٌ بَلْ يُرْجَمَ رَجْمًا أَوْ يُرْمَى رَمِيًا. بِهِيمَةً كَانَ أَمْ أَنْسَانًا لَا يَعِيشُ. أَمَّا عِنْدَ صَوْتِ الْبُوقِ فَهُمْ يَصْعَدُونَ إِلَى الْجَبَلِ" (خر10:19-13).

"وَحَدَّثَ فِي الْيَوْمِ الثَّالِثِ لَمَّا كَانَ الصَّبَاحُ أَنَّهُ صَارَتْ رُعُودٌ وَبُرُوقٌ وَسَحَابٌ ثَقِيلٌ عَلَى الْجَبَلِ وَصَوْتُ بُوقٍ شَدِيدٌ جَدًّا. فَارْتَدَّ كُلُّ الشَّعْبِ الَّذِي فِي الْمَحَلَّةِ. وَأَخْرَجَ مُوسَى الشَّعْبَ مِنَ الْمَحَلَّةِ لِمُلَاقَاةِ اللَّهِ فَوَقَّفُوا فِي أَسْفَلِ الْجَبَلِ. وَكَانَ جَبَلُ سِينَاءَ كُلُّهُ يُدَخِّنُ مِنْ أَجْلِ أَنَّ الرَّبَّ نَزَلَ عَلَيْهِ بِالنَّارِ وَصَعِدَ دُخَانُهُ كَدُخَانِ الْآتُونِ وَارْتَجَفَ كُلُّ الْجَبَلِ جَدًّا. فَكَانَ صَوْتُ الْبُوقِ يَزْدَادُ اسْتِدَادًا جَدًّا وَمُوسَى يَتَكَلَّمُ وَاللَّهُ يُجِيبُهُ بِصَوْتٍ. وَنَزَلَ الرَّبُّ عَلَى جَبَلِ سِينَاءَ إِلَى رَأْسِ الْجَبَلِ وَدَعَا اللَّهُ مُوسَى إِلَى رَأْسِ الْجَبَلِ" (خر16:19-20).

طيب وإيه دخل أحداث العهد القديم فى موضوع البشارة؟

العليقة دى رمز للعدرا مريم التى حملت جمر اللاهوت فى الحشا البتولى دون أن تحترق.

كمان الناموس والشرعية هي كلام الله اللى إداده لموسى النبى. ولأن المسيح هو أقنوم الكلمة المتجسد من الروح القدس والعدرا مريم زى ما بنقول فى قانون الإيمان. تبقى المقارنة ليها سبب ومعنى مع اختلاف الموقف، لأنه فور قبول العدرا مريم لبشارة الملاك نلاقى الله أقنوم الكلمة (وهو الذى لا تسعه السماء) بيتنازل ويخلى ذاته ليصير مثل الإنسان "لَكِنَّهُ أَخْلَى نَفْسَهُ، آخِذاً صُورَةَ عَبْدٍ، صَائِراً فِي شِبْهِ النَّاسِ." (فى 2:7). علشان كده لازم نسأل نفسنا ونقول:

طيب لما الملاك يجى يزور العدرا مريم علشان يبشرها بتجسد أقنوم الكلمة فى أحشائها، هل ده موقف سهل؟

لأ طبعاً تعالوا نفكر بهدوء ونسأل:

هل زيارة الملاك للعدرا مريم زيارة سريعة يوصل ليها رسالة، وبعدين يقول باى باى ويمشى وخلص؟

قطعاً لا، موقف البشارة موقف رهيب جداً جداً فوق الوصف وأكثر رهبة من الموقف اللى كلم الله فيه موسى النبى وقت نزول الشريعة فى العهد القديم، لأن التجسد هو أمر فوق مفهوم البشر. إحنا نلنا الروح القدس فى المعمودية، ومن أعمال الروح القدس أنه يشهد و يُعَلِّم ويرشد، علشان كده إحنا دلوقتى نقدر نتقبل هذا السر الفائق، لكن لغاية منتهى الأيام حيفضل ناس رافضين لهذا السر.

كمان لو قرينا نص البشارة فى الإنجيل بتمعن ودخلنا إلى العمق، حنعرف على طول إن **الثالوث القدوس كان حاضراً فى وقت البشارة**، والنقطة دى حنراجعها بعدين. بس هنا ناخذ بالنا إن الزمن عند الله هو فى الزمن الحاضر لأن كل الأمور معروفة له. والكلام ده معناه أن كل أمور الخلاص حاضرة أمامه، يعنى ليس هناك ماضى وحاضر ومستقبل زى البشر. (أرجو الرجوع إلى الباب الحادى عشر فى هذه النقطة).
العدرا مريم دارسة النبوات كويس لكن كانت حاسة إنها غير مستحقة لأن تفكر فى هذا الأمر.

لما الملاك جه يبشر العدرا مريم هل بقية الملائكة وكل الطغمت السمائية كانوا عارفين؟

لو فكرنا وتأملنا بهدوء **حنقدر** نقول إنهم كانوا عارفين، ولكن أولاً تعالوا ناخذ مثل: إحنا عارفين إنه لما رئيس دولة كبرى وغنية جداً يقرر أن يزور مكان، نبص نلاقى الحرس بتاعه يروح يجهز السكة قبل ما يوصل.

كمان إحنا عارفين إنه لما رئيس دولة عظمى يزور مكان فى مناسبة هامة جداً، نلاقى مندوبى التلفزيون والإذاعة والصحافة والإنترنت يروحوا لهذا المكان ليذيعوا الخبر على العالم مباشرة.

طيب لما **الثالوث القدوس كان حاضراً** وملك الملوك ورب الأرباب يتواضع ليحل فى الحشا الطاهر، وبعد قبول العدرا مريم للمسئولية حل عليها الروح القدس وامتألت نعمة وحل جمر اللاهوت فى أحشائها،

فهل معقول إن كل الطغمت السماوية تبقى مش دريانة؟!

ده حدث مهم ورهيب جداً جداً فوق الوصف.

وهل معقول إنه مافيش وسيلة سماوية لتوصيل هذا الخبر لكل الطغمت السماوية؟

أكيد فى وسيلة للاتصالات السماوية **لإعلان الطغمت السماوية بهذا الحدث الفائق العظمة** لا نعلم عنها شئ **وبالتأكيد** تفوق كل اختراعات البشر **الحاضرة والقادمة** إلى يوم القيامة.

تبقى لحظة البشارة هى لحظة رهيبة لكل الخليقة، ونقدر نقول بثقة إنه أكيد إن كل الطغمت السماوية كانت زى عساكر الملك واقفين فى خضوع، وخشوع رهيب، وسجود، ومجددين ومسبحين الله على حلول ملء الزمان وقرب تحرير الإنسان من قبضة الشيطان، لأن السما تفرح بتوبة كل البشر.

كمان من دلوقت ورايح تفسير السلم اللى شافه يعقوب فى حلم حيثحقق، والملايكة حتبقى طالعة نازلة بين السما والعدرا مريم لأن اللاهوت المتحد بالجنين فى الحشا هو أيضا مالى الكون كله لأنه غير محدود.

ولأن الإنجيل يقول عن بشارة الملاك للرعاة بعد ميلاد المسيح **"وَوَظَّهَرَ بَعْتَةً مَعَ الْمَلَائِكَةِ جُمُهوْرٌ مِنَ الْجُنْدِ السَّمَاوِيِّ مُسَبِّحِينَ اللَّهَ"** (لو2:13)، علشان كده ورغم إن الإنجيل ذكر إن ملاك واحد هو اللى بشرها، اللى هو رئيس الملايكة الملاك غبريال (جبرائيل بالعربى)، لكن نقدر نتأمل ونقول إن كل الطغمت السماوية كانت فى حالة تهليل وتسبيح وخشوع، لأن البشارة للعدرا مريم أعظم من البشارة للرعاة.

+

العدراء مريم فى أقدس حالة وقت البشارة

طيب ياترى العدرا مريم كانت بتعمل إيه لما جالها الملاك؟

فى الحقيقة الإنجيل ما ذكرش التفاصيل لأن رسالة الخلاص بدم ربنا يسوع المسيح هى الهدف الأساسى من رسالة الإنجيل، لكن ممكن نستنتج حاجات كتيرة بالتأمل فى الكلام القليل اللى ذكر عنها فى الإنجيل.

ربنا وعد أمنا حوا إن نسل المرأة هو اللى حيسحق رأس الحية.

يعنى حيهزم الشيطان، ويحرر الإنسان من سجن إبليس.

لما ربنا أخرج أمنا حواء من جنب أبونا آدم وبعدين سماها امرأة، هنا ناخذ بالناس إن هذه التسمية تمت وهى مازالت عذراء لم تتزوج أبونا آدم بعد.

علشان كده لَمَّا ربنا يوعد إن المخلص سيأتى من امرأة، يبقى ده وعد واضح أن المخلص سيولد من عذراء بدون زرع بشرى.

العدرا مريم هى هذه المرأة العذراء اللى ربنا وعد أبونا آدم وأمنا حوا إن نسلها حيسحق رأس الحية.

زى ما شرحنا عن طفولة العدرا مريم هى كانت عايشة فى الهيكل من ساعة ما والديها نفذوا النذر وودوها للهيكل وهى عندها 3 سنين. وفى الهيكل هى عاشت حياة الصلاة والصوم والتضرع ليلاً ونهاراً، حتى وهى تقوم بكل أعمال الخدمة المطلوبة منها.

وأكيد هى عاشت على هذا النظام طول حياتها ولغاية وقت نياحتها.

يبقى الملاك لما جه يبشرها بأقدس وأعظم سر فى الوجود، أكيد هى كانت فى قمة حياتها الروحية، يعنى مشغولة جداً فى صلواتها وأصوامها وتضرعاتها من أجل إن ربنا يرفع غضبه عن البشر ويبعت المخلص سريعاً. يعنى كانت فى حالة أسمى وأعظم من الحالة اللى ممكن يوصل ليها أى شخص، سواء من الأنبياء، أو الرسل، أو من طبقة السواح المسيحيين العابدين، لأن الدور اللى حتقوم بيه هو أقدس ما يمكن أن يقوم به أى بشر.

طيب ازاي إتأكدنا إن العدرا مريم كانت بتصلى لما جالها الملاك؟

لو فكرنا وتأملنا بالمنطق الروحانى نقدر نقول إن فى أسباب منطقية كثيرة تؤكد أنها كانت بتصلى، تعالوا بينا نراجع بعض الأسباب:

أول سبب: هذه اللحظة الرهيبة بتفكرنا بيوم ما ربنا خلق أبونا آدم، لأن البشارة هى لحظة البداية لخلقة جديدة للبشر لما يتم الخلاص. علشان كده نقدر نقول إن كل الطغمت السمائية كانت فى قمة الإنتباه لما الملاك جه يبشر العدرا مريم بأقدس وأعظم سر فى الوجود. فمش معقول إن ربنا يختار وقت تكون العدرا مريم مشغولة بأى حاجة غير الصلاة والصوم والتضرع.

تانى سبب: إحنا عارفين إن الملاك بشر زكريا الكاهن وهو بيخدم فى الهيكل بميلاد يوحنا المعمدان اللى جاي يعد الطريق لمجئ المسيح المخلص. وإحنا كلنا متفقين إن السيد المسيح أعظم جداً جداً من يوحنا المعمدان، إذاً البشارة بتجسده هى أعظم جداً جداً من البشارة بميلاد يوحنا المعمدان،

طيب هل معقول إن العدرا مريم وقت بشارة الملاك لها بتجسد أقنوم الكلمة تكون فى حالة روحية أقل من حالة زكريا الكاهن لما بشره الملاك بميلاد يوحنا المعمدان!!!
قطعا العدرا مريم لازم تكون فى حالة روحية أعظم وأسمى من حالة زكريا الكاهن الروحية وهو يصلى فى الهيكل.

ثالث سبب: إن ربنا خلق كل البشر، والإنجيل يوصفنا ويقول إننا آنية، البعض آنية للكرامة، والبعض آنية للهوان (رو9:21). وطبعا العدرا مريم هى أقدم وأتمن آنية للكرامة خلقها ربنا، لأن أقنوم الكلمة سيحل فى الحشا البتولى. يبقى هذه الآنية اللى هى أتمن ما فى الوجود مش ممكن تكون مشغولة بأمر العالم فى الوقت اللى سيتم فيه أقدم سر فى تاريخ كل المخلوقات.
رابع سبب: الإنجيل شهد لحنة النبىة بأنها كانت ملازمة للهيكل، من قبل ميلاد العدرا مريم نفسها بعشرات السنين، وكانت تصلى وتصوم وتتضرع لله نهارا وليلا (لو2:37)، وطبعا العدرا مريم عاشت فى الهيكل حياة الصلاة الدائمة، وأعتقد أنها هى وحنة النبىة كانوا أصحاب. يبقى مش معقول إن العدرا مريم المختارة من الله لهذه المسئولية السامية تكون أقل من حنة النبىة فى روحانية التعبد!!!

خامس سبب: ما تنسوش تسبحة العدرا مريم عند زيارتها للقديسة أليصابات، اللى بتؤكد إنها كانت عايشة على درجة فائقة من الحياة الملائكية المسبحة لله نهارا وليلا (لو2:46-55).
علشان كده نقدر نستنتج بثقة بالغة إن العدرا مريم لما جالها الملاك علشان يبشرها كانت فى قمة الحياة الروحية اللى ممكن يوصل ليها أى بشر، والتي تليق بقداسة ورهبة البشارة. يعنى كانت منفردة لوحدها فى صلوات وتضرعات عميقة وبلجاجة من أجل خلاص كل البشر، لأن قلبها كان دائما مملوء بحب الله، وبالتالي حب كل البشر.

طيب البشارة كانت فين؟

الإنجيل بيحدد مكان البشارة ويقول "26 وَفِي الشَّهْرِ السَّادِسِ أَرْسَلَ جِبْرَائِيلُ الْمَلَاكُ مِنَ اللَّهِ إِلَى مَدِينَةٍ مِنَ الْجَلِيلِ اسْمُهَا نَاصِرَةُ، 27 إِلَى عَذْرَاءَ مَخْطُوبَةٍ لِرَجُلٍ مِنْ بَيْتِ دَاوُدَ اسْمُهُ يُوسُفُ. وَاسْمُ الْعَذْرَاءِ مَرْيَمُ" (لو2:26-27). ومن هنا نفهم تعليم الكنيسة إن العدرا مريم عاشت فى بيت القديس يوسف فى الناصرة كبتول طاهرة مستمرة فى عبادتها، زى ما كانت فى الهيكل، حتى وهى بتقوم بجميع الأعمال المنزلية، لأن العمل مش عيب أبدا. لكن البشارة تمت وهى منفردة للصلاة والتضرع.

كمان ممكن نتأمل ونقول إن مكان البشارة، أى بيت العدرا مريم صار أعظم من هيكل أورشليم!!!

طيب ممكن تشرح ازاي بيت العدرا مريم يبقى أكثر قداسة من هيكل أورشليم؟

الشرح بسيط. قداسة هيكل أورشليم سببها إن مجد الله كان بيحل داخله فى أوقات معينة. كمان إحنا عارفين إن الملاك بشر زكريا الكاهن بميلاد القديس يوحنا المعمدان أثناء خدمته فى الهيكل.

وزى ما قلنا وبكل تأكيد وبالمنطق الروحانى بشارة الملاك بتجسد أقنوم الكلمة السيد المسيح من عذراء بتول أعظم جداً جداً من بشارة الملاك بميلاد يوحنا المعمدان من زوجين متقدمين فى السن.

ولأنه من لحظة البشارة حل الله الكلمة فى الحشا البتولى بصفة دائمة لمدة تسعة أشهر، وهكذا صار قدس أقداس.

يبقى العدرا مريم صارت هيكل مقدس لله وبه قدس أقداس حيث ملء اللاهوت موجود بصفة مستمرة دون أن تحترق.

ولأنه من المؤكد إن العدرا مريم عاشت حياة الصلاة والتسبيح الدائم،

وبالتالى خدمة صلواتها فاقت خدمة كهنة هيكل أورشليم،

علشان كدة العدرا مريم صارت فى مكانة أعظم من الهيكل.

ويبقى أى مكان حل فيه بيفكرنا بتابوت العهد القديم وترحاله مع بنى إسرائيل.

ومعروف من العهد القديم إن أى مكان حل فيه تابوت العهد تقديس هذا المكان بوجود التابوت.

وهنا العدرا مريم صارت هيكل مقدس متحرك وفى أحشائها جمر اللاهوت.

وبالتالى أى مكان تكون موجودة فيه يصير أقدس مكان فى الوجود.

(ملحوظة هامة: رغم مكانة العدرا مريم الفائقة لكن السيد المسيح لم يعطها أى سلطة كهنوتية، انظر الباب الثالث عشر).

+

تأمل فى بشارة الملاك غبريال للعدرا مريم

طيب هل العدرا مريم شافت كل الطغيمات السمائية لحظة بشارة الملاك؟

إحنا نقدر نتأمل ونقول إنه فى هذا الموقف الرهيب، ربنا فتح عينين العدرا مريم وشافت السما مفتوحة وكل الطغيمات السمائية الساروفيم، والشاروبيم، والملائكة، ورؤساء الملائكة، والسلاطين، واقفين فى خشوع فائق، ساجدين مسبحين وممجدين ومتهللين من عظمة ما يحدث أمامهم. فالمنظر ده مختلف عن كل المناظر اللى العدرا مريم متعودة عليها فى زيارات الملائكة ليها قبل كده، لأنها متعودة على رؤياهم.

ودلوقت تعالوا بينا نتأمل فى البشارة

ايه مشاعر العدرا مريم لما شافت الطغمت السماوية؟

علشان نفهم رهبة الموقف ده بالنسبة للعدرا مريم، حناخد قصة رمزية علشان تقربنا من الموقف ده.

تعالوا بينا نزور مملكة عظيمة ومعروف لبنات المملكة إن الملك العظيم بيبحث عن عذراء لتكون ملكة عن يمينه. البنات البسيطات المتواضعات حيقولوا إحنا فين والملك فين، لكن نفسهم يفرحوا للملك الكريم. وبعدين فتاة بتول نقية وفقيرة جداً ومتواضعة جداً سيرتها الطاهرة وصلت للملك، فقرر أن يخطبها لنفسه، وبعدين بعت الحرس الملوكى لإعلانها بالقرار الملوكى. وفجأة تلاقى الحرس الملكى واقف قصاها فتخاف من المنظر، خصوصاً لما تحس إن الملك جاى يخطبها، وحتبقى هى ملكة المملكة رغم إنها فقيرة جداً ولم تفكر فى يوم من الأيام فى هذا الأمر.

ياترى إيه مشاعر هذه الفتاة الفقيرة؟

طبعاً مفاجأة جميلة جداً ومفرحة جداً، لكن أيضاً مرعبة فوق الوصف، حتفضل فاكراها طول عمرها.

إحنا عارفين إن كل نفس طاهرة بتحب المسيح هى عروس للمسيح، سواء ذكر أو أنثى، والعدرا مريم رغم إنها أم المسيح بالجسد، لكن روحياً العدرا مريم هى أيضاً أنقى وأطهر عروس للمسيح.

فى موقف البشارة نلاقى العدرا مريم فوجئت بمنظر الطغمت السماوية، ولأنها ذكية جداً، وعلى مستوى روحانى عالى جداً، شعرت على الفور إن فى أمر مهم جداً حيحصل وفعلاً الملاك أعطاها سلام مختلف عن ما هى متعودة عليه.

طيب ايه مشاعر العدرا مريم لما سمعت تحية الملاك؟

لو تأملنا بهدوء نقدر نقول إن العدرا مريم متعودة على منظر الملائكة وزياراتهم علشان يسبحوا ربنا معاها ويصلوا سوا مع بعض. ونقدر نقول إنها كانت بتفرح قوى لما تشوفهم وماكانتش بتخاف منهم أبداً ولا من كلامهم معاها. بس المرة دى حست على طول إن فى حاجة مهمة قوى ورا زيارة الملاك، بس برده مش عارفة هى إيه. فلما سمعت تحية رئيس الملائكة غبريال الإنجيل يقول "اضْطَرَبْتُ مِنْ كَلَامِهِ، وَفَكَّرْتُ مَا عَسَى أَنْ تَكُونَ هَذِهِ التَّحِيَّةُ".

يعنى نقدر نقول إنها فهمت سر وعظمة تحيته "سَلَامٌ لَكَ يَا مُمْتَلِنَةً نِعْمَةً. الرَّبُّ مَعَكَ. مُبَارَكَةٌ أَنْتِ فِي النِّسَاءِ" (لو 1:28)، ونقدر نقول إنه أكيد العذرا مريم شعرت من تحية الملاك إن وراها رسالة من الله.

علشان كده العذرا مريم خافت من هذا الموقف الرهيب جداً جداً لأنها متواضعة جداً بس برضه مش عارفة إيه السبب.

وده سبب إن الملاك طمنها وقال "لَا تَخَافِي يَا مَرْيَمُ، لِأَنَّكَ قَدْ وَجَدْتِ نِعْمَةً عِنْدَ اللَّهِ. وَهَا أَنْتِ سَتَحْبِلِينَ وَتَلِدِينَ ابْنًا وَتُسَمِّيْنَهُ يَسُوعَ. هَذَا يَكُونُ عَظِيمًا، وَابْنُ الْعَلِيِّ يُدْعَى، وَيُعْطِيهِ الرَّبُّ الْإِلَهَ كُرْسِيَّ دَاوُدَ أَبِيهِ. وَيَمْلِكُ عَلَى بَيْتِ يَعْقُوبَ إِلَى الْأَبَدِ، وَلَا يَكُونُ لِمُلْكِهِ نِهَايَةٌ" (لو 1:30-33).

ده كلام مهم قوى، وخلّوا بالكم إن الملاك لما يقول "وَيُعْطِيهِ الرَّبُّ الْإِلَهَ كُرْسِيَّ دَاوُدَ أَبِيهِ. وَيَمْلِكُ عَلَى بَيْتِ يَعْقُوبَ إِلَى الْأَبَدِ، وَلَا يَكُونُ لِمُلْكِهِ نِهَايَةٌ" هو طبعاً ما بيتكلمش على مملكة على الأرض، لأ، ده بيتكلم على مملكة سماوية اللى ما يقدرش الشيطان وأصحابه يقربوا ناحيتها وبرضه بيتكلم علينا لو إحنا مسكنا فى إيد يسوع المسيح ويبقى مافيش حد غيره جوا قلبنا يقوم الشيطان ما يقدرش علينا.

علشان كده منظر البشارة منظر من سابع المستحيلات إن أى فنان عالمى يقدر يعبر عنه بسهولة بفرشة الألوان. ده منظر سماوى روحانى فائق، لأن الأرض والسما صاروا واحد بسبب نزول رب المجد أقنوم الكلمة ليحل فى الحشا الطاهر اللى صار سماء ثانية وقدس أقدس، لكن ما يمنعش إن الفنانين المسيحيين الأتقياء يكتبوا (يرسموا) أيقونات للبشارة بس برضه مش حيقدرنا ينجحوا كما يستحق الموقف.

وكنيستنا بتعيد بعيد البشارة يوم 29 برمهات الموافق 7 أبريل وهو من الأعياد السيديّة الكبرى، وللأسف إحنا بنبقى مشغولين فى أمور الحياة، وما بنهتمش بالعيد ده الإهتمام اللائق، خصوصاً إنه فى معظم السنين بيكون فى وقت الصوم الكبير.

طيب على كده بقى العذرا مريم فرحت بان ربنا حيخليها تولد ملك عظيم وحتبقى أعظم واحدة فى الوجود؟

زى ما قلنا العذرا مريم كانت طيبة ومتواضعة جداً وما فيش فى قلبها حاجة غير حب ربنا. فطبعاً هى استغربت من كلام الملاك لأنها عايشه بتول زى الراهبة مع القديس يوسف وما فيش واحدة بتول بتخلف، فقالت للملاك "كَيْفَ يَكُونُ هَذَا وَأَنَا لَسْتُ أَعْرِفُ رَجُلًا؟" (لو 1:34). يعنى قصدها "أنا عايشة بتول راهبة مع القديس يوسف وما عندناش نية إن إحنا نتجوز زى بقية الناس طول عمرنا. يبقى إزاي حاخلّف؟" فالملاك طمنها وقال ليها "الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تَظَلُّكَ، فَلِذَلِكَ أَيْضًا الْقُدُّوسُ الْمَوْلُودُ مِنْكَ يُدْعَى ابْنُ اللَّهِ" (لو 1:35). الكلام ده مهم قوى وخلّوا بالكم منه لأننا بنكرر ونقول الكلام ده فى قانون الإيمان لما نقول "وتجسد من الروح القدس ومن مريم العذراء". و بعد كده نكمل ونقول "تأنس" والكلمة دى تعتبر

جملة مفيدة معناها إن ربنا يسوع المسيح كبر شوية، شوية لغاية ما كبر وبقي إنسان، راجل كامل زى كل البشر.

طيب ممكن تشرح الكلام ده معناه إيه؟

الكلام اللى قاله الملاك لازم نبقى فاهمينه وحافظينه كويس لأنه بيساعدنا نفهم إيه إحنا مسيحيين.

إحنا قلنا قبل كده إن كلمة الله كان لازم يتجسد من غير تدخل أى رجل ويبقى إنسان زينا ولكن بلا خطية علشان يقدم جسده بالنيابة عن كل البشر.

وده عمل مش ممكن يتم إلا بإرادة ربنا ومرة واحدة بس فى كل تاريخ البشرية، اللى هى ميلاد يسوع المسيح من العذرا مريم.

فدلوقت ربنا بيعمل معجزة كبيرة قوى والملاك جاى يبشر العذرا بأمر فائقة جداً اللى هى تجسد أقنوم الكلمة لخلص كل جنس البشر لما يآمنوا بالسيد المسيح.

وهنا نلاحظ إن الملاك أعلن إن الأقانيم الثلاثة حاضرة فى البشارة، تعالوا نراجع كلمات الملاك للعذرا مريم (لو 1: 28-38):

1- أقنوم الأب: لما يقول "الرَّبُّ مَعَكَ - لَأَنَّكَ قَدْ وَجَدْتَ نِعْمَةً عِنْدَ اللَّهِ - وَقُوَّةُ الْعَلِيِّ تُظَلِّلُكَ". يبقى هنا الملاك بيشير إلى حضور أقنوم الأب الذى يتطلع من السماء إلى المختارة التى وجدت عنده نعمة.

2- وأقنوم الابن: لما يقول "فَلَذَلِكَ أَيْضًا الْقُدُّوسُ الْمَوْلُودُ مِنْكَ يُدْعَى ابْنَ اللَّهِ"، يبقى هنا الملاك بيشير إلى لاهوت أقنوم الابن الذى سيتجسد فى الحشا البتولى لأن كلمة "الْقُدُّوسُ" دى كلمة خاصة بربنا وحده لا غير.

3- وأقنوم الروح القدس لما الملاك يقول "الرُّوحُ الْقُدُّوسُ يَحِلُّ عَلَيْكَ" يبقى هو بيشير إلى أقنوم الروح القدس اللى يحل على العذرا مريم وتمتلئ من النعمة. وهى دى المرة الوحيدة فى كل تاريخ البشر اللى بيحل فيها الروح القدس على أى إنسان ويمتلئ من النعمة.

وبمجرد ما العذرا مريم قبلت دعوة ربنا، حل الروح القدس عليها، وسكن أقنوم الكلمة المتجسد فى أحشائها، يعنى جمر اللاهوت حل فى الحشا البتولى ولم تحترق. واتحد اللاهوت بالانسوت بدون اختلاط ولا امتزاج ولا تغيير. + وعلشان كده يبقى المولود من العذرا هو "ابن الله"

أقنوميا وليس جسديا زى ما ظننت بعض الهرطقات القديمة فى العربة (منطقة قدماء العرب). بس نخلّى بالنّا إن الميلاد الأقنومى هو شئ يخص اللاهوت منذ الأزل اللى عمرنا ما حنقدر نفهم أسرارّه، لكن نأمن بيها لأن هو ده الحق اللى أعلنه ربنا يسوع المسيح لينا صراحة فى العهد الجديد.

وإحنا زى ما قلنا بنؤمن بإله واحد مثلث الأقانيم أب، وابن، وروح قدس اله واحد. فأقنوم الابن هنا بيتجسد ويتولد من العذرا مريم وياخذ جسم زينا بدون خطية آدم وحواء، علشان لما يكبر يقوم يقدم نفسه بالنيابة عنّا ويصالحنا مع الله الأب. دي معجزة عظيمة جداً جداً ما حدش يقدر يفهمها إلا اللى يفتح قلبه ويحب ربنا قوى ويأمن بكلامه وبيسوع المسيح.

وهكذا امتلأت العذرا مريم من نعمة المسيح (انظر الباب الحادى عشر).

ونقدر نقول إنه من هذه اللحظة بدأت علاقة جديدة بين السمايين والأرضيين في شخص العذرا مريم.

كمان نقدر نتأمل ونقول إن اللحظة دي هي ساعة الصفر لبداية تنفيذ خطة الحرب بين السماء والشيطان وكل جنوده. وده يفكرنا بتاريخ الشعوب اللي أرادت أن تتحرر من المستعمر لما يجتمع قواد الجيش مع القائد الأعلى لإعلان ساعة الصفر لبدء حرب التحرير. بس هنا القائد الأعظم ربنا يسوع المسيح بيحارب عدونا ليحررنا من أسره لوحده. وتبقى ساعة الصفر هي لحظة حلول الروح القدس على العذرا مريم، لأنه في هذه اللحظة تم اتحاد اللاهوت بالناسوت بدون اختلاط ولا امتزاج ولا تغيير. وهذا أمر يفوق تصورات الشيطان المغرور اللي افترى إنه قبض على البشر إلى الأبد.

يعنى غير المحدود الذى لا تسعه السموات سيتنازل من مجده الفائق ليسكن فى الحشا البتولى المحدود فيصير قدس أقداس. علشان كده نسال:

طيب ياترى بعد الملاك ما قال للعذرا إن ربنا يسوع المسيح حيثجد منها عملت إيه؟

هنا نبتيء نعرف عظمة العذرا مريم وتواضعها الشديد. الإنجيل يقول إنها قالت للملاك " هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ " (لو 1:38). يعنى قصدها تقول "أنا خادمة ربنا وربنا يدينى زى ما قلت". العذرا مريم اللي كانت ندرا نفسها تعيش بتول راهبة لربنا وما بتفكرش فى إنها تخلف، أول ما سمعت كلام الملاك، وهى طبعاً عارفة ومتأكدة إنه الملاك غبريال جاى من عند ربنا، على طول وافقت إن تكليف ربنا يمشى فوق ندرها من غير مناقشة أو سؤال. وحسب إيمان الكنيسة، الروح القدس حل على العذرا لأن إرادتها خضعت لإرادة ربنا وتم الحمل المقدس من هذه اللحظة.

الكلام ده مهم جداً لأن ربنا ما عندوش إكراه للبشر فى أى عمل أو تدبير من أجل خلاصهم من الشيطان. وزى ما إحنا عارفين ربنا إدى الملائكة وأدم الحرية. هنا كمان ربنا إدى العذرا الحرية فى قبول أو رفض الدعوة لتكون أم المخلص، بس طبعاً هو عارف إنها قديسة عظيمة ومطبعة جداً لربنا، وعلشان كده أطاعت بدون أى تأخير.

طيب إيه اللي ممكن نتعلمه من خضوع العذرا مريم لإرادة ربنا؟

فى الحقيقة العذرا مريم دي أمنا كلنا ولازم نتعلم منها حاجات كتير. وهى بالنسبة لينا فى مصر ليها محبة شديدة فى قلبنا لأنها جت مصر وعاشت فى وسط شعب مصر. اللي عملته العذرا مريم يعتبر درس مهم لينا. كلام ربنا لينا مش حنسمعه من ملاك. لأ. لكن لما نقرا فى الإنجيل النصايح اللي قالها لينا ربنا يسوع المسيح نقوم على طول نقول هو ده كلام ربنا اللي لازم يمشى حتى ولو كان مش زى اللي نفسى أعمله، يعنى نقول لربنا "إحنا خداميناك ننفذ أوامرك".

العدرا مريم تمتلئ من النعمة

بالنسبة لموضوع امتلاء العدرا مريم من النعمة، إحنا أحياناً بنفهمه غلط، ونكتفى بالكلام عن طهارتها وقداستها ووداعتها كما لو كان هذا هو الإمتلاء من النعمة حسب تحية الملاك. علشان كده خصصنا الباب الحادى عشر لمناقشة موضوع النعمة وإمتلاء العدرا مريم من النعمة بالتفصيل.

طيب ما هو عمل الروح القدس الحال على العدرا مريم الممتلئة نعمة؟

قطعا وبكل تأكيد الروح القدس أرشد العدرا مريم فى كل أمور حياتها. لكن لأنها وديعة جداً، دائمة الصلاة وقليلة الكلام لم تنطق بهذه الأمور إلا فى حدود المسموح، زى ما حكى للقديس لوقا عن موضوع البشارة.

رغم هذا ممكن نتأمل شوية ونقول إن رب المجد علمنا إن عمل الروح القدس هو إنه روح الحق، والروح المعزى، والروح المرشد، والروح المعلم (يو: 15: 26، 16: 7-11). يعنى الروح القدس يعزينا لما نكون فى ضيقة شديدة، أو يائسين من الحياة، فيطمنا ويرشدنا ويفضل معنا إلى أن تعبر الأزمة، ويفكرنا بإن هدفنا النهائى هو زى ما بنقول فى قانون الإيمان "وننتظر قيامة الأموات وحياة الدهر الآتى".

فلما نتأمل فى حياة العدرا مريم والمتاعب التى تعرضت لها (وسنخصص لها الباب الثامن) سنجد أمر مذهل فى حياتها وهو إنها عمرها ما اشتكت أو تدمرت من أى موقف مهما كان صعب، وحتى فى اللحظات الرهيبة لآلام وصلب المسيح، ولو حاولنا نعرف إيه السبب مش حنلاقى غير تفسير واحد مقنع وهو أنها "كانت ممتلئة نعمة والروح القدس حال عليها". وفى الحقيقة ده درس لينا إننا نقرب منها ونتعلم بعض صفات شخصيتها الفريدة، والأفضل إننا نعزمها تعيش معنا زى ما حنتأمل فى الباب السابع عشر ونعرف النعم اللى ممكن تحل علينا بسبب وجودها معنا.

+

زيارة العدرا مريم لأليصابات

طيب وبعدين حصل إيه؟

وبعدين الملاك قال للعدرا ده قريبتك أليصابات اللى عمرها ما خلفت وخلاص بقت ست كبيرة قوى ومش ممكن تخلف هى دلوقت حامل فى ست شهور. وبعدين قال لها "لأنه ليس شيء غير ممكن لدى الله" (لو: 37: 1). يعنى عايز يقول لها ولينا إنه مافيش حاجة ربنا ما يقدرش ما يعملهاش.

ودى كلمة مهمة قوى بالنسبة لينا لازم نفكرها طول عمرنا. لأنه لو كان عندنا إيمان شديد بربنا ونطلب طلب كويس يفرح قلب ربنا نلاقى ربنا يحققه لأنه يقدر يعمل كل حاجة كويسة فى الوقت الذى يراه الله مناسباً لمصلحتنا، لأنه اله صالح ومحب للبشر.

علشان كده قبل ما نطلب حاجة من ربنا لازم نعرف إيه الطلب اللى بيفرح قلب ربنا ونصلى ونطلبه بلجاجة، خصوصاً لما نروح الكنيسة نصلى القداس الإلهى ونتناول من الأسرار المقدسة.

كمثال لو طلبنا من ربنا بلجاجة وقلنا "يارب إبعد الشياطين عن بيتنا وخلينا دائماً عايشين وإحنا ماسكين فيك وثابتين فى الإيمان، يارب خلينا دائماً نروح الكنيسة ونتناول، يارب أعطنا حكمة علشان نعيش فى سلام ومحبة مع كل جيراننا وكل الناس بشفاعة أمنا العذرا مريم وبشفاعة القديس يوسف النجار وكاروزنا القديس مار مرقس وكل القديسين اللى بنحبهم، يارب إحفظ مصر كلها فى محبة ورخاء وسلام". هنا لازم نأمن إن ربنا سيستجيب وأكد هو ضرورى حينفذ هذا الطلب فى الوقت المناسب.

طبيب وليه الملاك يقول للعدرا مريم على حبل أليصابات؟

هنا نحكى بسرعة حكاية أليصابات. الملاك بشر زكريا الكاهن جوز أليصابات بإنها حتخلف ولد اللى هو يوحنا المعمدان وحيكون ليه عمل كبير لأن ربنا حيكلف يوحنا المعمدان بالتبشير لليهود بالتوبة علشان يستعدوا للسيد المسيح. والسيد المسيح قال عنه إنه أعظم واحد من مواليد الستات. وبعدين أليصابات كانت ست كبيرة قوى فى السن ومحتاجة خدمة. والملاك عارف إن العذرا مريم ما تتأخرش أبداً عن مساعدة أى واحد محتاج.

علشان كده أول ما العذرا مريم عرفت إن أليصابات حامل خدت بعضها جرى عليها علشان تبقى خدمة ليها. تصوروا التواضع العظيم. يعنى بدل ما تقول "ده أنا بقيت أعظم واحدة فى كل الناس، لأن الروح القدس حل علىّ وحاولد ربنا يسوع المسيح مخلص العالم فمن هنا ورايح الناس لازم تيجى لغاية عندى وتدينى الإحترام"، لأ. ده ماحصلش. بالعكس قالت "دى ست كبيرة زى أمى ومحتاجة مساعدة وأنا لسة شباب فلازم أروح أساعدها وأشوف طلباتها إيه". هنا نتعلم التواضع والمحبة الشديدة من أمنا العذرا مريم. ياريت نعلم أولادنا وبناتنا ازاي يتعلموا منها حاجات كتيرة، وعلى فكرة هى كانت هادية جداً وكلامها قليل قوى علشان كده نخلى بالنا من وصف الإنجيل لإيه اللى عملته.

الدرس هنا إننا لما نشوف ناس محتاجين مساعدة، نقوم من سكات من غير ما هما ما يطلبوا مساعدة نروح ونشوف طلباتهم إيه، ونساعدهم وإحنا مبسوطين وفرحانيين، مش نهرب من المساعدة.

ازاي الملاك يسمى أليصابات نسيبة العذرا مريم رغم إن العذرا مريم من سبط يهوذا وأليصابات من سبط لاوى؟

القديس يعقوب السروجي شرح وقال ما معناه إن كل جنس البشر مختلف عن جنس الملائكة النورانيين، وعلشان كده لما الملاك يقول لها عن القديسة أليصابات "نسبيتك" يبقى الكلام ده معناه "التي من جنسك البشرى".

هناك رأى بيقول حيث إن هارون أخو موسى النبى، وهو من سبط لاوى تزوج من سبط يهوذا، إذاً فقد صار هناك نسب بين السبطيين. بس الزواج تم قبل ما ربنا يختار سبط لاوى للكهنوت ويمنع تزواجهم من الأسباط الأخرى.

وماننشاش إن العبرانيين هم جميعاً أولاد أبونا يعقوب زى ما معلمنا القديس بولس كتب **إرشاد الروح القدس** "فَإِنِّي كُنْتُ أَوْدُ لَوْ أَكُونُ أَنَا نَفْسِي مَحْرُومًا مِنَ الْمَسِيحِ لِأَجْلِ إِخْوَتِي أَنْسِبَائِي حَسَبِ الْجَسَدِ" (رو 9:3)، إذاً فكلهم قرايب، وبالتالي ممكن نعتبر كلمة "نسبيتك" بأنها تساوى "قريبتك"، يعنى من نفس نسل يعقوب.

لما العدرا مريم راحت لأليصابات هل العدرا كانت عارفة إن اللاهوت حل فى أحشاه؟

بالمنطق الروحانى نقول بكل تأكيد إن العدرا مريم عرفت، والدليل على كده هو كلام الملاك ليها فى البشارة التى تؤكد حضور الثالوث القدوس، وبعدين حوارها مع أليصابات لما راحت تزورها.

تعالوا نراجع ونتأمل شوية فى الحوار اللى تم فى هذه الزيارة. وإليكم نص ما جاء ببشارة القديس لوقا البشير.

39فَقَامَتْ مَرْيَمُ فِي تِلْكَ الْأَيَّامِ وَذَهَبَتْ بِسُرْعَةٍ إِلَى الْجِبَالِ إِلَى مَدِينَةِ يَهُوذَا، 40وَدَخَلَتْ بَيْتَ زَكَرِيَّا وَسَلَّمَتْ عَلَى أَلِيصَابَاتٍ. 41فَلَمَّا سَمِعَتْ أَلِيصَابَاتُ سَلَامَ مَرْيَمَ ارْتَكَضَ الْجَنِينُ فِي بَطْنِهَا، وَامْتَزَلَّتْ أَلِيصَابَاتُ مِنَ الرُّوحِ الْقُدُسِ، 42وَصَرَخَتْ بِصَوْتٍ عَظِيمٍ وَقَالَتْ: مُبَارَكَةٌ أَنْتِ فِي النِّسَاءِ وَمُبَارَكَةٌ هِيَ ثَمَرَةُ بَطْنِكَ. 43فَمِنْ أَيْنَ لِي هَذَا أَنْ تَأْتِيَ أُمُّ رَبِّي إِلَيَّ؟ 44فَهُوَذَا حِينَ صَارَ صَوْتُ سَلَامِكَ فِي أُذُنِي ارْتَكَضَ الْجَنِينُ بِابْتِهَاجٍ فِي بَطْنِي. 45فَقُطِبِي لِلَّتِي آمَنْتُ أَنْ يَتِمَّ مَا قِيلَ لَهَا مِنْ قِبَلِ الرَّبِّ. 46فَقَالَتْ مَرْيَمُ: تُعَظِّمُ نَفْسِي الرَّبَّ، 47وَتَبْتَهِجُ رُوحِي بِاللَّهِ مُخَلِّصِي، 48لَأَنَّهُ نَظَرَ إِلَى اتِّضَاعِ أُمَّتِهِ. فَهُوَذَا مُنْذُ الْآنَ جَمِيعُ الْأَجْيَالِ تُطَوِّبُنِي، 49لَأَنَّ الْقَدِيرَ صَنَعَ بِي عَظَائِمَ، وَاسْمُهُ قُدُّوسٌ، 50وَرَحْمَتُهُ إِلَى جِيلِ الْأَجْيَالِ لِلَّذِينَ يَتَّقُونَهُ. 51صَنَعَ قُوَّةً بِذِرَاعِهِ. شَتَّتَ الْمُسْتَكْبِرِينَ بِفِكْرِ قُلُوبِهِمْ. 52أَنْزَلَ الْأَعْزَاءَ عَنِ الْكُرَاسِيِّ وَرَفَعَ الْمُتَضْعِعِينَ. 53أَشْبَعَ الْجِيَاعَ خَيْرَاتٍ وَصَرَفَ الْأَغْنِيَاءَ فَارِغِينَ. 54عَضَدَ إِسْرَائِيلَ فَتَاهُ لِيَذْكُرَ رَحْمَتَهُ، 55كَمَا كَلَّمَ آبَاءَنَا. لِإِبْرَاهِيمَ وَنَسْلِهِ إِلَى الْأَبَدِ. 56فَمَكَثَتْ مَرْيَمُ عِنْدَهَا نَحْوَ ثَلَاثَةِ أَشْهُرٍ، ثُمَّ رَجَعَتْ إِلَى بَيْتِهَا. (لو 1:39-56)

{ملحوظة: "أَنْزَلَ الْأَعْرَاءَ" فى الترجمة البيروية صحتها فى الترجمة القبطية/السبعينية = "طَرَحَ الْأَقْوِيَاءَ" }

+ كلام القديسة أليصابات هو بإرشاد الروح القدس، فلما تقول للعدرا مريم "أُمِّ رَبِّي" يبقى ده هو كلام الروح القدس لينا ليؤكد لينا أن الجنين الساكن فى الحشى البتول هو هو بنفسه أقنوم الكلمة المتجسد، أى أن اللاهوت متحد بالناسوت منذ لحظة الحمل المقدس. وبالمنطق مش معقول إن الروح القدس يكشف لأليصابات موضوع اتحاد اللاهوت بالناسوت وما تكونش العدرا مريم عارفة.

+ **خصوصا وإن** العدرا مريم ممثلة نعمة وحل عليها الروح القدس والعلی ظللها، يبقى هى أكيد كانت عارفة إن اللاهوت حل واتحد بالناسوت فى الحشا الطاهر، لأن بشارة الملاك ليها كانت واضحة جداً "فَلِذَلِكَ أَيْضًا الْقُدُّوسُ الْمَوْلُودُ مِنْكَ يُدْعَى ابْنُ اللَّهِ". والدليل على إنها فهمت معنى بشارة الملاك هو كلامها "وَتَبْتَهِجُ رُوحِي بِاللَّهِ مُخَلِّصِي". إذاً الروح القدس شرح ليها إن إلی فى بطنها هو الله المتجسد ليخلصها ويخلص كل البشر.

ياترى إيه اللى خلى أليصابات تطوب العدرا مريم؟

خَلُّوا بِالْكُمْ مِنَ الْإِلٰهِ حَصَلَ لِأَنَّا حَنَقْدَرُ نَفْهَمُ إِيْمَانِ كَنِيسَتِنَا الْقَوِيَّةَ لَمَّا نَفْهَمُ كَلَامَ الْقَدِيْسَةِ أَلِيْسَابَاتِ "مُبَارَكَةٌ أَنْتِ فِي النِّسَاءِ وَمُبَارَكَةٌ هِيَ ثَمَرَةُ بَطْنِكَ. فَمَنْ أَيْنَ لِي هَذَا أَنْ تَأْتِي أُمُّ رَبِّي إِلَيَّ؟ فَهُوَذَا حِينَ صَارَ صَوْتُ سَلَامِكَ فِي أَدْنَى أَرْكَضِ الْجَنِينِ بِابْتِهَاجٍ فِي بَطْنِي. فَطُوبَى لِلَّتِي أَمَنْتَ أَنْ يَتِمَّ مَا قِيلَ لَهَا مِنْ قِبَلِ الرَّبِّ" (لو 1: 42-45).

لما العدرا مريم سلمت على القديسة أليصابات المره دى كان فى تغيير كبير بالنسبة للعدرا. دلوقت هى يادوبك حامل فى يسوع المسيح وزى ما قال الملاك "يَا مُمْتَلِئَةٌ نِعْمَةً" اللى معناه إن العدرا صارت هيكلًا مقدسًا لله وبداخله قدس الأقداس حيث لاهوت السيد المسيح متحد بالناسوت جنين صغير ساكن فى الحشى الطاهر. فلما تسلم على أليصابات يبقى سلامها مليان نعمة ربنا وده اللى حست بيه أليصابات رغم إنها مش عارفة ولا شايعة حاجة لأن الروح القدس حل عليها وقالت الكلام اللى فات. بس دلوقت لازم نفهمه:

+ نقدر نتأمل ونقول إن القديس يوحنا المعمدان وهو جنين صغير جوه بطن القديسة أليصابات لما سمع صوت العدرا مريم، الروح القدس أخبره بوجود أقنوم الكلمة المتجسد فى الحشا البتول، فاتنطط من الفرح وسجد ليسوع المسيح. القديسة أليصابات حست طبعاً بحركة الجنين فى بطنها، وديه بتبقى مؤلمة للحوامل خصوصاً إنها ست شيخة كبيرة وأول مرة فى حياتها بتحبلى. لكن كونها تحس بأنه سجد وفرحان، تبقى دى معجزة وإعلان من الروح القدس.

+ الروح القدس بينطق على لسان القديسة أليصابات ويقول تانى للعدرا "إنت أعظم واحدة فى الوجود لأن اللى فى بطنك هو بركة العالم كله". مش بس كده، ده القديسة أليصابات بتقول للعدرا مريم "إزاي أم ربي تيجي لغاية عندي". هنا الروح القدس بيعلن للقديسة أليصابات والعالم إن أقنوم الكلمة السيد المسيح حل فى بطن العدرا مريم ومن ساعتها أصبح اسمها "أم المخلص" أو زى ما أليصابات قالت "أم ربنا" والكنيسة أخذت نفس الكلام وسمتها

"ثيوتوكس" زى ما بنسمع فى صلوات الكنيسة. يبقى لما حد غير ارتودكسى يقول إزاي بتسموها أم ربنا؟ نقوم نرد ونقول "الروح القدس هو اللى أمرنا بكده لما نطق على لسان القديسة أليصابات زى ما هو مكتوب فى الإنجيل".

+ وبعدين الروح القدس بيعلمنا على لسان القديسة أليصابات ضرورة تطويب العذرا مريم، وهو ده اللى كنيستنا إتعلّمته وبنقوله فى التسبحة، و صلوات الكنيسة، والقداس، وفى سهرات وتسابيح شهر كيهك وفى صوم السيدة العذراء وفى كل يوم واحد وعشرين من الشهر القبطي على مدار السنة.

طبيب والعدرا مريم عملت إيه لما سمعت الكلام الحلو ده؟

الإنجيل يقول لينا إنها ردت وقالت "تَعْظُمُ نَفْسِي الرَّبَّ، وَتَبْتَهِجَ رُوحِي بِاللّهِ مُخْلِصِي، لِأَنَّهُ نَظَرَ إِلَى اتِّضَاعِ أُمَّتِهِ. فَهُوَذَا مِنْذُ الْآنَ جَمِيعُ الْأَجْيَالِ تُطَوِّبُنِي، لِأَنَّ الْقَدِيرَ صَنَعَ بِي عَظَائِمَ، وَاسْمُهُ قُدُّوسٌ، وَرَحْمَتُهُ إِلَى جِيلِ الْأَجْيَالِ لِلَّذِينَ يَتَّقُونَهُ. صَنَعَ قُوَّةً بِذِرَاعِهِ. شَتَّتَ الْمُسْتَكْبِرِينَ بِفِكْرِ قُلُوبِهِمْ. أَنْزَلَ الْأَعْزَاءَ عَنِ الْكُرَاسِيِّ وَرَفَعَ الْمُتَضَعِينَ. أَشْبَعَ الْجِيَاعَ خَيْرَاتٍ وَصَرَفَ الْأَغْنِيَاءَ فَارِغِينَ. عَضَدَ إِسْرَائِيلَ فَتَاهُ لِيَذْكُرَ رَحْمَتَهُ، كَمَا كَلَّمَ آبَاءَنَا. لِإِبْرَاهِيمَ وَنَسْلِهِ إِلَى الْأَبَدِ" (لو 1: 46-55).

خلّوا بالكم قوى من كلام أمنا العذرا مريم لأنها هادية ووديدة جداً وكلامها قليل قوى، وياريت نتعلم منها ونبقى هاديين زيها. فلما أمنا العذرا مريم تقول كلمة يبقى لازم ندرسها ونفهمها كويس ونقدرها زى الجواهر. المرة دى نقدر نقول إن الروح القدس برضه نطق على لسانها علشان نتعلم منها خمس دروس مهمة قوى حنشرحها، وكمان قالت نبوة عن إيه اللى يحصل بعد ميلاد أقنوم الكلمة السيد المسيح.

طبيب إيه هو أول درس؟

أول درس: هو لما العذرا قالت "تَعْظُمُ نَفْسِي الرَّبَّ" الكلام ده معناه إن وهى فى شدة الفرح من نعمة إمتلائها من الروح القدس وحلول أقنوم الكلمة السيد المسيح جواها وكل اللى حواليتها فرحانين، القديسة أليصابات فرحانة والجنين جواها بيسجد من الفرح، رغم كل ده العذرا مش ناسية إنها تدى السجود والإحترام أولاً لربنا لأنه إختارها علشان تكون أم ربنا يسوع المسيح. يبقى هنا نتعلم إننا نشكر ربنا لما نحس إننا أخذنا نعمة كبيرة. وطبعاً أعظم نعمة هى إننا بقينا مسيحيين. ولما نيجى الكنيسة علشان نتناول، يبقى زينا زى العذرا مريم بناخد أقنوم الكلمة السيد المسيح جوانا. ده سر فائق العظمة لازم نشكر ربنا عليه ولازم نبقى واقفين فى الكنيسة فى منتهى الأدب والإحترام زى العسكرى فى الجيش لما يبقى واقف إنتباه قصاد القائد الأعلى اللى حيديله جائزة عظيمة جداً أكثر بكثير مما يستحق. للأسف فيه ناس بتبقى مشغولة بأمور أخرى وتقعّد تتكلم كما لو كانوا فى مكان عام. لأ ده تصرف لا يليق ويزعل يسوع المسيح قوى منا.

طبيب وإيه هو تانى درس؟

تانى درس: هو لما قالت "وَتَبْتَهِجَ رُوحِي بِاللّهِ مُخْلِصِي، وَاسْمُهُ قُدُّوسٌ، وَرَحْمَتُهُ إِلَى جِيلِ الْأَجْيَالِ لِلَّذِينَ يَتَّقُونَهُ". هنا العذرا مريم بتعلمنا درس مهم جداً. العذرا مريم بتقول لينا إن

الجنين اللى جوه بطنها هو الله المخلص اللى حيتجسد ونعرفه باسم يسوع المسيح. وهو ده تعليم الكنيسة لينا إن لاهوت أقنوم الكلمة السيد المسيح إتحد بناسوته من أول ثانية بدون اختلاط ولا امتزاج ولا تغير.

كمان فى نقطة مهمة وهى إن العدرا مريم نفسها رغم كل المديح اللى الملاك قاله عنها وقداستها لأنها من ساعة ما بشرها الملاك وحلول أقنوم الكلمة السيد المسيح جواها أصبحت طاهرة، لكن مع كده زيتها زى بقيت الناس محتاجة للمسيح إنه يتجسد ويتصلب ويقوم من الأموات علشان يخلصها من خطية آدم وتقدر تخش ملكوت السموات. فلما تقول "وَتَبْتَهِجُ رُوحِي بِاللَّهِ مُخْلِصِي" تبقى هى هنا بتؤكد احتياجها للخلاص، ولأنها عرفت أنه سيتم من خلال تجسد أقنوم الكلمة منها، علشان كده بتسبح وتفرح بابنها، الالهها ومخلصها ومخلص كل البشر. وعلشان كده كنيستنا إتعلمت منها إزاي نسبح السيد المسيح مخلصنا الصالح. وكمان نقول فى المديح للعدرا إن يسوع المسيح هو خالقها وهو جنينها.

وبعدين العدرا مريم بتأكد إن اللى فى بطنها هو الله لأن "وَأَسْمُهُ قُدُّوسٌ" معناها "هو الله". وبعدين العدرا مريم بتنبهنا إن رحمة ربنا، اللى معناها الخلاص من الشيطان، بقت مفتوحة لنهاية العالم "لِلَّذِينَ يَتَّقُونَهُ" يعنى للى يسمعوا كلام ربنا ويأمنوا بيسوع المسيح كمخلص. شوفتوا إزاي أمنا العدرا مريم أستاذة ما فيش زيتها فى شرح سر الخلاص. علشان كده لازم يبقى كل واحد له صداقة معاها وفى كل مرة مش فاهمين حاجة فى الإنجيل تصلوا وتطلبوا مساعدتها وهى أكيد حبتت حد يشرح ليكم ويرد على السؤال بتاعكم.

طيب وإيه هو تالت درس؟

تالت درس: فى الحقيقة هى كشفت لينا سر مهم قوى عن نفسها لما قالت "لَأَنَّهُ نَظَرَ إِلَى اتِّضَاعِ أُمِّهِ". شوفوا يعنى بتشكر ربنا لأنه بص لتواضع خدامته. والسر ده كشفته طبعاً بأمر الروح القدس لأنها كانت متواضعة جداً ونادر لما تتكلم. وربنا أمرها بكده علشان يكشف لينا سر إنتظاره لسنين كثيرة لغاية ما تتولد واحدة قديسة وديعة ومتواضعة زى العدرا مريم علشان يتجسد منها.

يبقى الدرس اللى نتعلمه من العدرا مريم إننا نبقي متواضعين جداً، يقوم ربنا يبص لينا ويملا قلبنا من نعمته خصوصاً لما نروح الكنيسة علشان نتناول. نبقي حاسين بالنعمة وإننا لولا رحمة ربنا ما كناش نستحق النعمة دى.

طيب وإيه هو رابع درس؟

رابع درس: يعتبر أمر من الروح القدس ونبوة على لسانها. شوفوا العدرا قالت إيه "فَهَوَّذَا مُنْذُ الْآنَ جَمِيعُ الْأَجْيَالِ تُطَوِّبُنِي". وهو ده اللى بنقوله فى الكنيسة فى التسابيح، وصلوات عشية وباكراً قبل القداس، وفى القداس، وفى صلوات الأجيال، وفى تسابيح شهر كيهك وحنفصل نطوبها ليوم القيامة. الروح القدس أمرنا بكده، فكنيستنا الشاطرة لازم تنفذ أوامر ربنا وتقول زى العدرا مريم "إحنا خدامينك يارب". وما تنسوش إن ربنا أمرنا بإكرام الأب والأم، فمش معقول إنه ما يكرممش والدته العدرا مريم التى هى أعظم قديسة فى الوجود.

يبقى أوعوا تستهتروا بمقامها عند ربنا يسوع المسيح وإوعوا تسمعوا كلام الناس الغير أرتودكس لما يطولوا لسانهم عليها ويقولوا دى واحدة عادية. لأ الكلام ده غلط زى ماشفنا.

وماحدث يزعلها أبداً لأنها أعظم شفيعة أكثر من الملائكة ودايما بتصلى علشاننا خصوصا لينا كمصريين لأنها عاشت فى مصر لما هربوا من هيرودس الشرير.
هنا نخلّى بالنّا من نقطة مهمة لينا كمصريين. مصر هى البلد الوحيدة إالى زارتها العائلة المقدسة خارج حدود بلدهم، وأكيد العدرا حبت مصر وعلشان كده بتظهر فى مصر أكثر من أى بلد تانية فى العالم.

طيب وإيه هو خامس درس؟

خامس درس: لما قالت "لأنّ القدير صنع بي عظامي" يبقى هنا العدرا بتعترف بإنّ اللى ربنا عمله معاها ده معجزة عظيمة جداً وده يعتبر نعمة كبيرة قوى. طيب ما هو ده اللى بيحصل معانا لما بنروح الكنيسة علشان نتناول من جسد يسوع المقدس ودمه الكريم. ياترى واخدين بالنّا من عظمة الخلاص من الشيطان بقوة هذا السر الفائق وبعدين هل بنشكر الله ونقول "نشكرك يارب لأنك عملت معانا عمل عظيم؟!!!"

طيب هل زكريا الكاهن عرف حاجة عن حوار العدرا مريم مع زوجته أليصابات؟

الإنجيل يخبرنا عن زكريا الكاهن وزوجته ويقول لينا "وَكَاثَا كِلَاهُمَا بَارَّيْنِ أَمَامَ اللَّهِ، سَالِكَيْنِ فِي جَمِيعِ وَصَايَا الرَّبِّ وَأَحْكَامِهِ بِلاَ لَوْمٍ" (لو 1: 6). وبحسب شريعة الزواج كقانون الله منذ البداية هما جسد واحد (تك 2: 24)، يبقى مافيش أسرار يخيبها واحد عن التانى، ويبقى أكيد الیصابات حكّت لجوزها عن كل شئ. وهو طبعاً حس بفرحتها الشديدة وشايف العدرا مريم فى البيت، وككاهن بار قطعاً شعر بإنها ممتلئة نعمة.

طيب ياترى زكريا الكاهن عمل إيه بعدما سمع من زوجته أليصابات عن تحية العدرا مريم ليها، والحوار اللى حصل، وارتكاض الجنين بفرح وتهليل؟

القديس زكريا كاهن بار منتظر خلاص الرب بفارغ الصبر، وربنا اختاره علشان ابنه من صلبه يكون هو المتقدم أمام وجه الرب زى ما قال الملاك "15لأنّهُ يَكُونُ عَظِيماً أَمَامَ الرَّبِّ، وَخَمَراً وَمُسْكِراً لَا يَشْرَبُ، وَمِنْ بَطْنِ أُمِّهِ يَمْتَلِئُ مِنَ الرُّوحِ الْقُدُسِ. 16وَيَرُدُّ كَثِيرِينَ مِنْ بَنِي إِسْرَائِيلَ إِلَى الرَّبِّ إِلَهُهُمْ. 17وَيَتَقَدَّمُ أَمَامَهُ بِرُوحٍ إِيْلِيّاً وَقُوَّةٍ، لِيَرُدَّ قُلُوبَ الْآبَاءِ إِلَى الْأَبْنَاءِ، وَالْعَصَاةِ إِلَى فِكْرِ الْأَبْرَارِ، لِكَيْ يُهَيِّئَ لِلرَّبِّ شَعْباً مُسْتَعِدّاً" (لو 1: 15-17).

يبقى نقدر نقول إنه أكيد من ساعة ما بشره الملاك بميلاد ابن له وهو مجتهد وفى حيرة شديدة عمال يسأل نفسه ويقول "بشارة الملاك معناها إن زمن تحقق النبوات عن الخلاص على الأبواب، وأنا سعيد جداً إن ابني سيتقابل معه، ولكن متى يأتى المخلص؟ ومن نسل مين من سبط يهوذا؟ ومين هى المطوبة اللى سيولد منها؟".

علشان كده نقدر نتأمل ونقول إنه طار من الفرح والتهليل لما سمع كلام زوجته، وشاف وجه العذراء الملائكى الطاهر، ولكن لأن لسانه معقود كأمر الملاك (لو 1:20)، يبقى هو كان بيتكلم بالإشارة، وأيضاً أعتقد إنه كان بيحبب الكتب المقدسة ويشير إلى النبوات عن ميلاد عمانوئيل من عذراء فى بيت لحم، وربما كان بيكتب على لوح ... إلخ.

كمان من المؤكد إن العذراء مريم كانت مستمرة فى الصلوات والتسبيح، وممكن كانت بتقعد مع أليصابات وترتل معاها المزامير بصوت ملائكى عذب، وده أكيد كان سبب فرح شديد لأليصابات العجوز الحامل، يعنى كل آلام الحمل فى الشهور الأخيرة اختفت لأن أم الطبيب الحقيقى موجودة ومالية البيت قداسة، وطهارة، وصلوات وتراتيل، وبركات فوق الوصف.

كمان ممكن نتأمل ونقول إن الجنين (يوحنا المعمدان) سمع أيضاً كل كلام العذراء مريم مع أمه. مثلاً سمع تحيتها لما كانت بتسلم على القديسة أليصابات كل يوم فى الصبح وتقول "صباح الخير" وفى المساء "تصبحى على خير"، وأيضاً تسبيح العذراء مريم وترتلها مع أمه كل يوم، يبقى عاش حياة الفرح والتهليل طول فترة وجود العذراء مريم.

وهنا نسأل كل الأمهات الحوامل حمل عادى (وليست الحالات الصعبة المحتاجة لتدخل الأطباء)، ونقول **للتغلب على آلام الحمل** أليس من الأفضل صحياً وروحياً استعمال ماء اللقان والتقدم للأسرار المقدسة بثقة وإيمان والصلاة والترتيل بالمزامير وطبعاً **طلب معونة** وشفاعة العذراء مريم مهمة، بدلاً من استعمال الأدوية المسكنة المضرة للجنين؟ (أنظر الباب السابع عشر)

كمان نقدر نقول إن زكريا الكاهن شاف ولاحظ التغير اللى حصل لزوجته من ساعة ما وصلت العذراء مريم، ونقدر نقول لأنه كان منتظر الخلاص بإشتياق يبقى أكيد ازداد من الفرح والتهليل بس مش قادر يتكلم، وكمان نقدر نقول إنه اشتاق لرؤية المخلص أكثر من اشتياقه لوصول ابنه.

+

الملاك يطمئن القديس يوسف النجار

س: طيب وإيه اللى حصل بعد كده؟

زى ما شرحنا فى كتاب "ليه إحنا مسيحيين" العذراء مريم قعدت عند أليصابات تخدمها حوالى ثلاث شهور. وبعدين العذراء مريم رجعت لبيتها عند القديس يوسف النجار. وبعدين القديس يوسف النجار لاحظ إن العذراء مريم حامل، فإستغرب جداً لأنهم كانوا عايشين بتولييين زى الإخوات مع بعض، وهو عارف إنها مش ممكن تفكر فى الخلفة، وطبعاً خاف إنها تكون

غلطت، لكن في نفس الوقت مش مصدق عينيه، ولأنه بار علشان كده أراد إنه يستر عليها ويخليها تهرب سرا، لأنه لو اشتكى للكهنة لحكموا عليها بالرجم حسب الشريعة. فالملاك ظهر ليه وطمنه وقال له إن الجنين اللي في أحشائها ده من الروح القدس "20 وَلَكِنْ فِيمَا هُوَ مُتَفَكِّرٌ فِي هَذِهِ الْأُمُورِ، إِذَا مَلَاكَ الرَّبُّ قَدْ ظَهَرَ لَهُ فِي حُلْمٍ قَائِلًا: يَا يُوسُفُ ابْنَ دَاوُدَ، لَا تَخَفْ أَنْ تَأْخُذَ مَرْيَمَ امْرَأَتَكَ لِأَنَّ الَّذِي حُبِلَ بِهِ فِيهَا هُوَ مِنَ الرُّوحِ الْقُدُسِ. 21 فَسَتَلِدُ ابْنًا وَتَدْعُو اسْمَهُ يَسُوعَ. لِأَنَّهُ يُخَلِّصُ شَعْبَهُ مِنْ خَطَايَاهُمْ. 22 وَهَذَا كُلُّهُ كَانَ لِكَيْ يَتِمَّ مَا قِيلَ مِنَ الرَّبِّ بِالنَّبِيِّ الْقَائِلِ: 23 هُوَذَا الْعَذْرَاءُ تَحْبِلُ وَتَلِدُ ابْنًا، وَيَدْعُونَ اسْمَهُ عِمَّاوُئِيلَ الَّذِي تَفْسِيرُهُ: اللَّهُ مَعَنَا" (مت 1: 20-23).

هنا نقدر نقول إن ربنا بعث الملاك علشان يدي أمر تكليف للقديس يوسف برعاية العذرا مريم وابنها ربنا يسوع المسيح. يعنى من هذه اللحظة صار القديس يوسف النجار هو الجندي المجند من الله ذاته لخدمة سر التجسد من عذراء دائمة البتولية.

تعالوا نتأمل شوية فى كلمة الملاك "يَا يُوسُفُ ابْنَ دَاوُدَ". ده كلام مهم لأن القديس يوسف النجار هو من نسل داود الملك. وكمان العذرا مريم من نسل داود. فلو نظرنا إلى يسوع من جهة أنه نسل المرأة، يعنى ناسوته من العذرا مريم فهو من نسل داود، ولو اتبعنا العرف بحيث إنه ينسب إلى القديس يوسف فهو من نسل داود.

يبقى كلام الملاك معناه إنه بيؤكد صدق وعد الله لداود إن المسيا سيأتى من نسله. **حلف الرب لداود حقا ولا يخلف، لأجعلن من ثمرة بطنك على كرسيك (مز 131: 11 قبطى).**

العدرا مريم تفرح مع السماء بميلاد المسيح

العدرا مريم تلد مخلص العالم فى مزود بيت لحم كالنبوات
السماء تتهلل والرعاة يفرحون
العدرا مريم تنفذ طقوس الشريعة مع المسيح
لقاء العدرا مريم مع المجوس الساجدين للمسيح

العدرا مريم تلد مخلص العالم فى مزود بيت لحم كالنبوات

طبيب وإيه اللي حصل بعد كده؟

قصة الميلاد شرحها القديس لوقا البشير (لو2:1-7) ومنها عرفنا إن الإمبراطور أمر إن كل واحد لازم يرجع لبيت العيلة علشان يعدوا السكان. فالقديس يوسف أخذ العدرا مريم وطلعوا لبلد صغيرة اسمها بيت لحم، لأنهم من نسل داود النبی، بس العدرا كانت خلاص على وشك الولادة. والبلد كانت زحمة قوى وما قدروش يلاقوا مكان فى اللوكاندة علشان يناموا فيه. فأصحاب اللوكاندة سمحوا ليهم يناموا فى المكان اللي بيربوا فيه المواشي، الخرفان والبقر. وبعدين الإنجيل يقول "6وَبَيْنَمَا هُمَا هُنَاكَ تَمَّتْ أَيَّامُهَا لِتَلِدَ. 7فَوَلَدَتْ ابْنَهَا الْبُكَرَ وَقَمَطَتْهُ وَأَضَجَعَتْهُ فِي الْمَذُودِ، إِذْ لَمْ يَكُنْ لَهُمَا مَوْضِعٌ فِي الْمَنْزِلِ." (لو2:6-7). وميلاد المسيح فى بيت لحم هو حسب النبوة "أَمَّا أَنْتِ يَا بَيْتَ لَحْمٍ أَفْرَاتَةَ، وَأَنْتِ صَغِيرَةٌ أَنْ تَكُونِي بَيْنَ أُلُوفِ يَهُودَا، فَمِنْكَ يَخْرُجُ لِي الَّذِي يَكُونُ مُتَسَلِّطًا عَلَى إِسْرَائِيلَ، وَمَخَارِجُهُ مِنْذُ الْقَدِيمِ، مِنْذُ أَيَّامِ الْأَزْلِ" (مياخا5:2). وهنا نشوف العدرا مريم تلد أقنوم الكلمة المتجسد ربنا يسوع المسيح وتلفه فى قساقيص هدم زى ما كل الناس الفقرا جداً بتعمل مع الأطفال وبعدين وضعتة فى المذود، اللي هو المكان اللي بيحطوا فيه التبن، يعنى أكل المواشي.

+++

بس هنا فى درس مهم لينا. إحنا كلنا عارفين إن كل الأمهات بتجهز هدم الأطفال قبل الولادة بوقت علشان يلبسوهم بعد ميلادهم، لكن العدرا مريم اللي ماكانش عندها أى خبرة عن الأطفال كانت متكلة جداً على الله. وهو ده نفس تعليم السيد المسيح (مت6:25-34، لو12:22-31). يعنى هى كانت تلميذة مطيعة للسيد المسيح من قبل ولادته، وطبعاً ما نستغربش لأن الروح القدس حل عليها وأرشدنا إزاي نتصرف، وكمان هى كانت ممثلة نعمة.

طبيب إزاي السيد المسيح يقبل إنه يتولد فى مذود؟

تعالوا نتأمل فى ميلاد السيد المسيح فى المزود. إحنا دايماً نفكر زى كل الناس ونقول ده ربنا المتجسد لازم يتولد فى أفخم وأعظم مكان فى العالم. ده حتى أعظم قصر يبقى قليل عليه. مش إحنا كلنا بنفكر كده؟ هنا لازم نفهم إن ترتيبات ربنا مانقدرش نفهمها بسرعة. زى ما قلنا أقنوم الكلمة السيد المسيح بيتجسد علشان يقدم نفسه فدية عن كل البشر. وفى العهد القديم ربنا أمر موسى النبی إنه فى عيد الفصح كل عيلة تقدم خروف. وده كان رمز لصلب السيد المسيح الحمل الذى بلا عيب.

فالسيد المسيح لما يتجسد يبقى هو الفصح الحقيقي زى ما تنبأ أشعيا النبي فى أصحاح 53 ووصف آلام وصلب السيد المسيح وقال إنهم حيقدموه زى خروف الفصح وهو صامت. طيب وهو حمل الفصح بيتولد فين؟ لابد وأن يولد فى المذود مش كده والا إيه؟

يبقى علشان كده ربنا السيد المسيح إتولد وَوُضِعَ فى المذود علشان يفكرنا أنه هو هو بنفسه الحمل الحقيقي الذى تنبأ عنه أنبياء العهد القديم، وهو من سيحمل عنا خطايانا، لأنه حيقدّم نفسه بالنيابة عن كل البشر علشان خطية آدم تتشال من المؤمنين بيه. كمان فى نقطة تانية مهمة قوى. السيد المسيح قَبْلَ إنه يتولد فى المذود علشان يقول لينا إنه مستعد أن يحل فى أى إنسان خاطى يقبله كمخلص زى ما المذود قبل يسوع المسيح ساعة ميلاده. وده يشجعنا إننا نتوب عن خطايانا ونرجع لكنيستنا الرسولية وإيمانها السليم اللى محافظة عليه من أيام الرسل ونتناول من جسد ودم يسوع المسيح.

طيب العدرا مريم هى أم الحمل الحقيقي، فهل لما أتى وقتها وولدت فى المذود، هل تأملت فى الظروف اللى حصلت؟

العدرا مريم زى ما تأملنا عاشت حياة الصلاة والتأمل، وقطعاً بعد البشارة وامتلائها من النعمة أصبح موضوع الفداء والخلاص هو شغلها الشاغل وكل شئ فى حياتها. يبقى نقدر نفكر بهدوء ونقول إنها أكيد كانت عايشة تعد الثوانى وفى نفس الوقت قلبها بيدق لأنها فاهمة موضوع الخلاص بدم ابنها وربها يسوع المسيح. وده معناه إنها تذكرت النبوات عن ميلاد الحمل الحقيقي والمخلص فى بيت لحم. علشان كده لم تتذمر لأنها كانت متكلة على الله وراضية وعايشة حياة الشكر وكانت دايمًا تردد فى صلواتها لربنا "هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ".

كمان لو تأملنا فى منظر الطفل فى المذود نقدر نقول إنه زى ما التبن هو العيدان التى تحمل القمح - خبز البشر، كذلك المذود المصنوع من هذه العيدان نراه يحمل الطفل يسوع - الذى هو خبز الحياة الأبدية. (يو6: 35-58).

هنا نقف شوية لتأمل فى موقف العدرا مريم فى هذه الظروف التى تبدو صعبة لأى أم، لكن العدرا مريم هى المختارة من الله والمملوءة نعمة، وحل فى أحشائها جمر اللاهوت دون أن تحترق. كمان إحنا عارفين من الكلام القليل جداً المكتوب عنها فى الإنجيل أنها كانت تحفظ فى قلبها وتتفكر فى كل ما يحدث أمامها، لأنها عاشت وتربت فى الهيكل، ووصلت إلى مكانة فائقة فى روحانياتها، ولهذا وجدت نعمة عند الله. علشان كده لازم نسأل نفسنا:

هل معقول إن العذرا مريم لا تتأمل فى كل هذه الأمور وتصل إلى تأملات أكثر عمقا من تأملات كل آباء الكنيسة مجتمعين؟

بكل تأكيد العذرا مريم تأملت وفاقت فى تأملاتها كل آباء الكنيسة مجتمعين، ونقدر نقول إنها استعادت كل النبوات فى ذهنها الوقاد، وفى النهاية شكرت الله وسبحته.

+

السماء تتهلل والرعاة يفرحون

العذرا مريم بعدما ولدت المخلص فى المزود، شعرت بتهلل السما بميلاد يسوع المسيح، وسمعت وشافت بعينيها الملائكة وهم ينشدون أنشودة المجد والسلام والمسرة، وفرحت لما الرعاة حضروا للسجود لإبنها المخلص.

يعنى إيه السما كانت متهللة؟

تعالوا نفكر بالمنطق الروحانى.

الملائكة دائما موجودة حول **عرش** الله، فإذا كان أقنوم الله الكلمة قد تواضع وسكن فى الحشا البتولى الذى صار قدس أقداً، يبقى مش معقول إن الملائكة لا تكون قريبة من قدس الأقداس.

فلما ولد المسيح فى المزود نقول إن الملائكة فى السما طبعاً شايفين وعارفين إن أقنوم الكلمة السيد المسيح تجسد وإتولد علشان يهزم الشيطان اللئيم ويخلص كل البشر من قبضة الشيطان بعد ثوية سنين. **فطبعاً السما كانت متهللة بميلاد يسوع المسيح من أجل البشر.**

طيب وبعدين حصل إيه؟

زى ما شرحنا فى كتاب "**إنجيلى هو صديقى**" الله منذ البدء كان دائماً يشرك الإنسان فى أعماله. فإذا كان المسيح قد تجسد من أجل خلاص البشر يبقى مش معقول إن السما تفرح لوحدها بدون اشتراك البشر فى هذه الفرحة العظيمة. علشان كده ربنا أرسل الملائكة لشوية رعاة غنم سهرانيين فى عز الليل والدنيا برد يحرسوا الغنم لحسن الحيوانات المفترسة اللى بتاكل الغنم تيجى تخطفهم. والإنجيل يقول لينا إنه ظهر نور شديد يوصفه معلمنا لوقا "**وَمَجْدُ الرَّبِّ أَضَاءَ حَوْلَهُمْ**" (لو:2:9)، وده معناه إنه نور من عند ربنا وأعظم من الشمس.

وهنا تعالوا بينا نقرا بسرعة وصف سفر الرؤيا عن الحياة الأبدية:

"وَالْمَدِينَةُ لَا تَحْتَاجُ إِلَى الشَّمْسِ وَلَا إِلَى الْقَمَرِ لِيُضِيئَا فِيهَا، لَأنَّ مَجْدَ اللَّهِ قَدْ أَنَارَهَا، وَالْخُرُوفُ سِرَاجُهَا" (رؤ:21:23).

وبكده يبقى الرعاة شافوا بصيص من نور الحياة الأبدية.

فالرعاة خافوا جداً من نور مجد الرب. وبعدين وقف الملاك قصاد الرعاة يطمئنهم علشان ما يخافوش وقال ليهم "لَا تَخَافُوا، فَهَآ أَنَا أَبَشِّرْكُمْ بِفَرَحٍ عَظِيمٍ يَكُونُ لِجَمِيعِ الشَّعْبِ: أَنَّهُ وُلِدَ لَكُمْ الْيَوْمَ فِي مَدِينَةِ دَاوُدَ مُخْلِصٌ هُوَ الْمَسِيحُ الرَّبُّ. وَهَذِهِ لَكُمْ الْعَلَامَةُ: تَجِدُونَ طِفْلاً مُقَمَّطاً مُضْجِعاً فِي مَدُودٍ" (لو2:11-12).

وبعدين ظهر جيش عظيم من الملائكة يرتلوا ترنيمة مهمة قوى وجميلة تفرح الناس جداً. "13 وَظَهَرَ بَغْتَةً مَعَ الْمَلَائِكَةِ جُمْهُورٌ مِنَ الْجُنْدِ السَّمَاوِيِّ مُسَبِّحِينَ اللَّهَ وَقَائِلِينَ: 14 الْمَجْدُ لِلَّهِ فِي الْأَعَالِي، وَعَلَى الْأَرْضِ السَّلَامُ، وَفِي النَّاسِ الْمَسَرَّةُ" (لو2:13-14).

لو تأملنا فى كلمة "جُمْهُورٌ مِنَ الْجُنْدِ السَّمَاوِيِّ" نقدر نقول إن ده معناه ظهور جيش عظيم من الملائكة، وأعتقد أنه يعنى كل الطغمت السمانية لأنه مش معقول إن حدث عظيم مثل سر الميلاد العجيب يبقى مخفى عن أى فريق من الطغمت السمانية.

هنا الملائكة بتعلمنا إزاي ندى المجد والإحترام لربنا، وإزاي إنه خلاص من بعد تجسد أقنوم الكلمة السيد المسيح حيكون فى سلام بين البشر وبين السماء، وده معناه إن فى ناس كثير حتفرح وتبقى مسرورة لما تأمن بربنا يسوع المسيح مخلص العالم.

ترتيلة الملائكة دى بيقولها الكاهن فى صلاة الصلح فى القداس وبعدين فى آخر القداس وهو ببصرف ملاك الذبيحة يقول "يا ملاك هذه الصعيده أذكرنا أمام الرب" تقوم الناس ترد وتقول "المجد لله فى الأعالي، وعلى الأرض السلام، وبالناس المسرة". يبقى من هنا ورايح ياريت نعلم أولادنا حفظ الترتيلة دى علشان يقولوها فى آخر القداس.

كمان دى ترتيلة ملايكة ولما نكون متضايقين نبص للسما ونرشم الصليب ونقول الترتيلة دى من قلبنا ونطلب سلام الله الذى يفوق كل عقل.

وبعدين حصل إيه؟

وبعدين الملائكة سابيت الرعاة. فالرعاة قالوا لبعض "لِنَذْهَبِ الْآنَ إِلَى بَيْتِ لَحْمٍ وَنَنْظُرَ هَذَا الْأَمْرَ الْوَاقِعَ الَّذِي أَعْلَمْنَا بِهِ الرَّبُّ" (لو2:15) فراحو واخدين بعضهم جرى على المدود. وفعلاً لقوا زى ما الملاك قال لهم. ربنا يسوع المسيح نونو صغير فى المدود وشكله منور قوى وهادى، فحكوا للعدرا والقديس يوسف على كل اللى حصل وكلام الملاك وترتيلة الملائكة. وكلهم فرحوا قوى ورجعوا الرعاة وهما ببسبحوا ربنا.

لكن ليه الملائكة بشروا الرعاة بس بميلاد السيد المسيح؟

أول نقطة هى إن قلب كل الكهنة اليهود ماكانش مع ربنا بضمير صالح ومخلص. وربنا عارف كده لأنه فاحص القلوب. كمان لو الملائكة بشروا الكهنة، لكان أكيد فى الوقت ده حيكون فى وسطهم كهنة شباب حيعيشوا لغاية ما يجى زمن كرازة السيد المسيح بعد ثلاثين سنة، وبالتالي حيفتكروا البشارة وحيعترضوا على حكم رؤساء الكهنة بإنه مستحق الموت.

وساعتها كان ممكن تحصل مشكلة كبيرة تمنع إصدار حكم الموت على المخلص، وبالتالي تعطل إكمال تدبير الخلاص.

كمان السيد المسيح وصف نفسه وقال "أَنَا هُوَ الرَّاعِي الصَّالِحُ، وَالرَّاعِي الصَّالِحُ يَبْذُلُ نَفْسَهُ عَنِ الْخِرَافِ" (يو10:11)،

ولأن معظم الكهنة اليهود ماكانوش مخلصين فى خدمتهم للشعب بعكس الرعاة اللى كانوا "مُتَبَدِّلِينَ يَحْرُسُونَ حِرَاسَاتِ اللَّيْلِ عَلَى رَعِيَّتِهِمْ" (لو2:8)،

يبقى ربنا اختار الرعاة الساهرين والأمناء فى خدمتهم، وبعث الملاك ليهم يبشرهم إشارة إلى أن السيد المسيح الراعى الصالح يكافئ الأمناء فى عملهم، ودرس عملى لكل الناس اللى حتخدم مع المسيح بعد كده إلى أهمية الإخلاص والتفانى فى الخدمة زى الرعاة السهرانيين على حفظ الخراف.

الكلام ده طبعا يشمل الأب والأم أولا لأنهم أساس الكنيسة التى فى بيتهم (كو4:15). وزى ما إحنا عارفين كل البطارقة والأساقفة والكهنة والشمامسة وكل خدام الكنيسة، كلهم ليهم أب وأم ربوهم كويس وعلموهم الإيمان فى البيت.

س: طيب وبعد ما مشى الرعاة حصل إيه؟

الإنجيل بيقول لينا إن كل الناس كانوا فاكرين إن القديس يوسف والعدرا مريم هما والدى ربنا يسوع المسيح. وده ترتيب ربنا علشان يحمى العدرا مريم من كلام الناس لأن ماحدثش كان يقدر يفهم سر التجسد العظيم من عدرا بتول، علشان الروح القدس ماكانش لسة نزل على التلاميذ (البشر).

+

العدرا مريم تنفذ طقوس الشريعة مع المسيح

وبعدين فى تامن يوم حسب الطقس اليهودى ختنوه. ولما بقى عمره أربعين يوم خدوه للهيكل فى أورشليم علشان يكملوا طقس الناموس. وكان فى الهيكل راجل بار عجوز قوى اسمه سمعان الشيخ، وحكايته إنه لما كان عايش فى اسكندرية زمان قوى وبعدين حاكم مصر اليونانى جاب سبعين واحد من علماء اليهود ومن ضمنهم سمعان علشان يترجموا العهد القديم من العبرى لليونانى. وبعدين أعطى أمر لكل إثنين إنهم يترجموا سفر واحد بس. وبعدين حط كل واحد فى أوضة لوحده علشان يضمن دقة الترجمة من غير ما حد يضغط على الآخرين لقبول ترجمته. وفى النهاية كانت كل الترجمات زى بعضها. وهذا دليل على إن الروح القدس الذى أرشد الأنبياء عند كتابتهم للعهد القديم هو بنفسه الذى ساعد المترجمين على إتمام مهمتهم بدقة متناهية. وعلشان كده هذه الترجمة سميت بالترجمة السبعينية.

وبعدين سمعان الشيخ جه عند الآية اللي بتتكلم عن تجسد ربنا يسوع المسيح من العذرا مريم وبتقول "وَلَكِنْ يُعْطِيكُمْ السَّيِّدُ نَفْسَهُ آيَةً: هَا الْعَذْرَاءُ تَحْبِلُ وَتَلِدُ ابْنًا وَتَدْعُو اسْمَهُ عِمَّاوُئِيلَ" (أش7:14) وقال "لأ أنا مقدرش أترجمها زى ما هى مكتوبة لأن ده كلام مش معقول، ازاي واحدة عذراء تخلف، أنا لازم أغيرها إلى فتاة" يعنى كان قصده إنه ممكن واحدة تتجوز فى سن صغير وتولد زى ما كان بيحصل فى المجتمعات القديمة. فربنا أوحى إليه "إنت حتعيش لغاية ما تشوف يسوع المسيح مولود من العذرا بعنيك". (لو2:26).

فسمعان عاش وكبر وشاخ قوى قوى فى السن زيادة عن العمر المعتاد للبشر فى هذا الوقت، وعينيه ضعفت قوى وفضل قاعد نفسه يشوف السيد المسيح. فأول ما دخلت العذرا مريم الهيكل مع القديس يوسف ومعاهم الطفل يسوع المسيح، الروح القدس أرشد سمعان الشيخ ونور عينيه، فشاف العذرا مريم وهى شائلة الطفل يسوع على أيديها:

25 وَكَانَ رَجُلٌ فِي أُورُشَلِيمَ اسْمُهُ سِمْعَانُ، وَهَذَا الرَّجُلُ كَانَ بَارًّا تَقِيًّا يَنْتَظِرُ تَغْزِيَةَ إِسْرَائِيلَ، وَالرُّوحُ الْقُدُسُ كَانَ عَلَيْهِ. 26 وَكَانَ قَدْ أُوحِيَ إِلَيْهِ بِالرُّوحِ الْقُدُسِ أَنَّهُ لَا يَرَى الْمَوْتَ قَبْلَ أَنْ يَرَى مَسِيحَ الرَّبِّ. 27 فَآتَى بِالرُّوحِ إِلَى الْهَيْكَلِ. وَعِنْدَمَا دَخَلَ بِالصَّبِيِّ يَسُوعَ أَبَوَاهُ، لِيَصْنَعَا لَهُ حَسَبَ عَادَةِ النَّامُوسِ، 28 أَخَذَهُ عَلَى ذِرَاعَيْهِ وَبَارَكَ اللَّهَ وَقَالَ: 29 الْآنَ تَطْلُقُ عَبْدَكَ يَا سَيِّدُ حَسَبَ قَوْلِكَ بِسَلَامٍ، 30 لِأَنَّ عَيْنَيَّ قَدْ أَبْصَرْتُ خَلَاصَكَ، 31 الَّذِي أَعْدَدْتَهُ قُدَّامَ وَجْهِ جَمِيعِ الشُّعُوبِ. 32 نُورَ إِعْلَانٍ لِلْأُمَمِ، وَمَجْدًا لِشُعْبِكَ إِسْرَائِيلَ. 33 وَكَانَ يُوسُفُ وَأُمُّهُ يَتَعَجَّبَانِ مِمَّا قِيلَ فِيهِ. 34 وَبَارَكَهُمَا سِمْعَانُ، وَقَالَ لِمَرْيَمَ أُمِّهِ: هَا إِنَّ هَذَا قَدْ وُضِعَ لِسُقُوطٍ وَقِيَامٍ كَثِيرِينَ فِي إِسْرَائِيلَ، وَلِإِعْلَامَةٍ تُقَاوَمُ. 35 وَأَنْتِ أَيْضًا يَجُوزُ فِي نَفْسِكَ سَيْفٌ، لِتُغْلَنَ أَفْكَارٌ مِنْ قُلُوبٍ كَثِيرَةٍ. 36 وَكَانَتْ نَبِيَّةً، حَنَّةً بِنْتُ فَنُوئِيلَ مِنْ سِبْطِ أَشِيرَ، وَهِيَ مُتَقَدِّمَةٌ فِي أَيَّامٍ كَثِيرَةٍ. قَدْ عَاشَتْ مَعَ زَوْجٍ سَبْعَ سِنِينَ بَعْدَ بُكُورِيَّتِهَا. 37 وَهِيَ أَرْمَلَةٌ نَحْوَ أَرْبَعِ وَثَمَانِينَ سَنَةً، لَا تُفَارِقُ الْهَيْكَلَ، عَابِدَةً بِأَصْوَامٍ وَطَلِبَاتٍ لَيْلًا وَنَهَارًا. 38 فَهِيَ فِي تِلْكَ السَّاعَةِ وَقَفَتْ تُسَبِّحُ الرَّبَّ، وَتَكَلَّمَتْ عَنْهُ مَعَ جَمِيعِ الْمُنتَظِرِينَ فِدَاءً فِي أُورُشَلِيمَ. (لو2:25-38)

لو تأملنا فى كلام سمعان الشيخ للعذرا مريم نلاقى إنها عاشت طول عمرها فى آلام شديدة زى ما قال "وَأَنْتِ أَيْضًا يَجُوزُ فِي نَفْسِكَ سَيْفٌ" ورغم ذلك قبلتها بفرح.

كمان لو قرينا إنجيل معلمنا القديس لوقا حنعرف إن العذرا مريم كانت مواظبة على الذهاب للهيكل فى عيد الفصح كل سنة مثل عوائد اليهود الأتقياء المنتظرين المسيا "وَكَانَ أَبَوَاهُ يَذْهَبَانِ كُلَّ سَنَةٍ إِلَى أُورُشَلِيمَ فِي عِيدِ الْفِصْحِ" (لو2:41).

وده معناه حاجتين:

أول حاجة إن العذرا مريم مواظبة على طقوس الشريعة اليهودية وبالأخص لإحتفالات الفصح إلى هو رمز للخلاص بدم ربنا يسوع المسيح.

تانى حاجة إن العدرا مريم مشتاقة لليوم اللى يعلن فيه ابنها أنه هو بالحقيقة المسيا مخلص العالم زى ما سمعت من الملاك وقت البشارة، وعلشان كده بتروح للهيكل ومعها **الفصح الحقيقى**.

+

لقاء العدرا مريم مع المجوس الساجدين للمسيح

تعالوا بينا نتأمل فى إعلان السماء نبأ ميلاد المخلص للمجوس، وزيارتهم للمولود، وازاي العدرا مريم تأملت فى كل هذه الأمور.

الإنجيل بيقول لينا فيه ناس مجوس من المشرق، شافوا فى وقت ميلاد يسوع المسيح نجم عظيم منور بنور شديد فوق الوصف فى السما، يعنى حاجه عمرهم ماشافوها فى حياتهم. فعرفوا على طول إن فيه ملك عظيم جداً اتولد فى اللحظة دى وإنه حيكون ليه سلطان عظيم على العالم كله. فقالوا "نروح نمشى ورا النجم لغاية ما نلاقى الملك العظيم ده نقوم نسجد للملك ده ونقدم ليه هدايا". ففضلوا ماشيين ورا النجم لغاية ما وصلوا إلى مكان الطفل يسوع. (أرجو الرجوع للإصحاح الثانى من بشارة القديس متى البشير).

طبيب ومين هم المجوس وليه النجم ظهر ليهم؟

المجوس بحسب ما هو مفهوم دول ناس من عظماء كهنة من أتباع ذرادشت مشهورين فى علم النجوم اللى فى السما، وفى ناس بتقول إنهم من فارس (حاليا إيران)، وآخرون بيقولوا إنهم من دولة الأكراد اللى كانت على الخريطة بين إيران وتركيا والعراق حالياً.

وديانة الذرادشت ديانة تؤمن بآله واحد، لكنهم أيضاً يؤمنون بقوة النيران. يعنى دول أصلاً كانوا يعرفون الله الواحد خالق السماء والأرض وبعدين زى كل الشعوب زمان انحرفوا شوية فى مفاهيمهم. وده يفكرنا أيضاً بما حصل فى تاريخ مصر القديم.

ظهور النجم للمجوس معناه إن الله محب البشر بيتكلم مع كل شعب بالطريقة اللى تصلح ليه. يعنى دول ناس شاطرين فى فهم حركة النجوم وقلوبهم متعلقة بالنجوم، يقوم ربنا يكلمهم عن طريق النجوم علشان يرشداهم للخلاص.

وواضح من سجودهم للمسيح، ومن نوع الهدايا اللى قدموها، إنهم آمنوا بإن المسيح هو ملك وآله حتى من قبل ما يشوفوه، وعلشان كده تحملوا مشقات السفر بحثاً عن هذا الإله المتجسد علشان يقدموا قلبهم ليملك عليهم. وأكد إنهم فرحوا فرح عظيم لما شافوه وسجدوا له وقدموا هداياهم (أش6:60، مز10:71-15 قبطى - 10:72-15 بيروت، مت1:2-11).

ويبقى تصرف المجوس هو درس عملى لكل إنسان باحث عن الحق، إنه لازم يتحمل المشقات ليصل إلى الحق. الكلام ده مهم لأن أصحاب البدع والهرطقات عندهم نشاط كبير ولازم نتعب فى جهادنا ضد الأعيابهم.

وايه هي دى الهدايا اللي قدموها ليسوع المسيح ؟

ده سؤال مهم جداً لأن المجوس قدموا ثلاث هدايا. وكل هدية من الثلاث هدايا دى ليها معنى مهم قوى. يعنى دى مش مجرد هدايا زى هدايانا.

طيب إيه هي أول هدية وإيه معناها؟

أول هدية: كانت ذهب صافى اللي بنسميه دلوقت عيار اربعة وعشرين. والذهب الصافى ده رمز لحاجات مهمة:

نمرة واحد الذهب الصافى كان زمان غالى جداً وما حدش يقدر يشتريه إلا الملوك زى الفراعنة ملوك مصر زمان قوى. يبقى الذهب الصافى هنا إعتراف إنه ملك وزى ما قلنا هما عرفوا كده من منظر النجم.

نمرة إثنين الذهب الصافى من المعادن اللي عمرها ما تصدى ولا تتاكل تفضل طول عمرها لامعه زى وهى جديدة وده يبقى رمز لقمة القداسة. يعنى الذهب الصافى رمز للاهوت أقنوم الكلمة السيد المسيح وإن ملكه للأبد.

طيب إيه هي تانى هدية وإيه معناها؟

تانى هدية: كانت لبان زى اللي الكنيسة بتستعمله فى البخور. وإنتم عارفين إنكم لما بتروحوا الكنيسة بتلاقوا الكاهن ماسك الشورية فى إيده ويحط فيها بالمعلقة شوية لبان للبخور من علبة البخور اللي على المذبح ويقف يصلى لربنا عننا. يبقى اللبان معناه هنا إن أقنوم الكلمة السيد المسيح هو أيضاً كاهن، بس هو مش كاهن عادى. لأ ده الإنجيل يقول إنه "رئيس كهنة عظيم" (عب4:14) يعنى هو رئيس كل الباباوات والبطاركة والأساقفة والقسس والشمامسة والشعب. هو رئيس الكنيسة اللي هى إحنا المؤمنين بيه. ويبقى كل الباباوات والبطاركة والأساقفة والقسس خدام للسيد المسيح ومندوبين عنه لخدمة الشعب، يشرحوا لنا الإنجيل، ويسلمونا الإيمان السليم، ويصلوا لربنا علشان نفضل ثابتين فى الإيمان.

طيب إيه هي تالت هدية وإيه معناها؟

تالت هدية: كانت مر. وده طعمه صعب قوى علشان كده بتستعمله الأمهات لما ييجوا يفطموا عيل من الرضاعة. بس هنا المر نبوة ورمز للآلام اللي السيد المسيح حيقاسيها لما اليهود قبضوا عليه وخدوا حكم من بيلاطس بصلبه ومات وإدفن. لكن بقوة لاهوته قام من الأموات بعد ثلاث أيام. وما تنسوش لما يسوع قال أنا عطشان على الصليب أحد العساكرى أعطاه خل ممزوج بمرارة.

طيب والعدرا مريم عملت إيه؟

لو تأملنا فى هذا الموقف نقدر نقول إن العدرا مريم طبعاً شافت الفرحة والتهليل على وشهم ساعة وصولهم، وأكد كانت سامعة كلام عبادتهم وصلواتهم أثناء السجود للمسيح، ورغم إنها

بلغة فارسية مش آرامية، لكن نقدر نتأمل ونقول إن الروح القدس أكيد ترجم للعدرا مريم صلوات عبادتهم ترجمة فورية ففهمت كلامهم، **وما تنسوش إن التلاميذ نطقوا بألسنة بعد حلول الروح القدس عليهم**. وطبعاً ده كان سبب فرح وتهليل للعدرا مريم لأن خلاص الله لكل الشعوب بدأ اعلانه فى هذه اللحظة. وده يفكرنا بتسبحتها وهى عند القديسة أليصابات.

كمان العدرا مريم أكيد تعجبت من الهدايا اللى هى ذهب، ولبان، ومر. يعنى هى عارفة إن الذهب هو من مقتنيات الملوك، وده معناه إن المجوس دفعوا فلوس كتيرة فى شراية الذهب، وده معناه إنهم أغنياء لكن من النوع الحكيم اللى ببيحث عن الله الحقيقى رغم غناهم. ونقدر نقول إن العدرا مريم والقديس يوسف إما وضعوا هذا الذهب فى الهيكل، أو وزعوه على المحتاجين، وربما إستعملوا جزء من الذهب ده أثناء رحلتهم لمصر لشراء ما يحتاجوه، وربما لغاية ما رجعوا للناصره بعد عدة سنوات.

كمان هى عاشت فى الهيكل وشافت الكهنة وهم يبخرون فى الهيكل. فلما المجوس يقدموا بخور، هل سألت نفسها وقالت "لكن إحنا من سبط يهوذا مش من سبط لاوى اللى ربنا خصصه لخدمة كهنوت الهيكل، طيب ياترى البخور ده علشان إيه؟". أعتقد إن العدرا مريم حفظت البخور لغاية ما جت فرصة وقدمته للهيكل.

وطبعاً تعجبت جداً من المر، وربما جال خاطرها فى كلام سمعان الشيخ "وَأَنْتِ أَيْضاً يَجُوزُ فِي نَفْسِكَ سَيْفٌ" (لو2:35)، وربما ظنت إنه علشان فطام ابنها، ولو إنه فى الغالب وصل بعد الفطام، لأن المجوس وصلوا بعد الميلاد بفترة ربما عدة شهور.

العدراء مريم هى العبدة والأم

وقفة عند أمومة العدراء مريم للمسيح
الله غارس المحبة فى قلوب البشر
العدراء مريم تتمتع بطفولة المسيح
تأمل فى نوع أحاديث العدراء مريم مع يسوع فى طفولته
العدراء مريم تبحث عن ابنها الفتى المفقود فى أورشليم

مقدمة:

كنيستنا دائما تتذكر العذرا مريم فى صلواتها وتشفعاتها، ومن ضمن الألحان الجميلة إننا بعد صلاة الصلح فى القداس بنرتل لحن "افرحى يا مريم العبدة والأم ... يا سيدتنا كلنا السيدة والدة الإله ...".

وبعد القبله المقدسه بنرتل لحن "بشفاعة والدة الإله القديسة مريم... "

ولو تأملنا كويس فى هذين اللحنين حنكتشف إن الكنيسة بتعلمنا:

أولا إن العذرا مريم إنسانة زينا وبالتالى فهى عبدة لله،

وثانيا إن مولودها هو الخالق (يو 1: 1-3).

علشان كده هذا الباب مخصص للتأمل فى: **أمومة العذرا مريم للمسيح** ونقارنها مع أمومة كل البشر.

وفى الفصل الثالث عشر سنتأمل فى **العذراء هى والدة الإله** وحنعرف إن هذا اللقب هو من الله ذاته وليس من صنع البشر.

وقفة عند أمومة العذرا مريم للمسيح

الله غارس المحبة فى قلوب البشر

إحنا عارفين إن "الله مَحَبَّةٌ" (1يو4:8).

وعارفين إن الله خلق الإنسان لأنه صالح ومحِب للبشر، وعارفين إن ربنا خلق الإنسان على صورته ومثاله (تك1:26).

وعارفين كلام يسوع عن حبه وبذله نفسه من أجل خلاصنا "لَيْسَ لِأَحَدٍ حُبٌّ أَكْثَمُ مِنْ هَذَا: أَنْ يَضَعَ أَحَدٌ نَفْسَهُ لِأَجْلِ أَحِبَّائِهِ" (يو15:13).

يبقى لما نرجع لخلق الإنسان على صورة الله ومثاله، ساعتها نبتدى نفهم جذور مشاعر الحب الإنسانى، ونعرف إن الله هو اللى زرعها فى قلب البشر، لأنه من غير حب البشر لبعضيهم لكان من المستحيل أن يبقى بشر على وجه الأرض من بعد سقوط الإنسان وطرده من الفردوس.

وإحنا عارفين كويس إن الأمومة هى من طبيعة الأنثى فى غالبية المخلوقات، وطبعا البشر هم الوحيدين من كل المخلوقات إالى ربنا إداهم الروح الناطقة المسبحة لله. كمان معروف إنه حتى البنات العذارى الصغيرات تلاقوا إنهم بيهتموا بخدمة إخوتهم وقرابيهم الأصغر منهم أكثر من الصبيان.

تبقى الأمومة مش قاصرة على الأمهات بعد ما يخلقوا أطفال، لأ دى طبيعة مملوءة بالحب والتضحية ربنا حطها فى الإناث من الصغر، علشان يستحملوا التضحية الكبيرة المطلوبة فى تربية الأولاد، زى ما كان الرعاية اللى بشرهم الملاك بميلاد المسيح متفانين فى رعايتهم. ومن هنا نفهم سبب محبة الأمهات لأولادهن رغم إن ربنا حكم عليهن بالتعب والآلام فى الحبل والولادة. والأمومة طول عمرها بتعتمد على المحبة والتفانى فى خدمة الأولاد. والظاهرة دى واضحة بصورة أكثر فى المجتمعات الشرقية، خصوصا زمان أكثر من دلوقت. وكمان نفهم ليه فى المجتمعات المنحلة نلاقى كثير من الستات الأنانيات بتمتنع عن الزواج والخلفة بسبب التضحيات المطلوبة.

السؤال هو:

ياترى إيه حجم الأمومة المضحية اللى ربنا زرعها فى قلب العذرا مريم المختارة من الله ليتجسد منها أقنوم الكلمة؟

العدرا مريم ضرورى درست الكتاب المقدس دراسة ممتازة سواء من شرح معلمى الناموس فى الهيكل، أو من الشرح الخصوصى للملايكة ليها. ولأنها كانت منتظرة الخلاص بإشتياق شديد، فأكيد هى كانت حافظة كل النبوات عن المخلص ونفسها تشوف الخلاص يتم فى حياتها، لأن ده كان اشتياق كل أبرار وقديسى العهد القديم.

ويبقى الرد على السؤال سهل لأن أمومتها هى لمن لا تسعه السما والأرض، هى حتكون أم لينبوع المحبة، أم الفادى الأعظم اللى مافيش كلمات تقدر توصف محبته اللانهائية للبشر. علشان كده نقول بثقة فائقة إنه رغم إن العدرا مريم إنسانة مثل كل البشر وليها نفس مشاعر الأمهات، لكن أمومة العدرا مريم للسيد المسيح كانت أمومة مملوءة بالحب المتدفق البازل والمخلص والتضحية إلى أقصى درجة.

وتبقى أمومتها هى أمومة لا مثيل لها فى الوجود، وبالتالي تضحياتها تفوق تضحيات كل الأمهات على ممر الأجيال.

يعنى أمومتها كانت فوق الوصف، ومثالية، وفريدة، ووحيدة، وعلى أعلى مستويات الأمومة. زى ما شرحنا التقليد بيقول إن العدرا مريم عاشت واتربت فى الهيكل من سن ثلاث سنين، والتقليد بيقول إن الملايكة كانوا معاها، علشان كده نقدر نقول إنه أثناء زيارات الملايكة ليها كانوا بيُعَلِّمُوها ويعدوها للدور الخطير المطلوب منها وهو أن تكون "أم الله المتجسد = ثيوتوكوس"، ولكن دون أن تعلم لأن اختيارها لهذه المهمة كان مكتوماً عنها حتى يوم البشارة.

طبيب هل العدرا مريم شعرت بنفس المشاعر اللى بتشعر بيها الحوامل؟

معروف إن أى ست لما تكون حامل فى أول طفل تلاقيها بتمر بمشاعر كثيرة ورغم إن كل واحدة بيبقى ليها تجربة مختلفة لكن فى مشاعر مشتركة بتمر بيها معظم الحوامل:

+ **أول حاجة** هى الفرحة الشديدة إنها حتكون أم لمخلوق جديد، ولأننا كلنا بنوصف الأطفال الرضع إنهم ملايكة، فطبعا الست الحامل بتبدي تحلم باليوم اللى يوصل فيها ملاكها الخاص اللى غذته من دمها تسعة أشهر، ومش حتشبع من قبلاته وأحضانة الملائكية البريئة.

بكل تأكيد العدرا مريم كانت فرحانة فوق الوصف فى فترة حملها مش لأنها حتولد ملاك صغير، ولكن لأنها حتولد مخلص العالم زى ما قالت "تُعْظَمُ نَفْسِي الرَّبِّ، وَتَبْتَهِجُ رُوحِي بِاللَّهِ مُخْلِصِي" (لو 1:26)، وبالتأكيد لا يوجد بشر يستطيع أن يصف مشاعر الفرحة اللى شعرت بيها.

+ **تاني حاجة**: هى الלהفة على معرفة نوع الجنين إيه؟ ياترى ولد أو بنت أو أكثر من واحد؟ والسؤال راجع إلى لهفة أمهات العهد القديم اللى كانت كل واحدة عايشة على أمل إنها تكون هى أم المسيا المخلص، لأن العبرانيين ما كانوا فاهمين إيه هو عمل المسيا، وكانوا فاكرين

إنه سيكون زى شمشون يحطم الأعداء ويثبت مملكتهم الأرضية. كمان زمان كان الأولاد بيشتغلوا مع الآباء ويجيبوا فلوس للعيلة. لكن دلوقتى ما عدش فيه فرق بين الولد والبنت. لكن بالنسبة للعدرا مريم هى عارفة من أول لحظة مين هو المولود، يبقى ماكانش عندها أى نوع من القلق. لكن نقدر نتأمل ونقول إنها كانت عايشة بتشكر الله على نعمة الأمومة لمخلص العالم، وتتضرع وتطلب المعونة علشان تستطيع أن تقوم بمهمتها خير قيام. وطبعا العدرا مريم كانت فى قمة الإشتياق لليوم الللى حتشوف فيه مخلص العالم طفل رضيع فى حضنها تتمتع بقبلاته الفائقة الحلاوة، والتى هى أشهى من أجود أنواع العسل.

+ **تالت حاجة:** الحوامل دايما بيشعروا بآلام كتيرة خصوصا فى الشهور الأخيرة ووقت الولادة حسب حكم ربنا على أمنا حوا وكل جنس المرأة لما أخطأت ووقعت أبونا آدم معاها فى الخطية، وعلشان كده طردا من جنة عدن (تك3:16).

لكن العدرا مريم حملها هو من الروح القدس ليتجسد أقنوم الكلمة الللى هو أيضا الطبيب الحقيقى شافى كل أمراض نفوسنا وأجسادنا. يبقى نقدر نتأمل ونقول إنه مستحيل إنها تكون مرت بهذه الآلام سواء أثناء الحمل أو الولادة المعجزية الللى ماحدث من كل البشر يعرف تفاصيلها حسب النبوات. كمان فى نبوة بتقول "قَبْلَ أَنْ يَأْخُذَهَا الطَّلُقُ وَلَدَتْ. قَبْلَ أَنْ يَأْتِيَ عَلَيْهَا الْمَخَاضُ وَلَدَتْ ذَكْرًا." (أش7:66). وفى ثيوتوكية يوم الخميس "لأن الذى ولد إله بغير ألم من الآب. ولد أيضا حسب الجسد بغير ألم من العذراء".

اسمحوا لى أن أقول كلمة سريعة بخصوص ميلاد ربنا يسوع المسيح.

تفاصيل هذا الميلاد هى فوق مفاهيم البشر. ولهذا يجب أن نحترس من الدخول فى مناقشات عقيمة، ومحاولة البحث عن كتابات قديمة - مهما كانت مكانة كاتبها - لنثبت دوام بتولية العدرا مريم من بعد الميلاد. الكتاب المقدس قد تكلم بنبوات واضحة وضوح الشمس فى عز النهار، وعندما يتكلم الكتاب المقدس فلنصمت جميعاً فى رهبة، وخشوع، ووقار، ودهشة من هذا الأمر الذى يفوق أفهامنا البشرية المحدودة.

+

العدرا مريم تتمتع بطفولة المسيح

معروف كويس إن أى أم بتفرح بأول مولود فرحة عظيمة، خصوصا إنها تجربة جديدة. ولما نتأمل فى حياة العدرا مريم ساعتها لازم نقول إنها فرحت جداً بميلاد ابنها مخلص البشر، الللى كانت بتصلى من أجل سرعة قدومه للعالم منذ نعومة أظافرها. يعنى عاشت منتظرة الخلاص بشغف شديد، وأكد هذا الشغف زاد جداً بعد البشارة، ولكن لأنها حكيمة جداً وممتلئة نعمة كانت هادئة كالسحابة الهادئة.

+ **أول حاجة:** كلنا شفنا فرحة الأمهات لما يوصل أول طفل، وقد إيه بتبقى الدنيا مش سايرة فرحتهن خصوصاً لما يسمعون مديح الناس فى المولود الجديد.

- طيب العدرا مريم مش بس فرحت لوحدها، ده هى شافت بعينها وسمعت بأذنها فرحة السما، كمان هى فرحت مع الملائكة لما شافتهم فرحين وهم بيرتلوا "الْمَجْدُ لِلَّهِ فِي الْأَعَالِي، وَعَلَى الْأَرْضِ السَّلَامُ، وَفِي النَّاسِ الْمَسْرَّةُ" (لو2:14)

- وفرحت لما وصل الرعاة لمكان المولود وسمعت منهم كلمات التهليل لأن مجد الله أضاء عليهم (لو2:9).

- وفرحت لما تمت الناموس مع طفلها، رغم أنها تألمت مع صراخه والكهنة يتممون ناموس الختان مع ابنها.

- وفرحت لما ذهبت للهيكل لتتم ناموس التطهير، وبعدين تقابلت مع سمعان الشيخ وسمعت تهليله، وسمعت فرحة حنة النبية،

- وفرحت لما المجوس وصلوا إلى مكان السيد المسيح وقدموا له هداياهم، لأنها شعرت أن الله الرحوم قد تحنن على الأمم، وإنهم فى طريقهم إلى الإيمان بالله الحقيقى عن طريق ابنها وربها مخلصنا يسوع المسيح.

تبقى فرحتها قد إية؟

قطعاً بلا حدود لكن من شدة تواضعها صمتت وكانت تسبح ربنا فى قلبها وتقول "تُعْظِمُ نَفْسِي الرَّبَّ، وَتَبْتَهِجُ رُوحِي بِاللَّهِ مُخْلِصِي، لِأَنَّهُ نَظَرَ إِلَى اتِّضَاعِ أُمَّتِهِ" (لو1:46).

+ **تاني حاجة** الأمهات بتبقى متلهفة على تلبية طلبات أولادها. وأحياناً بعض الأمهات بتزودها لدرجة الدلع الشديد المفسد للأخلاق، لكن العدرا مريم قطعاً لم تدلل المسيح وإنما بادلت حبه العظيم البازل بحب الأمومة الحانية الودیعة اللى ما فيش زى حبها فى كل الأمهات فى كل البشر.

كل الشعوب بغض النظر عن ديانتهم بيفرحوا ببراءة الأطفال، وكثير منهم حتى الملحدین يوصفوا أولادهم بأنهم زى الملائكة.

لكن لما نيجى نوصف طفولة المسيح هل نتجرأ ونقول إنها ملائكية؟

أعتقد أن هذا الوصف لا يليق بالمسيح لأن لاهوته متحد بناسوته، وبالتالي وصف طفولته بالملائكية يعتبر إهانة ما يصحش إننا نغلط فيها. إذاً طفولته هى طفولة فريدة لا مثيل لها فى الوجود، وعلشان كده ماحدش يقدر يوصف مشاعر العدرا مريم الممتلئة نعمة نحو ابنها وربها مخلصنا يسوع المسيح.

لكن نقدر نتأمل فى بعض هذه المشاعر لأننا نؤمن أن المسيح شابها فى كل شئ ما خلا الخطية، (كما يقول الكاهن فى صلاة الصلح من القداس الغريغورى حسب كلام الإنجيل

1بط2:22، 1يو3:5). والكلام ده ينطبق على طفولته. يبقى لما المسيح كان طفلاً صغيراً كان له احتياجات زى إحتياجات كل طفل، يعنى جاع، وعطش، واحتاج الرازق إلى لبنها، وهذا هو العجب، وهى كأم طبعاً شالته وهو طفل، ورضعته، وقبلته وتمتعت أيضاً بقبلاته الحلوة جداً. وهنا نتأمل ونقول أكيد رنمت وقالت مع عروس النشيد:

لِيُقْبَلْنِي بِقُبْلَاتِ فَمِهِ، لِأَنَّ حُبَّكَ أَطْيَبُ مِنَ الْخَمْرِ
شَفَتَاكَ يَا ابْنِي وَيَامَخْلَصِي تَقْطُرَانِ شَهْدًا. تَحْتَ لِسَانِكَ عَسَلٌ

أيضاً تمتعت بأحضانه ليها زى كل طفل ما بيحضن أمه
شِمَالُهُ تَحْتَ رَأْسِي وَيَمِينُهُ تُعَانِقُنِي
وتمتعت بإشعاعات القداسة من نظرات عينيه. هى قالت:

حَبِيبِي لِي وَأَنَا لَهُ. الرَّاعِي بَيْنَ السَّوْسَنِ

وهو نظر إلى عينيها وأجاب:

هَآ أَنْتِ جَمِيلَةٌ يَا حَبِيبَتِي
هَآ أَنْتِ جَمِيلَةٌ. عَيْنَاكِ حَمَامَتَانِ
كَالسَّوْسَنِ بَيْنَ الشَّوْكِ كَذَلِكَ حَبِيبَتِي بَيْنَ الْبَنَاتِ
قَدْ سَبَيْتِ قَلْبِي يَا أُخْتِي الْعُرُوسُ
قَدْ سَبَيْتِ قَلْبِي، مَا أَجْمَلُكَ وَمَا أَخْلَاكَ أَيَّتُهَا الْحَبِيبَةُ
كُلُّكَ جَمِيلٌ يَا حَبِيبَتِي لَيْسَ فِيكَ عَيْبَةٌ

وفرحت لما مد إيديه الصغيرة وربت على وجهها زى كل الأطفال لكن بحنان بالغ، وأيضا تمتعت برضاعته كما تتمتع كل الأمهات، وبالتالي حضنته وقبلته، وبالتأكيد بادلها هذا الحب المقدس بحبه الإلهى الذى لا يساويه أى حب بشرى، وقبلها وكأنه يقول:

شَفَتَاكَ يَا عُرُوسُ تَقْطُرَانِ شَهْدًا
تَحْتَ لِسَانِكَ عَسَلٌ وَلَبَنٌ
وَرَائِحَةُ ثِيَابِكَ كَرَائِحَةِ لُبْنَانٍ
مَا أَحْسَنَ حُبَّكَ يَا أُخْتِي الْعُرُوسُ
كَمْ مَحَبَّتُكَ أَطْيَبُ مِنَ الْخَمْرِ
وَكَمْ رَائِحَةُ أَذْهَانِكَ أَطْيَبُ مِنْ كُلِّ الْأَطْيَابِ

وأكيد طبطب على خدها ومد إيده وسرح شعر رأسها كما يفعل الصغار، لكن لا أظن إطلاقاً أنه شد شعرها كما يفعل الأطفال عند غضبهم لسبب بسيط وهو أنه لم يغضب منها لحظة واحدة ولا طرفة عين.

كمان معروف إن الأمهات بعد رضاعة الأطفال يشيلوهم على صدورهن إلى أن ينعسوا وهنا عروس النشيد تقول:

هَآ أَنْتَ جَمِيلٌ يَا حَبِيبِي وَحُلُوْ، وَسَرِيرُنَا أَخْضَرُ
بَيْنَ صَدْرِيْ يَبِيْتُ، أَنَا نَائِمَةٌ وَقَلْبِيْ مُسْتَقِظٌ
أُحْلِفُكَ يَا بَنَاتِ أُورُشَلِيمَ بِالظَّبَاءِ وَبِأَيَّامِ الْحَقْلِ
أَلَّا تُقِظْنَ وَلَا تُنَبِّهْنَ الْحَبِيبَ حَتَّى يَشَاءَ

وفى الحقيقة لا أظن أنه توجد أم فى الوجود تقدر توصف أو تعبر عن هذا الحب بين العذرا مريم ووحيدها ربنا يسوع المسيح بما فى ذلك كل قديسات الكتاب المقدس. والقديس افرام السريانى تأمل وقال:

حملت مريم النار فى يديها،
واحتضنت اللهب بين ذراعيها،
أعطت اللهب صدرها كى يرضع،
وقدمت لذاك الذى يقوت الجميع لبنها.
ومن يستطيع أن يخبر عنها؟!!!

بإختصار نقدر نقول إن كل مشاعر وعواطف العذرا مريم كانت مركزة على مخلصها الطفل يسوع، وفيما بعد الفتى يسوع، وإلى أن صار رجلا كاملا، وحتى الصليب والقيامة والصعود وحلول الروح القدس على الكنيسة، وإلى وقت نياحتها وصعود روحها الطاهرة إلى الفردوس لتسكن مع مخلصها ووحيدها وحبيب قلبها ربنا يسوع المسيح.

كمان كانت بتقوم بكل خدمات البيت بنفسها لأنها فقيرة، والقديس يوسف كان نجار بسيط، وبعد نياحته اشتغل السيد المسيح مكانه كنجار فقير. علشان كده التقليد يقول إن العذرا مريم كانت زى كل الستات فى الوقت ده بتخيط هدموم المسيح وبتغزل لية توب من الصوف للتدفئة فى الشتاء، ومنهم الرداء اللى العساكر ألقوا عليه القرعة بعد ما صلبوه، بس النظام ده انقرض من زمان لأن مصانع الغزل والنسيج انتشرت.

+

العذرا مريم تفرح بضحكات الطفل يسوع

معروف لكل الأمهات إن مداعبة الأطفال بتقبيلهم فى رقبتهم يثير ضحكاتهم البريئة، والأسرة كلها وخصوصا الأمهات بيفرحوا جداً لسماع هذه الضحكات البريئة.

هل العذرا مريم فعلت هذا مع طفلها؟

هى أم، وهو قد شابها فى كل شئ، لهذا أقول وما المانع أن تداعب العذرا مريم طفلها ليضحك وتضحك معه وتفرح؟!!!

أليس من حقها أن تفرح بضحكات ابنها ومخلصها. آه وأى فرح هو!!!
ليس هناك عيب فى الضحك خصوصا عند مداعبة الأطفال الرضع والصغار. وحتى الضحك مع الكبار ليس فيه عيب طالما فى محله، ولكن العيب يأتى من تصرفات وأهداف ضحك الكبار!!! والعيب كل العيب عندما نخلط بين الأمور الجادة والأمور البسيطة وبالأخص إثارة الضحك فى الأمور العقائدية!!!

+

العدرا مريم تفرح بسماع الكلمات الأولى للطفل يسوع

معروف إن كل الأطفال أول ما يبتدوا يتكلموا ينطقوا كلمة أو كلمتين، وبعدين يزداد العدد تدريجيا. ولما نسأل عن ما هى أول كلمة ينطقها الطفل، هنا اختلفت خبرات الوالدين. البعض يقول كلمة "بابا" والبعض يقول كلمة "ماما"، والبعض يقول كلمة "لا" بسبب كثرة النهى عن الشقاوة!!! ومعروف إن كل الأهالى يفرحوا جداً لسماع هذه الكلمات.

لكن مع الطفل يسوع نقدر نتأمل ونقول إن أول كلمة نطق بها مختلفة تماما.
إحنا عارفين إن السيد المسيح أعلن حقيقة الثالوث القدوس للتلاميذ وقال لهم "أَنَا وَالآبُ وَاحِدٌ"، وبالمناطق الروحانى مش معقول أنه أخفى هذه الحقيقة اللاهوتية عن العدرا مريم. علشان كده نقدر نتأمل ونقول أن الطفل يسوع لما نطق لأول مرة نظر إلى السماء وأشار بإصبعه وقال بالأرامية "آبا" ومعناها الآب، وهى نفس الكلمة التى قالها على الصليب، أى أنه أشار إلى أبيه فى السماء، وربما أشار إلى نفسه وقال مرة ثانية "آبا" بمعنى "أَنَا وَالآبُ وَاحِدٌ ... الْآبُ فِيَّ وَأَنَا فِيهِ" (يو: 10: 30-38).

هنا نتأمل ونقول إن العدرا مريم لما سمعت هذا تذكرت بشارة الملاك "31 وَهَا أَنْتِ سَتَحْبِلِينَ وَتَلِدِينَ ابْنًا وَتُسَمِّيْنَهُ يَسُوعَ. 32 هَذَا يَكُونُ عَظِيمًا، وَابْنُ الْعَلِيِّ يُدْعَى، ... وَلَا يَكُونُ لِمَلِكِهِ نِهَايَةٌ" (لو: 1: 31-33)، ونقدر نقول إن العدرا مريم فرحت فرحاً عظيماً بسماع هذه الكلمة وربما قالت "أنت هو بالحقيقة عمانوئيل ابْنُ الْعَلِيِّ" وبعدين حضنته وقبلته زى كل الأمهات، ثم قبلت أصابع ايديه الصغيرة ووضعتها على رأسها ليباركها. فى الحقيقة التأمل لن ينتهى.

+

العدرا مريم تفرح بالخطوات الأولى للطفل يسوع

أيضا معروف إن الأمهات بتفرح لما يبتدى الطفل يحبو، وبعدين يحاول يقف على رجليه، وبعدين يحاول يمشى. وكثير من الأمهات تبعد شوية علشان الطفل يجرى إليها، فى نفس الوقت اللى بتكون فاتحة إيديها لتمسكه لو وقع، وطبعا تحضنه وتقبله كتشجيع على الإستمرار.

وأيضا أكيد إن العذرا مريم عملت نفس الشئ مع طفلها. وما المانع أن تقول "تعال إلى يا حبيب ماما؟" أم ماذا قالت؟!!!

+

تأمل فى نوع أحاديث العذرا مريم مع يسوع فى طفولته

كل الأمهات النقيات بيُعلِّمُوا أولادهم الصلاة حتى من قبل ما ينطقوا. وده واضح من رسالة معلمنا بولس الرسول لتلميذه تيموثاوس "وَأَنَّكَ مُنْذُ الطُّفُولِيَّةِ تَعْرِفُ الْكُتُبَ الْمُقَدَّسَةَ، الْقَادِرَةَ أَنْ تُحَكِّمَكَ لِلْخَلَّاصِ، بِالْإِيمَانِ الَّذِي فِي الْمَسِيحِ يَسُوعَ" (2 تى 3:15)، وده راجع إلى تقوى أمه أفنيكى وجدته لونييس زى ما قال فى أول الرسالة "إِذْ أَتَذَكَّرُ الْإِيمَانَ الْعَدِيمَ الرَّيَاءِ الَّذِي فِيكَ، الَّذِي سَكَنَ أَوَّلًا فِي جَدَّتِكَ لُونِيْسَ وَأُمِّكَ أَفْنِيكِي، وَلَكِنِّي مُوقِنٌ أَنَّهُ فِيكَ أَيْضًا." (2تى1:5). وواضح أن القديس تيموثاوس تربى حسب الشريعة اليهودية لأن أمه يهودية وأبوه يونانى.

وطبعا كلنا متأكدين إن العذرا مريم أعظم جداً جداً من أم وجدة القديس تيموثاوس، يبقى مش معقول إنها تكون أقل اهتمام بالكتب المقدسة منهما. لكن أمام أمومة العذرا مريم للمسيح لازم نسأل:

هل العذرا مريم علمت المسيح الكتب المقدسة، أم المسيح هو اللى علمها؟

لو فكرنا بالمنطق الروحانى، حنقول بكل تأكيد إن السيد المسيح حتى وهو طفل لم يكن محتاج لمن يشرح له الكتب المقدسة، لكن أكيد العذرا مريم كان لها دراسات روحانية كثيرة فى الكتب المقدسة مع المسيح منذ أن نطق. يعنى نقدر نتأمل ونقول إنها كانت بتسأل بلهفة عن تفاصيل يوم الخلاص وربما سألت "متى يكون هذا؟" وهنا نقف محتارين بشدة، هل السيد المسيح رد عليها كما رد على التلاميذ وقال "لَيْسَ لَكُمْ أَنْ تَعْرِفُوا الْأَزْمِنَةَ وَالْأَوْقَاتَ الَّتِي جَعَلَهَا الْآبُ فِي سُلْطَانِهِ" (أع7:1)، أم تكلم برموز وأمثال "وَبِدُونِ مَثَلٍ لَمْ يَكُنْ يُكَلِّمُهُمْ" (مت13:34)؟!!! مستحيل أن نعرف ما حدث ولكنى أعتقد أننا سنسمع التفاصيل لما نتقابل معها فى ملكوت السموات.

كمان ممكن نسأل: مين اللى علّم التانى الصلاة؟

ما المانع إن المسيح الذى علم التلاميذ الصلاة الربانية إنه يكون علم العذرا مريم والقديس يوسف النجار نفس الصلاة منذ أن نطق فى طفولته؟ كمان إحنا عارفين إن داود قال فى المزمور "سَبْعَ مَرَّاتٍ فِي النَّهَارِ سَبَّحْتُكَ عَلَى أَحْكَامِ عَذْلِكَ." (مز118 قبطى، 119: 164 بيروتى)

طيب هل معقول إن العدرا مريم اللى نشأت فى الهيكل إنها لا تستمر فى حفظ هذا الطقس الروحانى وتصلى مع ابنها والقديس يوسف النجار؟
وهل معقول إن المسيح لم يشجعها على الإستمرار فى هذا الطقس؟
وهو ده اللى كنيستنا حافظت عليه فى صلوات الأجيال.
ولما كبر يسوع المسيح وصار فتى، أعتقد إنهم كانوا يمضون وقت فى المساء فى دراسة أقوال الأنبياء، وربما كشف لهم السيد المسيح عن تفاسير هذه النبوات زى ما عمل مع تلميذى عمواس بعد القيامة (لو24:13-31)، وربما شرح لهم أيضا موضوع الخلاص بالصليب والقيامة زى ما أخبر تلاميذه، وأكد العدرا مريم كانت تلميذة مخلصه للمسيح تسمع شرح المعلم بفرح شديد وتحفظ كلامه فى قلبها، يعنى كانت تتأمل فيه.

ياترى العدرا مريم ربت المسيح ازاي من سن الطفولة لسن الفتية؟

الإنجيل لم يذكر أى شئ عن تربية العدرا مريم للسيد المسيح فى طفولته لكنه بيقول لينا "ثُمَّ نَزَلَ مَعَهُمَا وَجَاءَ إِلَى النَّاصِرَةِ وَكَانَ خَاضِعًا لَهُمَا. وَكَانَتْ أُمُّهُ تَحْفَظُ جَمِيعَ هَذِهِ الْأُمُورِ فِي قَلْبِهَا. وَأَمَّا يَسُوعُ فَكَانَ يَتَقَدَّمُ فِي الْحِكْمَةِ وَالْقَامَةِ وَالنِّعْمَةِ، عِنْدَ اللَّهِ وَالنَّاسِ" (لو2:51-52).
ده كلام مهم قوى، يعنى يسوع المسيح اللى هو خلق كل حاجة (يو1:3) لما تجسد بقى مطيع جداً للعدرا مريم والقديس يوسف النجار.

للأسف فيه ناس بتمسك فى الآية دى وتقول ده دليل إن يسوع كان شخص عادى. لكن ده كلام غلط جداً لأن لاهوته كان محتجب لأن ما حدش يقدر يقف لحظة واحدة أمام اللاهوت الظاهر. لكن هو عمل كده علشاننا إحنا. لأن يسوع المسيح هو المثل الأعلى للبشر. ويبقى لازم إننا نعلم أولادنا الصغار منذ نعومة أظافرهم الطاعة للوالدين فى الرب، زى ما كان يسوع المسيح بيسمع كلام العدرا مريم والقديس يوسف. وياريت التعليم يكون من النوع المقدس الحكيم فى خوف الله، والحازم بمحبة من غير قساوة.

ياترى إيه نوع الطاعة؟

إحنا عارفين إن المسيح أخذ ناسوت كامل من العدرا مريم، يبقى لما كان بيشتغل مع ولى الأمر القديس يوسف النجار فى أعمال النجارة يبقى كان بيحجوع، فلما يرجعوا البيت كان يأكل من الأكل الموجود دون أى شكوى، بل بالعكس أكيد كان بيشكر العدرا مريم على تعبها لأنه ابن بار. ونقدر نقول إنها كانت بتشكره على كلمات المحبة الخارجة من فمه الطاهر.

طيب هل هذا الخضوع لهما ينقص من كرامة اللاهوت المتحد بالناسوت؟

هنا لازم نحترس جداً من الخلط بين سلطان الأم أو ولى الأمر، وبين سلطان لاهوت السيد المسيح.

المسيح هو "الله ظَهَرَ فِي الْجَسَدِ" (1تى3:16) وده معناه إن ناسوته مثل البشر ما خلا الخطية، كمان المسيح قال "لَا تَظُنُّوا أَنِّي جِئْتُ لَأَنْقُضَ النَّامُوسَ أَوْ الْأَنْبِيَاءَ. مَا جِئْتُ لَأَنْقُضَ بَلْ لَأُكَمِّلَ" (مت5:17).

ولما المسيح يتكلم عن الناموس لازم نفهم إنه بيتكلم أولاً عن وصايا الله لأدم لما كان عايش فى جنة عدن، وأيضاً الوصايا العشرة مش بس ما يخص طقوس الناموس بخصوص تقديم الذبائح لغفران خطايا السهو، أو كل ما يخص أمور التطهير المذكورة فى التوراة.

ولو رجعنا إلى بداية الخليقة لما كان آدم يعيش فى جنة عدن ويحب الله من كل قلبه، نجد إن أول وصية من ربنا ليه كانت العمل، وتانى وصية هى شريعة الزوجة الواحدة، أى شريعة الأسرة التقية اللى بتعيش فى محبة وخوف الله مدى الحياة.

لكن إحنا عارفين إن العدرا مريم كانت بتول، لكن مع ذلك خضعت للقديس يوسف حسب الشريعة، لأنها قدام الناس كانت كزوجة له. يعنى عمرها ما رفعت صوتها عليه أو تذرمت من الفقر، أو إلخ.

الناموس هو كلام الله المعطى لموسى النبى، والمسيح هو "كلمة الله المتجسد"، ومن كلام الإنجيل نفهم إن المسيح (كلمة الله) هو اللى أعطى الناموس لموسى النبى، يبقى مش معقول إن كلمة الله المتجسد ينقض كلامه، علشان كده المسيح نفذ الوصية الخاصة بإكرام الأب (هنا ولى الأمر القديس يوسف) والأم. ولهذا كان خاضعا لهما ليؤكد لنا أهمية الوصايا العشرة.

الإنجيل بيقول "وَأَمَّا يَسُوعُ فَكَانَ يَتَقَدَّمُ فِي الْحِكْمَةِ وَالْقَامَةِ وَالنِّعْمَةِ، عِنْدَ اللَّهِ وَالنَّاسِ" طيب إيه شعور العدرا مريم؟

زى ما قلنا معروف أن لاهوت السيد المسيح كان محتجب عن الناس، وأما ناسوته فقد شابها فى كل شئ. إذاً نموه فى قامة الجسد أمام الناس مفهوم، لأنه زيه زى أى إنسان يولد كطفل ثم ينمو والناس تلاحظ نموه.

لكن ازاي نفهم نموه أمام الله إذا كان هو الله الظاهر فى الجسد؟

الإنجيل بيقول الآتى:

"يَسُوعُ الْمَسِيحُ هُوَ أَمْسًا وَالْيَوْمَ وَإِلَى الْأَبَدِ" (عب8:13)

"فِي الْبَدْءِ كَانَ الْكَلِمَةُ، وَالْكَلِمَةُ كَانَتْ عِنْدَ اللَّهِ، وَكَانَ الْكَلِمَةُ اللَّهُ" (يو1:1)

إذاً الله الإبن أقنوم الكلمة لم يتغير أو ينقص ثم يحتاج لنمو أمام الله الأب.

ويبقى المقصود هنا هو كل ما يخص نمو ناسوت السيد المسيح، ولكن فى نفس الوقت نأخذ بالنأ إن لاهوته متحد بناسوته بدون اختلاط ولا امتزاج ولا تغيير وزى ما القديس أثناسيوس الرسولى قال "إن اللاهوت كان حاضرا وشاهدا على كل أمور الناسوت".
ومرة ثانية نأخذ بالنأ من الناس اللى مش فاهمين الإنجيل، أو الناس اللى بتنكر لاهوت السيد المسيح وتلاقوهم ببصطادوا هذه الكلمات علشان يشتتوا أفكارنا.
ويبقى العدرا مريم زيتها زى كل أم كانت فرحانة وهى تشاهد نمو ناسوته "فِي الْحِكْمَةِ وَالْقَامَةِ وَالنِّعْمَةِ، عِنْدَ اللَّهِ وَالنَّاسِ".

تأملات أخرى:

لما نتأمل فى الكلام القليل جداً المكتوب عن العدرا مريم فى الإنجيل نقدر نشوف وداعة وطيبة العدرا مريم، وإزاي إنها كل حاجة كانت بتحصل قدامها بتحفظها. عارفين ليه؟ لأن ربنا خلى عندها الطبع الوديع ده علشان بعد كده التقليد يقول إنها هى اللى حكى للتلاميذ وللقديس لوقا البشير كل قصة البشارة، والميلاد، والهرب لمصر، ومناقشة يسوع الفتى للكهنة فى الهيكل لما كان عمره 12 سنة.

إحنا عارفين إن كل الأمهات بتنتظر بفارغ الصبر نمو أولادهن، ويحلموا باليوم اللى حيكبوا ويحتلوا فيه مكانة مرموقة فى المجتمع،
ياترى إيه هى أفكار العدرا مريم وهى تحمل ابنها الرضيع بين يديها، فى نفس الوقت الذى تعرف تماما أنه هو القدوس مخلص العالم؟

+

العدرا مريم تبحث عن ابنها الفتى المفقود فى أورشليم

الإنجيل لم يذكر إلا القليل جداً عن طفولة السيد المسيح.
لكن الإنجيل يقول إنهم بعد ما رجعوا من مصر كانوا بيروحوا أورشليم كل سنة فى عيد الفصح زى كل الشعب (لو2:41).

ولما كان عنده إتناشر سنة بعد ما خلصت احتفالات العيد إبتدت أسرة المسيح ترجع مع قرايبهم للناصره. ونقدر نفهم إن الصغيرين كانوا بيبقوا ماشيين شلة مع بعض. وبعد يوم قلب الأم حن وجاءت العدرا مريم والقديس يوسف يسألوا على الفتى يسوع المسيح مع الصغيرين فمالقيوهوش. فخدوا بعض ورجعوا يدوروا عليه فى أورشليم. وبعد ثلاث أيام لقوه قاعد فى الهيكل بيناقش المدرسين بتوع الناموس. وكل اللى سمعوا المناقشات كانوا مستغربين إزاي

فتى فى سنه الصغير ده حافظ وفاهم كل حاجة مكتوبة فى العهد القديم، وببشرحها أحسن من كل الكهنة والمدرسين بتوع الناموس (لو2:46-47).
لو تأملنا فى موضوع البحث عن يسوع لمدة ثلاثة أيام، نقدر نقول إنه كمثال الثلاثة أيام اللى مرت على العذرا مريم من ساعة الدفن لغاية القيامة. يبقى التلات أيام دول كانوا كتمرين عملى لإعدادها لتجربة الصلب والقيامة بعد ثلاث أيام.

س: طيب على كده العذرا مريم والقديس يوسف زعقوا لربنا يسوع المسيح لأنه قعد فى الهيكل من غير ما يقول ليهم؟

لأ ده ما حصلش لأنهم كانوا عارفين إن ده هو المسيا المنتظر، لأن الملاك لما بشر العذرا مريم بميلاده قال ليها "فَلَذَلِكَ أَيْضاً الْقُدُّوسُ الْمَوْلُودُ مِنْكَ يُدْعَى ابْنُ اللَّهِ" يعنى إن يسوع هو "الْقُدُّوسُ".

وكمات الملاك ظهر للقديس يوسف على الأقل ثلاث مرات، وفى المرة الأولى كلمه علشان يطمئه بخصوص الحبل المقدس، والمرة الثانية لما قال له اهربوا لمصر، والمرة الثالثة لما قال له ارجعوا تانى لبلادكم.

وبعدين العذرا مريم والقديس يوسف سمعوا كلام سمعان الشيخ وتسبحة حنة النبىة لما راحوا لأورشليم ليقدموا الصبى للهيكل وعمر يسوع أربعين يوم حسب نظام الناموس، وشافوا كل المعجزات اللى حصلت معاهم من ساعة البشارة، وظهور الملائكة مسبحين ومرنمين "الْمَجْدُ لِلَّهِ فِي الْأَعَالِي، وَعَلَى الْأَرْضِ السَّلَامُ، وَفِي النَّاسِ الْمَسْرَّةُ"، وشافوا فرحة الرعاة لما جم وسجدوا ليسوع، وزيارة المجوس والهدايا اللى قدموها، وكمات وهما مسافرين لمصر التقليد يقول إن يسوع رغم إنه كان صغير السن لكنه أنقذهم من قطاع الطرق. وفى مصر شافوا ازاي الأوثان كانت بتتحطم عند دخولهم أى بلد.

لكن فى نقطة لازم نفكر فيها بهدوء ونسأل :

هل معقول إن العذرا مريم ما سمعتش شرح لاهوتى لكتب العهد القديم على أعلى المستويات من فتاها يسوع قبل ما تسمعه وهو يناقش الشيوخ فى الهيكل؟

المنطق الروحانى يقول إن العذرا مريم، التى سمعت الملاك وشاهدت أمجاد السماء فى لحظات البشارة والميلاد، قطعاً مستواها الروحانى وإستعداداتها لتقبل أمور لاهوتية صعبة هو أعلى بكثير جداً من كل الكهنة والشيوخ اللى كان يناقشهم يسوع فى الهيكل. ولأنها تتلمذت له وسمعت منه شروحات كثيرة، علشان كده الإنجيل لم يذكر أنها اندهشت من طبيعة الحوار، وإنما قال إن الحاضرين هم اللى كانوا مندهشين.

علشان كده كل الأمور دى خلتهم يعاملوه كراجل كبير عظيم مهما كان سنه صغير. ويبقى مش معقول إنهم يعاملوه زى الأطفال.

طيب إيه اللى حصل؟

اللى حصل هو إن العدرا مريم لما شافته فى الهيكل عاتبته وقالت له "يَا بُنَيَّ، لِمَاذَا فَعَلْتَ بِنَا هَكَذَا؟ هُوَذَا أَبُوكَ وَأَنَا كُنَّا نَطْلُبُكَ مُعَذِّبِينَ" (لو2:48). الكلام ده معناه "ياابنى ليه عملت فينا كده؟ ده إحنا كنا بندور عليك وإحنا متعذبين" فرد عليهم وقال "لِمَاذَا كُنْتُمَا تَطْلُبَانِنِي؟ أَلَمْ تَعْلَمَا أَنَّهُ يَنْبَغِي أَنْ أَكُونَ فِي مَا لِأَبِي؟" (لو2:49).

تعالوا بينا نتأمل شوية فى معانى هذا الكلام:

التأمل الأول: فى ناس بتفتكر إنها كانت معذبة لأنها خافت عليه لئلا يكون قد تاه. لأ ده فكر غلط جداً لأن العدرا مريم عارفة كويس هو مين، رغم إنها صامته لا تبوح بالسر لأحد. لكن بالمنطق الروحانى نقدر نقول إنه لما العدرا مريم تقول إنها كانت بتدور على ابنها وهى معذبة، وبعدين نتأمل فى معنى هذا الكلام، نقدر نقول هى كانت معذبة لأنها لا تستطيع إنها تعيش يوم من غير ما تتمتع برؤياه والصلاة معه، وبعدين يمضوا وقت فى دراسة أقوال النبوات. والحديث معه فى هذه الأمور أكيد كان فى قمة الروحانيات العذبة اللى مش ممكن حد يشبع من سماعها، فما بالكم بالعدرا مريم لما تسمع من ابنها!!!

علشان كده نقدر نتأمل ونقول إن العدرا مريم لما لاحظت إنه مش موجود، قلبها خاف إنه يكون قد بدأ كرازته من غير ما تكون معاه علشان تفرح بهذا الإعلان. وهنا نقف لنتأمل مع عروس النشيد لما قالت:

فِي اللَّيْلِ عَلَى فَرَاشِي طَلَبْتُ مَنْ تُحِبُّهُ نَفْسِي.
طَلَبْتُهُ فَمَا وَجَدْتُهُ.

أَخْبِرْنِي يَا مَنْ تُحِبُّهُ نَفْسِي،
أَيْنَ تَرَعَى، أَيْنَ تُرْبِضُ عِنْدَ الظَّهِيرَةِ.

كمان ممكن نتأمل ونقول إنها لما راحت أورشليم وابتدت تدور عليه كان قلبها يقول:

أَحْلَفُكَ يَا بَنَاتِ أُورُشَلِيمَ
إِنْ وَجَدْتُنَّ حَبِيبِي

أَنْ تُخْبِرَنَّهُ بِأَنِّي مَرِيضَةٌ حُبًّا.

كمان ممكن نتأمل ونقول إن بنات أورشليم اللى سمعوها بتسأل عليه ولاحظوا شغفها قالوا:

أَيْنَ ذَهَبَ حَبِيبُكَ أَيَّتُهَا الْجَمِيلَةُ بَيْنَ النِّسَاءِ؟
أَيْنَ تَوَجَّهَ حَبِيبُكَ فَتَطْلُبُهُ مَعَكَ؟

حَلَقَهُ حَلَاوَةً وَكُلَّهُ مُشْتَهَاتٍ.
هَذَا حَبِيبِي، وَهَذَا خَلِيلِي،
يَا بَنَاتِ أُورُشَلِيمَ

التأمل الثاني: فلما العذرا مريم شافته بيناقش الكهنة افكرت إنه فعلا قد أعلن عن نفسه، بينما هو فى الحقيقة كان بيعدهم لإستقبال المسيا اللى هو أقنوم الكلمة المتجسد بدون زرع بشر، ولأن التجسد من عذراء هو أمر صعب جداً إن شعب غليظ الرقبة يقبله بسهولة، فالمسيح كان عارف إن الأمر سيحتاج لسنين. وبكده نفهم ليه العذرا مريم قالت "كُنَّا نَطْلُبُكَ مُعَذِّبِينَ" يعنى "ليه ابتديت الخدمة وإحنا مش معاك علشان نفرح بهذا الحدث العظيم". علشان كده رد عليها وقال "لِمَاذَا كُنْتُمَا تَطْلُبَانِي؟"

التأمل الثالث: هى إن الناس كانوا فاكرين إن المسيح هو ابن القديس يوسف النجار زى ما شرح القديس لوقا فى بشارته "وَهُوَ عَلَى مَا كَانَ يُظَنُّ ابْنُ يُوسُفَ، بَنِ هَالِي" (لو3:23)، والعذرا مريم لما قالت "هُوَذَا أَبُوكَ وَأَنَا كُنَّا نَطْلُبُكَ مُعَذِّبِينَ" كان كلامها بحسب العرف زى ما الناس كانت فاهمة ولكن بينها وبين المسيح، وطبعا القديس يوسف عارف - كانت بتقول للسيد المسيح "أعلن للشعب علانية أنك أنت القدوس ابن الله ولست ابن القديس يوسف بالجسد"، والمسيح نفذ طلبها وكلامه "لِمَاذَا كُنْتُمَا تَطْلُبَانِي؟ أَلَمْ تَعْلَمَا أَنَّهُ يَنْبَغِي أَنْ أَكُونَ فِي مَا لِأَبِي؟". ده معناه "بتدوروا علىّ ليه؟ هو إنتم مش عارفين إن أنا لازم أعمل المهمة اللى كلفنى بيها أبى السماوى". ولأن الخلاص لم يكن قد تم بعد، يبقى الهيكل لغاية الوقت ده كان بيت ربنا. والسيد المسيح زى ما قلنا هو أقنوم الابن المتجسد. يعنى هو كان قاعد فى بيت أبيه، بس ما حدش من الشعب فهم كلامه.

التأمل الرابع: لكن فى نقطة مهمة لازم نتأمل فيها وهو إنه أكيد كان هناك حوار صامت يدور بين العذرا مريم والمسيح، نقدر نسميه بإسم "لغة الروح والقلب عن طريق العيون". يعنى هى لما شافته كانت نظراتها ونبضات قلبها تقول كعروس النشيد:

وَجَدْتُ مَنْ تُحِبُّهُ نَفْسِي
فَأَمْسَكْتُهُ وَلَمْ أَرْخِهِ
أُجْذِبْنِي وَرَاءَكَ فَتَجْرِي

وهو عرف من عيونها ما يدور فى قلبها فـ:

أَجَابَ حَبِيبِي وَقَالَ لِي
قُومِي يَا حَبِيبَتِي، يَا جَمِيلَتِي وَتَعَالِي

يَا حَمَامَتِي فِي مَحَاجِي الصَّخْرِ
فِي سِتْرِ الْمَعَاقِلِ، أَرِنِي وَجْهَكَ، أَسْمِعْنِي صَوْتَكَ
لَأَنَّ صَوْتَكَ لَطِيفٌ وَوَجْهَكَ جَمِيلٌ

المشقات التى تحملتها العذرا مريم فى مجيئها لمصر

الملاك يأمر القديس يوسف بالهروب مع الصبى وأمه لمصر
دخول السيد المسيح والعذرا مريم والقديس يوسف النجار لمصر
العذرا مريم وطفولة يسوع فى مصر
الملاك يأمر القديس يوسف بالرجوع لوطنه
خطوات العذرا مريم مع يسوع فى الناصرة

الملاك يأمر القديس يوسف بالهروب مع الصبي وأمه لمصر

نحن نؤمن أن الله هو فاحص القلوب، يعنى ربنا ملاحظ كل واحد فى الدنيا، وبالتالى ربنا عارف الشر اللى فى قلب هيرودس من جهة الطفل. فراح بعث ملك للقديس يوسف وقال له "قُمْ وَخُذِ الصَّبِيَّ وَأُمَّهُ وَاهْرُبْ إِلَى مِصْرَ، وَكُنْ هُنَاكَ حَتَّى أَقُولَ لَكَ. لَأَنَّ هِيرُودُسَ مُزْمِعٌ أَنْ يَطْلُبَ الصَّبِيَّ لِيُهْلِكَهُ" (مت 2: 13). يعنى "قوم خذ يسوع والعدرا مريم وروح لبلاد مصر. وخليك هناك لغاية ما أقول ليك إمتى ترجع علشان هيرودس ناوى يدور على يسوع علشان يخلص عليه".

هنا ناخذ بالناس كويس إن الملك ماقالش "قم خذ إمرأتك والصبي" وإنما قال "قُمْ وَخُذِ الصَّبِيَّ وَأُمَّهُ" وده دليل سماوى على إنهم عايشين متبتلين وسيظلوا متبتلين من غير زواج. فطبعا القديس يوسف سمع كلام الملك على طول وقام مركب العدرا مريم والطفل يسوع المسيح على حمار وراحوا سايبين البلد ومشوا على مصر، ودى سكتها بعيدة وصعبة قوى. فلما جم العساكر وقتلوا أطفال بيت لحم، ماكانش فى وسطهم الطفل يسوع. وده درس لينا إنه أحيانا الحكمة تقول إننا نهرب من وجه الشر.

طيب وإيه كان شعور العدرا مريم وهى بتهرب لمصر؟

أكيد العدرا مريم كانت متألمة جداً من أجل أمهات الأطفال اللى قتلهم هيرودس على عشم إن المسيح يكون فى وسطهم. طبعا هى عارفة إن الأطفال الأبرياء دول شهداء من أجل المسيح، وبالتالى حيكونوا مع المسيح إلى الأبد. يعنى هى تألمت معاهم فى لحظات الإستشهاد، وتألمت مع أمهاتهم، لكن لم تحزن عليهم لأنهم شهداء أبرار.

طيب ليه ربنا اختار مصر وما اخترش بلد تانية؟

هو طبعا مصر بعيدة قوى عن بيت لحم، وكان ممكن ربنا يخليهم يروحوا مكان قريب، أو يستخبوا فى مغارة فى الجبال. لكن ربنا دايما يبقى ليه هدف إحنا ما نقدرش نفهمه. وإحنا كمصريين لازم نشكر ربنا لأنه أحبنا واختار مصر علشان يهرب ليها. دى بركة عظيمة جداً لينا. وطبعا الناس اللى دارسة كويس فى الإنجيل عارفين إنه كان فى نبوات كثيرة فى العهد القديم عن إيمان مصر بالمسيح، وعن زيارة العدرا مريم والسيد المسيح لمصر، وكمان نبوات عن كنيستنا القبطية.

طيب وإيه هى النبوات دى؟

"وَحْيٍ مِنْ جِهَةِ مِصْرَ: هُوَذَا الرَّبُّ رَاكِبٌ عَلَى سَحَابَةٍ خفيفةٍ وَقَادِمٌ إِلَى مِصْرَ فَتَزْتَجِفُ أَوْتَانُ مِصْرَ مِنْ وَجْهِهِ وَيَذُوبُ قَلْبُ مِصْرَ دَاخِلَهَا" (أش 19:1 – كترجمة النص القبطي).
 "فِي ذَلِكَ الْيَوْمِ يَكُونُ مَذْبَحٌ لِلرَّبِّ فِي وَسْطِ أَرْضِ مِصْرَ وَعَمُودٌ لِلرَّبِّ عِنْدَ تَحْمِهَا" (أش 19 : 19).

يبقى مجئ أقنوم الكلمة المتجسد السيد المسيح لمصر كان علشان يضع حجر الأساس للكنيسة القبطية، وعلشان كده لازم إننا نعتبر الإيمان المسيحي الرسولي هو وديعة إئتمنا عليها السيد المسيح، ومن واجبنا أن نحفظها إلى يوم القيامة.

عارفين ده زى ما رئيس الجمهورية يحط حجر الأساس لمشروع كبير. فيبقى زيارة أقنوم الكلمة المتجسد السيد المسيح لمصر كان لتأسيس كنيستنا لأن ربنا اختارها علشان تسلم الإيمان الأرثوذكسى للكنائس الثانية فى أواخر الأيام. ولما تقروا التاريخ حتعرفوا كل حاجة عن عظمة جهاد كنيستنا وازاى إنها حفظت الإيمان بشدة بالذات أيام البابا أثناسيوس الرسولى. وعلشان كده لازم تدرسوا إيماننا كويس علشان تعرفوا تحافظوا عليه.

+

دخول السيد المسيح والعدرا مريم والقديس يوسف النجار لمصر

س: طيب وإيه هو خط السير لغاية مصر وجوا مصر؟

فى الحقيقة الإنجيل ما ذكرش أى تفاصيل عن الرحلة لمصر، لكن حضور المسيح لمصر ده أمر تنبأ بيه أنبياء العهد القديم. كمان التاريخ بيذكر لنا خط سير القوافل والجوش بين مصر وبيت لحم.

كمان التقليد بيدينا فكرة عن بعض الأماكن اللى زاروها. ومن هنا نقدر نقول إن فيه مدن اتفتت الآراء إن المسيح عاش فيها أو مر عليها.

مثلا "تل بسطة" على حدود الزقازيق كانت المنطقة اللى عاش فيها اليهود قبل خروجهم من مصر. وبعدين فى ناس رجعت بعد مدة وعاشت فيها وكمان هى كانت مدخل مصر، يعنى كل القوافل كانت بتمر عليها.

وبعدين معروف إن آخر بلد زاروها كانت قسقام جنب أسيوط. وبين تل بسطة وقسقام معروف أسماء أماكن كتيرة زاروها زى منيا القمح، سمنود، أتريب، عين شمس، مسطرد، المطرية، الزيتون، مصر القديمة، أوسيم ووراق الحضر، برية شهيت (وادی النظرون)، والأشمونين ومعظم مناطق الصعيد لغاية أسيوط.

وطبعا كل المناطق دى أخذت بركات عظيمة، وبعدين لما جت المسيحية لمصر، انتشر الإيمان بسرعة واتبنت كنائس كتيرة.

ومعروف أيضا أن هناك شجرة فى المطرية عمرها 2000 سنة وما زالت حية حتى الآن، لأن السيد المسيح جلس تحتيها. وفى شارع لغاية النهاردة لا يختمر العجين فيه، لأن الناس رفضوا إنهم يعطوا خميرة للعدرا مريم علشان تخبز عيش. الكلام ده معناه إن البيوت التى لا تحترم العدرا مريم لن تأكل خبز الحياة الأبدية ولن تنال أى بركة فى هذا الدهر إلا إذا تابوا.

+

العدرا مريم وطفولة يسوع فى مصر

معروف من كلام الإنجيل إن يسوع كان عمره أقل من سنتين لما الملاك أمر القديس يوسف بالهروب لمصر. والسؤال اللى بيخطر على ذهن ناس كتيرة هو ازاي المسيح أمضى طفولته فى مصر لغاية لما رجع للناصره فى سن أقل من ست سنين.

معروف إن هذه الفترة بيبقى الأطفال فى حركة مستمرة ويمدوا أيديهم علشان يلعبوا فى أى حاجة تقع إيديهم عليها. وهو ده السبب فى اختراع لعب الأطفال، لكن فى زمن السيد المسيح ماكانش فى لعب للأطفال، وإنما كانوا يلعبوا بالزلط أو الحجارة الصغيرة، أو فى الصلصال، أو فى نوى البلح وبذور الفواكه، ... إلخ. يعنى فى كل ما هو موجود مجاناً.

لكن القديس يوسف هو نجار، وبالتالي فى احتمال إنه عمل لعب خشبية بسيطة للمسيح. وإيه المانع إن يسوع يكون أعطى هذه اللعب لأطفال مصر.

وعندما أتأمل أقول: وما المانع أن يكون الطفل يسوع قد علم أطفال مصر ازاي يمسكوا أغصان الزيتون ويلوحوا بيها كمان. يمكننا أن نتأمل ونقول إيه المانع إنه يكون علم الأطفال المصريين جدل صليب من سعف النخل، خصوصا وإنه يشبه علامة الأونخ الفرعونية اللى المصريين كانوا بيؤمنوا أنه مفتاح للحياة بعد القيامة من الأموات. أعتقد أنه عمل كده، وبعدين شرح ليهم ازاي ربنا خلق البشر، وازاي آدم سقط، وازاي ربنا سيتجسد وينقذ العالم من الشيطان. وهذه الكرازة للصغار كانت لإعداد مصر لقبول الإيمان برسالته لما يوصل الإيمان مع القديس مرقس الرسول.

وطبعا العدرا مريم كانت شاهدة لكل ما يحدث وطبعا تأملت فى كل هذه الأمور وحفظتها فى قلبها.

+

الملاك يأمر القديس يوسف بالرجوع لوطنه

طيب وهو ربنا يسوع المسيح عاش فين فى مصر؟

فى الحقيقة أسرة المسيح قعدوا يسافروا من بلد لبلد فى مصر لغاية ما وصلوا بلد فى نص مصر قرب أسبوط اسمها قسقام، ودلوقت فى كنيسة ودير مكان الحطة اللى عاشوا فيها. وبعد

كام سنة هيرودس مات فربنا بعت الملاك للقديس يوسف وقال له " قُمْ وَخُذِ الصَّبِيَّ وَأُمَّهُ
وَاذْهَبْ إِلَى أَرْضِ إِسْرَائِيلَ، لِأَنَّهُ قَدْ مَاتَ الَّذِينَ كَانُوا يَطْلُبُونَ نَفْسَ الصَّبِيِّ " (مت 2:20)، يعنى
قصده "كل الذين يريدون قتل يسوع قد ماتوا يلاً قوموا ارجعوا".

ومرة ثانية نلاحظ إن الملاك قال "قُمْ وَخُذِ الصَّبِيَّ وَأُمَّهُ". وهنا ناخذ بالناس كويس ونقول إنهما
لو كانا قد تزوجا لكان من المحتمل جداً أن يكونا قد رزقا أولاد خلال سنوات إقامتهم فى
مصر، وبالتالي لقال الملاك "قم خذ إمرأتك والصبي وأولادك"، وده دليل سماوى على أنهما
عاشا متبتلين من غير زواج.

فقام القديس يوسف وسمع كلام الملاك وأخذ ربنا يسوع المسيح والعدرا مريم ورجعوا وسكنوا
فى بلد اسمها الناصرة. علشان كده بقى اسمه يسوع الناصرى. على فكره ده السبب إن تلاميذ
ربنا يسوع المسيح فى بعض البلاد كانوا بيسموهم الناصريين. وممكن ده يكون السبب إن
العرب سموا المسيحيين نصارى ومنها جت كلمة تناصير.

خطوات العدرا مريم مع يسوع فى الناصرة

مرة ثانية الإنجيل ماقالش حاجة عن طفولة يسوع فى الناصرة، لكن من المؤكد إنه كان له
أقارب وأصدقاء من الصغار وضرورى كان بيلعب معاهم وأكد العدرا مريم عينيها كانت
عليه وهو بيُعَلِّمُهُمْ ازاى يلعبوا بوداعة ومحبة من غير خناقات. وبعدين ممكن يكون وزع
عليهم اللعب الخشب اللى عملها ليه القديس يوسف النجار، وطبعا القديس يوسف والعدرا مريم
فرحوا لكرمه مع الأطفال، وفرحوا لأنه أدخل السلام والبهجة لقلوب الأطفال الأبرياء.

وما ننساش إن المسيح كان بيحب الأطفال جداً، لهذا فعندما أتأمل أقول: وما المانع أن يكون
الطفل يسوع قد علم أطفال الناصرة وقال لهم إن المسيا حيدخل أورشليم راكبا على جحش
حسب النبوات "ابْتَهْجِي جَدًّا يَا ابْنَةَ صِهْيُون، اهْتَفِي يَا بِنْتَ أُورُشَلِيمَ. هُوَذَا مَلِكُكَ يَأْتِي إِلَيْكَ.
هُوَ عَادِلٌ وَمَنْصُورٌ وَدَيِّعٌ، وَرَاكِبٌ عَلَى حِمَارٍ وَعَلَى جَحْشٍ ابْنِ أَتَانَ". (زك 9:9)، وبعدين
علمهم ازاى يجدلوا من فروع النخل جحش زى ما بنعمل فى أحد الشعانين.

وما المانع أنه يكون علمهم ازاى يمسكوا أغصان الزيتون المنتشرة فى البلد ويلوحوا بها قائلين
"أَوْصَنَّا لَابْنَ دَاوُدَ. مُبَارَكُ الْآتِي بِاسْمِ الرَّبِّ. أَوْصَنَّا فِي الْأَعَالِي" (مت 21:9-11، مر 11:1-10،
لو 19:28-40، يو 12:12-15).

كمان المنطق يقول إنه لما يسوع وصل لسن الفتية أكيد كان بيشرح للفتية كلام الكتاب المقدس
عن المسيا المنتظر ليعدهم لقبول أنه هو المخلص لما يجى الوقت اللى سيبدأ فيه كرازته ، لأنه
مش معقول إنه بعد ما ناقش الشيوخ فى الهيكل إنه يسكت. وكمان نقدر نقول إنه ناقش ناس
كثير فى كل سنة سافروا لأورشليم.

ولكن للأسف لما نقرأ الإنجيل نكتشف إن شعب الناصرة لم يؤمن بيسوع بسهولة.

العدرا مريم تتبع المسيح فى كرازته

العدرا مريم مع المسيح فى كل مكان
اشتياقات العدرا مريم لبدء الكرازة
العدرا مريم تشهد معمودية المسيح
أين كانت العدرا مريم عندما صام السيد المسيح وجربه الشيطان
شفاعة العدرا مريم فى معجزة عرس قانا الجليل
شفاعة العدرا مريم من أجل إيماننا
شفاعة العدرا مريم فى وقت كرازة السيد المسيح
شفاعة العدرا مريم من أجل تلاميذ السيد المسيح

العدرا مريم مع المسيح فى كل مكان

فى ناس كتيرة بتسأل:

أين كانت العدرا مريم لما بدأ المسيح كرازته؟

لو تأملنا بهدوء نقدر نقول إن العدرا مريم كانت مع المسيح أينما ذهب. أولاً لأنها باكورة المؤمنين. فإذا كان التلاميذ قد تركوا كل شئ وتبعوا المسيح، فمن باب أولى العدرا مريم التى اختارها الله ليتجسد منها أقنوم الكلمة. كمان هى قالت "هُوَذَا أَنَا أَمَةٌ الرَّبِّ"، وكخادمة مخلصه للرب، لازم تتبع سيدها أينما ذهب!!! وإن اختفى عن عينيها فستبحث عنه زى ما عملت لما كان عمره إتناشر سنة.

كمان هى أم ومحبتها لإبنها جارفة وقوية، والمسيح هو وحيدها الحبيب، إذاً مش ممكن تتركه أبداً.

ولو حاولنا نتابع كل خطواتها مع المسيح حنلقى نفسنا بندرس كل البشائر الأربعة وبالتالي محتاجين عدة كتب. وفى هذا الفصل سنتكلم عن عدد محدود جداً من المواقف المهمة.

+

اشتياقات العدرا مريم لبدء الكرازة

لو راجعنا بشارة الملاك للعدرا مريم وتأملنا بعمق فى الحوار اللى دار بينهم، لازم نقول إن اشتياقات العدرا مريم للخلاص كان جارفة وقوية جداً. إذاً اشتياقها لليوم اللى السيد المسيح يعلن فيه نفسه للشعب كان شديداً جداً. يعنى نقدر نقول إنها كانت بتعد الأيام وربما الدقائق والثوانى ليوم الخلاص.

ونقدر نتأمل ونقول إن العدرا مريم عارفة من نبوات العهد القديم إن السيد المسيح سيؤسس كهنوت جديد على طقس ملكى صادق، ولأن الكهنوت فى العهد القديم بيدأ فى سن 30، إذاً لما المسيح وصل إلى هذه السن نقدر نقول إن العدرا مريم أصبحت متلهفة لتشهد بدء كرازة المسيح.

ولكن العدرا مريم لم تنس نبوة سمعان الشيخ " هَا إِنَّ هَذَا قَدْ وُضِعَ لِسُقُوطِ وَقِيَامِ كَثِيرِينَ فِي إِسْرَائِيلَ، وَلِإِعْلَامَةِ تَقَاوُمِ. 35 وَأَنْتِ أَيْضاً يَجُوزُ فِي نَفْسِكَ سَيْفٌ، لِتُغْلَنَ أَفْكَارُ مَنْ قُلُوبُ كَثِيرَةٍ. " (لو 2: 34-35). ونقدر نقول إن هذه النبوة سببت لها نوع من ألم الأمومة الحنونة لأنها فهمت إن هذا السيف هو فى الحقيقة إشارة إلى الإضطهاد ومضايقات اليهود، وربما بمشاعر أمومتها الجارفة شعرت أن هناك آلام شديدة فى انتظار المسيح. وأيضاً فهمت من النبوة إن فى ناس كتيرة من شعب إسرائيل سيرفضوا رسالة المسيح.

علشان كده نقدر نقول إن الحزن قد ملأ قلبها على شعبها فى كل مرة لاحظت غلاظة قلوب الكهنة والكتبة والفريسيين، وازاي كانوا يقاومون كرازة المسيح خوفاً على مراكزهم، وهكذا تسببوا فى حرمان هذا الشعب من التنعم بملكوت السموات، بسبب انقياد الشعب لقادتهم.

+

العدرا مريم تشهد معمودية المسيح

لما ندرس الإنجيل كويس حنعرف إن يوحنا المعمدان اللى كان عايش متبتل فى البرية، نزل إلى الشعب وابتدأ التبشير قبل أن يُظهر السيد المسيح نفسه للشعب. وكان المعمدان ينادى الشعب بالتوبة وبقرب ملكوت السموات. يعنى كان بيعدهم للخلاص بالمسيح يسوع ربنا. وبالفعل أتى كثيرون واعتمدوا منه، وبعدين كثير منهم صاروا تلاميذ للمسيح فيما بعد.

فلما وصل المسيح ليعتمد منه، الروح القدس أرشد يوحنا المعمدان أنه هو حمل الله القدوس المخلص الذى بلا خطية، فأصاب المعمدان حرج وحيرة شديدة "14 وَلَكِنْ يُوحَنَّا مَنَعَهُ قَائِلًا: أَنَا مُحْتَاجٌ أَنْ أَعْتَمِدَ مِنْكَ، وَأَنْتَ تَأْتِي إِلَيَّ. 15 فَأَجَابَ يَسُوعُ وَقَالَ لَهُ: اسْمَحْ الْآنَ، لِأَنَّهُ هَكَذَا يَلِيْقُ بِنَا أَنْ نُكَمِّلَ كُلَّ بَرٍّ. حِينَئِذٍ سَمَحَ لَهُ." (مت 3: 14-15).

فلما عمد يوحنا السيد المسيح فى نهر الأردن، نزل الروح القدس على شكل حمامة وأتى صوت من السما يقول "هَذَا هُوَ ابْنِي الْحَبِيبُ الَّذِي بِهِ سُرَرْتُ" (مت 3: 17، مر 1: 11، لو 3: 22).

كنيستنا تعيد هذا اليوم العظيم، وبتسميه عيد الظهور الإلهى لأن الثلاثة أقانيم كانت ظاهرة للكل.

أَقْنُومُ الْآبِ فى السماء يقول " هَذَا هُوَ ابْنِي الْحَبِيبُ الَّذِي بِهِ سُرَرْتُ".

وَأَقْنُومُ الْإِبْنِ المتجسد خارج من الماء.

وَأَقْنُومُ الرُّوحِ الْقُدُسِ ظاهرا على شكل حمامة.

وهنا لازم نفهم إن المسيح هو أقنوم الكلمة المتجسد ليقدم نفسه نيابة عن كل البشر.

وبالتالى فهو رغم أنه القدوس الذى بلا خطية، لكنه حمل كل خطايا البشر.

إذاً فالمسيح عندما ألزم المعمدان بتعميده، هو فى الحقيقة كممثل للخلقة كان بيأمره بتعميد كل الخليقة للتوبة لتستعد للإيمان بالمسيح. بس هنا لازم ناخذ بالناس إن معمودية يوحنا هى بالماء فقط للتوبة. علشان كده يسوع كان بيعطينا مثال عملى لأهمية التوبة قبل المعمودية فى العهد الجديد، وهو ده شرط الانضمام لكنيستنا لغاية دلوقت.

أما فى العهد الجديد فبعد التوبة، وجدد الشيطان، وإعلان الإيمان بالمسيح، وقبول الميلاد العذوى، الكنيسة بتعمد الإنسان من الماء والروح وتدهنه بزيت الميرون ليحل عليه الروح القدس، فيصير هيكلًا مقدسًا لله.

طيب هل العذرا مريم اعتمدت أيضا من القديس يوحنا المعمدان؟

الإنجيل لم يذكر أنها اعتمدت. لكن لو درسنا الكتاب المقدس كويس وبعمق ساعتها لازم نقول إنه يستحيل إنها تكون اتعمدت من يوحنا المعمدان.

صحيح العذرا مريم وُلِدَتْ من أبوين، وبالتالي فهي محتاجة للخلاص بدم ربنا يسوع المسيح، لكنها لم تكن فى احتياج لمعمودية التوبة التى يكرز بها القديس يوحنا المعمدان بالماء للأسباب الآتية:

- + العذرا مريم هى المختارة منذ البداية من الله ليتجسد منها أقنوم الكلمة.
- + العذرا مريم تتلمذت للملائكة وعاشت حياة القداسة والطهارة بصلوات وأصوام وتضرعات وطلبات بلجاجة من أجل خلاص كل البشر.
- + العذرا مريم وجدت نعمة عند الله.
- + العذرا مريم حل عليها الروح القدس، وأكثر من كده جمر اللاهوت حل فى الحشا البتولى، فتقدس وصار قدس أقداً، وهكذا امتلأت نعمة.
- + إذاً العذرا مريم عبرت مرحلة التوبة وفاققتها بمراحل ساحقة إلى مرحلة الإيمان الكامل بالمسيح والحياة معه، وصارت هيكلًا مقدسًا لله، وهو ده اللى بيحصل معانا فى معمودية العهد الجديد.
- إذاً العذرا مريم هى أول مسيحية فى التاريخ. وبالتالي مش معقول إنها ترجع للوراء وتتعمد من الماء للتوبة!!!

طيب هل العذرا مريم كانت موجودة وقت عماد السيد المسيح؟

زى ما قلنا هذا اليوم هو يوم الظهور الإلهى، إذاً هو يوم عظيم جداً.
طيب هل معقول إن السيد المسيح لا يدعو أمه العذرا مريم لهذا الحفل العظيم؟!!!
لو تأملنا بالمنطق الروحى حنقول لابد وأنها كانت حاضرة وواقفة من بعيد تراقب وإيكم الأسباب:

- + العذرا مريم فهمت بالروح من هذه اللحظة أن الحرب ضد كل جنود الشر قد أعلنت.
- وبالتالى فالخلاص قريب على الأبواب. وده مصدر فرح وألم، لأنها مش ناسية نبوة سمعان الشيخ.
- + العذرا مريم هى باكورة المؤمنين بالخلاص، وبالتالي هى الأم الروحية لكل المؤمنين بالمسيح.
- + وحيث أن عماد المسيح هو نيابة عن كل البشر،

+ إذا العدرا مريم لآبد وأن تكون حاضرة لتفرح إن البشرية كلها قد قدمت توبة استعداداً لقبول المسيح مخلص العالم.

+ كمان وجودها عند شاطئ نهر الأردن له معنى روى عظيم، وهو إنها كأم بتدعو كل البشر لعبور الأردن، أى للتوبة وقبول الإيمان بالمسيح لأجل خلاص نفوسهم، وبعدين نوال المعمودية الرسولية المقدسة، وبعدين الثبات فى الكرامة الحقيقية من خلال سر الإفخارستيا.

+

أين كانت العدرا مريم عندما صام السيد المسيح وجربه الشيطان

(مت 4:1-2، مر 1:12-13، لو 4:2)

الإنجيل يذكر لنا إن يسوع من بعد المعمودية خرج للبرية. وبعدها صام أربعين يوماً جاء الشيطان ليجربه.

إذاً نقدر نقول إن وجود العدرا مريم فى المعمودية هو كان نوع من الوداع لأنه سيغيب عنها لأول مرة أربعين يوماً.

ونقدر نقول إنه قال لها إنه ذاهب ليصوم ليبدأ حربه ضد الشيطان "وَأَمَّا هَذَا الْجِنْسُ فَلَا يَخْرُجُ إِلَّا بِالصَّلَاةِ وَالصَّوْمِ." (مت 21:17، مر 9:29).

علشان كده نقدر نقول إن العدرا مريم هى أيضاً أمضت هذه الفترة فى الصوم والصلاة من أجل أن يقبل شعبها كرازة المسيح، لأنه وإن كان المسيح بعيداً عنها بالجسد، لكنه كان معها بالروح.

أيضاً نقدر نكمل تأملنا ونقول إن العدرا مريم كانت أول من استقبل المسيح بعدما هزم الشيطان فى محاولاته لتجربته، ثم طرده قائلاً "اذهَبْ يَا شَيْطَانُ. لِأَنَّهُ مَكْتُوبٌ: لِلرَّبِّ إِلَهِكَ تَسْجُدُ وَإِيَّاهُ وَحْدَهُ تَعْبُدُ." (مت 4:10، لو 4:8).

وأكد العدرا مريم فرحت جداً برجوعه لأن الخبر ده معناه إن حرب تحرير الإنسان من قبضة الشيطان قد دخلت فى مرحلة النهاية. لكن المسيح له أسلوبه الخاص فى إعداد التلاميذ لقبول نتائج هذه المعركة خطوة خطوة تدريجياً، لأن الأمر هو فوق مفاهيم اليهودية المحدودة.

+

العدرا مريم فى عرس قانا الجليل

الإنجيل بيقول لنا إن معجزة عرس قانا الجليل هى بداية كرازة المسيح وسوف ندرس ونتأمل فى هذه المعجزة فى الفصل الخامس عشر الخاص بشفاعاة العدرا مريم.

+

العدرا مريم تشهد معجزات المسيح

زى ما قلنا العدرا مريم كانت مع المسيح فى كل مكان كرز فيه. ولأن معجزة عرس قانا الجليل تمت بشفاعتها، إذاً نقدر نقول إن قلب العدرا مريم الحنون أكيد طلب من المسيح شفاء ناس كتيرة وهو استجاب لطلباتها، مش لأنه ماكانش عارف، ولكن لأنها الملكة الجالسة عن يمينه وده نوع من الإكرام ليها.

+

العدرا مريم تعزى مريم ومرثا فى موت ليعازر

مريم ومرثا ولعازر هم إخوة وكانوا محبوبين جداً من المسيح، إذاً فهم كانوا محبوبين جداً من العدرا مريم.

ومعروف من الإنجيل إن المسيح كان يكرز بعيداً لما وصله خبر مرض لعازر. ونقدر نتأمل ونقول إن العدرا مريم أكيد كانت مع الجموع تسمع تعاليمه وتتشفع من أجل شفاء المرضى، ثم تفرح لشفائهم.

لكن المدهش إن يسوع لما علم بمرض لعازر لم يسرع لشفائه، وإنما مكث فى المكان إلى أن مات لعازر ولم يصل لمريم ومرثا إلا بعد أربعة أيام من موت لعازر.

لكن هل العدرا مريم بقيت مع يسوع، أم أسرعت للأسرة عندما علمت بمرض لعازر؟

نقدر نقول إن العدرا مريم اللى من طبعها خدمة المحتاجين لما سمعت عن مرض ليعازر شعرت كأى حنون بحاجة مريم ومرثا ليها. وأعتقد إن المسيح أرسلها بالنيابة عنه لتكون مع مريم ومرثا فى هذه الظروف الصعبة، خصوصاً فى ذاك العصر حيث الرجل هو وحده الذى يعمل ويقوت الأسرة. والهدف من هذه الإرسالية هو أن تقف العدرا مريم مع الأختين كأى حنون لتملأ قلوبهم بالسلام والصبر إلى أن يأتى المخلص. وهنا نسأل:

ماذا فعلت العدرا مريم لما مات لعازر؟

أول حاجة تخطر على بالنا هو رد الفعل الذى يحدث فى المجتمعات الشرقية فى مثل هذه الظروف. عويل، ونحيب، ولطم، ... إلخ. والإنجيل ذكر إن ده حصل من بعض سيدات أورشليم لما المسيح كان شايل الصليب وهو فى طريقه للجلجثة (لو23:27). لكن لو فكرنا بهدوء أعتقد أننا جميعاً سننتق إن العدرا مريم لم تشترك فى هذه العادات الباطلة، لأن هذه العادات الباطلة لا تتفق مع إيمان العدرا مريم، وأيضاً لا تتفق مع طبعها الهادئ الوديع. فلو حدث مثل هذا من السيدات الأخريات فى وفاة لعازر، يبقى بدون أدنى شك إن العدرا مريم لم

تتشترك فيها. بل بالعكس نتوقع إنها بهدوئها وروحانياتها الفائقة قدرت تهدى الموقف وتقنعهم ببطلان هذه الأعمال.

لكن هل بكت العذرا مريم عند موت لعازر؟

ليس هناك عيب فى البكاء لأنها مشاعر دخلت طبيعة البشر من بعد السقوط. ولكن الخطأ كل الخطأ هو أن نغرق فى الأحزان، ونفقد الأمل، وننسى أننا نولد ونعيش ونموت على رجاء قيامة الأموات. لهذا أعتقد أنها بكت زى ما يسوع بكى بعدها بأيام عند قبر لعازر (يو11:35). عندما تنيحت والدتى تلقيت تعزية من كاهن وقور بمصر كان قد خدم فى أمريكا ثم عزتتى زوجته قائلة "اخرستوس أنيستى" هنا أقول أن هذه التعزية كانت أقوى وأعرق تعزية سمعتها لأننا نولد ونعيش ونموت على رجاء قيامة الأموات. لهذا أتمنى أن تتبناها الكنيسة لتصبح التعزية الروحية التى نتبادلها مع بعضنا البعض. أقول هذا رغم تقاليدنا الشرقية التى قد لا تتقبلها بسهولة.

لكن المسيح تأخر أربعة أيام، وواضح من الإنجيل إن المعزين لم يكفوا عن الحضور طوال هذه الأيام. إذا المَحَزَنَة كانت ثقيلة جداً، وتعيد إلى ذاكرتنا أحزان العهد القديم وأشهرها جنازة يعقوب أبو الأسباط (خر1:50-13).

يا ترى العذرا مريم عملت إيه طوال الأربعة أيام؟

أعتقد أن وجود العذرا مريم كان لهدف واضح وهو إدخال السلام والرجاء لقلوب الحزانى. إحنا عارفين إن بولس الرسول قال "3مُبَارَكُ اللهُ أَبُو رَبَّنَا يَسُوعَ الْمَسِيحِ، أَبُو الرَّأْفَةِ وَإِلَهُ كُلِّ تَعَزِيَةٍ، 4 الَّذِي يُعَزِّنَا فِي كُلِّ ضِيقَتِنَا، حَتَّى نَسْتَطِيعَ أَنْ نُعَزِّيَ الَّذِينَ هُمْ فِي كُلِّ ضِيقَةٍ بِالتَّعَزِيَةِ الَّتِي نَتَعَزَّى نَحْنُ بِهَا مِنَ اللهِ." (2كو3:1-4) وطبعاً مش معقول إن العذرا مريم تكون أقل من بولس الرسول، خصوصاً وإن الروح القدس كان قد حل عليها، وإحنا عارفين إن الروح القدس هو الروح المعزى، إذاً فوجودها كان سبب تعزية كبيرة للجميع.

إذاً نقدر نتأمل ونقول إنه بالإضافة إلى أمومتها لمريم ومرثا وللحاضرين، ممكن قوى تكون عزتهم لما تكلمت قليلاً عن القيامة من الأموات فى اليوم الأخير والحياة الأبدية، وممكن فكرتهم بأن الموت هو مصير كل البشر بسبب سقوط آدم، ولا بد وأن نتقبل إرادة الله. كمان ممكن إنها شجعتهم على ترتيل بعض المزامير المناسبة.

وكمان ممكن نكمل تأملنا ونقول إنها ذهبت مع المعزين للقبر لما سمعت إن يسوع قد وصل وهو فى الانتظار. وطبعاً شهدت معجزة إقامة لعازر وفرحت من أجل مريم ومرثا، وفرحت لأن ناس كثير آمنوا بالمسيح بسبب إقامة لعازر (يو11:45، 12:9-11).

العدرا مريم تستقبل يسوع عند دخوله اورشليم

(مت 16:1-21، مر 1:11-10، لو 19:28-40، يو 12:12-15)

بعد إقامة لعازر من الأموات بأيام، المسيح دخل اورشليم راكباً على جحش ابن أتان. وفرحت الجموع جداً بهذا واستقبلته هاتفين "أُوصَنَّا لَابْنِ دَاوُدَ. مُبَارَكُ الْآتِي بِاسْمِ الرَّبِّ. أُوصَنَّا فِي الْأَعَالِي"، وكانوا يحملون فروع من شجر الزيتون والنخيل. والأطفال كانوا أكثر الناس فرحاً بهذا الإحتفال لأنهم أبرياء، وقطعا الروح حركهم.

ولكن رؤساء الشعب، اللى كانوا مليونيين فساد، خافوا على مراكزهم لو الشعب قرر تنصيب يسوع ملكاً على إسرائيل وعلشان كده تأمروا على قتل يسوع فى أقرب فرصة.

العدرا مريم عارفة كويس إن يسوع هو القدوس ابن الله، علشان كده نقدر نقول بثقة إنها لم تؤيد أى محاولات لتنصيب المسيح ملكاً على إسرائيل علشان هى عارفة إن مملكته ليست من هذا العالم (يو 18:36). لكنها كأم فرحت لفرحة الشعب وخصوصاً مع فرحة الأطفال الأبرياء لأن المسيح قال "دَعُوا الْأَوْلَادَ يَأْتُونَ إِلَيَّ وَلَا تَمْنَعُوهُمْ، لِأَنَّ لِمِثْلِ هَؤُلَاءِ مَلَكُوتَ اللَّهِ" (لو 16:18)، وما المانع أن تهتف معهم، لكن هتافها كان لأنها تعرف أنه المبارك الآتى باسم الرب، المخلص الحقيقى من قبضة الشيطان وليس المخلص من الإستعمار الرومانى كما ظن معظم الهاتفين.

وبعدين لما طلب الرؤساء من يسوع إسكات الجموع قال لهم "نَعَمْ! أَمَا قَرَأْتُمْ قَطُّ: مِنْ أَفْوَاهِ الْأَطْفَالِ وَالرُّضْعِ هَيَّاتَ تَسْبِيحًا؟"، وأيضاً قال "أَقُولُ لَكُمْ: إِنَّهُ إِنْ سَكَتَ هَؤُلَاءِ فَالْحِجَارَةُ تَصْرُخُ". يعنى إنه حتى الخليقة الغير ناطقة تعرف أنه هو كلمة الله الذى خلقها لأن "كُلُّ شَيْءٍ بِهِ كَانَ، وَبِغَيْرِهِ لَمْ يَكُنْ شَيْءٌ مِمَّا كَانَ" (يو 1:3)، بينما قلوب البشر الممتلئة ظلاماً لم تدركه "وَالظُّلْمَةُ لَمْ تُدْرِكْهُ" (يو 1:5).

علشان كده نقدر نقول إن العدرا مريم لما سمعت هذا الكلام تذكرت سقوط الأوثان فى مصر على وجهها فى كل بلد دخلوها. يعنى حجارة مصر اعترفت إن المسيح هو بالحقيقة الله الظاهر فى الجسد، ولهذا سجدت على وجهها للمسيح، ولم تقم ثانية، أمّا اليهود فرفضوا، فحزنت على شعبها لأنها عرفت أن المسيح "إِلَى خَاصَّتِهِ جَاءَ، وَخَاصَّتُهُ لَمْ تَقْبَلْهُ" (يو 1:11). وبدون شك هذا سيف جاز فى قلبها كنبوة سمعان الشيخ.

الغراء مريم حاملة الصليب حتى الجلجثة

مراجعة سريعة لآلام العذراء مريم

- (أ) آلام العذراء مريم فى فترة وجودها فى الهيكل
- (ب) آلام العذراء مريم لما خدمت القديسة أليصابات
- (ج) آلام العذراء مريم بعد ما رجعت من عند القديسة أليصابات
- (د) آلام العذراء مريم فى وقت ميلاد السيد المسيح وطفولته
- (هـ) آلام العذراء مريم وهى تتابع اضطهاد الكهنة ليسوع
قد أنت الساعة
- (و) آلام العذراء مريم عند محاكمة المسيح فى دار الولاية
- (ز) آلام العذراء مريم مع المسيح فى طريقه للجلجثة
- (ح) آلام العذراء مريم عند الصليب

السيد المسيح يدبر رعاية العذراء مريم وهو على الصليب

مراجعة سريعة لآلام العذرا مريم

السيد المسيح تكلم عن التلمذة الحقيقية ومن أهم شروطها حمل الصليب كالآتى:

"وَمَنْ لَا يَأْخُذُ صَلِيبَهُ وَيَتَّبِعْنِي فَلَا يَسْتَحِقُّنِي" (مت 10: 38)

"حِينَئِذٍ قَالَ يَسُوعُ لِتَلَامِيذِهِ: إِنْ أَرَادَ أَحَدٌ أَنْ يَأْتِيَ وَرَائِي فَلْيُنْكَرْ نَفْسَهُ وَيَحْمِلْ صَلِيبَهُ وَيَتَّبِعْنِي" (مت 24: 16، لو 9: 23)

"مَنْ لَا يَحْمِلْ صَلِيبَهُ وَيَأْتِيَ وَرَائِي فَلَا يَقْدِرُ أَنْ يَكُونَ لِي تَلْمِيذًا" (لو 14: 27)

فلو تتبعنا حياة العذرا مريم من الصغر حنلاقيها تلميذة مخلصة جداً لرب المجد، نفدت كلام المسيح، وحملت آلام الصليب منذ طفولتها، وبالذات من لحظة تقديمها للهيكل وهى طفلة عمرها ثلاث سنوات، أى حتى من قبل البشارة، وظلت حاملة للصليب حتى الجلجثة، وإلى أن تنيحت بسلام.

وفى هذا الباب سنأمل قليلا فى هذا الموضوع الهام جداً لأننا كلنا تلاميذ للمسيح. ولكن أولاً لازم نفهم قوة الصليب فى حياتنا، والعذرا مريم هى أقوى مثال لأهمية الصليب فى حياتنا. ودلوقت تعالوا بينا نراجع الآلام اللى عاشتها العذرا مريم فى حياتها على الأرض.

(أ) آلام العذرا مريم فى فترة وجودها فى الهيكل

العذرا مريم حملت الصليب لما راحت تعيش فى الهيكل وهى عمرها ثلاث سنين. والأطفال فى هذا السن بيبقوا متعلقين قوى بأمهاتهم، إذاً فمن المؤكد إنها افتقدت حنان الأم والأب، وطبعاً أكيد شرحوا ليها إنها ندر لربنا. ومن المؤكد إن ربنا عوضها بحنانه الإلهى بالحنان الذى تعجز الأمهات عن تقديمه، وعلشان كده إحنا متأكدين إنها أحبت الله من كل قلبها. علشان كده نقدر نقول أكيد العذرا مريم كانت أعظم من كل الناس اللى بتحب ربنا من كل قلبها، والعذرا مريم شايعة ازاي إبليس اللعين بيقبض على نفوس كل الناس بعد الموت حتى ولو كانوا أبرار، وده يشمل والديها. علشان كده العذرا مريم كانت متألمة جداً بسبب سقوط الإنسان فى خطية عصيان ربنا، ولهذا كانت بتصلى بإنسحاق وبدموع شديدة من أجل الخلاص، من غير ما تعرف إنها هى المختارة من الله.

(ب) آلام العذرا مريم لما خدمت القديسة أليصابات

العذرا مريم حملت صليب الخدمة الحقيقية لما راحت تخدم القديسة أليصابات وهى حامل فى القديس يوحنا المعمدان، ورغم إن الإنجيل لم يذكر أى تفاصيل لكن نقدر نفكر ونقول إن خدمة واحدة عجوزة وحامل لأول مرة وفى شهورها الأخيرة ده أمر فى منتهى الصعوبة.

(ج) آلام العذرا مريم بعد ما رجعت من عند القديسة أليصابات

العدرا مريم حملت صليب أفكار الحيرة فى نفس القديس يوسف النجار الصامت لما لاحظ علامات الحمل عليها فلم يصدق عينيه، ولكن لثقته الكاملة فى طهارتها لم يتجرأ أن يتهمها دون أن يتأكد، وفى نفس الوقت انعقد لسانه فلم يتجرأ أن يسألها كيف حدث هذا الحمل. ولأنه بار أراد أن يريح ضميره من هذه الأتعاب فقرر تخليتها سراً.

وطبعا هى قديسة عظيمة وممتلئة نعمة وحكمة، وبالتالي نقدر نقول إنها شعرت ايه اللى بيدور فى فكره، فتألمت أن الروح القدس لم يعلن له هذا السر العظيم بعد، ونقدر نتأمل ونقول أنها التمسست له العذر فسامحته وصلت من أجل إن ربنا يكشف ليه السر، واستجاب الله لصلواتها وأرسل الملاك ليطمئنه.

(د) آلام العدرا مريم فى وقت ميلاد السيد المسيح وطفولته

+ العدرا مريم حملت الصليب لما راحت بيت لحم وهى فى أيام حملها الأخيرة، وزى ما إحنا عارفين السفر من الناصرة لبيت لحم مش أمر سهل لواحدة على وشك الولادة.

+ العدرا مريم حملت الصليب لما لم تجد مكان تبيت فيه فى بيت لحم ونامت فى المزود.

+ العدرا مريم زيها زى أى أم تألمت لما بكى طفلها من الجوع والعطش.

+ تألمت من صراخ طفلها فى لحظات تتيم ناموس الختان، وأكد كانت فاهمة إن هذا الختان هو شريعة وعهد بين الله وبين شعبه للإشارة إلى الخلاص المنتظر، وهى فاكدة كويس الكلام اللى سمعته أثناء بشارة الملاك. يبقى مشاعرها هنا خليط من الألم لآلام طفلها، وألم شديد لخطية آدم اللى تسببت فى هذه الآلام، وفرح لأنها نفذت الشريعة ولقرب ملء الزمان اللى حيثحقق فيه الخلاص من خلال ابنها.

+ العدرا مريم تألمت كتير من أجل أطفال بيت لحم الأبرياء اللى قتلهم هيرودس، وتألمت من أجل أمهاتهم التكالى وهنا افكرت نبوة أرميا "صَوْتُ سَمْعٍ فِي الرَّأْمَةِ، نُوْحٌ وَبُكَاءٌ وَعَوِيلٌ كَثِيرٌ. رَاحِلٌ تَبْكِي عَلَى أَوْلَادِهَا وَلَا تُرِيدُ أَنْ تَعْرِى، لَأَنَّهُمْ لَيْسُوا بِمَوْجُودِينَ." (مت 2: 18، أر 15: 31).

+ بدون شك السفر لمصر والعودة منها على ظهر حمار وفى طريق معظمه صحراء دى عملية متعبة جداً. يعنى العدرا مريم تحملت برد الصحراء القارص بالليل، ولهيب الصحراء فى عز الظهيرة، وأيضاً رياح الصحراء المحملة بالرمال الناعمة والخانقة.

+ العدرا مريم تألمت جداً فى مصر لأنها وجدت شعب طيب بيعبد الأوثان بدلاً من عبادة الله الحقيقى. وأيضاً تألمت بسبب مشقات السفر من بلد لبلد فى مصر لأنه فى كل مرة وصلوا لبلد فى مصر، الأوثان فى البلد سقطت على وجهها وتحطمت، ولما الشعب ابتدى يبحث عن السبب، عرفوا إن فى زوار غرباء وصلوا للبلد، وبالبحث عرفوا إن وصول العدرا مريم

والقديس يوسف والطفل هو السبب، علشان كده كهنة الأوثان خافوا وطلبوا منهم أن يتركوا البلد. وهكذا سافرت أسرة المسيح من بلد لبلد. وده كان سبب بركة كبيرة لمصر.

(هـ) آلام العذرا مريم وهى تتابع اضطهاد الكهنة ليسوع

+ المسيح تكلم عن نفسه وقال إن "لِلثَّعَالِبِ أَوْجَرَةٌ وَلِطُيُورِ السَّمَاءِ أَوْكَارٌ، وَأَمَّا ابْنُ الْإِنْسَانِ فَلَيْسَ لَهُ أَيْنَ يُسْنَدُ رَأْسُهُ." (مت 20: 28). ومعروف أن المسيح كان ييجول كتير يصنع خيرا ومعجزات شفاء لا عدد لها. وبسبب اضطهاد الكهنة اليهود، ولأن ساعته لم تأت بعد كان بيختفى من الكهنة، فالعدرا مريم عاشت وحملت معاه سواء بالفعل أم بالروح صليب الكرازة والإضطهاد وحياة الطرد من أجل البر.

+ العدرا مريم أيضا حملت صليب جحود الكهنة والفريسيين لما كانوا بيعترضوا على صنع معجزاته فى يوم السبت بدلا من الفرحة لأن الناس شفيت من أتعابها وأمراضها. وكمان لما اتهموه أنه ببعلزبول بيطرده الشياطين، وهى تعرف تمام المعرفة أنه هو القدوس المتجسد من أجل خلاص البشر.

(و) آلام العذرا مريم وهى تتابع اضطهاد اليهود للتلاميذ

العدرا مريم عاشت بعد الصعود مع القديس يوحنا الحبيب، وبالطبع وصلتها كل أخبار كرازة التلاميذ واضطهاد اليهود ليهم. ومرة تانية ده كان سبب حزن ليها. وأكد وصلها خبر استشهاد رئيس الشمامسة اسطفانوس على اسم المسيح بالرجم رغم إنه لم يصنع ما يستحق الرجم، وأيضا وصلها خبر قتل هيرودس للقديس يعقوب (أع 12: 2). وطبعا وصلها أخبار شاول أعظم مضطهد للكنيسة والتلاميذ فى هذا الوقت، وأعتقد أنها صلت للمسيح وتشفعت من أجل إيمانه، وهكذا ظهر له السيد المسيح فتحول إلى إناء مختار، وكرز بقوة عجيبة.

+

قد أتت الساعة

هنا نتوقف لنسأل:

هل السيد المسيح أخبر العذرا مريم بموضوع الصليب من قبل أن يصلب أم أخفى عنها هذا الأمر؟

فى الحقيقة ده سؤال صعب جداً الرد عليه. لكن لو تأملنا بهدوء نلاحظ الآتى:

أولاً: العدرا مريم منتظرة ومتلهفة على يوم الخلاص زى ما قالت لأليصابات عند زيارتها لها (لو 1: 46-47).

يعنى العدرا مريم كانت عارفة من لحظة البشارة إن المسيح هو حمل الله الذى سيحمل خطايا العالم.

إذاً هي عارفة أنه هو الفادى القدوس، يعنى سيموت عوض الخطاة، ويبقى نقدر نقول إن موضوع الفداء أصبح هو شغلها الشاغل من لحظة البشارة، لكن هناك تفاصيل كثيرة ربما لم تتوقعها أو تعرفها من قبل الصليب.

ثانياً: العدرا مريم انسانة لها كل مشاعر الأمومة اللى ما تستحملش إنها تسمع أى خبر مزعج عن وحيدها وفلذة كبدها.

ثالثاً: لما نراجع الكتاب المقدس نلاقى إن ربنا دايم يعلن للأبرار عن بعض الأمور قبل ما تحدث. على سبيل المثال:

لما ربنا قرر معاقبة الأشرار بالطوفان نلاقيه كلم نوح وأخبره بما سيحدث ونصحه ببناء الفلك لينجو من الطوفان.

ولما قرر أن يحرق سدوم وعمورة نلاقى ربنا يقول "فَقَالَ الرَّبُّ: هَلْ أَخْفِي عَنْ إِبْرَاهِيمَ مَا أَنَا فَاعِلُهُ" (تك18:17).

رابعاً: كمان لما قربت أيام الصليب نلاقى السيد المسيح بيتدى يعد تلاميذه لهذه التجربة الصعبة عليهم ويقول ليهم إن ابن الإنسان سيسلم ويقتل ويقوم فى اليوم الثالث (مت21:16، 9:17، 21:17، 19:20، مر8:31، 9:31، 10:34، لو9:22، 18:33). وهنا نلاحظ إن التلاميذ بعضهم رفض قبول هذا الكلام، وبعضهم حزنوا، ولكنهم ما قدروا يفهموا كلامه إلا بعد القيامة.

لكن بالنسبة للعدرا مريم هي تعرف تماماً أنه هو حمل الله.
+ لهذا أعتقد ان المسيح راعى مشاعر أمومتها الحنونة، وبالتالي لم يقل لها كلام مباشر عن التفاصيل البشعة لما سيحدث عند الصليب، وربما اكتفى بأن يقول "قد أتت الساعة"، وده فى حد ذاته مؤلم جداً جداً.

+ ويبقى العدرا مريم شعرت بقرب ساعة تقديم الذبيحة المقدسة وهكذا اجتاز فى قلبها سيف كنبوة سمعان الشيخ فى الهيكل (لو2:35).

عودة لآلام العدرا مريم

(ز) آلام العدرا مريم عند محاكمة المسيح فى دار الولاية:

لو تأملنا بهدوء نلاحظ إنه يحتمل جداً إن العدرا مريم ومعها المريمات أول ما وصلهم خبر القبض على يسوع جريوا على مكانه.

يعنى ممكن يكونوا حضروا المحاكمة عند بيلاطس الحاكم الرومانى، لأننا نفهم من كلام الإنجيل إنه كان فى ناس كثير، وممكن يكونوا شافوا استهزاء العسكر بيسوع وقساوة الضربات لما جلدوه 39 جلدة. والسوط الرومانى مشهور بفضاعته وتمزيقه للحم، وممكن

شافوا عملية وضع إكليل الشوك على رأس المسيح. وفي هذه الحالة يبقى قلبها تمزق مع كل جلدة ومع آلام الشوك المغروس في رأس المسيح.

(ح) آلام العذرا مريم مع المسيح في طريقه للجلجثة

إنجيل معلمنا القديس لوقا البشير يوصف لنا ازاى بعد ما جلدوا المسيح أخذوه للصليب ويقول "26 وَلَمَّا مَضَوْا بِهِ أَمْسَكُوا سِمْعَانَ، رَجُلًا قَيْرَوَانِيًّا كَانَ آتِيًّا مِنَ الْحَقْلِ، وَوَضَعُوا عَلَيْهِ الصَّلِيبَ لِيَحْمِلَهُ خَلْفَ يَسُوعَ. 27 وَتَبِعَهُ جُمُهورٌ كَثِيرٌ مِنَ الشَّعْبِ، وَالنِّسَاءِ اللَّوَاتِي كُنَّ يَلْطُمْنَ أَيْضًا وَيَبْكْنَ عَلَيْهِ. 28 فَانْتَفَتِ إِلَيْهِ يَسُوعُ وَقَالَ: يَا بَنَاتِ أُورُشَلِيمَ، لَا تَبْكِينَ عَلَيَّ بَلْ ابْكِينَ عَلَى أَنْفُسِكُنَّ وَعَلَى أَوْلَادِكُنَّ، 29 لِأَنَّهُ هُوَذَا أَيَّامٌ تَأْتِي يَقُولُونَ فِيهَا: طُوبَى لِلْعَوَاقِرِ وَالْبُطُونِ الَّتِي لَمْ تَلِدْ وَالثَّدْيِ الَّتِي لَمْ تُرْضِعْ. 30 حِينَئِذٍ يَبْتَذِنُونَ يَقُولُونَ لِلْجِبَالِ: اسْقُطِي عَلَيْنَا، وَلِلْأَكَامِ: غَطِّينَا. 31 لِأَنَّهُ إِنْ كَانُوا بِالْعُودِ الرَّطْبِ يَفْعَلُونَ هَذَا، فَمَاذَا يَكُونُ بِالْيَاسِ؟" (لو 23: 26-31)

فلما يقول "وَتَبِعَهُ جُمُهورٌ كَثِيرٌ مِنَ الشَّعْبِ" يبقى واضح لنا إن الخبر انتشر في البلد كلها، وعلشان كده كان في ناس كثير. هنا نقدر نقول إن العذرا مريم ضرورى كانت ماشية جنب يسوع وهو شايل الصليب إلى الجلجثة.

من شدة قسوة الموكب، حتى بالنسبة للشخص الغريب، نلاقى الستات الطيبات اللى مش فى إمكانهن عمل أى شئ "كُنَّ يَلْطُمْنَ أَيْضًا وَيَبْكْنَ عَلَيْهِ".

هنا نسأل ونتأمل: ياترى إيه مشاعر العذرا مريم وهى ماشية فى هذا الموكب القاسى جداً؟ وأيضا ما هى مشاعرها لما سمعت رد ابنها الحبيب على نحيب الستات؟ "يَا بَنَاتِ أُورُشَلِيمَ، لَا تَبْكِينَ عَلَيَّ بَلْ ابْكِينَ عَلَى أَنْفُسِكُنَّ وَعَلَى أَوْلَادِكُنَّ" (لو 23: 28).

لا أظن إننا نقدر نفكر أو نعبر عن مشاعرها فى هذا الموقف القاسى جداً.

وممكن نكمل تأملنا ونقول إن المريمات كن مع العذرا مريم فى هذا الموقف الصعب ومشيا وراه وهو شايل الصليب لغاية الجلجثة

(ط) آلام العذرا مريم عند الصليب

لكن فى النهاية الشئ المؤكد هو إن العذرا مريم والمريمات كانوا موجودين ساعة الصلب عند الجلجثة زى ما هو مكتوب فى الإنجيل "وَكَانَتْ وَاقِفَاتٍ عِنْدَ صَلِيبِ يَسُوعَ، أُمُّهُ، وَأُخْتُ أُمِّهِ مَرْيَمُ زَوْجَةُ كُلُوبَا، وَمَرْيَمُ الْمَجْدَلِيَّةُ." (يو 19: 25).

- إذا العذرا مريم تألمت وهى واقفة تحت الصليب، ترى وتشعر بشدة الآلام الرهيبة لعملية الصلب اللى بيعانى منها ابنها الوحيد وفلذة كبدها دون أى ذنب.

واعتقد أنه لا يوجد إنسان فى الوجود يقدر يعبر عن المشاعر اللى مرت فى ذهن العذرا مريم فى هذه اللحظات القاسية. ربما لما نقابلها فى ملكوت السموات تشرح لنا تفاصيل هذه اللحظات ليس كنوع من الحكايات المسلية ولكن لتأمل معاً فى مقدار محبة ربنا للبشر،

ونعرف مقدار الآلام الرهيبة التي تحملها ربنا يسوع من أجل تقديم فدية مقدسة لخلاصنا، وساعتها حنسبحة ونشكره لأنه اختار قديسة عظيمة ليتجسد منها. ولما نعرف مقدار الآلام التي تحملتها العذرا مريم معه من أجلنا، بالتأكيد سنعطيهما الكرامة كملكة مستحقة للجلوس عن يمين ربنا يسوع المسيح.

- تألمت العذرا مريم من أجل قساوة شعبها اللى قال عنهم ربنا "شعب غليظ الرقبة"، لكن العذرا مريم شايقة وشاهدة ازاي هذه القساوة منعتهم من معرفة المخلص القدوس ابن العلى زى ما بشرها الملاك.

- حزنت العذرا مريم على نكران الجميل، وازاي إن الشعب ما طمرش فيهم كل معجزات الشفاء وإقامة الموتى، وتذكرت أنهم عند بيلاطس "23فَكَانُوا يَلْجُونَ بِأَصْوَاتٍ عَظِيمَةٍ طَالِبِينَ أَنْ يُصَلَّبَ. فَقَوَّيْتُ أَصْوَاتَهُمْ وَأَصْوَاتُ رُؤَسَاءِ الْكَهَنَةِ. 24فَحَكَمَ بِيَلَاطُسُ أَنْ تَكُونَ طَلَبَتُهُمْ." (لو23:23-24) وربما تذكرت أيضا نبوة أشعياء عن هذا الشعب "الْتَوَرُّ يَعْرِفُ قَانِيَهُ وَالْحِمَارُ مَغْلَفَ صَاحِبِهِ، أَمَّا إِسْرَائِيلُ فَلَا يَعْرِفُ. شَعْبِي لَا يَفْهَمُ" (أش1:3)، وهكذا فقدوا الطريق لملكوت السموات ليدخل الأمم عوضاً عنهم.

- العذرا مريم لما شافت المسيح مصلوب وعن يمينه وعن يساره لصين نقدر نقول أنها تألمت وربما تذكرت النبوة " ... مِنْ أَجْلِ أَنَّهُ سَكَبَ لِلْمَوْتِ نَفْسَهُ وَأَحْصَى مَعَ أَثَمَةٍ، وَهُوَ حَمَلَ خَطِيئَةَ كَثِيرِينَ وَشَفَعَ فِي الْمُذْنِبِينَ" (أش53:12).

طيب إيه هو شعور العذرا مريم وهى شايقة العساكر بيصلبوا السيد المسيح؟

قبل ما نتأمل فى هذا السؤال الصعب، تعالوا بينا نشوف آلام أى أم لما تشوف ابنها محكوم عليه بالإعدام وتشوف تنفيذ الحكم قصاد عينيها!!! قطعاً آلامها لا توصف رغم إنها عارفة إن الحكم عادل، لأن ابنها أخطأ واستحق العقوبة.

طيب تعالوا نشوف أم تانية بتشوف تنفيذ حكم اعدام ظالم ضد ابنها البرئ قصاد عينيها!!! قطعاً آلامها أشد وأقسى بكثير من آلام الأم اللى ابنها مستحق للعقوبة، وممكن يحصل لها نوع من الصدمات العصبية والهيستريا.

ودلوقتى تعالوا نتأمل ونسأل أنفسنا ونقول:

+ يا ترى إيه هو شعور العذرا مريم تحت الصليب وهى شايقة ابن الله القدوس المتجسد منها بيتصلب ؟

+ هل تذكرت بشارة الملاك لما قال ليها "الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تَظَلُّكَ، فَلِذَلِكَ أَيْضاً الْقُدُّوسُ الْمَوْلُودُ مِنْكَ يُدْعَى ابْنُ اللَّهِ." (لو1:35)؟

+ إيه مشاعرها وهى عارفة وشاهدة ومتأكدة من براءته؟

ياترى هل العدرا مريم كانت بتستعيد كل النبوات عن المسيا والخلص من الشيطان من خلال ذبيحة الفداء العظيم؟

نقدر نتأمل ونقول لأن العدرا مريم دارسة الكتب المقدسة كويس ومتعلمة على أعلى مستوى لاهوتى، علشان كده فإن العدرا مريم تحت الصليب كان بيجرى فى ذهنها شريط سريع لكل النبوات عن آلام المسيح، وكل ما عاشته من لحظة البشارة إلى تلك اللحظة اللى كل البشرية انتظرتها بشغف من يوم سقوط أبونا آدم.

+ ياترى هل كانت بتتذكر نبوات سمعان الشيخ وحنة النبية لما أخذت الطفل يسوع للهيكل بعد أربعين يوم من ميلاده بحسب أوامر الشريعة؟! "34 وَبَارَكَهُمَا سَمْعَانُ، وَقَالَ لِمَرْيَمَ أُمِّهِ: هَا إِنَّ هَذَا قَدْ وُضِعَ لِسُقُوطِ وَقِيَامِ كَثِيرِينَ فِي إِسْرَائِيلَ، وَلِعَلَّامَةٍ تُقَاوَمُ. 35 وَأَنْتِ أَيْضاً يَجُوزُ فِي نَفْسِكَ سَيْفٌ، لِيَتَلَعَّنَ أَفْكَارٌ مِنْ قُلُوبٍ كَثِيرَةٍ." (لو 2: 34-35).

أعتقد أن هذه الكلمات كانت ترن فى أذنها فى هذه اللحظات، ولكن من شدة حبها لله كان قلبها يقول "هُؤَذَا أَنَا أَمَةٌ الرَّبِّ".

+ كمان هل كانت بتتذكر طفولته الرائعة وقبالاته المملوءة حب وحنان رائع فوق الوصف؟
+ وهل كانت بتتذكر كل عظاته ومعجزاته وازاى إنها تتلمذت على يديه؟
+ وهل كانت بتتذكر بكاء يسوع على أورشليم، وعند قبر لعازر؟ فبكت هى أيضا على شعب إسرائيل العنيد اللى رفض رسالة المسيح. وطبعا كانت حزينة إنهم رغم كل الأعداد الوفيرة اللى شفاها يسوع لكنهم طلخوا غدارين.

وأكثر من كده ده هى فاكهة وشاهدة إنه كان يجول يصنع خيرا لكل الشعب، وشاهدة إنه بسلطانه أخرج الشياطين والأرواح النجسة،
وشاهدة إنه شفى كل أنواع المرض من المرضى اللى طلبوا منه الشفاء،
وشاهدة إنه فتح عينين العميان، ورجّع السمع للصم، والنطق للخرس،
وشاهدة إنه أقام من الموت لعازر، وابن أرملة نايين، وابنة يائرس رئيس المجمع وغيرهم كثير.

يعنى نقدر نقول بثقة إنها طبعا كانت متألمة جداً فوق الوصف وهى شايقة ازاي الشعب أغلق عينيه عن رؤية الحق، ومش حافظ الجميل وبيغدر بمخلصه الطبيب الحقيقى.

قلب العدرا مريم نقى جداً وأطهر من الثلج اللى نازل على قمم الجبال الشاهقة الإرتفاع، لكن هى أم زيتها زى أى أم، يبقى من المؤكد أن آلامها كانت أكثر بكثير من آلام أى أم اعتيادية، وزى ما قال سمعان الشيخ كان شعورها زى ما يكون حد مسك سيف وطعنها. يعنى آلامها كانت شديدة جداً فوق الوصف وفوق احتمال أى شخص مهما كان.

يبقى نقدر نتأمل ونقول إن العذرا مريم مش ممكن تستحمل هذا الموقف القاسى جداً لولا إن ربنا بعث ليها معونة من السماء علشان تصبرها وتقويها فى مثل هذه الظروف القاسية جداً فوق الوصف.

يعنى نقدر نقول إن ربنا فى هذه اللحظات الرهيبة أرسل ليها ملاك ليملأ قلبها من السلام ويفكرها بكلام الملاك ساعة البشارة، وإنه الآن قد أتت ساعة الخلاص اللى كل الأجيال كانت منتظراه، وإن يسوع خلاص حيهزم الشيطان اللئيم، ويخرج كل الأبرار من قبضته، وبالطبع والديها منهم، وده طبعا خبر مفرح لقلبها اللى يجوز فيه سيف زى ما تنبأ سمعان الشيخ.

هنا نقدر نقول إن بكاءها صار مزيجاً من الألم القاسى جداً والفرح الفائق.

آلامها هى آلام أم حنون شاهدة على الظلم الواقع على وحيدها،

وفرحتها هو الفرح بالخلاص زى ما سبحت عند أليصابات "فَقَالَتْ مَرْيَمُ: تُعْظِمُ نَفْسِي الرَّبَّ، 47 وَتَبْتَهِجُ رُوحِي بِاللَّهِ مُخْلِصِي" (لو 1: 46-47).

المشاعر دى مشاعر قوية جداً جداً فوق الوصف ما حدش يقدر يستحملها ولا أقوى الرجال، لأنها مشاعر عنيفة ومتناقضة، لكن لأن العذرا مريم ممثلة نعمة، ولأن ربنا أرسل لها معونة فائقة، علشان كده تحملت هذه المشاعر العنيفة بشجاعة فائقة. وده كافى جداً إن الناس اللى مش عارفين مقدار عظمتها إنهم يرجعوا أنفسهم ويرجعوا عن طريقهم المهلك.

هل العذرا مريم لاحظت الظلمة والزلزلة وازاى إن الطبيعة مش قادرة تستحمل منظر خالقها المتجسد وهو مهان على عود الصليب؟

كل الناس لاحظت الزلزال، يبقى العذرا مريم أكيد شعرت بالزلزال الشديد القوى اللى حصل. وما ننساش إنها دارسة الكتاب المقدس وعارفة النبوات عن هذه الأمور (عاموس 9:8)، ولكنها كأم حنون أكيد بكت وبشدة، وأكيد قلبها كان بيتقطع من الألم زى ما سمعان الشيخ قال لها "وَأَنْتِ أَيْضاً يَجُوزُ فِي نَفْسِكَ سَيْفٌ" ولكن فى وقار يليق بمكانتها وإيمانها ويليقي بمكانة ابنها.

ودلوقتى تعالوا بينا نعيش تجربة العذرا مريم مع ما حدث عند الصليب:

أول حاجة نلاحظها: إن العذرا مريم شافت ازاي السما كانت واقفة مذهولة وفرحانة من اللى بيحصل، لأن الملائكة طبعا تفرح لما أقنوم الكلمة المتجسد ربنا يسوع المسيح يغلب الشيطان. وفى نفس الوقت مش قادرة تستحمل منظر ربنا يسوع المسيح وهو مصلوب ومهان بشدة وفضاعة من البشر اللى خلقهم (يو 1:3)، علشان كده الدنيا ضلّمت زى الليل لأن الشمس اختفت من الساعة ستة حسب نظام اليهود اللى هو ساعة الظهر دلوقتى، لغاية الساعة تسعة حسب نظام اليهود اللى هو الساعة ثلاثة بعد الظهر دلوقتى، يعنى طول الهزيع التالت من النهار، "وَمِنَ السَّاعَةِ السَّادِسَةِ كَانَتْ ظُلْمَةٌ عَلَى كُلِّ الْأَرْضِ إِلَى السَّاعَةِ التَّاسِعَةِ" (مت 27:45).

ثاني حاجة نلاحظها: والإنجيل يقول لنا إن حجاب الهيكل انشق. ولأن العذرا مريم مملوءة نعمة علشان كده ممكن نقول إن الروح القدس عرفها بإيه اللي حصل وإن ده علامة على إن أبواب السما اتفتحت قدام أبرار العهد القديم ومنهم والديها، وأيضاً أمام المؤمنين بيسوع المسيح لأن يسوع المسيح دفع حكم العقوبة بالنيابة عنا، وأنعم علينا بالخلاص من قبضة الشيطان إلى الأبد، طول ما إحنا ماسكين فى إيد ربنا يسوع المسيح. والزلازل الشديدة ده خلّى قائد المئة والعساكر اللي معاه يعترفوا ويقولوا "وَأَمَّا قَائِدُ الْمِئَةِ وَالَّذِينَ مَعَهُ يَحْرُسُونَ يَسُوعَ فَلَمَّا رَأَوْا الزَّلْزَلَةَ وَمَا كَانَ، خَافُوا جَدًّا وَقَالُوا: حَقًّا كَانَ هَذَا ابْنُ اللَّهِ." (مت 27: 54). والتقليد بيقول إن هذا القائد كان اسمه لنجينيوس وإنه آمن بالمسيح ومات شهيد على اسم المسيح. وأكد العذرا مريم شعرت بمشاعر صعبة جداً إننا نشرحها لأنها مزيج من آلام الأم الرهيب، وفرحة العبدة اللي صلت كتير وبلجاجة وتضرعت من أجل الخلاص، ودلوقت شايقة خلاص كل البشر بيتحقق قدام عينيها.

ثالث حاجة نلاحظها: العذرا مريم جاز فى نفسها سيف لما شافت ابنها الوحيد وفلذة كبدها يسوع المسيح وهو معلق على الصليب، وتحت الصليب ما كانش واقف مع العذرا مريم غير القديس يوحنا وبقية المريمات، بينما كل التلاميذ اللي كانوا معاه فى بستان جسثيمانى خافوا وهربوا. يعنى التلاميذ الرجالة يهربوا والمريمات بيقوا أشجع منهم، ولا خافوا لا من الكهنة اليهود، ولا من العساكر، ولا من الشعب اليهودى. وده درس عظيم لينا كلنا وهو إن الشجاعة والرجولة الحقيقية هى للجميع، ما فيش فرق بين ذكور وإناث، وتبقى الشجاعة هى إننا ما نسيبش يسوع المسيح مهما حصل، ولازم نمسك فيه بإستمرار وهو حيخلصنا أشجع من الأسود. وكمان ده درس مهم للبنات إنها تتعلم الشجاعة زى المريمات. بس تكون شجاعة مؤدبة مليانة وداعة وحكمة مسيحية.

رابع حاجة نلاحظها: العذرا مريم عارفة إن الصلب كان يوم الجمعة وتانى يوم هو السبت والذى كان يوافق عيد الفصح، ولهذا سمى السبت العظيم (يو 19: 31). وعيد الفصح هو تذكارة نجاة اليهود من عبودية فرعون لما عبروا البحر الأحمر وغرق جنود فرعون. فرعون رمز للشيطان، لكن الأهم من كده هو إن معجزة عبورهم البحر الأحمر هى رمز للنجاة من الشيطان بالمعمودية المقدسة فى العهد الجديد. يبقى فصح اليهود هو رمز لنجاة البشر من الشيطان بالفصح الحقيقى اللي هو ربنا يسوع المسيح لما يقدم نفسه على الصليب. علشان كده ما نستغربش إن صلب السيد المسيح كان فى وسط احتفال اليهود بالفصح. علشان يفهمهم أنه هو "الفصح الحقيقى" اللي كل النبوات اتكلمت عليه. يعنى العذرا مريم شايقة قصاص عينيها كمال النبوات، وعرفت إن اليوم ده هو اليوم اللي انتظرتة كل الأجيال اللي انتقلت من هذا العالم، وعاشت فى قبضة الشيطان فى انتظار هذا اليوم العظيم.

ياريت نقرا ونتأمل فى كل النبوات اللى الكنيسة بتقراها علينا فى أسبوع الآلام، وكمان ما تنسوش صلاة الساعة التاسعة فى الأجبية لما الكنيسة بتتأمل فى هذا الموقف الرهيب وتقول بالنيابة عن العذرا مريم "عندما نظرت الوالدة الحمل والراعى مخلص العالم على الصليب معلقا، قالت وهى باكية : أما العالم فيفرح لقبوله الخلاص، وأما أحشائي فتلتهب عند نظرى إلى صليبتك الذى أنت صابر عليه من أجل الكل يا ابنى والهى".

+

السيد المسيح يدبر رعاية العذرا مريم وهو على الصليب

الإنجيل بيقول لينا إن أقنوم الكلمة السيد المسيح شابها فى كل شئ ما عدا الخطية. يبقى ناسوت السيد المسيح كان بيتألم زى أى واحد بيتصلب وأكثر لأنه بلا خطية، وما عملش أى حاجة تستحق الصلب. والإنجيل ذكر لنا إن السيد المسيح قال سبع كلمات مهمة قوى وإحنا شرحناهم فى سؤال 122 من كتاب "ليه إحنا مسيحيين" الطبعة الثانية، سؤال 115 الطبعة الأولى.

تعالوا نراجع الكلمة الثانية لأنها تشرح اهتمام المسيح بالعذرا مريم لغاية الصليب:

تانى كلمة قالها السيد المسيح وهو على الصليب: رغم إن السيد المسيح فى شدة الألم نبص نلاقه مهتم جداً بوالدته العذرا مريم. يعنى هى كانت عايشة معاه لأنه أصبح مسئول عنها بعد نياحة القديس يوسف النجار، لكن دلوقت حتعيش لوحدها وده ما يصحش لأنها ما عندهاش أولاد غيره.

السيد المسيح هو فاحص القلوب، وهو كابن بار للعذرا مريم، مخلص لأمه وبيحبها ويقدرها فوق الوصف، ورغم أنه كان فى قمة الألم وهو معلق على الصليب، لكنه قطعاً كان حاسس بمشاعر العذرا مريم وبكل آلامها الرهيبة قصاد كل الأمور الصعبة اللى بتحصل وهى بتشوف الظلم اللى واقع عليه.

وتحت الصليب كان واقف تلميذه اللى بيحبه قوى القديس يوحنا، والقديس يوحنا كان فى سن يسوع المسيح أو أصغر وكان بيعامل العذرا مريم ويحترمها زى والدته. فلما وصلت آلام العذرا مريم إلى القمة قرر المسيح إنه يسلمها لتلميذه الحبيب القديس يوحنا وهو إنسان بتول لتكون أمه. والإنجيل يقول "فَلَمَّا رَأَى يَسُوعُ أُمَّهُ، وَالتِّلْمِيزَ الَّذِي كَانَ يُحِبُّهُ وَاقِفًا، قَالَ لِأُمِّهِ: يَا امْرَأَةً، هُوَذَا ابْنُكَ. ثُمَّ قَالَ لِلتِّلْمِيزِ: هُوَذَا أُمُّكَ. وَمِنْ تِلْكَ السَّاعَةِ أَخَذَهَا التِّلْمِيزُ إِلَى خَاصَّتِهِ" (يو 19:26-27).

الكلام ده معناه إن السيد المسيح بيؤكد عمليا اهتمامه بالوصية اللى إداها لموسى النبى حول إكرام الأب والأم. وهو هنا بيكرمها آخر إكرام لأنه سلمها لرعاية تلميذه اللى كان المسيح بيحبه، ومن ساعتها العذرا مريم أصبحت أم التلميذ، وأصبح القديس يوحنا ابنها المسئول عنها، وعاشت فى بيته زى أمه بالضبط. وبسبب رعايته ليها نال بركة أمومة العذرا مريم ليه

لسنوات ودى بركة عظيمة جداً. والدليل على كده هو إن هذا التلميذ هو وحده من كل التلاميذ اللى أعلن له الله سفر الرؤيا.

من الكلمات المشهورة للمتنيح أبونا بيشوى كامل راعى كنيسة مارجرس – اسبورتنج بالإسكندرية "اللى يمشى مع المسيح لغاية الصليب، لازم المسيح يكافئه ويسلمه العذرا مريم كام ليه".

طيب ليه المسيح ماقالش ليها "يا أمى" بدل من "يا امرأة"؟

فى ناس بتفتكر إن أسلوب المسيح فيه شئ من التقليل من كرامة العذرا مريم لأن كلمة "يا امرأة". تستعمل لمخاطبة امرأة غريبة.

تعالوا نتأمل فى كلمة المسيح "يا امرأة" ونحاول نفهمها من منظار إنجيلى سليم. السبب إن المسيح استعمل هذه الكلمة واضح وهو إن ربنا وعد أبونا آدم وأمنا حواء إن نسل "المرأة" يسحق رأس الحية. وزى ما شرحنا تعبير المرأة أطلق على حواء وهى مازالت عذراء،

إذاً وعد ربنا يعنى نسل العذراء يسحق الشيطان، ويبقى كلام المسيح هو فى الحقيقة مش موجه للعذرا مريم فقط، وإنما موجه أيضا لكل البشرية بيفكرهم بوعد ربنا،

ويبقى معناه "يا كل البشر انتبهوا هذه هى أمى، المرأة العذراء المختارة منذ البداية، والتى وعد الله البشر إن نسلها يسحق رأس الحية. أعطوها المجد والكرامة اللائقة".

وبالنسبة للعذرا مريم بيقول لها "أيتها العذراء المختارة، هوذا ابنك يوحنا المحبوب جداً من الله، قد عينته ليتولى رعايتك".

ويبقى المسيح بيكرم العذرا مريم إكرام فائق بإعلان مكانتها الفائقة عند الله منذ البداية، وبيخزى كل من تسول له نفسه اهانتها والتقليل من مكانتها عند الله بصورة أو بأخرى.

للأسف هناك من يفسرون خطأ وصية السيد المسيح للقديس يوحنا بإستلام العذرا مريم كام ويقولوا إن العذرا مريم تركت مكان الصليب من هذه اللحظة لأن الإنجيل لم يذكر إن العذرا مريم فضلت عند الصليب لغاية ما أسلم السيد المسيح الروح وأنزلوه من على الصليب.

لكن لو قرينا الإنجيل بعمق وحيث أن المسيح سلمها للقديس يوحنا، والقديس يوحنا فضل معاه لآخر لحظة، وعلشان كده بيقول "وَالَّذِي عَايَنَ شَهِدَ، وَشَهِادَتُهُ حَقٌّ، وَهُوَ يَعْلَمُ أَنَّهُ يَقُولُ الْحَقَّ لِتُؤْمِنُوا أَنْتُمْ." (يو 19:35).

إذاً نقول بكل ثقة إن العذرا مريم كانت مع المسيح عند الصليب لآخر لحظة، وبالطبع كانت متألمة بشدة فى هذه اللحظات الرهيبة.

أين كانت العذرا مريم ورئيس الحياة فى القبر

من ضمن طقوس كنيسة القبطية الأرثوذكسية الجميلة إنه فى ختام صلوات الجمعة الكبيرة، وبعد زفة الصلبوت يدخل الكهنة والشمامسة للهيكل، ثم يرتل الشمامسة لحن "غولغوثا"، فى الوقت الذى كبير الكهنة بيقوم بوضع الحنوط حول أيقونة الصلبوت، وبعدين يلف الكهنة الأيقونة فى توب من الكتان الأبيض تماما كطقس تكفين جسد السيد المسيح، وبعدين توضع الأيقونة المكفنة على المذبح وحولها شمعتين، رمز لملاكين. وبعدين بيتدى كبير الكهنة قراية سفر المزامير. وبعد ما يقرأ بصوت مسموع المزمور الأول والثانى والجزء الأول من المزمور الثالث يقف عند الآية "أَنَا اضْطَجَعْتُ وَنِمْتُ" (مز 3: 5)، ويكررها وبعدين يصرف الشعب. أما الشمامسة فيكملون صلاة كل سفر المزامير ثم ينصرفون. وفى المساء يعود الشمامسة والكهنة ليسهروا طول الليل فيما يعرف بليلة أبو غالمسيس (كالمسيس = قراءة سفر الرؤيا). ثم تنتهى السهرة بقداس سبت النور. تعالوا بينا نتأمل فى هذا الطقس.

معروف من الإنجيل أن يوسف الذى من الرامة ونيقوديموس كفنوا جسد السيد المسيح بعدما أنزلوه من على الصليب، وبعدين وضعوه فى قبر جديد ودحرجوا حجرا عظيما وكانت نساء كثيرات ينظرن من بعيد (مت 27: 61، مر 15: 47، لو 23: 55)، وبعدين رجع الجميع وظلوا فى منازلهم يوم السبت العظيم، لأنه زى ما شرحنا كان أيضا يوافق احتفالات الفصح. هنا قد يسأل البعض:

لكن الإنجيل لم يذكر أن العذرا مريم كانت موجودة فى لحظات الدفن، فأين كانت؟

أولا فى نقطة مهمة وهى إن الهدف الأول للإنجيل هو تعريفنا برسالة السيد المسيح، وأثرها على التلاميذ، وإزاي نالوا الروح القدس وجالوا مبشرين برسالة الخلاص. لهذا نجد أن الإنجيل كان مهتم بما يخص كرازة السيد المسيح والتلاميذ، لهذا لم يذكر إلا القليل جداً عن العذرا مريم.

كمان ما ننساش إن العذرا مريم واحدة من التلاميذ، والإنجيل يذكر أن السيد المسيح سلم العذرا مريم كأم لتلميذه القديس يوحنا، ومعروف أنه كان موجودا فى لحظات إنزال الجسد من على الصليب وأيضا لحظات الدفن.

ولأن تلميذه قد تسلم مسئولية الإهتمام بالعذرا مريم، إذاً المنطق يقول إن العذرا مريم ضرورى كانت موجودة معاه عند الدفن،

كمان المنطق البشرى يقول إنه مش ممكن لأى أم فى الوجود إنها لا تكون حاضرة عند دفن ابنها وحيدها وفلذة كبدها اللى بتحبها حب فائق، وبالتالي مش معقول أن العدرا مريم لا تكون موجودة فى هذه اللحظات المؤلمة لكل أم خصوصا وأن العرف أيضا يطالبها بالوجود، ومش معقول إنها تناقض التقاليد وتترك وحيدها فى هذه الظروف.

كمان معروف من دراسة الإنجيل إن المريمات كن مع العدرا مريم معظم الوقت خصوصا فى اللحظات الأخيرة، والإنجيل ذكر أنه كان هناك نساء عند وضع جسد الرب فى القبر (مت27:61، مر15:47، لو23:55).

وطبعاً مش معقول إن المريمات يروحوا لغاية القبر والعدرا مريم لا تكون واحدة منهن، لأنها كانت تتبعه فى كل خطواته.

وهنا نتساءل:

طيب العدرا مريم عملت إيه من بعد لحظة الدفن؟

لو تأملنا بهدوء نقدر نقول، وبحسب إيمان الكنيسة، إنه بدون شك السيد المسيح كان بيحب أمه العدرا مريم حب فائق وأيضاً كان يكرمها جداً. وزى ما الكاهن بيقول فى القداس عن السيد المسيح أنه بعد انفصال الروح عن الجسد "نزل إلى الجحيم من قبل الصليب" وأطلق سراح كل أبرار العهد القديم وأخذهم إلى الفردوس.

علشان كده المنطق الروحانى يقول أنه قبل ما ينزل إليهم ويطلق سراحهم أكيد فرّح قلب العدرا مريم بأنه نازل لإخراج كل الأبرار من سجن إبليس، وده طبعا يشمل والديها، وده كان سبب فرح ليها. لكن أيضاً مشاعر الأمومة المتدفقة المتألّمة مما يحدث لم تستطع أن تحجز أنهار الدموع من عينيها.

وهنا نقدر نتأمل ونقول إن العدرا مريم لم تنم من لحظة الدفن وحتى القيامة، وأيضاً لم تذق طعاماً لأنها أمضت هذه الفترة فى الصلاة العميقة والتسبيح وهى منغمرة فى مشاعر الإشتياق لرؤية ابنها وربها ومخلصها يسوع المسيح لأنها كانت متأكدة من قيامته من الأموات حسب وعده للتلاميذ (مت16:21، 17:9، 20:19، 8:31، 9:31، 10:34، 9:22، 18:33). وهو ده طقس الكنيسة فى ليلة أبو غالمسيس اللى بي فكرنا بالعدرا مريم فى هذه الظروف.

كمان هناك طقس خاص جداً ومعروف لقلة قليلة جداً من الرهبان والسواح ولا يخص أهل العالم، والطقس هو إن بعضهم يصومون صيام انقطاعى من يوم الجمعة العظيمة إلى وقت

انتهاء قداس عيد القيامة المجيد. وأعتقد أن هذا الطقس ربما مأخوذ من التقليد الشفوى عن صيام العدرا مريم نفسها.

الباب التاسع:

العدرا مريم تنال الخلاص بدم المسيح

تأمل فى فرحة العدرا مريم بالقيامة
العدرا مريم مع الرسل عند حلول الروح القدس على الكنيسة
نياحة العدرا مريم وصعود جسدها للسماء

تأمل فى فرحة العذرا مريم بالقيامة

اسمحوا لى أن أنبه القراء إلى أن ما أكتبه فى هذا الفصل هو تأمل شخصى، وبالتالى فمن حق أى إنسان أن يقبله أو يرفضه.

القيامة هى كمال سر التجسد، أى كمال الأنشودة التى أنشدها الملائكة عند الميلاد "المَجْدُ لله فِي الْأَعَالِي، وَعَلَى الْأَرْضِ السَّلَامُ، وَفِي النَّاسِ الْمَسَرَّةُ". (لو2:14)، لأنه بالقيامة تحقق السلام الحقيقى بين الأرضيين والسمايين، وتعلّم البشر تمجيد الله، وهكذا صارت لهم مسرة حقيقية.

والشئ اللى نقدر نقوله هو إن القيامة كانت بمجد فائق لا ينطق به. ومن هنا فإننى أعتقد بشدة أن العذرا مريم كانت أول من عاين القيامة. تعالوا نناقش هذا التأمل بهدوء.

طيب ازاي وامتي عرفت العذرا مريم بخبر القيامة؟

إحنا عارفين من الإنجيل إن السيد المسيح قال لتلاميذه عن صلبه وموته وقيامته بعد ثلاثة أيام، وبعدين لما راحوا إلى بستان جثسيماني فى جبل الزيتون قبل القبض عليه غلبهم الحزن (لو22:45). وعندما أتى يهوذا مع الجند للقبض على يسوع، هرب كل التلاميذ ولكن يوحنا الحبيب كان موجوداً عند محاكمته أمام رئيس الكهنة. وفى غمرة الحزن لأخبار الصلب والدفن، غلب اليأس التلاميذ (لو24:13-27)، ونسيوا وعد الرب بأنه سيقوم بعد ثلاثة أيام.

لكن العذرا مريم هى تلميذة مخلصه وذكية جداً، وهى أيضاً كأم عاشت بعد الدفن منتظرة القيامة بفارغ الصبر، وبايمان قوى بصدق وعد الرب بقيامته بعد ثلاثة أيام "انْقُضُوا هَذَا الْهَيْكَلُ، وَفِي ثَلَاثَةِ أَيَّامٍ أُقِيمُهُ" (يو2:19)، ولهذا لم تذق طعماً للنوم.

كمان لو راجعنا بهدوء تاريخ العذرا مريم سنتفق أنها كانت أول من عرف بأن ملء الزمان قد أتى لما بشرها الملاك، وحيث أننا نؤمن أنها حملت جمر اللاهوت فى أحشائها، وهكذا كانت أول من عاين بهجة السماء فى لحظات البشارة والميلاد والمعمودية. وبعدين حملت صليب المسيح، وعايينت كل أحداث الخلاص على الصليب، وتحملت كل هذه الآلام.

إذاً وبالمنطق الروحانى أيضاً سنتفق إن السيد المسيح الذى أوصانا بإكرام الأم، والذى أكرم العذرا مريم فى فترة تجسده لابد وأن يكرم أمه ومختارته العذرا مريم فى لحظة قيامته من الأموات. وهنا نسأل:

وهل هناك إكرام أعظم من أن تكون العذرا مريم هى أول من يفرح بالقيامة المجيدة.!!!!

المنطق الروحانى يقول أن العذرا مريم لابد وأن تكون أول من عاين بهجة القيامة.

علشان كده نقدر نقول بثقة شديدة إنه لابد وأن السيد المسيح بشّر العذرا مريم أولاً بقيامته من الأموات فى لحظة القيامة، يعنى قبل ما يظهر لمريم المجدلية وقبل ما يظهر لكل التلاميذ فى العلية.

ومن هنا نقدر نفهم ليه العذرا مريم ما رحتش مع المريمات للقبر لما ذهبن لوضع الحنوط، لأنها كانت متأكدة من قيامته بعد ثلاثة أيام كوعده (يو:2:19)، وعارفة إنه مافيش داعى للحنوط . وفى الغالب كانت بعيدة عنهن بجوار رب المجد عند القبر. وهنا نسأل:

طيب أين ظهر السيد المسيح للعذرا مريم ليبشرها بقيامته؟

تعالوا نحلل هذا الموضوع بهدوء ومنطق روحانى. لو رجعنا للحظات البشارة والميلاد نعرف إن كل الطغمت السمائية كانت فى حالة انتباه شديد. طيب بالمنطق الروحانى هل معقول إن موقف القيامة لا يكون فى مثل رهبة وعظمة هذه اللحظات؟

أكيد إن لحظة القيامة كانت من اللحظات الرهيبة تماما مثل لحظات البشارة والميلاد والمعمودية. وهنا نسأل:

طيب هل معقول أن تكون العذرا مريم غائبة عن هذه اللحظات الفائقة المجد؟

لو تأملنا نقدر نقول قطعاً وبكل تأكيد كانت حاضرة عند القبر لتعاين أمجاد القيامة.

ولكن كيف ذهبت للقبر بمفردها والظلام باق؟

معروف من دراسة الإنجيل أن الروح القدس قد حمل بعض الأبرار ونقلهم فى لحظات من مكان لمكان آخر بعيد، وأيضا نعرف من سفر أعمال الرسل أن الروح حمل فيلبس (أع:8:39-40)، ومن التقليد نعرف أن سحابة حملت العذرا مريم إلى مكان متياس الرسول وهو فى السجن وانصهر الحديد بصلواتها وبعدين خرج من السجن. إذاً لو تأملنا بعمق نقدر نقول:

طيب وإيه المانع أن يحمل الروح العذرا مريم بمفردها، ودون أن يشعر بها أحد لتقف عند باب القبر لتفرح، وتعاين عظمة ومجد القيامة المجيدة وتتقابل مع رب المجد القائم من الأموات للقاء مختارته حبيبته وأمه القديسة الطاهرة!!!

ياترى كيف تم اللقاء عند القيامة؟

هنا ليس فى إمكان إنسان أن يكتب عن هذا اللقاء إلا بالتأمل. وهذا يعنى أن كل إنسان سيكون له تأمل مختلف، ولكن فى النهاية سنعجز جميعاً عن وصف ما حدث وإعطاء الموقف حقه الواجب.

اسمحوا لى أن أقول تأملى الخاص:

فى اعتقادى أن الروح حمل العذرا مريم فوصلت والقبر مغلق كما تركته بعد الدفن، وانفتحت السماء، وظهر كل جند الرب، ثم احتشد حول القبر الملائكة واقفين صفوف صفوف، وربوات ربوات، فى خشوع تام.

الموقف مهيب جداً ولهذا جاءها الملاك غبريال الذى بشرها بتجسد رب المجد منها ووقف بجوارها ليقويها،

ثم بوقت الملائكة ببوق عظيم لم يسمعه البشر، ولكن سمعته العذرا مريم. وفى نفس اللحظة أضاء مجد الرب ببهاء وعظمة لا يقدر إنسان عن التعبير عنها فوق مكان القبر.

وخرج رب المجد من القبر فى مجد وبهاء لا يوصف، مخترقاً حجارة القبر المختومة تماماً كميلاده وبتوليبتها مختومة، ودخوله العلية والأبواب مغلقة.

وهنا انطلقت كل الطغمت السمائية تنشد بإبتهاج وفرح عظيم لأن الخلاص قد تم هاتفين كما نقرأ فى سفر الرؤيا (رؤ 1:19، رؤ 7:11-12، رؤ 8:4) قائلين:

هَلِّلُويَا، هَلِّلُويَا، هَلِّلُويَا
الْخَلَاصُ وَالْمَجْدُ وَالْكَرَامَةُ وَالْقُدْرَةُ لِلرَّبِّ إِلَهِنَا
قُدُّوسٌ، قُدُّوسٌ، قُدُّوسٌ
الرَّبُّ إِلَهُ الْقَادِرُ عَلَى كُلِّ شَيْءٍ
الَّذِي كَانَ وَالْكَائِنُ وَالَّذِي يَأْتِي.

آمِينَ

الْبَرَكَةُ وَالْمَجْدُ وَالْحِكْمَةُ وَالشُّكْرُ وَالْكَرَامَةُ وَالْقُدْرَةُ وَالْقُوَّةُ لِإِلَهِنَا إِلَى أَبَدِ الْآبَدِينَ.

آمِينَ

وهنا لا أظن إن فى إنسان يقدر يعبر أو يوصف فرحة العذرا مريم الفائقة لما ظهر ليها رب المجد بعد القيامة، وفرحتها بتمام الخلاص اللى كانت منتظراه منذ دخولها للهيكل وبالأكثر بعد البشارة،

وهنا أعتقد أن العذراء هللت بفرح عظيم واندفعت وسجدت لرب المجد قائلة:

قُدُّوسٌ، قُدُّوسٌ، قُدُّوسٌ
وبالحقيقة أنت هو الربُّ إِلَهُ الْقَادِرُ عَلَى كُلِّ شَيْءٍ
أنت هو القدوس الظافر فى الحروب

وأعتقد أن رب المجد مد يده وأقامها، فأمسكت بيده وقبلتها، ثم وضعتها على رأسها ليباركها، تماماً كما كانت تفعل وهو طفل صغير تحمله على ذراعيها.

وما المانع أن تعانقه وتقبله كأمر فرحة برؤية وحيدها؟!!!
وما المانع أن يكون قد دار حوار لاهوتي لا ينطق به؟!!!
هو حوار رب المجد مع الملكة الحقانية الجالسة عن يمينه!!!
وأعتقد أنها سألت عن أحوال كل الأبرار في فردوس النعيم وهذا يشمل والديها، فطمأنها،
فشكرت وسبحت الله وربما رتلت بعض المزامير.
ثم حملها الروح لتعود للبيت. وبعد هذا دحرج رئيس الملائكة ميخائيل الحجر عن القبر لأن
المريمات كن على وشك الوصول حاملات الحنوط؟!!!
هنا في ناس حتسأل:

حيث أن العذرا مريم قد رأت رب المجد وهو يقوم في مجد عظيم، طيب ليه الروح لم يرشد
التلاميذ ليذهبوا للقبر ليعاينوا هذا المجد مع العذرا مريم؟

الله في حكمته الفائقة يعرف تماما أن التلاميذ لن يتحملوا رؤية هذا المجد الفائق. تعالوا بينا
نتأمل في الأسباب ونقارن بين وضعهم وبين مكانة العذرا مريم.
في العهد القديم لما موسى النبي طلب أن يرى الله، ربنا قال له "لَا تَقْدِرُ أَنْ تَرَى وَجْهِي، لِأَنَّ
الْإِنْسَانَ لَا يَرَانِي وَيَعِيشُ" (خر 20:23).
كمان السيد المسيح قال لنيقوديموس "إِنْ كُنْتُ قُلْتُ لَكُمْ الْأَرْضِيَّاتِ وَلَسْتُمْ تُؤْمِنُونَ، فَكَيْفَ
تُؤْمِنُونَ إِنْ قُلْتُ لَكُمْ السَّمَاوِيَّاتِ؟" (يو 3: 12).
ولأن مجد القيامة هو في الحقيقة إعلان لمجد الله،
وقطعا مجد القيامة هو من الأمور السماوية.
إذاً مجد القيامة هو أمر فوق احتمال البشر.
بالنسبة للتلاميذ لو نرجع للإنجيل نلاحظ إنه لما المسيح أخذ ثلاثة منهم وصعد بهم إلى جبل
طابور وتجلّى، نلاحظ إن التلاميذ لم يفهموا ما حدث وناموا. ربما من الدهول، أو الخوف، أو
أغمى عليهم من عظمة المنظر. (مت 17: 1-9، مر 9: 2-10، لو 9: 28-36). وكمان إحنا أيضا
عارفين إن المسيح ظهر لشاول وهو في طريقه لدمشق ليضطهد التلاميذ، فأصيب بالعمى ثلاثة
أيام (أع 9: 1-19).

ولأن التلاميذ لم يكن قد حل عليهم الروح القدس بعد، ولأن التجلى هو صورة مخففة جداً من
مجد القيامة، ومع ذلك لم يتحملوا الموقف، يبقى نقدر نقول إن التلاميذ لم يكونوا على استعداد
لمعاينة مجد القيامة. وهذا هو السبب إن الروح لم يجمعهم عند القبر في لحظة القيامة لأن
مجد القيامة هو من الأمور التي تفوق احتمالهم.

أما بالنسبة للعدرا مريم فهي متمرنة على رؤية هذا المجد كما عاينت وشهدت في البشارة، والميلاد، والمعمودية. وما تنسوش إنها ممتلئة نعمة، وحل عليها الروح القدس، وسكن في أحشائها جمر اللاهوت ولم تحترق. إذاً العدرا مريم هي الوحيدة من كل البشر القادرة على معاينة مجد القيامة.

وهكذا عاينت العدرا مريم وشهدت مجد القيامة، ولكن لأنها إنسانة هادئة ووديدة وصامتة ما حدث من الرسل كتب حاجة عن ما حدث، أولاً لأنها لم تتكلم عما رأت وإنما حفظته في قلبها، وأيضاً لأنهم كانوا مشغولين بخدمتهم والكراسة بالخلاص.

تأمل آخر في القيامة:

سمعت حديثاً من مصدر موثوق أن المتنيح القمص بشوى كامل تأمل في القيامة وقال إن العدرا مريم لابد وأن تكون أول من عاين القيامة. غير أن بقية تأمله اختلف عن تأملى إذ قال أن السيد المسيح ذهب إلى العدرا مريم بنفسه ليفرحها بقيامته من الأموات قبل أن يظهر لمريم المجدلية.

+

تأمل في فرحة العدرا مريم بالصعود

الله في محبته الفائقة لم يخف أمور كثيرة عن الأنبياء. علشان كده وبالمناطق الروحاني نقدر نقول إن العدرا مريم كانت عارفة كويس إن السيد المسيح لابد وأن يصعد إلى السماء لأنها تعرف جيداً أنه نزل من السماء زى ما قال لنيقوديموس (يو 1: 14-13).

ومرة ثانية نقدر نقول إن السيد المسيح أعلمها بالخبر من قبل أن يأخذ التلاميذ للجبل ويصعد أمامهم. وربما زارها زيارة وداع خاصة بعيداً عن الأنظار ليطمئن أنها ذاهب ليعد لها مكان عن يمينه، تمام زى ما وعد التلاميذ (يو 14 : 1-4).

كمان العدرا مريم كانت مع التلاميذ لما أخذهم للجبل وشافت منظر رب المجد وهو صاعد إلى السماء في مجد عظيم.

وهنا نقدر نتأمل ونتساءل ونقول:

هل رأت العدرا مريم ما لم يره التلاميذ في مجد الصعود؟

لو تأملنا بعمق وهدوء سنقول نعم ونعم ونعم. لأنها كملكة تجلس عن يمين رب المجد، وبحسب امتلائها من النعمة، رأت وسمعت ما هو فوق ادراك وقوة تحمل الرسل والتلاميذ كحسب خبرتها السابقة.

أى رأت نفس المجد الذى عاينته من قبل وقت البشارة، والميلاد، والمعمودية، والقيامة، وسمعت بأذنها الروحية تهليل كل جند السماء.

ولكن كما أخفى مجد القيامة عن التلاميذ ورأوا لمحات من عظمة التجلى، هكذا أيضا أخفى عنهم المجد الفائق للصعود وأعطى لهم أن يروا لمحات من مجد الصعود ولكنها كانت كافية لدفع روح الكرازة فى نفوسهم، "فَسَجِدُوا لَهُ وَرَجِعُوا إِلَى أُورُشَلِيمَ بِفَرَحٍ عَظِيمٍ" (لو24:51).
يعنى هى شافت المجد الذى لا يوصف، وسمعت فرح وتهليل كل جند السماء الذى لا ينطق به، وأعتقد أنه أعظم مما رآه وسمعه بولس الرسول لما أختطف للسماء ووصف ما حدث وقال "3وَأَعْرِفْ هَذَا الْإِنْسَانَ - أَفِي الْجَسَدِ أَمْ خَارِجَ الْجَسَدِ؟ لَسْتُ أَعْلَمُ. اللَّهُ يَعْلَمُ. 4أَنَّهُ اخْتُطِفَ إِلَى الْفِرْدَوْسِ، وَسَمِعَ كَلِمَاتٍ لَا يُنْطَقُ بِهَا، وَلَا يَسُوعُ لِإِنْسَانٍ أَنْ يَتَكَلَّمَ بِهَا" (2كو12:3-4).
وهنا نسأل:

طبيب وإيه كانت مشاعرها فى لحظات الصعود؟

أعتقد إنها كأم شعرت بلحظات الفراق زى أى أم بتودع ابنها الوحيد وهو مسافر ولن تراه بالجسد لفترة.

بس هنا فى نقطة مهمة. السيد المسيح وإن كان قد صعد بالجسد لكنه ظل مع العذرا مريم بالروح. يعنى نقدر نتأمل ونقول أنها كانت على اتصال دائم به.

ولأنها عاشت كل حياتها منتظرة تمام الخلاص، إذاً عظمة ومجد منظر الصعود جعلها تشعر بفرح لا ينطق به. وأيضا ازداد اشتياقها للإنطلاق من هذا العالم لتكون مع المسيح لأنه أفضل. ولكن لأنها تعودت على طاعة الله طاعة مطلقة لم تتكلم أو تنطق بحرف واحد ولكن قلبها كان يقول "لَتَكُنْ مَشِيئَتُكَ كَمَا فِي السَّمَاءِ كَذَلِكَ عَلَى الْأَرْضِ" (مت9:6، لو11:2).

ياترى هل افكرت العذرا مريم مجد مشاهد البشارة والميلاد والمعمودية والقيامة؟

أعتقد أنها تذكرت وجمعت كل هذه المشاهد المجيدة فى ذهنها، وفرحت فرحاً عظيماً، وشكرت الله، وسبحته، وقالت نفس الكلام اللى قالته لما كانت عند أليصابات "46فَقَالَتْ مَرْيَمُ: تَعْظُمُ نَفْسِي الرَّبِّ، 47وَتَبْتَهِجُ رُوحِي بِاللهِ مُخْلِصِي" (لو1:46-47).

+

العذرا مريم مع الرسل عند حلول الروح القدس على الكنيسة

س: طبيب وبعد كده حصل إيه ؟

ربنا يسوع المسيح بعد ما قام من الأموات ظهر لتلاميذين وهم فى طريقهم لقرية عمواس ولكن لم يعرفوه. وبعد ما شرح ليهم النبوات أصروا إنه يبيت معاهم لأنه قد صار المساء. وعلى

المائدة بارك الرب الخبز فإنفثت أعينهما فعرفاه ثم اختفى عنهما، فرجعا فوراً للرسول ليخبرانهما بما حدث (لو 24:13-35).

وبعدين ظهر للتلاميذ وقعد معاهم على الأرض أربعين يوم، وفتح قلوبهم وأذهانهم علشان يفهموا لما يشرح ليهم نبوات العهد القديم ويفهمهم سر الخلاص، و يُعَلِّمُهُمْ كويس علشان يعرفوا يبشروا، وأيضا سلمهم أسرار الكنيسة اللى إحنا مازلنا متمسكين بيها لغاية النهاردة لأننا كنيسة رسولية.

وبعدين قال للتلاميذ ما تمشوش من أورشليم لغاية ما أبعث ليكم الروح القدس (لو 24:49، أع 1:4). وبعدين أخذهم للجبل وقال لهم "فَاذْهَبُوا وَتَلْمِذُوا جَمِيعَ الْأُمَمِ وَعَمِّدُوهُمْ بِاسْمِ الْآبِ وَالابْنِ وَالرُّوحِ الْقُدُسِ. وَعَلِّمُوهُمْ أَنْ يَحْفَظُوا جَمِيعَ مَا أَوْصَيْتُكُمْ بِهِ. وَهَا أَنَا مَعَكُمْ كُلَّ الْأَيَّامِ إِلَى انْقِضَاءِ الدَّهْرِ" (مت 28:19-20).

وبعد كده صعد للسما (مر 16:19، لو 24:51، أع 1:9) وبعدها بعشرة أيام حل الروح القدس على التلاميذ وكانت معاهم القديسة العذرا مريم زى ما وعدهم (أع 1:14، 2:1-4). وهنا نلاحظ إن السيد المسيح قال بِاسْمِ الْآبِ وَالابْنِ وَالرُّوحِ الْقُدُسِ وليس بأسماء وهذا هو أقوى دليل على وحدانية الله المثلث الأقانيم.

وهكذا فُتِحَتْ أبواب الفردوس وأصبح أمامنا فرصة الحياة الأبدية مع مخلصنا ربنا يسوع المسيح.

ويوم حلول الروح القدس ده بنسميه عيد العنصرة اللى بنحتفل بيه بعد عيد القيامة بخمسين يوم. وبعديها ابتدى التلاميذ يبشروا بقوة بالخلاص من الشيطان، بعدما تجسد أقنوم الكلمة (السيد المسيح) وقدم نفسه نيابة عن كل البشر على عود الصليب.

وابتدت المسيحية تنتشر فى العالم، والناس تقبل الإيمان بفرح شديد. والقديس مامرقس وصل اسكندرية وبشّر مصر، وانتشرت المسيحية فى بلادنا فى سلام عجيب، وده تاريخ مهم لازم ندرسه كلنا.

+

نياحة العذرا مريم وصعود جسدها للسماء

إليكم التقليد المعروف عن نياحة العذرا مريم وصعود جسدها إلى السما والمكتوب فى السنكسار الخاص بعيدها يوم 16 مسرى من الشهر القبطى الموافق 22 أغسطس. السنكسار بنسمعه فى القداش بعد القراءات وقبل قراية الإنجيل.

من بعد صعود السيد المسيح وحلول الروح القدس على التلاميذ وخروجهم للكراسة، استمرت العذرا مريم فى حياة الصلاة والطلبات زى ما كانت بتعمل طول عمرها، وكان لها اشتها أن

تنطلق لتكون مع المسيح. وبعدين الروح القدس فرّح قلبها وزف إليها الخبر المفرح بأن يوم انطلاقها من العالم قد قرب.

ولما جه الميعاد كانت العدرا مريم قاعدة على سريرها والتلاميذ حواليتها، وظهر رب المجد للجميع ومعه ألوف ألوف من الملائكة، ففرحت قوى ومدت أيديها وباركت التلاميذ، واستلم المسيح بنفسه روحها وكان عمرها حوالى ستين سنة.

وبعدين التلاميذ زى العوايد كفنوا جسدها الطاهر وراحوا يدفنوه. وبعدين بعض اليهود الأشرار خرجوا وحاولوا يمنعوا التلاميذ من دفنها، وجه واحد منهم من شدة تعصبه مد يده علشان يمسك التابوت بعنف، وعلى طول انفصلت يده من جسده وفضلت متشعلقة فى التابوت. فبص الناس ولقوا الجنازة ماشية وإيديه الإثنين متعلقة فى النعش بعد ما اتقطعت من جسمه وهو عمال يصرخ بندم شديد ويطلب من العدرا مريم إنها تسامحه، وبعدين وقفت الجنازة. هنا الرجل الشرير ده فاق لنفسه وندم على فعلته وآمن بالمسيح وبكرامة العدرا مريم، فالتلاميذ صلوا للمسيح من أجله وتشفعوا بالعدرا مريم علشان تشفيه وفعلوا رجعت إيديه تانى لمكانها. ومن ساعتها آمن بالمسيح.

لكن القديس توما ماكانش موجود فى أورشليم وقت نياحتها ودفنها لأنه كان بببشر بعيد قوى عن أورشليم (وعلى ما يظن كان فى الهند).

زى ما إحنا عارفين القديس توما هو التلميذ اللى ماكانش مع التلاميذ لما ظهر لهم يسوع فى العلية يوم القيامة، وما صدقش لغاية ما ربنا ظهر ليه مخصوص وهو مجتمع مع التلاميذ فى العلية فى أول الأسبوع اللى بعد القيامة (أحد توما يو 20:14-29).

واللى حصل بعد كده إن ربنا بعث الملائكة تاخذ جسدها من القبر وتضعه إلى السما. محبة ربنا للقديس توما خلته يشوف منظر إصعاد جسدها وهو فى المكان البعيد، (فى ناس بتقول إن ده حصل وهو راجع من الهند)، وبعدين واحد من الملائكة خلاه يقرب ويُقبل الجسد الطاهر.

وبعد فترة رجع لأورشليم فلما التلاميذ أخبروه بنياحة أمهم العدرا مريم قال "إنتوا عارفين طبعى، أنا ما أصدقش لغاية ما أروح القبر وأشوف بنفسى"، فراحوا للقبر وفتحوه وفوجئوا بأن الجسد مش موجود، فاستغربوا جداً. هنا القديس توما قال لهم عن المنظر اللى شافه. والروح القدس أعلم التلاميذ إن ربنا لم يشأ ترك جسدها الطاهر فى القبر ولكن سوف تأتى ويروها مرة ثانية.

وبعدين فى يوم يوافق 16 مسرى يعنى 22 أغسطس تحقق وعد الروح القدس وشافوها وهى جالسة عن يمين المسيح وحولها طغيمات الملائكة تمام زى النبوة اللى بتقول: "قَامَتِ الْمَلَكَةُ عَنْ يَمِينِ كَبْثَ وَبِ مَوْشَى بِالذَّهَبِ مُزَيَّنَةً بِأَنْوَاعٍ كَثِيرَةٍ" (مز قبطى 9:44 حسب الترجمة القبطية الدقيقة)

س: طيب ليه ربنا ما أصعدش العدرا مريم للسما وهى حية زى أخنوخ وإيليا النبى؟

خدوا بالكم من نقطة مهمة. أخنوخ هو من شخصيات العهد القديم والكتاب المقدس يقول "وَسَارَ اخْنُوخٌ مَعَ اللَّهِ وَلَمْ يُوَجَدْ لَآنَ اللَّهَ اخَذَهُ" (تك 5 : 24)، وإيليا هو النبى اللى الكتاب المقدس يقول "وَفِيمَا هُمَا يَسِيرَانِ وَيَتَكَلَّمَانِ إِذَا مَرَكَبَةٌ مِنْ نَارٍ وَخَيْلٌ مِنْ نَارٍ فَصَلَّتْ بَيْنَهُمَا، فَصَعِدَ إِيلِيَّا فِي الْعَاصِفَةِ إِلَى السَّمَاءِ" (2مل 2: 11). يعنى هما دول الإثنين الوحيديين اللى ما زالوا أحياء فى السما حتى الآن. وبعدين نلاقى سفر الرؤيا إصحاح 11 ببسيميهم الزيتونتان اللى حيرجعوا تانى للأرض فى أواخر الأيام ويشهدوا للمسيح متنبئين ثلاث سنين ونصف، وبعدين الوحش (عدو المسيح) يقتلهم ويستشهدوا على اسم المسيح ويقوموا من الموت بعد ثلاث أيام ونصف. يبقى صعودهم للسما أحياء كان لغرض معين ولزمن معروف عند ربنا وبعدها لازم يذوقوا الموت مثل كل البشر.

زى ما قلنا العدرا مريم زيتها زى أى واحد فينا مولودة من أب وأم.

صحيح العدرا مريم وضعها مختلف عن كل البشر لأنها هى المختارة منذ البداية، واللى ربنا بيعدها ليتم سر التجسد من خلالها. فلما الروح القدس حل عليها طهر الحشا البتولى فصار سماء ثانية. لكن زى ما هى قالت هى كمان منتظرة الخلاص "وَتَبْتَهِجُ رُوحِي بِاللَّهِ مُخَلِّصِي". فلما تم سر الفداء نالت الخلاص زيتها زى كل البشر ولكنها فاقت البشر فى أنها صارت ملكة مستحقة أن تجلس عن يمين ابنها.

لكن رغم دورها الهام جداً، ومكانتها العظيمة فى السما، لكن حكم الموت على كل نسل آدم لازم يمشى عليها زيتها زى كل البشر.

فلو صعدت حية يبقى لازم ترجع للأرض تانى ويذوق جسدها حكم الموت، يبقى إيه الهدف من صعودها حية؟

كمان فى نقطة مهمة وهى وضع العدرا مريم فى إيمان البشر بالسيد المسيح.

الخلاص هو بالمسيح، صحيح العدرا مريم ليها دور مهم جداً فى الخلاص. لكن لو صعدت العدرا مريم حية يبقى فى احتمال إن الشيطان يبلبل أفكار البسطاء ويبتدوا يؤلهوا العدرا مريم. يعنى يفتكروا إنها إلهة. ورغم إن العدرا مريم ما صعدتش حية لكن التاريخ يقول إنه ظهرت هرطقة مشبعة بالأساطير اليونانية القديمة فى الجزيرة العربية فى القرون الأولى بتقول إن الله نزل من السما وصار بشرا وتزوج من مريم مثل البشر فأنجبت منه بشريا عيسى الذى دعى المسيح.

وعليه فإن هذه البدعة الشنعاء وصفت الثالوث القدوس بأنه مكون من ثلاثة آلهة، الأول هو الله الأب، والثانى هو المسيح الابن، والثالث هو مريم الأم. وطبعا كنيسةتنا حاربت الهرطقة دى بشدة.

وللأسف الشديد هذه البدعة دى هى أحد الأسباب اللى بتخلى ناس كتير تتلخبط وما تقدرش تفهم سر الله العظيم الواحد المثلث الأقانيم، ويفتكروا إن إيماننا بالثالوث القدوس معناه إننا بنؤمن بتعدد الآلهة. ده كلام غلط جداً لأننا بنؤمن بإله واحد مثلث الأقانيم، ولم نشرك بالله فى يوم من الأيام. (يمكن الرجوع لكتاب المتنيح أبونا بيشوى كامل "نؤمن بإله واحد" وأيضاً كتاب "إليه إحنا مسيحيين" فى هذه النقطة).

كمان فى نقطة تانية وهى إن ناسوت السيد المسيح تم من خلال جسد العذرا مريم اللى أصبح سماء تانية وتقدس بسر الخلاص اللى تم على الصليب، يبقى لا يليق إن جسدها يوضع فى القبر ويعاين الفساد والتحلل زى باقى البشر. يعنى اللائق هو أن يظل سليم لغاية يوم القيامة وبعدين يقوم بجسد القيامة النورانى.

كمان فى نقطة تانية لو افترضنا إن الجسد فضل فى القبر سليم بدون فساد تكريماً لدورها الهام، وربنا قادر على كل شئ، ساعتها كان العالم كله حيكشف الجسد، لأنه من المؤكد إن معجزات كثيرة كانت تحصل لأى مريض يلمس الجسد الطاهر، وربما يقوم بعض الموتى مثل ما حدث مع جسد أليشع. تصوروا حجم الزحام الشديد حول هذا الجسد الطاهر وكم واحد ممكن يندهس ويموت فى هذا الزحام؟

وكم دولة ممكن تلجأ إلى القوة العسكرية لأخذ هذا الجسد الطاهر فى عاصمتها.... إلخ. نقطة أخيرة وهى إنه كان ممكن الشيطان يخلى بعض الناس البسطاء تبتدى تصلى وتتعبد لهذا الجسد الطاهر الذى لم ير فساد القبر صاحب المعجزات الكثيرة، وده كلام لا يليق، والعذرا مريم نفسها مش ممكن ترضى بهذا الإنحراف.

باختصار ماكانش من مصلحة البشر إن جسدها الطاهر يبقى فى الأرض. علشان كده ومن أجل سلام العالم ربنا قرر اصعاد جسدها.

علشان كده ربنا بعث الملائكة لتحمل جسدها الطاهر إلى السماء.

وما تتسوش كلام الإنجيل "كريم امام الرب موت قديسيه" (مز 115 قبطى) "عَزِيزٌ فِي عَيْنِي الرَّبِّ مَوْتُ أَتَقِيَّائِهِ." (مز 116 بيروتى) ولأن العذرا مريم هى أعظم قديسة عرفتتها البشرية، إذأ نياحتها كان كريماً أمام الرب وعلشان كده ربنا أكرمها بإصعاد جسدها بطريقة مكرمة جداً لأن الملائكة حملتها إلى السما.

تأمل فى الشرط الثالث

العدرا مريم فائقة الفضائل

- (أ) - فضيلة تنفيذ وصايا الله والناموس
- (ب) - فضيلة الإستحقاق لتطويبات السيد المسيح
- (ج) - فضائل أخرى

العدرا مريم فائقة الفضائل
"كُلُّكَ جَمِيلٌ يَا حَبِيبَتِي لَيْسَ فِيكَ عَيْبَةٌ."
(نش 4 : 7)

زى ما قلنا فى الفصل الأول إن ربنا كان ليه شروط فى العذراء المختارة، والشرط الثالث كان أن تكون فائقة الفضائل. وبعد ما عرفنا السيرة الطاهرة لأم النور تعالوا نراجع النبوات عن فضائل العدرا مريم.

+ "وَاحِدَةٌ هِيَ حَمَامَتِي كَامِلَتِي. الْوَحِيدَةُ لِأَمِّهَا هِيَ. عَقِيلَةٌ وَالدَّتْهَا هِيَ. رَأَتْهَا الْبَنَاتُ فَطَوَّبْنَهَا. الْمَلَكَاتُ وَالسَّرَارِيُّ فَمَدَحْنَهَا. 10 مَنْ هِيَ الْمُشْرِفَةُ مِثْلَ الصَّبَاحِ جَمِيلَةٌ كَالْقَمَرِ طَاهِرَةٌ كَالشَّمْسِ مُرْهَبَةٌ كَجَيْشٍ بِالْوِيَّةِ." (نش 6:9-10)

+ "إِمْرَأَةٌ فَاضِلَةٌ مَنْ يَجِدُهَا؟ لَأَنَّ ثَمَنَهَا يَفُوقُ اللَّالِيَّ." (امثال 31 : 10)

+ "تَفْتَحُ فَمَهَا بِالْحِكْمَةِ، وَفِي لِسَانِهَا سُنَّةٌ الْمَعْرُوفِ." (أم 31:26)

+ "بَنَاتٌ كَثِيرَاتٌ عَمِلْنَ فَضْلًا أَمَّا أَنْتِ فَفَقُتِ عَلَيْهِنَّ جَمِيعًا. الْحُسْنُ غِشٌّ وَالْجَمَالُ بَاطِلٌ أَمَّا الْمَرْأَةُ الْمُتَّقِيَةُ الرَّبِّ فَهِيَ تُمَدِّحُ. أَعْطَوْهَا مِنْ ثَمَرِ يَدَيْهَا وَلْتَمَدِّحْهَا أَعْمَالُهَا فِي الْأَبْوَابِ." (أم 31:29-31)

طيب إيه هى الفضائل المطلوبة فى العدرا؟

لو تأملنا فى حياة العدرا مريم حنكتشف بسهولة إنها كانت تتمتع بفضائل أكثر من أى إنسان فى كل تاريخ البشرية زى ما الكنيسة بتقول فى ثيوتوكية الأربعاء "الآبِ اطَّلَعَ مِنَ السَّمَاءِ قَلَمٌ يَجِدُ مَنْ يَشَبِّهُكَ، أَرْسَلَ وَحِيدَهُ أَتَى وَتَجَسَّدَ مِنْكَ".

وده شئ متوقع لأنها هى المختارة من الله منذ البداية علشان يتجسد منها أقنوم الكلمة مخلص البشر.

وهنا حنلخص بعض هذه الفضائل.

(أ) - فضيلة تنفيذ وصايا الله والناموس

فضيلة محبة الله من كل القلب: واضح إنها أحببت الله من كل قلبها وعاشت حياة الصلاة الدائمة.

وحياة الصلاة الدائمة تقود إلى حياة التأمل والهديز.

يعنى نقدر نقول إنها رغم صغر سنها وقت البشارة، لكن حياة الصلاة اللى عاشت فيها قبل البشارة كانت أعلى من أى مستوى وصل إليه أى نبي، أو حتى أى قديس من قديسى العهد الجديد.

وطبعا صلواتها زادت بعد البشارة وبعد ما عاينت تأنس السيد المسيح، وشافت المعجزات، وسمعت وتعلمت لتعاليمه السامية، وتألمت معه حتى الصليب، وفرحت بالقيامة وصعوده للسموات، وفرحت بحلول الروح القدس على التلاميذ وفرحت بانتشار رسالة الخلاص للأمم وأولهم مصر، اللى هربت إليها من وش هيرودس.

ومن المؤكد أنها حالياً وإلى انقضاء الدهر لا تكف عن الصلاة والشفاعة من أجلنا أمام الله. والمعجزات اللى بتعملها العدرا مريم مع ناس كتير هى أكبر دليل على أنها نفذت الوصية الأولى وعلشان كده ربنا بيستجيب لشفاعتها المقتدرة من أجلنا.

فضيلة محبة القريب لنفسها: وده واضح من جريها بسرعة لخدمة القديسة اليصابات بعد ذهاب الملاك مباشرة. كمان واضح من اهتمامها بالمدعوين لعرس قانا الجليل أكثر من اهتمامها بنفسها. كمان ما تنسوش إننا أولادها، إذاً فهى تحبنا بنفسها وعلشان كده هى بتهتم بيها وبتظهر كتير لتثبيت إيماننا.

فضيلة اكرام الأب والأم: رغم إنها عاشت فى بيت أبوها ثلاث سنين لكن من المؤكد إنها كانت مطيعة جداً ليهم بدليل إنها لم ترفض أو تعترض على ندرهم ليها للهيكل. كمان من المؤكد إنها كانت دايمًا تصلى من أجل خلاصهم من سجن الشيطان وحتى بعد نياحتهم. وده اكرام للوالدين حتى فى غير حياتهم.

فضيلة عدم الكذب أو الحلفان الباطل: أعتقد إنه مش ممكن أى حد عاقل يتهم العدرا مريم المختارة من الله منذ البداية إنها تكون كذبت، أو حلفت باطلاً أو حتى حلفت بالصدق، لأنه من المؤكد إن ربنا بعث الملائكة علشان يُعَلِّمُوها من الصغر وصية ربنا يسوع المسيح "بَلْ لِيَكُنْ كَلَامُكُمْ: نَعَمْ نَعَمْ، لَا لَا. وَمَا زَادَ عَلَى ذَلِكَ فَهُوَ مِنَ الشَّرِّيرِ". (مت 5:37).

فضيلة طاعة الله والناموس: لو درسنا بعمق بشارة معلمنا القديس لوقا البشير حنكتشف إن العدرا مريم اللى تربت داخل الهيكل كانت فاهمة النبوات وعلشان كده أطاعت بشارة الملاك وقالت "هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ" (لو 1:38)، كمان كانت دارسة كويس الشريعة اللى ربنا اداها لموسى النبى بعد انقاذهم من يد فرعون. وعلشان كده هى كانت حريصة جداً على تنفيذ وصايا الناموس بدون أى تأخير لأنها ختنت طفلها بعد ثمانية أيام من ميلاده، وأكملت شريعة التطهير بعد أربعين يوم من ميلاده (لو 2:21-24). والكلام ده معناه إننا إحنا كمان لازم نننّبهِ إلى قوانين الكنيسة بخصوص عماد الأطفال بعد ميلادهم بأربعين يوم للصبيان وثمانين يوم للبنات. بس فى نقطة لازم نفهمها وهى إن الطفل الرضيع ممكن يتعمد فوراً بشرط وجود إثنين مستعد، وأما مدة الأيام دى فهى علشان الأم تقدر تروح الكنيسة وطفلها على أيديها وتتعهد وتكون هى الشبيبة المسؤولة عن تسليم الإيمان للطفل.

+++

قبل ما نتكلم عن استحقاق العذرا مريم لتطويبات السيد المسيح تعالوا نتأمل فى تلمذتها لرب المجد رغم إنها أمه بالجسد.

تلمذة العذرا مريم للمسيح

السيد المسيح مدح مريم أخت مرثا ولعازر لأنها اختارت النصيب الصالح بالجلوس عند قدميه لتستمع لتعاليمه (لو42:10). ونقدر نقول إنها حفظت تعاليمه فى قلبها وجاهدت كثيراً فى تنفيذ وصاياه، وهكذا صارت تلميذة مؤمنة.

طبيب هل معقول إن العذرا مريم لا تختار النصيب الصالح وتكون أعظم من مريم أخت مرثا ولعازر؟

قطعاً نعم، ونعم، ونعم إلى مالا نهاية.

تعالوا ندرس ما جاء ببشارة القديس متى الرسول:

"46وَفِيمَا هُوَ يُكَلِّمُ الْجُمُوعَ إِذَا أُمُّهُ وَإِخْوَتُهُ قَدْ وَقَفُوا خَارِجاً طَالِبِينَ أَنْ يُكَلِّمُوهُ. 47فَقَالَ لَهُ وَاحِدٌ: هُوَذَا أُمُّكَ وَإِخْوَتُكَ وَاقِفُونَ خَارِجاً طَالِبِينَ أَنْ يُكَلِّمُوكَ. 48فَأَجَابَ وَقَالَ لِلْقَائِلِ لَهُ: مَنْ هِيَ أُمِّي وَمَنْ هُمْ إِخْوَتِي؟ 49ثُمَّ مَدَّ يَدَهُ نَحْوَ تَلَامِيذِهِ وَقَالَ: هَا أُمِّي وَإِخْوَتِي. 50لَآنَّ مَنْ يَصْنَعُ مَشِيئَةَ أَبِي الَّذِي فِي السَّمَاوَاتِ هُوَ أَخِي وَأَخْتِي وَأُمِّي." (مت46:12-50).

هنا نسأل سؤال:

طبيب و هل معقول إن العذرا مريم لم تصنع مشيئة الآب؟

العذرا مريم بكل تأكيد نفذت مشيئة الآب، وكلنا عارفين إنها نفذت مشيئة الله بقبولها البشارة بدون أدنى اعتراض، وأكثر من هذا فرحت وتهللت وسبحت الله وتنبأت لما شهد لها الروح القدس على لسان القديسة أليصابات.

ورغم إن الإنجيل ما ذكرش عن العذرا مريم إلا كلام قليل، لكن ياريت ما ننساش إن العذرا مريم امتلأت من النعمة، والروح القدس حل عليها، وقوة العلى ظللتها، إذاً أكيد كانت من طبقة أعلى من طبقة المؤمنين السواح.

لهذا نستطيع أن نقول أنه من المؤكد إن العذرا مريم كانت موجودة فى كل مكان كرز فيه ربنا يسوع المسيح، أو عمل معجزات فى كل خدمته. وده معناه إنها كانت بتسمع كل عظاته، ومنها العظة المشهورة على الجبل.

يبقى نفهم من رد المسيح إنه بيشير إلى العذرا مريم لأنها نفذت مشيئة الله، وتتبعته فى كل كرازته، وكتلميذة مجتهدة ومتواضعة جداً جلست مع الشعب تسمع إليه بإنباه شديد. ورغم

أمومتها واستحقاقها أن تجلس فى الصفوف الأولى لكنها نفذت وصيته بالجلوس فى آخر صف، وأحياناً خارج المنزل. وده أكبر دليل على تواضعها الشديد.

كمان فى نقطة مهمة وهى إنه فى بعض المواقف اللى ممكن فيها إن العدرا مريم ماكانتش مع يسوع بالجسد زى لقاء رب المجد بالمرأة السامرية، لكن لو تأملنا نقدر نقول إن الروح القدس نقل ليها مباشرة تفاصيل ما يحدث فى لقاء يسوع مع الشعب، يعنى كانت سامعة بالروح كل الحوار. وهنا أفكركم بقصص القديسين اللى نسمع إنهم كانوا عارفين تفاصيل ما حدث فى مكان ماكانوش موجودين فيه بالجسد زى ما سمعنا عن البابا كيرلس السادس.

(ب) فضيلة الإستحقاق لتطويات السيد المسيح

(مت 5: 3-12)

العدرا استحققت كل التطويات التى ذكرها السيد المسيح فى موعظته على الجبل. علشان كده تعالوا نراجع العظة على الجبل آية آية حسب الترجمة القبطية، ونقارن تطويات رب المجد مع فضائل العدرا مريم علشان نتأكد بسهولة إن ربنا يسوع المسيح أكرمها اكراماً شديداً لأن كل التطويات تنطبق عليها حرفياً منذ نعومة أظافرها، وكمان ما ننساش إنها قالت "فَهَؤُذَا مُنْذُ الْآنَ جَمِيعُ الْأَجْيَالِ تُطَوِّبُنِي". (لو 1: 48):

1- فضيلة المساكين بالروح: "3طوبى للمساكين بالروح، لأنَّ لَهُمْ مَلَكُوتَ السَّمَاوَاتِ." قطعاً كانت بتصلى وتتضرع إلى الله لكى يخلص العالم من قبضة الشيطان وهكذا عاينت ملكوت السموات وجلست كملكة عن يمين رب المجد.

2- فضيلة الحزانى: "4طوبى للحزائى الآن، لأنَّهُمْ يَتَعَزَّوْنَ." قطعاً هى كانت حزينة جداً على سقوط الإنسان وعاشت كل حياتها تصلى من أجل اطلاق الأبرار من سجن الشيطان، وده يشمل والديها. وطبعاً هى نالت أعظم تعزية فى الوجود لأنها ولدت مخلص العالم وشافت بعينيها ازاي تتم سر الخلاص على الصليب، وعاينت قوة القيامة من الأموات والصعود للسموات وكانت مع الرسل لما حل عليهم الروح القدس فى يوم الخمسين وسمعت موهبة التكلم بالألسنة وسمعت عن انتشار الإيمان للأمم.

3- فضيلة الوداعة: "5طوبى للودعاء، لأنَّهُمْ يَرِثُونَ الْأَرْضَ." لو أخذنا بالنسبة للكلام القليل جداً المكتوب عن العدرا مريم فى الإنجيل حلاحظ على طول إنها كانت وديعة جداً زى الملائكة، وده مش غريب لأنهم كانوا معاها طول حياتها يرشدوها و يُعَلِّمُوهَا. كمان ما ننساش، وبحسب التقليد الكنسى، إنها المرأة الوحيدة فى كل تاريخ البشر اللى كانت تتكلم مع الملائكة لسنوات. وعلشان كدة ورثت الأرض، يعنى أحبها وطوبىها الجميع، وده المفهوم الروحى لكلام السيد المسيح.

4- فضيلة الجوع والعطش للبر: "6طوبى للجِياعِ وَالْعَطَاشِ إِلَى الْبِرِّ، لَأَنَّهُمْ يُشْبَعُونَ."

السيد المسيح طَوَّب الجِياعِ والعطاش للبر. يعنى الجوع والعطش للخلاص من قبضة إبليس من خلال الإيمان بالمسيح يسوع ربنا زى ما المسيح نفسه قال لليهود فى عيد المظال "37وَفِي الْيَوْمِ الْآخِرِ الْعَظِيمِ مِنَ الْعِيدِ وَقَفَ يَسُوعُ وَنَادَى قَائِلًا: إِنَّ عَطِشَ أَحَدٍ فَلْيَقْبَلْ إِلَيَّ وَيَشْرَبْ. 38مَنْ آمَنَ بِي، كَمَا قَالَ الْكِتَابُ، تَجْرِي مِنْ بَطْنِهِ أَنْهَارُ مَاءٍ حَيٍّ." (يو7:37-38). وبدون شك العدرا مريم كانت جعانة وعطشانة للبر، وعلشان كده سبّحت ربنا لما بشرها الملاك. وأكد شبعنا جداً من تلمذتها لرب المجد. وهل فيه حد ينكر إنها ساعدت الجِياعِ والعطاش للبر خصوصاً اللّٰى طلبوا شفاعتها وقادتهم لبر الأمان.

5- فضيلة الرحمة: "7طوبى لِلرَّحَمَاءِ، لَأَنَّهُمْ يُرْحَمُونَ."

معجزات شفاء المرضى سواء كانوا مسيحيين أو غير مسيحيين اللّٰى قامت بيها العدرا مريم سواء فى زيارات فردية أو أثناء ظهوراتها فوق الكنائس فى مصر لاتحصى ولا تعد. أليس هذا دليل إنها تصنع رحمة للمحتاجين بدون أى تفرقة؟ والعدرا مريم حتفضل تصنع الرحمة مع الجميع بدون أدنى تفرقة حتى يوم القيامة.

6- فضيلة نقاوة القلب: "8طوبى لَأَنْقِيَاءِ الْقُلُوبِ، لَأَنَّهُمْ يُعَايِنُونَ اللَّهَ."

هل فيه أدنى شك إن قلب العدرا مريم هو أنقى قلب فى الوجود؟!!!

7- فضيلة صنع السلام: "9طوبى لِصَانِعِي السَّلَامِ، لَأَنَّهُمْ يُدْعَوْنَ أَبْنَاءَ اللَّهِ"

السيد المسيح هو ملك السلام الحقيقى وليس سلام العالم الفانى، والعدرا مريم ملكة جالسة عن يمينه. والمؤمنون اللّٰى صلوا بحرارة وطلبوا شفاعتها نالوا ما طلبوا بسبب قوة شفاعتها، وبالتالي فيه بيوت كثيرة امتلأت من السلام الحقيقى. تبقى هى صانعة سلام عظيمة، وبالأدق هى ملكة تأخذ من ملك السلام وتعطى بلا حساب لكل من يطلب بقلب طاهر ونية خالصة. كمان مانساش إنها صنعت سلام عظيم لمصر لما أرشدت البابا فى عصر المعز إلى القديس سمعان الخراز، وبالصوم والصلوات الحارة تم نقل جبل المقطم وبشفاعتها عاشت مصر والكنيسة فى سلام. ليتنا نتفهم هذا الدرس!!!

8- فضيلة الطرد من أجل البر: "10طوبى لِلْمَطْرُودِينَ مِنْ أَجْلِ الْبِرِّ، لَأَنَّ لَهُمْ مَلَكُوتَ السَّمَاوَاتِ."

هذه الفضيلة بدأت مع ميلاد المسيح لما هيرودس أراد قتل طفلها واضطرت للهرب لمصر، وبعدين فى مصر عاشوا هاربين من بلد لبلد بسبب سقوط الأوثان. كمان المسيح تكلم عن نفسه وقال "لِلثَّعَالِبِ أَوْجَرَةٌ وَلِطُيُورِ السَّمَاءِ أَوَّارٌ، وَأَمَّا ابْنُ الْإِنْسَانِ فَلَيْسَ لَهُ أَيْنَ يُسْنِدُ رَأْسَهُ." (مت20:8)، يعنى إنه كان يتجول كثير وكان بيختفى أيضا من الكهنة، إذاً فهى عاشت مع المسيح حياة الطرد من أجل البر، وحملت معه الصليب كوصيته المقدسة للنهاية.

فضيلة الصمت أمام المعيرين: "11 طوبى لكم إذا عيروكم وطردوكم وقالوا فيكم من أجلى كل شر كاذبين."

إحنا عارفين إن الأم بتتفاعل مع أولادها بشدة وأى حاجة تجرحهم بتشعر الأم إنه جرح ليها. وطبعا العدرا مريم كانت متعلقة جداً بالسيد المسيح، وكل الإهانات اللى وقعت عليه أكيد شعرت كأنها وقعت عليها، ومع ذلك نلاحظ صمتها العجيب أمام كل الناس اللى أهانت السيد المسيح وقالت عنه كلام شرير رغم كل المعجزات.

يعنى سكتت لما اتهمه أقرباؤه بالجنون "وَلَمَّا سَمِعَ أَقْرَبَاؤُهُ خَرَجُوا لِيُمْسِكُوهُ، لِأَنَّهُمْ قَالُوا: إِنَّهُ مُخْتَلٌ" (مر3:21)،

وسكتت لما اتهمه الفريسيون "أَمَّا الْفَرِيسِيُّونَ فَلَمَّا سَمِعُوا قَالُوا: هَذَا لَا يُخْرِجُ الشَّيَاطِينَ إِلَّا بِبَعْزَبُولَ رَئِيسِ الشَّيَاطِينِ." (مت24:12)،

وسكتت لما الشعب صرخ "اصْلِبْهُ، اصْلِبْهُ" (مت 27 : 13 ، مر 15 : 14 ، لو 23:21، يو 19:15) ،

وسكتت لما أهانوه ولطموه واستهزأوا به، وسكتت لما صلبوه بين لصين (مت26:67 - 38:27، مر 65:14 - 32:15، لو 63:22 - 38:23، يو 18:22 - 18:19).

وأخيراً نجد جائزة كل من يستحق هذه التطويبات "12 اِفْرَحُوا وَتَهَلَّلُوا، لَأَنَّ أَجْرَكُمْ عَظِيمٌ فِي السَّمَاوَاتِ، فَإِنَّهُمْ هَكَذَا طَرَدُوا الْأَنْبِيَاءَ الَّذِينَ كَانُوا قَبْلَكُمْ." (مت3:5-12).

وإحنا متأكدين إنه بعد قيامة رب المجد العدرا مريم كانت أول من تهلل ونال فرحة وبهجة القيامة اللى ما فيش زيتها فى الوجود. وطبعا إحنا عارفين جائزتها الكبرى وهى الجلوس كملكة عن يمين ربنا يسوع فى ملكوت السموات.

+

(ج) فضائل أخرى

فضيلة التأمل فى كل أعمال الله:

ولأن العدرا مريم من النوع الصامت الهادى والوديع جداً، والإنجيل يقول عنها "وَكَانَتْ أُمُّهُ تَحْفَظُ جَمِيعَ هَذِهِ الْأُمُورِ فِي قَلْبِهَا" (لو2:51)، وده معناه إن العدرا مريم كانت عايشة بتفكر وتتأمل فى كل اللى بيحصل حوالىها، من يوم البشارة لغاية يوم نياحتها. وطبعا سمعت كل عظات وتعاليم ربنا ومخلصنا يسوع المسيح وشافت معجزاته. كمان ما ننساش ازاي ربنا دبر تربيتها فى الهيكل وتعليمها الأسفار، تبقى كانت زى علماء الأبحاث عمالة تراجع الأحداث اللى قصاد عينيها أول بأول مع النبوات وتشوف حلاوة تحقيق النبوات. تقوم تعيش حياة التسبيح والشكر الدائم لله. وطبعا اللى يعيش هذه الحياة الروحية مش ممكن يفكر فى أى حاجة تانية.

فضيلة العذارى الحكيمات: السيد المسيح علمنا من خلال مثل العذارى الحكيمات أن نكون مستعدين (مت 1: 13-13). وهنا نأخذ بالنظر المقصود بالعذارى الحكيمات هو نفوس المؤمنين رجال وسيدات، ولو رجعنا لتاريخ حياة العذرا مريم نقدر نقول إن العذرا مريم لما عاشت في الهيكل أكيد جذبت كثير من العذارى بوداعتها إلى حياة الصلاة والتسبيح لله. ونقدر نقول إنه من المؤكد إن بعضهن صرن تلاميذ للمسيح فيما بعد. وما تنسوش النبوة "تدخل إلى الْمَلِكِ عَذَارَى فِي إِثْرِهَا" (مز 14: 44)، يعنى إيمان كل النفوس النقية.

فضيلة الثمار الجيدة: (مت 8: 13، مر 4 : 8، لو 8: 8)

المسيح فى إحدى عظاته تكلم عن الزارع والأرض الجيدة اللى جابت ثمار، وشرح إن الأرض الجيدة هى الناس اللى تسمع كلام ربنا والكلام يأتى بثمار روحية ثلاثين وستين ومائة.

طيب ياترى العذرا مريم تعتبر أرض جيدة أم لا؟

بكل تأكيد العذرا مريم هى أجود أرض (نفس بشرية) فى الوجود ويكفى إن ثمرتها هى مخلص البشرية كلها.

فضيلة التواضع الشديد والتفانى فى خدمة الله:

العذرا مريم تحملت مشقات كثيرة بدون تذمر لأنها اعتبرت نفسها "أمة الرب" يعنى خدامته، ولو أخذنا بالنظر نلاحظ دائما كانت بتقعد فى آخر الصف لما كان السيد المسيح بيوعظ الجموع، وبكده إدتتنا درس رائع فى ازاي نخدم ربنا ونتفانى فى الخدمة من غير ما نتخانق على المراكز الأولى!!!!

فضيلة الأمومة الحانية والمتفانية فى خدمتها: من دراستنا للتقليد والكتاب المقدس نلاحظ إن العذرا مريم كانت تضع احتياجات الآخرين قبل نفسها. وده نلاحظه لما كانت فى الهيكل وتعطى طعامها للمحتاجين، وكمان لما جريت على القديسة أليصابات لتخدمها، وأيضا خدمتها للمدعوين فى عرس قانا الجليل.

من كل ما سبق نقدر نقول بثقة بالغة إن العذرا مريم هى بدون أدنى شك فائقة الفضائل ومستحقة للتطويب من كل البشر على مدى الأجيال وإلى إنقضاء الدهر.

+

ذكاء العذرا مريم

معروف إن الأولاد بيورثوا صفات كثيرة من الآباء والأمهات، ومنها الذكاء والطباع. وحيث أننا نؤمن أن ناسوت السيد المسيح هو ناسوت حقيقى وليس خيال كما قالت بعض الهرطقات.

ولو تأملنا فى ناسوت السيد المسيح سنتفق جميعا على أن ناسوته هو قمة الكمال البشرى من كل الوجوه زى النبوة "أَنْتَ أَبْرَعُ جَمَالاً مِنْ بَنِي الْبَشَرِ" (مز 3:44 قبطى، 2:45 بيروت)، وهذا يشمل بالطبع الذكاء والطباع الممتازة فوق الوصف.

وفى هذه الحالة نقدر نقول أن الله خلق العدرا مريم فى قمة الذكاء وأجمل الطباع البشرية **لأن هذه الصفات هى التى أصبحت ملك للسيد المسيح بالتجسد.**

وفى هذه الحالة ممكن ندرس صفات ناسوت السيد المسيح وبعدين نتأمل ونقول أكيد العدرا مريم كان لها الكثير من هذه الصفات.

على سبيل المثال وليس الحصر:

المسيح قال "إِحْمِلُوا نِيرِي عَلَيْكُمْ وَتَعَلَّمُوا مِنِّي، لِأَنِّي وَدِيعٌ وَمُتَوَاضِعٌ الْقَلْبِ، فَتَجِدُوا رَاحَةً لِنَفُوسِكُمْ" (مت 29:11)، والعدرا مريم بكل تأكيد كانت وديعة ومتواضعة.

المسيح "جَالَ يَصْنَعُ خَيْراً وَيَشْفِي جَمِيعَ الْمُتَسَلِّطِ عَلَيْهِمْ إِبْلِيسُ" (أع 38:10). والعدرا مريم أيضا صنعت ومازالت تصنع الخير بالشفاعة من أجل المحتاجين، والسيد المسيح استجاب وسيظل يستجيب لشفاعتها، وأكبر دليل هو شفاعتها فى عرس قانا الجليل، وبالنسبة لينا فى مصر أوعوا تنسوا تدخلها فى معجزات كثيرة فى مصر ومنها معجزة نقل جبل المقطم ومعجزة إنقاذ كنيسة أتريب من الهدم. وأعتقد أنها تدخلت من أجل شفاء الكثيرين أثناء كرازته على الأرض.

الجزء الثانى

القديسة العذرا مريم
فى إيمان الكنيسة
وصلواتها

الجزء الثانى من هذا الكتاب يقدم الكثير من الحقائق الإنجيلية لإثبات سلامة إيمان كنيستنا الأرثوذكسية عن أن الله اختار العذراء لخدمة سر التجسد وحقيقة دوام بتوليبتها.

وستجد أيضا الكثير من التساؤلات التى تدور على ألسنة بعض الناس المتشككين فى حقيقة دوام بتوليبتها، ثم الرد عليها بأسلوب منطقى مبسط جداً.

النعمة والامتلاء من النعمة

مقدمة

تأمل فى موضوع الزمن

معايير السماء ومعايير البشر

تأمل فى موضوع النعمة

مفهوم النعمة فى نور العهد الجديد

مناقشة هادئة لموضوع الامتلاء من النعمة

مقدمة

موضوع تحية الملاك للعدرا مريم "سَلَامٌ لَّكَ يَا مُمْتَلِئَةً نِعْمَةً. الرَّبُّ مَعَكَ" من المواضيع إلى بيثار حولها مناقشات كثيرة. وهنا أقدم محاولة متواضعة لمناقشة هذا الموضوع مع ملاحظة أن الموضوع متشابك جداً، وبالتالي لم يكن هناك مفر من تكرار كثير من المعاني لتكون الإجابات على كل سؤال واضحة جداً.

أعتقد أن أهم سبب للجدل هو اختلاف الترجمات حول هذه التحية، لأنه في بعض الترجمات خصوصاً الحديثة نلاحظهم ترجموها إلى:

"سلام لك أيتها المنعم عليها"، أو "سلام لك أيتها المفضلة جداً Highly favored".

اللغة اليونانية القديمة تحمل معاني كثيرة. وإحنا عارفين إن الترجمة القبطية للعهد الجديد من اللغة اليونانية هي من أقدم الترجمات إن لم تكن أولها. ولأن اللغة القبطية المستعملة في الإنجيل هي أقرب اللغات القديمة للغة اليونانية في هذا الوقت، بالإضافة إلى روحانيات الكنيسة القبطية في هذا الوقت، علشان كدة الترجمة القبطية تعتبر من أدق الترجمات ولهذا السبب نلاقى كثير من علماء الدين في العالم بيرجعوا إليها. علشان كده يجب أن نضل متمسكين بهذه الترجمة الدقيقة والمحبوبة وهنا أتوجه بالرجاء للكنيسة لكي ما تصدر ترجمة عربية دقيقة للترجمة القبطية.

لكن مش معنى كده إننا نكتفى بحفظها من غير ما نعرف إيه السبب ونكون مستعدين للرد على كل من يعترض على هذه الترجمة. الأيام إلى إحنا عايشين فيها بتناقش كل الأمور بلا خجل، وحروب الشيطان بلا هوادة لأنه يعرف الكتب المقدسة ويعرف كيف يستخدمها لتضليل كل من يستطيع بما في ذلك المختارين إن لم يسهروا.

علشان كده مهم إننا نقنع الأجيال الصاعدة بسلامة الإيمان الأرثوذكسى وما نخافش من مناقشة المواضيع الصعبة لأنهم بيواجهوا تحديات صعبة تشككهم حتى في وجود الله ذاته (1بط3:15).

وما تنسوش إن الكتاب المقدس يدعونا إلى الحكمة والمعرفة والفهم، على سبيل المثال:

"بَدْءُ الْحِكْمَةِ مَخَافَةُ الرَّبِّ، وَمَعْرِفَةُ الْفُدُوسِ فَهْمٌ" (أم 10:9)

"فَمَي يَتَكَلَّمُ بِالْحِكْمِ، وَلَهَجَ قَلْبِي فَهْمٌ" (مز 94:3)

"قَلْبُ الْفَهِيمِ يَقْتَنِي مَعْرِفَةً، وَأَذُنُ الْحَكَمَاءِ تَطْلُبُ عِلْمًا" (أم 18:15)

"أَيْضًا كَوْنُ النَّفْسِ بِلَا مَعْرِفَةٍ لَيْسَ حَسَنًا" (أم 2:19)

"فَرَأَيْتُ أَنَّ لِلْحِكْمَةِ مَنَفْعَةً أَكْثَرَ مِنَ الْجَهْلِ، كَمَا أَنَّ لِلنُّورِ مَنَفْعَةً أَكْثَرَ مِنَ الظُّلْمَةِ" (جا 13:2)

والله ذاته شجعنا على المناقشات النافعة "هَلُمَّ نَتَحَاجَّجْ، يَقُولُ الرَّبُّ" (أش 1:18) وحذرنا من عدم المعرفة السليمة على لسان هوشع النبي "قَدْ هَلَكَ شَعْبِي مِنْ عَدَمِ الْمَعْرِفَةِ" (هو 4:6)، وبالطبع لازم نتحاشى المناقشات الغبية كما نصح القديس بولس الرسول تلميذه تيموثاوس (2تيمو 2:23).

قبل البشارة العذرا مريم عاشت حياة طاهرة ومقدسة جداً، ووصلت إلى درجة فائقة من الروحانيات لم يصل إليها أحد من أبرار وأنبياء العهد القديم، وهكذا وجدت نعمة عند الله كما شهد الملاك.

ومن بعد قبولها لبشارة الملاك وبمجرد ما قالت "هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ" (لو:1:38) حل عليها الروح القدس، وسكن أقنوم الكلمة المتجسد في الحشا البتولى، وصيره قدس أقداس وسماء ثانية، واتحد اللاهوت بالانسوت، وهو ده اللى بنقوله فى الإبصلمودية ثيوتوكية الأربعاء "السلام لمعمل الاتحاد الغير المفترق الذى للطبائع التى أتت إلى موضع واحد معاً بغير اختلاط". وهكذا بدأ طريقها الفريد والوحيد للخلاص الذى هو قمة الامتلاء من النعمة لأنها الوحيدة فى كل البشر التى نالت هذه النعمة الفائقة العظيمة كما ذكرت النبوة "9 وَاحِدَةٌ هِيَ حَمَامَتِي كَامِلَتِي. الْوَحِيدَةُ لَأَمِّهَا هِيَ. عَقِيلَةٌ وَالدِّتْهَا هِيَ. رَأَتْهَا الْبَنَاتُ فَطَوَّبْنَهَا. الْمَلَكَاتُ وَالسَّرَّارِيُّ فَمَدَحْنَهَا. 10 مَنْ هِيَ الْمُشْرِفَةُ مِثْلَ الصَّبَاحِ جَمِيلَةً كَالْقَمَرِ طَاهِرَةً كَالشَّمْسِ مُرْهِبَةً كَجَيْشٍ بِالْوِيَّةِ." (نش: 6 : 9-10)

التأمل فى موضوع النعمة يجبرنا على الدخول للعمق والتأمل فى عدة موضوعات علشان نفهم موضوع الامتلاء من النعمة.

تأمل فى موضوع الزمن

تعالوا بينا نتأمل شوية فى أزمنة البشر وأزمنة السماء.

أزمنة البشر: البشر يقيسون الزمن فى خط مستقيم. كل الأحداث البشرية لها بداية ولها نهاية وكل شئ يتم بترتيب زمنى دقيق بنحسبه بالثانية والدقيقة والساعة واليوم والأسبوع والشهر والسنة. ولهذا فإن الزمن بالنسبة لينا فيه حاجات حصلت زمان، وحاجات بتحصل دلوقتى، وحاجات حتصل بعدين. علشان كده الأفعال تأخذ زمن الماضى والحاضر والمستقبل.

أزمنة السماء:

أقرب شئ لفهم أزمنة السماء هو لو حاولنا نعرف فين بداية أو نهاية كرة مش حنعرف، لكن لو رسمنا خط عليها حنعرف فين البداية وفين النهاية.

الله موجود منذ الأزل، يعنى ربنا مالوش بداية ومالوش نهاية، يعنى أزلى. الكلام ده مهم جداً لأن الله هو اللى خلق الزمن البشرى ولهذا فإن الزمن البشرى خاضع لسلطانه وترتيباته. علشان كده من الخطأ الشديد أن نظن إن ربنا بيخضع لأى توقيت زمنى زى البشر.

وهنا ناخذ بالناس إننا لَمَّا بنتكلم عن أزمنة السماء فنحن نتكلم عن الزمن البشرى فى حضرة الله. ولأن كل أمور البشر معروفة له من قبل ما تحصل، علشان كده كل حاجة حصلت وبتحصل وحتحصل للبشر هى فى الزمن البشرى الحاضر عند الله ومن هنا نفهم كلام الإنجيل "وَلَكِنْ لَا

يَخْفَ عَلَيْكُمْ هَذَا الشَّيْءُ الْوَاحِدُ أَيُّهَا الْأَحِبَّاءُ: أَنَّ يَوْمًا وَاحِدًا عِنْدَ الرَّبِّ كَأَلْفِ سَنَةٍ، وَأَلْفَ سَنَةٍ كَيَوْمٍ وَاحِدٍ" (بط2:8)

علشان كده أزمنة السماء لا يوجد فيها ماضى وحاضر ومستقبل لأن الله هو رب الزمان وكل شئ عريان ومكشوف وحاضر أمامه.

خلوا بالكم من النقطة دي لأنها حتساعدنا كويس فى فهم الإنجيل. لأنه فى ناس لَمَّا تقرا الإنجيل تقراه كأنه تقرير عن حوادث حصلت أو حتحصل وترتبه حسب نظام زمن البشر. روحياً ده مش مفيد، لازم نقرا كل حاجة على إنها رسالة أزلية من ربنا لينا فى الوقت الحاضر علشان نستفاد. كمان مهم إننا نفهم إن الإنجيل هو رسالة سماوية مكتوبة بلغة البشر علشان يفهموها.

وإلى يهنا من الكلام ده هو أن كل أمور الخلاص والحياة الأبدية حاضرة أمام الله منذ البداية، يعنى ليس هناك ماضى وحاضر ومستقبل زى البشر.

الكتاب المقدس مملوء بالأدلة. وكمثال كل النبوات، ونستطيع أن نقول بدون أدنى شك أن الروح القدس كشف للأنبياء ما هو عبر أزمنة السماء حيث كل أمور البشر حاضرة، فشافوا بعض تفاصيل تدبير الله لخلاص البشر وإزاي سيكونوا مع الله فى الحياة الأبدية، فكتبوا النبوات عن التجسد والخلاص بدون ترتيب رغم دقة التفاصيل لأنهم لم يعرفوا كيف يرتبونها بحسب أزمنة البشر ولا قدروا يكتبوا عن كل إلهى شافوه لأنهم كانوا فى ذهول. علشان كده ليس غريباً إن بعض النبوات تتكلم كما لو كان فعل ماضى والأمثلة كثيرة خصوصاً ما كتبه داود النبى عن صلب السيد المسيح فى الفعل الماضى رغم أنها ستحدث فى المستقبل.

كمان قول رب المجد لنيقوديموس "إِنْ كُنْتُ قُلْتُ لَكُمْ الْأَرْضِيَّاتِ وَلَسْتُمْ تُؤْمِنُونَ، فَكَيْفَ تُؤْمِنُونَ إِنْ قُلْتُ لَكُمْ السَّمَاوِيَّاتِ؟ وَلَيْسَ أَحَدٌ صَعَدَ إِلَى السَّمَاءِ إِلَّا الَّذِي نَزَلَ مِنَ السَّمَاءِ، ابْنُ الْإِنْسَانِ الَّذِي هُوَ فِي السَّمَاءِ" (يو3:12-13). السيد المسيح يتكلم عن الصعود كفعل فى الزمن الماضى رغم أنه بحسب معايير أزمنة البشر فعل سيحدث فى المستقبل من زمن كلامه مع نيقوديموس. سبب استعمال رب المجد لفعل ماضى فى كلامه مع نيقوديموس واضح كل الوضوح لأن سر الخلاص معروف فى السماء منذ البداية، ولأنه هو رب الزمان فهو بالتالى يتكلم بحسب أزمنة السماء التى ليس لها بداية أو نهاية لأن الله القدوس أبدى سرمدى.

ولأننا ننعم الآن بنعمة بالفداء، علشان كده نقدر نفسر أسرار العهد القديم ونربطها بأسرار العهد الجديد. كمثال عار المسيح الذى فضله موسى النبى، معمودية البحر الأحمر، المن النازل من السماء، الحية النحاسية، ذبائح العهد القديم... إلخ. وهذه كلها كانت رموز حاضرة أمام الشعب لَمَّا سيأتى فى المستقبل بعد تمام الخلاص.

معايير السماء ومعايير البشر

معايير البشر:

معايير البشر تقاس حسب الزمن البشرى، وده معناه إن الإنسان يجاهد ويكافح وبعدين ينال ما يستحق سواء من أجر، أو وظيفة، أو ترقية، أو كرامة ... إلخ. وطبعاً بيحصل إن ناس تنال

مكانة أو مال أو ... أو ... من غير كفاءة. وفي النهاية نقدر نقول إن معايير البشر هي مقياس لما تم الحصول عليه في الماضي حتى ولو كان بغير وجه حق.
معايير السماء:

ولأن الله هو فاحص القلوب، فلو تأملنا بهدوء نقدر نقول إن السماء تنظر إلى نهاية كل إنسان ومكانه في الحياة الأبدية. وده نشوفه واضح في بشارة الملاك لزكريا الكاهن بميلاد القديس يوحنا المعمدان لأنه أعلمه بمركز ابنه وهو رجل بالغ من قبل ما تحبل بيه القديسة أليصابات. إذاً معايير السماء هي إعلان عن مكانة الإنسان من بعد نهاية الأيام ودينونة الله العادلة.

تأمل في موضوع النعمة

لو فحصنا كلمة "نعمة Grace" في كثير من اللغات حنلقى ليها معانى واستعمالات كثيرة سواء في أسلوب أهل العالم أو في الأسلوب المسيحي. وهنا جزء من هذه المعانى:
بالنسبة لأسلوب أهل العالم فمعناها عطية أو هدية زى ما ملك أو رئيس ينعم بهدايا أو نياشين أو ألقاب على بعض من الشعب، وأيضا تعنى رضى الرؤساء على المرؤسين أو أصحاب السلطة على الرعايا، وأحياناً العكس.
وفي الكتاب المقدس وردت كلمة "نعمة" مرات كثيرة في العهد القديم بالمعانى السابقة وأيضاً كانت تعنى تحنن الله على البشر، وأيضا قالها إبراهيم فى حوارهِ لله لإسترضاء رحمته، وآخرون لطلب التحنن والرضى من الرؤساء والأقوياء.

مفهوم النعمة فى نور العهد الجديد

أما فى العهد الجديد فإن كلمة نعمة بالاضافة إلى معانيها السابقة فهى كذلك تعنى موهبة، رغم أن كل المواهب هى من الله وحده خصوصا مواهب الروح القدس، وأحياناً تعنى جمال الروح الجذاب الهادئ الذى يعطى راحة للنفس وليس الجمال الذى يثير إبليس. وهذا نراه كثيراً فى وجوه الأتقياء.

كمان تعنى مسئولية مقدسة كمسئولية الوالدين ودى بنسُميها نعمة الأولاد، وطبعا سمعنا عن نعمة الكهنوت.

لكن أعظم معنى لهذه الكلمة نفهمه من دراستنا للعهد الجديد، حيث تكررت كثيراً خصوصا فى الرسائل، وكما فسرها القديس أوغسطينوس فى شرح بشارة الملاك "هذا الميلاد مطلقا هو نعمة، فيه تم الاتحاد. اتحاد الإنسان بالله، والجسد بالكلمة ... لم تكن الأعمال الصالحة هى الاستحقاق لتحقيقه". والكلام ده معناه روحيا إن كلمة نعمة كما وردت بقاموس اللغة الإنجليزية "مساعدة أو عطية إلهية بدون استحقاق تعطى للإنسان لتجديده وتقديسه". أى حصول البشر على نعمة وبركات الخلاص من خلال الإيمان بالمسيح كعطية من الله. أى أن الخلاص هو نعمة من الله لم نفعل أى شئ لنستحقها.

✠ نحن نؤمن أن إلهنا إله محب "لأنَّ اللهَ مَحَبَّةٌ" (1 يو 4:8)،
✠ إذاً نقدر نقول إن كل عطاياه للبشر هي تجسيم لهذه المحبة لكل البشر سواء كانوا أبرار أو
أشرار.

✠ ولأن سر الفداء على عود الصليب هو قمة المحبة الإلهية حسب تعليم السيد المسيح:
"لأنَّهُ هَكَذَا أَحَبَّ اللهُ الْعَالَمَ حَتَّى بَدَلَ ابْنَهُ الْوَحِيدَ، لِكَيْ لَا يَهْلِكَ كُلُّ مَنْ يُؤْمِنُ بِهِ، بَلْ تَكُونُ لَهُ
الْحَيَاةُ الْأَبَدِيَّةُ" (يو 3:16)، "لَيْسَ لِأَحَدٍ حُبٌّ أَكْظَمُ مِنْ هَذَا: أَنْ يَضَعَ أَحَدٌ نَفْسَهُ لِأَجْلِ أَحِبَّائِهِ"
(يو 15:13).

✠ وحيث أن نعمة الخلاص بدم ربنا يسوع المسيح هي الطريق للحياة الأبدية،
✠ وبالتالي فإن معرفة المسيح المعرفة الحقيقية هي عطية من الله، أى نعمة من الله المحب،
✠ إذاً نقدر نقول إن سر الفداء هو أعظم نعمة ممكن للبشر أن ينالوها من الله المحب،
✠ وهي نعمة لا تساويها كل جواهر العالم الفانى.

✠ وأجمل ما فى هذه النعمة أنها مجانية لمن يطلبها بقلب نقي.
✠ وإذا رجعنا إلى أنبياء وأبرار العهد القديم نلاحظهم فى اشتياق شديد وبكاء حار لى ينالوا هذه
النعمة قبل موتهم، ولكن لأن الخلاص لم يتم فى حياتهم نقول إنهم رقدوا على رجاء الخلاص.
ولمَّا قدَّم السيد المسيح نفسه على الصليب "نزل إلى الجحيم من قبل الصليب"، كما يصلى
الكاهن فى القداس (أف 4:8-9) وأطلق سراحهم كلهم وأخذهم للفردوس.
✠ ولأن ملء الزمان لتتِم النبوات عن هذا الخلاص بدأ من لحظة البشارة،
✠ إذاً نقدر نقول إن النعمة العظيمة بدأ إعلانها للبشر من وقت البشارة، وأُكْمِلَتْ على عود
الصليب "الْعَمَلُ الَّذِي أُعْطِيتَنِي لِأَعْمَلِ قَدْ أَكْمَلْتُهُ" (يو 17:4)، "فَلَمَّا أَخَذَ يَسُوعُ الْخَلَّ قَالَ: قَدْ
أُكْمِلَ. وَنَكَّسَ رَأْسَهُ وَأَسْلَمَ الرُّوحَ" (يو 19:30).

✠ وهنا نقدر نقول إن ربنا ومخلصنا يسوع المسيح المحب والرحوم أنعم على كل من استحق
من شعب العهد القديم بنعمة الخلاص بعد ما أكمل عمله على الصليب.
✠ ولَمَّا نتأمل فى السنين إلی هي عمر السيد المسيح على الأرض نقدر نشبهها بإحتفال مهيب
لحدث فائق العظمة يستغرق وقت طويل. من أول لحظة فى الإحتفال بحسب النبوات إحنا
عارفين إيه الهدف وإيه النهاية. علشان نفهم الكلام ده تعالوا ناخذ كمثال الوقت من إعلان
القرعة الهيكلية لإختيار البابا وإلى وقت تتويجه، وحتى فى الأكاليل ألا يتم الاستعداد لها من
قبل الإكليل بوقت طويل؟

✠ والكلام ده معناه أن الإيمان بيسوع المسيح مخلصاً للعالم هو نعمة تؤهلنا لنوال أعظم عطية
من الله من بعد عطية الخلق، أى نعمة الخلاص والحياة الأبدية، لأنه لولا الصليب لمَّا كان لنا
أى فرصة للرجوع لله. وبالطبع الصليب بدأ بالتجسد والميلاد البتولى.
✠ علشان كده نقدر نقول إننا كمسيحيين "منعم علينا بالخلاص" زى تراتيل الخماسين
المقدسة. وبالتالي ما حدش يقدر يقول إنه فى إنسان استحق هذه النعمة بأعماله فقط.
✠ ولأننا كمسيحيين نعيش ونموت على رجاء قيامة الأموات وحياة الدهر الآتى، علشان كده

هدفنا فى الحياة هو الجلوس مع الملائكة حول عرش الله فى الحياة الأبدية، أى الحصول على أعظم نعمة ممكن ينالها إنسان من الله ذاته.

✠ لهذا ليس غريباً أن ينتهى العهد الجديد هكذا: "نِعْمَةٌ رَبَّنَا يَسُوعَ الْمَسِيحِ مَعَ جَمِيعِكُمْ. آمِينَ"

طبيب إيه معنى "وَنِعْمَةٌ فَوْقَ نِعْمَةٍ"؟

تعالوا نراجع الإنجيل المقدس. "وَالْكَلِمَةُ صَارَ جَسَداً وَحَلَّ بَيْنَنَا، وَرَأَيْنَا مَجْدَهُ، مَجْداً كَمَا لَوْحِيدٍ مِنَ الْآبِ، مَمْلُوءاً نِعْمَةً وَحَقّاً. يُوحَنَّا شَهِدَ لَهُ وَنَادَى قَائِلاً: هَذَا هُوَ الَّذِي قُلْتُ عَنْهُ: إِنَّ الَّذِي يَأْتِي بَعْدِي صَارَ قُدَّامِي، لِأَنَّهُ كَانَ قَبْلِي. وَمِنْ مِلْئِهِ نَحْنُ جَمِيعاً أَخَذْنَا، وَنِعْمَةٌ فَوْقَ نِعْمَةٍ. لِأَنَّ النَّامُوسَ بِمُوسَى أُعْطِيَ، أَمَّا النِّعْمَةُ وَالْحَقُّ فَبِيسُوعَ الْمَسِيحِ صَارَا". (يو:14-17).

✠ إذاً وببساطة وفى نور العهد الجديد، وبفكر مسيحي، نقدر نقول أنه ليس هناك نعمة أعظم من نعمة معرفة الله، لأننا "وَمِنْ مِلْئِهِ نَحْنُ جَمِيعاً أَخَذْنَا"،

✠ ثم "نِعْمَةٌ فَوْقَ نِعْمَةٍ" عندما نؤمن بالمسيح مخلص العالم من الشيطان،

✠ ثم "نِعْمَةٌ فَوْقَ نِعْمَةٍ" بنوال سر المعمودية المقدسة ومسحة الميرون، أى حلول الروح القدس علينا، وهكذا نصير هياكل مقدسة لله،

✠ ثم "نِعْمَةٌ فَوْقَ نِعْمَةٍ" بالثبات فى جسد الرب عن طريق ممارستنا للأسرار المقدسة، وأهمها بالطبع سر الإفخارستيا،

✠ ثم "نِعْمَةٌ فَوْقَ نِعْمَةٍ" لَمَّا نجاهد فى تنفيذ وصايا الإنجيل لنصل إلى ملء قامة المسيح،

✠ ثم "نِعْمَةٌ فَوْقَ نِعْمَةٍ" لَمَّا نعيش مع الله فى الحياة الأبدية.

مناقشة هادئة لموضوع الامتلاء من النعمة

فى الحقيقة أنا حاولت البحث عن تعريف من أقوال الآباء فلم أوفق فى الحصول على شرح واضح جداً. أعتقد إن السبب هو لأن العذرا مريم هى وحدها من كل البشر إلى امتلأت من النعمة، ولأنها كانت هادئة جداً، علشان كده ما قدرناش نعرف بالضبط شرح هذه الدرجة الفائقة من الروحانيات.

لكن ممكن إننا نتأمل ونقول إنه إذا كانت النعمة السماوية ونعمة فوق نعمة هى من خلال المسيح وفى المسيح، إذاً الامتلاء من النعمة هو الامتلاء بالمسيح إلى ملء قامة المسيح زى ما قال معلمنا بولس الرسول "وَتَعْرِفُوا مَحَبَّةَ الْمَسِيحِ الْفَائِقَةَ الْمَعْرِفَةَ، لِكَيْ تَمْتَلِنُوا إِلَى كُلِّ مِلءِ اللَّهِ" (أف:2:19).

لهذا فمن الخطأ إننا نفتكر إن العذرا مريم وصلت إلى هذه الدرجة الفائقة قبل البشارة من ذاتها أو بجهادها الشخصى لأنه فى ظل الناموس لم يمتلئ أحد من أبرار العهد القديم من النعمة.

نعم هي في الزمن السماوى ممتلئة نعمة منذ البداية لأنها هي من وَعَدَ الله آدم وبنيه بالخلاص بنسلها، لكنها امتلأت نعمة من خلال تجسد المسيح ونوالها الخلاص بدمه الذكى على عود الصليب ثم جلوسها عن يمينه في الفردوس وفي الحياة الأبدية.

كمان لو سألنا نفسنا هل معقول إن العدرا بعد البشارة لم تعرف الفرق بين انتظارها للخلاص في شغف شديد، وبين شعورها الجارف والمختبر لَمَحَبَّةِ الْمَسِيحِ الْفَائِقَةِ الْمَعْرِفَةِ!!!
إحنا كأرثوذكس لا نؤمن إطلاقاً بمبدأ الخلاص في لحظة واعتقد إن كثير من الأقباط عاصروا ما أثير حول هذا الموضوع. علشان كده لَمَّا نتكلم عن امتلاء العدرا من النعمة لازم نحترس إننا لا نحدد ميعاد أو لحظة معينة ونقول هي دى اللحظة إالى امتلأت فيها من النعمة. ملء النعمة هي نعمة من الله، إذاً هو وحده صاحب القرار.

تعالوا نتابع خطوات العدرا مريم قبل البشارة

لو تأملنا بحسب أزمنتنا في حياة العدرا مريم حنكتشف إنها طول عمرها كانت تنال نعمة فوق نعمة. وهنا حنراجع بعض النقط الرئيسية:

✦ العدرا نالت نعمة عندما نظر الله إلى كل خليقته واختارها لتكون أماً لأقنوم الكلمة المتجسد وأعلن وعده لآدم وبنيه منذ البداية.

✦ العدرا نالت نعمة لَمَّا وُلِدَتْ من أبوين بارين وعلموها إزاي تحب ربنا من كل قلبها.

✦ العدرا نالت نعمة لَمَّا نفذت ندر والديها في طاعة كاملة وراحت تعيش في الهيكل خادمة لله وهي عمرها ثلاث سنين.

✦ العدرا نالت نعمة لَمَّا عاشت حياة التقشف والصلاة الدائمة في الهيكل بطلبات ودموع من أجل أن تعين الخلاص في حياتها.

✦ العدرا نالت نعمة لَمَّا كانت تعطى نصيبها من الطعام للفقراء رغم إنها هي أيضاً فقيرة. وبعدين الملائكة عوضوها بطعام خصوصى من السماء زى ما عرفنا من التقليد الكنسى.

✦ العدرا نالت نعمة لَمَّا جلست لتتعلم على أيدي الملائكة من غير ما تعرف أنها المختارة من الله.

✦ العدرا نالت نعمة لَمَّا أطاعت القرعة الهيكلية إالى اختارت لها البار القديس يوسف النجار خطيباً رغم ندرها للبتولية طول حياتها وهي لا تعلم أنه تدبير الله لحراستها استعداداً للتجسد.

تعالوا نتابع خطوات العدرا مريم بعد البشارة

نظرتنا البشرية لمكانة القديسة الروحية قبل البشارة في ظل الناموس تجبرنا أن نقف عند الحد الذى شهدت به السماء "لَأَنَّكَ قَدْ وَجَدْتَ نِعْمَةً عِنْدَ اللَّهِ" لأن الخلاص لم يكن قد تم بعد. هنا ينبغى أن نفهم أنها قد انفردت بهذه الدرجة الفائقة من القداسة واستحققت أن تكون المختارة لتشارك مع الله في عمل الخلاص.

✦ العدرا نالت نعمة لَمَّا كشف لها الملاك أن ملء الزمان قد حضر وأنه مرسل من الله لبدء احتفال تتويجها كملكة ممتلئة نعمة، وهي لم تكن تعلم.

✦ العدرا نالت نعمة الحضور الإلهي للأقانيم الثلاثة للبشارة كما أعلنها لها الملاك، فقبلت البشارة بخضوع كامل لأنها أمة الرب.

✦ وبمجرد ما العدرا مريم قبلت دعوة ربنا وقالت "هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ" (لو: 38)، حل الروح القدس عليها، وسكن أقنوم الكلمة المتجسد في أحشائها، يعنى جمر اللاهوت حل في الحشا البتولى ولم تحترق.

✦ وده معناه إن العدرا مريم صارت آنية مقدسة وطاهرة لخدمة سر التجسد، يعنى امتلأت من هذه النعمة الإلهية، علشان كده أخذت كرامة عظيمة أمام الطغمت السمائية وأيضاً أمام البشر. ✦ بس فى نقطة مهمة جداً وهى رغم إن **المخلص** السيد المسيح جنين **ساكن** فى أحشاء العدرا مريم، لكن هى برضه إنسانة وبشر زينا بالظبط ومنتظرة الخلاص لمّا السيد المسيح يتصلب عن كل البشر، ويقوم من الأموات، ويصعد للسماء، ويفتح أبواب ملكوت السموات قدام كل البشر المؤمنين بالسيد المسيح.

✦ العدرا نالت نعمة لمّا راحت تخدم القديسة أليصابات وعندما كشف الروح القدس لأليصابات حقيقة أمرها صرخت أليصابات أما العدرا مريم فتهللت وسبحت الله فى اتضاع شديد.

✦ العدرا نالت نعم لا حصر لها وهى تخدم السيد المسيح من لحظة البشارة بالحمل المقدس وإلى نهاية حياتها على الأرض.

✦ العدرا نالت نعم لا حصر لها وهى تتشفع لدى السيد المسيح من أجل البشر أثناء خدمته على الأرض وستظل تتشفع لدى السيد المسيح إلى نهاية الأيام. وإحنا الأقباط شاعرين ومختبرين شفاعتها القوية، وهذا أكبر دليل ملموس عن امتلائها من النعمة.

✦ العدرا وصلت إلى قمة النعمة وتوجت كملكة عن يمين رب المجد وهكذا سنراها فى الفردوس، وأيضاً فى الحياة الأبدية.

ملخص ما ناقشناه

إذاً من كل ما سبق نقدر نقول إن النعمة الحقيقية هى نعمة روحية من الله ذاته من أجل حياتنا الأبدية، أى هى معرفة الله المعرفة الحقيقية من خلال السيد المسيح وبالمسيح وفى المسيح. ونعمة فوق نعمة تعنى نعمة الاقتراب أكثر وأكثر من المسيح والتمتع بعطايا الله الروحية إلى ملء قامة المسيح ونحن فى الجسد على الأرض.

وهذه الدرجة الروحية العالية من "نعمة فوق نعمة" لا ينالها إلا من أحبوا الله من كل قلوبهم، وده إللى بنشوفه فى سير الأبرار والقديسين.

وبعدين نوصل إلى درجة ملء النعمة التى لم يصل إليها سوى العدرا مريم فقط لا غير. وهنا نأخذ بالنّا إن ملء النعمة يعنى القمة النهائية إلى ما فيش بعدها أى درجة تانية.

إذاً نقدر نقول بكل ثقة إن العدرا مريم:

✦ نفذت الوصية الأولى "تحب الرب إلهك من كل قلبك" بدرجة فائقة لم ولن يصل إليها بشر،

✦ وكرست كل حياتها لخدمة الرب.
 ✦ ومن شدة تواضعها ورغم أنها أم الرب اعتبرت نفسها "أمة الرب".
 ✦ ولأن كلمة أمة تعنى العبد الملتصقة بسيدها أينما ذهب لالتحيد فى أى اتجاه آخر، إذا فالعدرا أمة الرب تعنى الملتصقة بالرب.
 ✦ وحيث أن العدرا مريم أمة الرب تبعت السيد المسيح منذ البشارة فى كل مكان كخادمة وأمة لسر التجسد وحتى النهاية،
 ✦ إذا فهي الوحيدة من كل جنس البشر التى وصلت إلى درجة ملء نعمة السيد المسيح وبالمسيح وفى المسيح.
 ✦ وهكذا امتلأت العدرا مريم من النعمة، وهذه الدرجة هى أقصى درجة من النعمة يمكن لأى بشر الوصول إليها أمام الله. ولم يصل إليها سوى العدرا مريم.

طبيب إيه المانع إننا نوافق الناس إلهي بتقول إن تحية الملاك "سَلَامٌ لَكَ يَا مُمْتَلِئَةَ نِعْمَةٍ" قبل البشارة هو لأنها كانت قديسة عظيمة ممثلة من النعمة؟

قداسة وطهارة القديسة العدرا مريم معروفة لكل البشر وفى أديان تانية بتشهد بكده وتقول إنها "أطهر نساء العالمين". كمان ما تنسوش نبوات أنبياء العهد القديم وأيضاً الرموز ليها زى العليقة وقسط المن... الخ زى ما بنطوب العدرا فى شهر كيهك.

هنا يجب الإحتراس بشدة من المغالاة فى أفكارنا فوق ما هو سليم كحسب إيماننا لأنه من السهل أن نغالى فى حبنا للعدرا مريم وبعدين نسقط فى بدعة إن العدرا حبلت بها أمها بلا دنس وبالتالي تأليه العدرا، وهذا مرفوض تماماً، أو الإنزلاق فى متاهات بدع الغنوسية التى تعلم بخلاص البشر بجهادهم الشخصى، وكمان لازم نحترس من الذين يقللون من كرامتها العظيمة.

بحسب أزمنة ومعايير السماء هى ممثلة نعمة منذ البداية، لكنها بحسب أزمنة ومعايير البشر هذا غير ممكن لأن الخلاص لم يكن قد تم.

لكن فى نقطة إيمانية مهمة جداً لازم ناخذ بالنا منها كويس:

✦ لو رجعنا لسفر التكوين ربنا وعد أبونا آدم وأمنا حوا وقال ليهم "إن نسل المرأة يسحق رأس الحية". يعنى الكلام ده يعتبر وعد من ربنا بينبهننا إلى إن السيد المسيح القدوس حيتولد من عدرا وحيغلب الشيطان ويصالحنا مع الله الأب ويرجعنا تانى لربنا.

✦ الله القدوس رسم سر الخلاص بتجسد ابنه الوحيد من عذراء ووعد آدم وحواء حتى من قبل أن يعرفا بعضهما البعض بأن الخلاص هو من نسل المرأة.

✦ وفى ملء الزمان وُلِدَت العذراء مريم من أبوين مثل كل البشر. وكانت محتاجة للخلاص زى ما قالت عند زيارتها لأليصابات.

✦ كمان ما فيش إنسان فى العهد القديم "امتلاً من النعمة" مهما كان قديس لأن هذه المكانة محفوظة للعدرا مريم فقط لا غير إلى ملء الزمان، أى لوقت تتميم النبوات، وكمان ماكانش الخلاص من قبضة الشيطان بدم ربنا يسوع المسيح قد تم بعد.

✦ فلو قلنا إن العذرا مريم امتلأت نعمة بسبب طهارتها وقداستها يبقى بنقول إنها قد خُلصت من خطية آدم بجهادها، يبقى وقعنا فى الغنوسية. وحاشا لنا أن نسقط فى مآهات بدع العصور الأولى التى علّمت بالخلاص من خطية آدم بالجهد الروحي الذاتى بدون المسيح.

✦ وإذا قلنا هى كده مولودة ممثلة نعمة، يبقى رفعناها إلى درجة الميلاد بلا خطية، يعنى رفعناها إلى الألوهة. وهذا أمر مرفوض تماما.

لكن فى نقطة خطيرة جداً وهى:

✦ هل معقول إن العذرا تصل إلى القمة قبل تجسد المسيح من خلال خدمتها المقدسة فى الهيكل ومن خلال صلواتها؟ **قطعا مستحيل.**

✦ طيب وإيه فائدة التجسد إذا كان ممكن لأى إنسان أن يمتلئ من النعمة بدون الذبيحة المقدسة على عود الصليب؟ **كلام غير مقبول.**

✦ كمان هل معقول إن العذرا لا تزداد نعمة فوق نعمة من بعد البشارة ومن بعد الصليب والقيامة والجلوس عن يمين رب المجد كملكة؟ قطعاً العذرا بعد البشارة والحمل المقدس أعظم بكثير مما كانت عليه قبل البشارة.

وزى ما إحنا عارفين الخلاص لم يكن قد تم وقت التحية، يعنى وقت البشارة، وإنما تم لما السيد المسيح تجسد وأكمل تدبير الخلاص على عود الصليب. **يعنى مستحيل إن أى حد يمتلئ من نعمة الخلاص قبل ما يتم الخلاص**، رغم إن تدبير الخلاص حاضر أمام الله منذ البداية.

وعندما نتأمل فى البشارة وتحية الملاك وزى ما تأملنا الله كان حاضراً بأفانيمه الثلاثة لأننا شفنا إزاي تحية الملاك أعلنت ذلك.

وزى ما تأملنا وقلنا إن وقت البشارة هو إعلان من السماء للبشر ببدء موكب تتويج العذرا مريم ملكة ممثلة نعمة إلى حينتهى بجلوسها عن يمين رب المجد كملكة ممثلة نعمة كما نؤمن. وإحنا عارفين إن أى احتفال عظيم بياخد وقت طويل.

إذاً نقدر نتأمل ونقول إن الملاك ألقى التحية اللائقة بالملكة فى بداية حفل تتويجها. ولهذا لا يليق أن نفكر أنها امتلأت من نعمة الخلاص قبل أن يتم ملء الزمان ويتم الخلاص على عود الصليب.

نحن لا ننكر إن العذرا نالت نعم كثيرة جداً لا يمكن حصرها ووصلت إلى القمة لمكانتها فى الحياة الأبدية عن يمين رب المجد، لكن رغم هذا، هى أمام الله ممثلة نعمة منذ وعد الله آدم بأن نسلها، أى السيد المسيح، سيسحق رأس الحية.

هنا قد يتساءل البعض:

ممكن نفهم ليه الملاك أعطى هذه الشهادة الفائقة الاستحقاق للعدراء مريم من قبل أن تقبل رسالة الملاك ومن قبل تمام الخلاص؟ **وهل ولماذا** استحققت القديسة العذراء مريم تحية الملاك "سَلامٌ لَكَ يَا مُمَثِّلَةٌ نِعْمَةً"؟ وهل هذا الاستحقاق هو بحسب معايير البشر أم بحسب معايير السماء؟

ربنا عارف القديسة مريم من قبل ما تتولد بآلاف السنين. والملائكة يعرفونها علم المعرفة. الحقيقة تقول أن العذرا مريم عاشت في تقشف وزهد فائق، كانت وديعة ومتواضعة، اعتبرت نفسها غير مستحقة لأن تشتت أو تتطلع إلى أن تكون أم أو جدة للمسيا المنتظر مثل كل بنات إسرائيل وهو أمر مقدس وليس فيه أى عيب على الإطلاق. فتفرغت للعبادة وحب الله من كل قلبها كالوصية فصارت حياتها صلاة متواصلة، عاينت الملائكة، وتعلمت منهم الكثير وهم حفظوها من التجارب.

فناالت نعمة عند الله وهاهو الملاك ينطق بشهادة السماء "لَأَنَّكَ قَدْ وَجَدْتَ نِعْمَةً عِنْدَ اللَّهِ". هذا أقصى ما يمكن لأى بشر أن يصل إليه فى ظل الناموس. إذن هذا هو أقصى ما يمكننا أن نشهد به من وجهة نظرتنا البشرية لقداستها الفائقة من قبل بشارة الملاك. أما سبب تحية الملاك فممكن نفهمها كالاتى:

بإختصار العذرا مريم وصلت إلى درجة فائقة من القداسة والطهارة والنقاوة أكثر من كل البشر ولهذا فهي مستحقة لكرامة خاصة من الملاك. ولأن الله القدوس يعرف مسبقا أن هذه العذراء هى المختارة لتحمل نار اللاهوت فى أحشائها وأنها ستقبل البشارة بدون شك أو تردد، وزى ما شرحنا الزمن عند الله هو فى الوقت الحاضر لأن كل أمور الخليقة مكشوفة أمامه فنقدر نقول إنه بحسب أزمنة السماء العذرا مريم قدام ربنا ممثلة نعمة منذ الأزل لأن كل أمورنا حاضرة أمامه منذ الأزل.

وبالتالى فإن السماء تنظر إليها بحسب مكانتها النهائية فى ملكوت السموات، أى بعد أن صارت أم الله المتجسد وحتى من بعد تمام خلاص كل جنس البشر وقيامة الأموات وجلوستها كملكة عن يمين رب المجد. لقد صارت أعلى من الشاروبيم والصاروفيم، المكانة التى لم يصل إليها بشر من قبل، **ولن يصل إليها أحد على الإطلاق**، ولأن رئيس الملائكة غبريال لَمَّا جِه يبشرها هو طبعاً جاي بأمر من ربنا يوصل رسالة من ربنا ليها،

علشان كده الملاك لَمَّا سلم عليها أعطاهها كرامتها الأبدية بحسب أزمنة ومعايير السماء وليست كرامتها السابقة لوقت البشارة، فابتدى الملاك أولاً **بالتحية الملوكية** للعذرا مريم وقال "سَلَامٌ لَكَ يَا مُمْتَلِئَةٌ نِعْمَةً ..." (لو 1:28).

وهى دى التحية اللى تليق بمكانتها قدام ربنا لَمَّا يحل أقنوم الكلمة فى الحشا الطاهر وتصير أما لخالقها ويتم التجسد والخلاص وتقوم القيامة وتجلس العذرا كملكة عن يمين السيد المسيح فى ملكوت السموات، مش حسب وضعها وطهارتها وجهادها الشخصى قبل وقت البشارة، رغم إنها كانت أطهر وأقدس إنسانة عرفتتها البشرية.

خلوا بالكم جداً من النقطة دى، علشان كده الملاك قال ليها بعد التحية الملوكية "لَا تَخَافِي يَا مَرْيَمُ، لَأَنَّكَ قَدْ وَجَدْتَ نِعْمَةً عِنْدَ اللَّهِ" وهو ده أقصى درجة ممكن يوصل ليها إنسان فى العهد القديم بدون الخلاص بدم ربنا ومخلصنا يسوع المسيح.

يعنى بإختصار ربنا عارف إيه طهارتها وجهادها وتواضعها وإيه حتكون مكانتها فى الحياة الأبدية لأنه هو اللى خلقها وأنعم عليها بالمركز العظيم ده.

هنا يمكننا أن نكتشف مقدار وعظمة تحية الملاك الهائلة "سَلَامٌ لَّكَ يَا مُمْتَلِئَةً نِعْمَةً" أى "الممتلئة من المسيح والروح القدس". وبالطبع الهدف هو إعلان السماء لكل البشرية بمقدار عظمتها وكرامتها أمام الله فيطوبوها كما نطق الروح القدس على لسانها عند زيارتها لأليصابات.

عارفين ده زى ما تكون فى مملكة عظيمة والملك عايز عروسة طاهرة ونقية لتكون ملكة. وبعدين يلاقى أسرة تقية فقيرة والزوجة ولدت بنت، فالملك يقول هى دي إالى تصلح إن أربيها فى القصر. وبعدين البنت تروح تخدم فى القصر كخادمة وهى لا تعلم أى شئ عن نية الملك، لكن الحاشية الخاصة عارفين ويبتدوا يعلموها كل الأخلاق العالية وهى عندها استعداد طبيعى لتتعلم فى هدوء ومن سكات. الحاشية عارفين إنها الملكة القادمة لَمَّا الملك يعلنها بإختياره لها، علشان كده يعاملوها معاملة خاصة.

وبعدين الملك يعلن لها عن نيته، نقوم نلاحظ إن الناس تناديها وتقول يا جلالة الملكة من قبل ما تتوج وتقع على العرش لأنهم عارفين إنها خلاص حسب وعد الملك هى الملكة القادمة. أيضاً استحقاق السيدة العذراء لتحية الملاك الفائقة نستطيع أن نقول أنه استحقاق كائن منذ أن وعد الله آدم وحواء بالخلاص لأنها بحسب أزمنة السماء حملت جمر اللاهوت فى أحشائها حتى من قبل أن تولد بحسب أزمنة البشر، وإلا فكيف نفسر كل النبوات عن ميلاد السيد المسيح منها، وعن مكانتها فى الحياة الأبدية؟

ليس غريباً إذاً أن يبدأ الملاك إعلان البشارة بالتحية السمائية التى تسمو فوق معيار البشر "سَلَامٌ لَّكَ يَا مُمْتَلِئَةً نِعْمَةً"، ثم يشرح لها السبب من مفهوم معيار البشر فى ظل الناموس "لَأَنَّكَ قَدْ وَجَدْتَ نِعْمَةً عِنْدَ اللَّهِ". يعنى الله أفاض من نعمه على العذرا إلى ملء قامة المسيح. يبقى العذرا مريم استحققت تحية الملاك "سَلَامٌ لَّكَ يَا مُمْتَلِئَةً نِعْمَةً..." بناء على مكانتها الملوكية الحاضرة أمام الله منذ الأزل حسب قرار ربنا وحده لا غير لأنه عن طريقها تم التجسد والخلاص.

ويبقى ما يصحش إن أى إنسان ينكر عليها مكانتها العظيمة دى زى ما بعض الطوائف الغير أرثوذكسية بترفض تقديم الوقار اللى تستحقه حسب تعليم الإنجيل المقدس المكتوب بإرشاد الروح القدس لأن الروح القدس حل عليها من بعد أن أطاعت البشارة وقالت "هُوَذَا أَنَا أَمَةٌ الرَّبِّ. لِيَكُنْ لِي كَقَوْلِكَ؟"

ولأننا نعيش فى نور العهد الجديد علشان كده ومن مفهوم أرثوذكسى سليم يمكننا أن نقول بثقة بالغة أن الامتلاء من النعمة لا يمكن أن يتم بدون الخلاص بدم ربنا ومخلصنا يسوع المسيح، علشان كده نقول نعم وبكل تأكيد لقد استحققت القديسة العذراء مريم تحية الملاك الفائقة بحسب معايير السماء وليس بحسب معايير البشر وشتان ما بين المعيارين ، أى بحسب مكانتها النهائية فى ملكوت السموات.

طيب وهو لَمَّا نقول المنعم عليها إيه الغلط اللى فيه؟

إحنا كلنا منعم علينا، فلو قلنا إن العدرا منعم عليها يبقى إحنا بنقول إنها زيتها زى أى واحد فينا ما فيش أى فرق وللأسف هو ده إيمان الطوائف الغير رسولية. وده كلام غلط جداً. عارفين ده زى ما نقول إن الصغار إالى تعليمهم لا يزيد عن الشهادة الابتدائية وربما هجاية الحروف زيهم زى أعظم العلماء، كلهم نجحوا فى الشهادة الابتدائية. ده كلام غلط وغير عادل. طبعا ماحدث ينكر إن الله أنعم على العدرا بنعم كثيرة، ولكنها تخطت هذه المرحلة البدائية فى الإيمان بمراحل شاسعة ووصلت إلى القمة بالامتلاء من النعمة من خلال المسيح وبالمسيح وفى المسيح.

هنا فى سؤال علشان نبتدى نفهم الفرق:

طيب هل معقول إن العدرا مريم بعدما حملت المسيح تكون فى درجة عند ربنا زى أى واحد فينا؟ ومين فينا حمل جمر اللاهوت ولم يحترق؟
كمان إحنا بنؤمن بأنه كان لازم يتولد مخلص للعالم علشان ينجيننا من إبليس، وإن ده مش ممكن يحصل إلا إذا تجسد كلمة الله. يعنى إن اللاهوت لازم يتحد مع الناسوت بدون اختلاط ولا امتزاج ولا تغيير.

وهو ده اللى حصل من لحظة بشارة الملاك للعدرا مريم. يبقى الملاك لما يقول ليها "سَلَامٌ لَكَ يَا مُمْتَلِئَةٌ نِعْمَةً. الرَّبُّ مَعَكَ" يبقى ده معناه إعلان من السما إن اللاهوت حل فى أحشائها وكون الجنين الصغير اللى جواها من أول ثانية، ويبقى يسوع المسيح مش إنسان عادى، لأ ده كلمة الله المتجسد. يبقى نخلى بالنا وما نخلش حد يضحك علينا ويقول "ده يسوع المسيح إنسان عادى زى كل الناس بس مولود بمعجزة من الله لأنه قادر على كل شئ"، هو نبى قديس وبس" الكلام ده لازم نرفضه بشدة.

علشان كده إحنا بنرفض الكلام اللى بيقول إن الملاك قال لها "أيتها المنعم عليها".
وعلشان نفهم الفرق بالنسبة للعدرا تعالوا نبص للحالتين. كلمة "الممتلئة" معناها إن العدرا مليانة للآخر من نعمة ربنا بطريقة ما حصلتش لأى بشر، زى ما شرح المتنيح أبونا بشوى كامل وقال زى ما نملا وعاء فاخر جداً على آخره بزيت عطر غالى جداً جداً ما فيش زيه فى الوجود. لكن كلمة "المنعم عليها" دى معناها إن العدرا واخدة شوية نعمة، زى ما نمسح الوعاء بالزيت، زى ما حصل مع باقى الأنبياء والقديسين، وده كلام لا يليق بمقام أم يسوع المسيح كلمة الله المتجسد. وما تنسوش إننا جميعا منعم علينا بمعرفة الله المعرفة الحقيقية والخلاص من خلال إيماننا بيسوع المسيح مخلص العالم.

دوام بتولية العدرا مريم

تأمل فى الشرط الثانى دوام بتولية العدرا مريم من ثلاث زوايا

1- مشيئة الله

2- مشيئة القديسة العدرا مريم

شهادة العدرا مريم نفسها بدوام بتوليبتها

3- مشيئة القديس يوسف النجار

العدرا مريم فى الكتاب المقدس

العدرا مريم فى نبوات ورموز خدمة العهد القديم

دلائل من العهد الجديد والتقليد

الرد على المعترضين

استعمال تعبير "إخوة" حسب العرف والتقليد المتوارث.

خطورة انكار دوام بتولية العدرا مريم

نصيحة مخلص

إحنا فى آخر سؤال فى الباب الأول تأملنا وقلنا إنه فى ثلاث شروط لإختيار العدرا مريم. وفى الباب التانى تأملنا فى الشرط الأول وهو "أن تحب الله من كل قلبها". وفى هذا الباب:

تأمل فى الشرط الثانى

دوام بتولية العدرا مريم من ثلاث زوايا

موضوع دوام بتولية العدرا مريم من المواضيع المهمة جداً بالنسبة لينا كمسيحيين أرثوذكس، لأنه قرار إلهى لا يحل ولا يليق بأى مسيحى حقيقى أن ينكره، أو يشك لحظة واحدة فى سلامة هذا الإيمان، لأن العدرا مريم هى أم المخلص، وبالتالي فإن كل من يقبل الفكر الخاطئ القائل أنها تزوجت من القديس يوسف النجار وأنجبت منه إخوة للرب فإنه ينال من كرامتها ومن مكانتها، وبالتالي أكيد يغضب ربنا ومخلصنا يسوع المسيح.

علشان كده إحنا بنرفض آراء الطوائف اللى بيقللوا جداً من مكانتها، ويقولوا إن العدرا مريم تختلف عن باقى السيدات فى إن ربنا احتاج لخدمتها لفترة بسيطة، وبعدها رجعت تانى إنسانة عادية جداً زى كل الناس. علشان كده بيعتبروها مجرد أخت لينا لا أكثر ولا أقل. وبعدين نسمعهم بيقللوا إن العدرا مريم زيتها زى صدفه جواها لؤلؤة عظيمة، بمجرد ما خرج منها اللؤلؤة أصبحت زيتها زى بقية الصدف. وناس تقول هى زيتها زى ماسورة الميه ... إلخ.

الكلام ده غلط جداً جداً لأن العدرا مريم مكانتها عند ربنا هى أعلى من الشاروبيم والساووفيم وكل الطغيمات السمائية، وأى واحد يقلل من مكانتها يبقى بيرفض قرار إلهى. علشان كده الفصل ده مخصص لمناقشة موضوع دوام بتولية العدرا مريم.

بس قبل ما نكمل الموضوع ده لازم نفتكر كلام ربنا فى الإنجيل لما خلق الإنسان ذكراً وأنثى وأوصاهم بالتكاثر. يبقى ربنا هو بنفسه اللى وضع سر الزواج وقَدَّسَهُ لأنه من خلال الزواج نلاقى الإنسان بيشترك مع الله فى خلقه ناس جديدة. ولو كان أبونا آدم وأمنا حوا ما غلطوش، كان زمانهم خلفوا أولاد وأحفاد فى جنة عدن، وماكانش أى حد نظر نظرات دنسة للزواج زى ما بيحصل من بعض الناس.

وأكبر دليل على تقديس الله لسر الزواج هو إن السيد المسيح عمل أول معجزة فى عرس قانا الجليل، وكمان بعت ملاك مخصوص للقديس مقار الكبير ليرشده لإثنين ستات متجوزين ومخلفين أولاد من أخين وعائشين فى محبة وتضحية فوق الوصف، وعلشان كده ربنا أحبهما أكثر من القديس مقار الراهب المشهور المتبتل. كمان ربنا لما كلم موسى قال "أنا إله إبراهيم واسحق ويعقوب" ودول اتجوزوا وخلفوا. كمان فى سفر طوبيا نلاقى ربنا كلف الملاك رافائيل بتزويج طوبيا لسارة. باختصار ربنا لا يفرق بين المتزوجين والمتبتلين. أول سؤال يخطر على بال البعض هو:

ليه المسيح لازم يتجسد من عذراء؟

لما نيجى لسر التجسد نلاقى نفسنا أمام سر الأسرار اللى ما حدش يقدر يفهمه من غير معونة الروح القدس.

فالمرأة اللى حيتجسد منها أقنوم الكلمة مطلوب منها خدمة مقدسة جداً جداً فوق الوصف، هى أعظم وأقدس خدمة لله ممكن يقوم بيها أى بشر، كمان هى خدمة واحدة وحيدة وفريدة ما حصلتش قبل كده، ولا حتتكرر بعد كده.

ربنا أخرج حواء الأولى عذراء طاهرة ونقية من جسد آدم البتول الطاهر لتبدأ الخليقة الأولى. علشان كده لما فسدت الخليقة كان لابد إن المسيح البتول (آدم الثانى) يتجسد من عذراء بتول (حواء الثانية) لتولد الخليقة الجديدة من الماء والروح وتتطهر من الفساد بدم الفادى ربنا يسوع المسيح مخلص العالم، وبكده تستحق الخليقة الجديدة الدخول لملكوت السموات.

إذا كان سر الزواج مقدس، طيب إيه المانع إن العذراء مريم تتجوز من خطيبها بعد ميلاد يسوع المسيح؟

معروف إن الزواج سر مقدس من يوم ما ربنا خلق البشر. وقطعا القديسة العذراء مريم والقديس يوسف النجار عارفين كده. لكن فى نقطة مهمة جداً وهى ما جاء بالإنجيل "أَمَّا الزَّوْجَةُ الْمُتَعَقِّلَةُ فَمِنْ عِنْدِ الرَّبِّ". (أمثال 19: 14)

إحنا عارفين إنه تم عقد قران بين القديس يوسف والعذراء مريم، لكن لم يتم زواج فعلى فى أى وقت من الأوقات زى ما بعض الناس بتقول. وعلشان نثبت فساد الفكر القائل بإن القديس يوسف تزوج من العذراء مريم بعد ولادتها ليسوع المسيح وأنجب منها أولاد، للأسف لازم ننزل لمستواهم ونتكلم زى ما نكون ما عندناش عقل ونقول إنه لو تم زواج فعلى فهو قطعاً زواج مقدس بيتم بموافقة ربنا، والعريس، والعروسة اللى مافيش أحسن منهما فى الوجود. وهنا نلاقى نفسنا أمام ثلاث مشيئات:

- 1- مشيئة الله الذى اختار العذراء مريم من بين كل البشر ليتجسد منها أقنوم الكلمة، واختار لها القديس يوسف بالقرعة فى الهيكل ليحميها من كلام الناس،
- 2- مشيئة القديسة العذراء مريم،
- 3- مشيئة القديس يوسف النجار.

لو اتفقت الثلاث مشيئات على اتمام الزواج، يبقى الزواج قد تم فعليا وكان زواجا مقدسا وكان له ثمار مقدسة. وطبعاً إحنا عارفين ومتأكدين إن ده ما حصلش. ولكن من أجل تنفيذ هذه الفكرة الردية سنستمر في دحضها إلى النهاية.

لكن في نقطة مهمة قوى لازم إننا نعرفها وهي إن ربنا لا يفرض إرادته على أى إنسان، ولكن يعطينا حرية الإرادة. فلما الإنسان يُخضع إرادته لإرادة الله، وبعدين ينفذ إرادة الله بفرح وشكر، نلاقى إن هذا الإنسان ينال بركات فائقة.

علشان كده لازم نسأل ثلاث أسئلة بخصوص هذا الموضوع:

1- هل حقا مشيئة الله كانت أن يتزوج القديس يوسف النجار من القديسة العذرا مريم؟

وفى الرد على هذا السؤال حنشوف إرادة ربنا من نصوص الكتاب المقدس.

2- هل حقا مشيئة القديسة العذرا مريم كانت أن تتزوج من القديس يوسف النجار؟

وفى الرد على هذا السؤال حنشوف ازاى إن إرادة القديسة العذرا مريم اتفقت مع إرادة ربنا أن تظل عذراء طاهرة طوال حياتها.

3- هل حقا مشيئة القديس يوسف النجار كانت أن يتزوج من القديسة العذرا مريم؟

وفى الرد على هذا السؤال حنشوف ازاى إن إرادة القديس يوسف النجار اتفقت مع إرادة ربنا على حفظ العذراء طاهرة ونقية.

ودلوقتى تعالوا بينا نناقش الأسئلة دي خطوة خطوة علشان نعرف شناعة هذا الفكر الشرير.

تعالوا نناقش السؤال الأول:

بخصوص مشيئة الله

علشان نفهم ليه ربنا بيشتترط إن العذراء تكرس كل أيام حياتها فى خدمته، يبقى لازم نسأل السؤال الآتى:

هل كان من صالح البشر أن يتزوج القديس يوسف النجار من القديسة العذرا مريم؟

نحن نؤمن أن الله محبة. وهو كاله محب للبشر نقدر نقول إن مشيئته هي خلاص كل جنس البشر من قبضة الشيطان.

ولأنه من المؤكد إن فيه ناس كانت من عمر السيد المسيح وآمنوا برسالته وعاشوا بعد القيامة لعشرات السنين، فلو كان ربنا سمح للعذرا مريم بالزواج وإنجاب أولاد فده كان سبب كافى لينشط الشيطان ليثير الشكوك فى قلوبهم حول حقيقة الحمل المقدس من الروح القدس بدون تدخل رجل.

يعنى فى ناس كثيرة كانت ممكن تصدق الشيطان وتقول ده ليه إخوة بالجسد يبقى ده مجرد نبي، أو معلم مولود من أب وأم وخلص. وما ننساش إنه رغم المعجزات الباهرة اللى عملها السيد المسيح قصاد عينيهم، واللى بتؤكد سلطان لاهوته بدون أدنى شك، لكن غلاظة قلوب الكثيرين منعتهم من الإيمان، فما بالكم لو كان له إخوة بالجسد!!!

كمان ازاي نتوقع بعد عشرات ومئات وآلاف من السنين إن حد يآمن بسهولة بسر الخلاص وبلاهوت المسيح، لولا معجزة الحمل والميلاد الإعجازى اللى تخليهم يسألوا: "إيه السبب؟"، وبعدين ربنا يفتح قلوبهم ويبتدوا يقرأوا تفاصيل معجزاته وأقواله فى الإنجيل، وبعدين يراجعوا النبوات عن ميلاده من عذراء ... إلخ، ومن هنا يآمنوا.

كمان لو العدرا مريم خلّفت أولاد من القديس يوسف النجار فقطعا سيكونوا زينًا وحتتطبق عليهم الآية "الْجَمِيعُ زَاغُوا وَفَسَدُوا مَعًا. لَيْسَ مَنْ يَعْمَلُ صَلاَحًا لَيْسَ وَلَا وَاحِدٌ." (رو3:12) بينما السيد المسيح قدوس بلا خطية وابن العلى يدعى (لو1:23).

هنا الشيطان حيعمل بلبله شديدة ويقنع ناس كثيرة بالمساواة ما بين المسيح - قدوس القديسين - وإخوته المولودين جسديا، وبالتالي يجذب الناس فى أحد إتجاهين، والإثنين غلط ونهايتهما قاع الجحيم:

الإتجاه الأول: رفع إخوة المسيح إلى رتبة أعلى من البشر، وده ممكن يدفع البعض لعبادتهم زى ما كانوا بيعبدوا الملوك والأباطرة، ويحصل تعدد آلهة زى ما كان بيحصل زمان قبل تجسد السيد المسيح. كمان ممكن إن الشيطان يضل أحد هؤلاء الإخوة ليدّعى النبوة ويبدأ ديانة جديدة، ووقتها ممكن ناس كتير تصدقه لأنه أخو الرب. وإحنا شفنا ازاي فى ناس ليس لهم أى صلة قرابة من المسيح نجحوا فى ضلالة البشر ومنهم الأشخاص اللى أسسوا الطوائف الغربية مثل شهود يهوه والمورمون Mormon ... إلخ.

الإتجاه الثانى: وهو انزال مكانة السيد المسيح إلى مرتبة البشر، وبكده الناس تنكر سر الخلاص، وتنكر لاهوت السيد المسيح، ويضيعوا فى الهاوية. وتاريخ الكنيسة يقول إن هذه البدعة ظهرت أكثر من مرة، والكنيسة الجامعة الرسولية فى كل العالم حاربتها بشدة، وكان البابا أثناسيوس الرسولى بابا كنيستنا هو أشهر واحد فى العالم كله فى دفاعه عن الإيمان المستقيم.

+ ولأن "الله غَيْرُ مُجَرَّبٍ بِالشَّرُّورِ، وَهُوَ لَا يُجَرَّبُ أَحَدًا" (يع 1:13)، يبقى من المستحيل إن ربنا محب البشر الذى لا يشاء موت الخاطئ مثلما يرجع ويحيا (كما يصلى الكاهن فى القداس) إنه يسمح بتجربة خطيرة مثل هذه ممكن تعطل إيمان البشر بسر الخلاص.

طيب ازاي نعرف إرادة ربنا؟

إرادة ربنا ممكن نعرفها من دراستنا للكتاب المقدس كتلاميذ مخلصين لربنا يسوع المسيح. بس نخلى بالنا إننا مش حنلاقى كل حاجة بنص صريح. فى حاجات واضحة، وفى حاجات نعرفها من بين تفاصيل تعاملات ربنا مع البشر الأبرار والأشرار، وفى حاجات نفهمها من الرموز خصوصا بالنسبة لتجسد أقنوم الكلمة ودوام بتولية العذرا مريم، وفى حاجات نعرفها من التقليد.

لكن معرفة أسرار الكتاب المقدس وفهم الرموز اللى فيه ده أمر محتاج إن الإنسان يكون بيحب ربنا من كل قلبه، ويبصلى ويبطلب الفهم بإنسحاق ولجاجة من خلال المواظبة على التناول من الأسرار المقدسة، يقوم ربنا ينور بصيرته الروحية ويبتدى يفهم معانى الرموز وكمان يقدر يربطها ببعض.

طيب وايه هى إرادة ربنا بالنسبة للعذرا مريم؟

1- الله وعد البشر بالخلاص من قبضة الشيطان لما وعد أبونا آدم وأمنا حواء بان "نسل المرأة يسحق رأس الحية".

2- وزى ما شرحنا ده معناه تجسد أقنوم الكلمة من عذراء زى نبوة أشعياء النبى "هَا الْعَذْرَاءُ تَحْبِلُ وَتَلِدُ ابْنًا وَتَدْعُو اسْمَهُ عِمَّا نُؤِيلَ" (أش 7 : 14).

3- هنا ننتبه إلى تعبير "هَا الْعَذْرَاءُ" لأنه يؤكد أن دوام بتولية العذرا مريم هو أمر فى فكر وتدبير الله منذ البداية. ومعنى الكلام ده إن العذرا مريم إنسانة لها وضع خاص عند ربنا مختلف تماما عن كل البشر، والسبب مفهوم وهو إن ربنا اختارها من دون كل البشر لتقوم بدورها الوحيد والفريد فى تتميم سر خلاص كل البشر من إبليس لما يتجسد أقنوم الكلمة منها ومن الروح القدس.

4- فلما يأتى ملء الزمان لتخليص البشر من خلال أقدس سر إلهى، إلهى هو سر تجسد أقنوم الكلمة فلا بد من توافر شروط خاصة جداً جداً فى العذراء التى اختارها الله منذ البداية ليحل فى أحشائها ويتولد فى شكل العبد، حيث اللاهوت متحد بالانسوت بدون اختلاط ولا امتزاج ولا تغيير، ليقدم ذاته ذبيحة لغفران خطايا كل البشر من أيام آدم وإلى نهاية الأيام.

5- يعنى بصريح العبارة تكون هذه العذراء وظيفتها الوحيدة المقدسة هى أن تكون إناء طاهر مقدس لخدمة ربنا فى هذا السر الإلهى المقدس فقط لا غير لأنه عمل يفوق كل أمور البشر.

6- لو رجعنا للعهد القديم اللى هو كله رموز لتجسد أقنوم الكلمة لفداء البشر، وبالتالي حنلاقى رموز عن العذرا مريم، نلاحظ إن الله لما يطلب تخصيص أى مادة لخدمة مقدسة يبقى بيطلب إنها ما تستعملش لأى غرض دنيوى تانى. الكلام ده طبعا يشمل خيمة الإجتماع وكل ما يتعلق بالخدمة والخدام وأدوات الخدمة...إلخ.

7- كمان معروف إن كل أدوات الخدمة بهيكل العهد القديم تم تقديسها بالزيت المقدس، وكذلك الكهنة تم صب الزيت المقدس على رؤوسهم، وهكذا مسحوا بالمسحة المقدسة وصاروا مقدسين للرب. الزيت المقدس هو رمز للروح القدس. وهنا نقف ونتأمل: الروح القدس حل على العدرا مريم، وامتألت نعمة، وجمر اللاهوت اتحد بالناسوت فى الحشا البتولى الطاهر. تعالوا نسأل أسئلة مهمة:

(أ) هل يستطيع مسيحى مؤمن أن ينكر أن اللاهوت اتحد بالناسوت فى الحشا البتولى وأن هذا الحشا قد تقدس وصار قدس أقداس؟

(ب) طيب إذا كان قدس أقداس هيكل العهد القديم كان لا يدخله سوى رئيس الكهنة مرة واحدة فى العام، فما بالكم بقدس الأقداس الذى دخله رئيس الكهنة الأعظم ربنا ومخلصنا يسوع المسيح!!!

(ج) مين اللى يقدر ويتجرأ ويطالب بالدخول؟

(د) وهل يليق بأى إنسان أن يدعى أن هناك من دخل قدس الأقداس بخلاف رئيس الكهنة الأعظم؟؟؟

(هـ) وهل يحل لإنسان أن ينكر النبوات عن دوام بتوليبتها؟ وما هى عقوبة هذا التصرف؟؟؟

8- كمان نقدر نقول إن منهج الله ده منهج أزلى ما يتغيرش.

فإذا كان الله قد وضع القانون من وقت ما أمر موسى النبى ببناء خيمة الإجتماع أن كل ما يقدم لخدمة الله يجب أن يتقدس ولا يستعمل لغرض آخر، علشان كده نسأل:

هل معقول إن ربنا يختار عذراء لتقوم بدور مؤقت لعدة شهور لتحقيق سر التجسد، الذى هو أسمى ما فى الوجود، وبعد ما تخلص المهمة تقوم تتجوز وتتجب أطفال من زوج مثل بقية البشر؟؟؟

طبعا كلام مش معقول.

كمان لما نرجع لسفر الخروج إبتداء من إصحاح 25 ونقرا التفاصيل عن أمر الله لموسى النبى ببناء خيمة الإجتماع التى سيحل فيها الله نلاحظ شئ هام جداً ومشترك فى جميع الأوصاف لمعدات المذبح وهو أن تكون مصنوعة "من ذهب نقى"، الذهب النقى رمز للطهارة.

وبعدين يشترط ربنا فى الصناعات أن يكونوا من أمهر الصناعات.

وبعدين ربنا يوصف لموسى النبى ازاى يقدر كل شئ بحيث لا يستعمل فى أى غرض آخر سوى خدمة الله.

فهل معقول أن الله، خالق الكون، لا يكون أمهر من أمهر الصناعات الأرضيين، اللى هو خلقهم، فيخلق إنسانة تفوق كل نساء البشر فى الطهارة والقداسة لتليق بسر التجسد؟؟؟

وإذا كان الله قد أمر موسى النبي بإستعمال ذهب من أنقى الأنواع للخدمة فى خيمة الإجتماع والله عارف أنها حتتلاشى فى يوم من الأيام عند كمال الأزمنة بتجسد الكلمة، بينما العذراء ستجلس فى الحياة الأبدية كملكة إلى الأبد، كالنبوات:

فهل معقول ألا تكون هذه الإنسانية عذراء بتول نقية ودائمة النقاء وأكثر نقاوة من كل البشر على ممر الأجيال وإلى انقضاء الدهر؟ !!!

كمان كل الرموز اللى بتشير للعدرا مريم كانت من الذهب الخالص ومخصصة بالكامل لخدمة الله،

طيب بالمنطق الروحانى، هل معقول إن الرمز يكون أنقى من المرموز إليه؟ !!!
وبالتالى هل معقول إن العدرا مريم ما تكونش أكثر قداسة من كل الرموز اللى بتشير إلى قداستها وطهارتها؟ !!!

ألم يقدسها الله ذاته بحلول أقنوم الكلمة فى الحشا البتولى؟ !!!
هل معقول إن الرموز تكون مخصصة لخدمة الله فقط لاغير، والعدرا مريم حاملة جمر اللاهوت لاتكون مخصصة لخدمة الله فقط لاغير ؟ !!!
قطعا مستحيل مستحيل إلا أن تكون العدرا مريم أقدس من كل الرموز التى أشارت إليها، وأيضا تكون مخصصة لخدمة الله فقط لاغير.

فى نقطة مهمة وهى إن لما ربنا يخصص أشخاص لخدمة معينة نلاحظ إنه بيرفض إن أى إنسان تانى يغير ترتيبه. وأكثر من كده لو حد استهتر بوصية ربنا نلاقى العقوبة وإلى درجة الموت تكون أمام كل الشعب لتكون عبرة لكل من يعتبر. وده واضح لما ربنا حط ترتيب خدمة كهنوت العهد القديم. وبعدين لما ناداب وأبيهو أولاد هرون قدما نارا غريبة حرقهما الله (لاو 10:1-2)، وايضا لما داود راح مع الشعب ليصعد تابوت الله من بيت أبنيناداب وخطوا تابوت الله على عجلة جديدة، وكان ربنا مانع إن أى حد من غير الكهنة إنه يلمس التابوت. وبعدين البقر تعثر وكان حيوقع التابوت، وبعدين عزة ابن أبنيناداب راح لامس التابوت علشان يمنعه من السقوط، فربنا راح مموته فورا لأنه مش كاهن وبالتالي ممنوع من لمس التابوت (2صم 6:6-7).

وإحنا عارفين من تعليم الكنيسة الرسولية إن تابوت العهد ده المصنوع من خشب لا يسوس هو رمز للعدرا مريم الطاهرة والنقية جداً. لقد حل الروح القدس على العذراء الطاهرة وقدسها وطهرها لكى يتجسد أقنوم الكلمة فى بطنها، يعنى هذا الحشا تطهر وتقدس وصارت أحشاء العدرا مريم البتول كرسى وسماء ثانية لسر التجسد.

**وحيث أننا نؤمن أن الله الكلمة حل فى الحشا البتولى تسعة أشهر وقدس هذا الحشا،
فهل معقول أن الله يسمح لبشر فى الجلوس مكانه فى الحشا الذى تقدر بحلوله فيه؟ !!!**

ورغم قداسة الزواج، لكن مين اللى يقدر يقرب ناحية العدرا مريم دون أن يحرقه الله؟
قطعا لو كان أى إنسان فكر إنه يتجوزها لمات فوراً.

تبقى رحمة ربنا تقول إن ماحدش يقرب منها لحسن يموت.

ويبقى كلام الناس اللى بتقول إن العدرا مريم اتجوزت واضح إنه كلام غلط جداً جداً، ومش معقول، ولا مقبول، وأكثر من هذا هو استهتار بتدبيرات الله. وبالتالي فالعقوبة ستكون شديدة جداً جداً!!!!.

لهذا فمن مصلحتنا أن نحترس بشدة من السقوط فى هذه الهوة المهلكة.

تعالوا نناقش السؤال الثانى:

بخصوص مشيئة القديسة العدراء

اللى دارس الإنجيل كويس يعرف إن هدف الكتاب المقدس كله من أول سفر لآخر سفر هو تعريف البشر بموضوع التجسد من أجل خلاصهم من إبليس،
وحيث أن التجسد سيتم من خلال العدرا مريم، يبقى بكل وضوح خدمة العدرا المختارة لإتمام سر الخلاص هى خدمة أقدس من خدمة كل الأنبياء ولها مكانة فائقة عند الله.
وإحنا عارفين إن فى أنبياء فى العهد القديم عاشوا بتولييين وكرسوا حياتهم لخدمة ربنا. وهنا نسأل:

طيب هل معقول إن العدرا مريم تكون أقل منهم؟!!! قطعا هى أعظم منهم جميعا.
وبالتالى وبالمنطق الروحانى نقدر نقول بكل ثقة إن العدرا مريم وضعت فى قلبها أن تكرس حياتها لخدمة ربنا.

طيب عرفنا ازاي إن إرادة العدراء أن تكرس كل أيام حياتها فى خدمة ربنا؟

إرادة العدرا مريم ممكن نعرفها لما نراجع أربعة أمور:

(أ)- البيئة اللى عاشتها العدرا مريم فى الهيكل.

(ب)- الحالة الروحية للعدرا مريم.

(ج)- روح الجدية والطاعة فى خدمة الله.

(د)- شهادة العدرا مريم نفسها بدوام بتولييتها

تعالوا بنا ندرس هذه الأمور الأربعة معا.

(أ)- البيئة اللى عاشتها العدرا مريم فى الهيكل

لما نرجع إلى العهد القديم نلاحظ إن الشعب الإسرائيلي ماكانش فاهم كويس النبوات عن الخلاص، للأسف كانوا فاهمين إن الخلاص هو خلاص أرضى من أى مستعمر يسيطر على بلادهم عن طريق قائد حربى شجاع.

علشان كده كان حلم كل فتاة إنها تتجوز وتخلف ويكون أول طفل ولد، على أمل إن ابنها يكون هو هذا القائد الشجاع. فلما يحصل إن واحدة ما تخلفش ولد، نلاقى الحزن والغم مالى عيشتها، وممكن تبقى عمالة تبكى ليل نهار لأنها حاسة إن ربنا مش راضى عنها.

العدرا مريم لما دخلت الهيكل كطفلة عمرها ثلاث سنين وعاشت لغاية سن 12-14 سنة، نقدر نقول مش معقول إنها عاشت كل السنين دى من غير ما تتعرف على حنة بنت فَنُؤِيلَ النبية اللى كانت عايشة "لَا تُفَارِقُ الْهَيْكَلْ، عَابِدَةً بِأَصْوَامٍ وَطِلْبَاتٍ لَيْلاً وَنَهَاراً" (لو:2:37) وكانت منتظرة الفداء. وبالتالي نقدر نقول إن حنة النبية لما تقابلت معها شعرت بطهارة العدرا مريم الملائكية فحبتها جداً، وعطفت عليها، وقدمت نصائحها زى أم ومرشدة ليها داخل الهيكل.

وده معناه إن العدرا مريم عرفت إن حنة النبية عاشت حياة العفة بعد ترملها وهى فى عنفوان سن الشباب. وعرفت إن حنة النبية رفضت الزواج مرة ثانية لأنها كرسِت حياتها لحب الله، وشافت العدرا مريم حياة الصلاة والصوم والطلبات الحارة لأرملة لا تحتقر الزواج، ولكن بتحب ربنا من كل قلبها، ومنتظرة الخلاص. يعنى منتظرة تعزية إسرائيل، يعنى منتظرة ميلاد المسيا المخلص.

أما بالنسبة للعدرا مريم اللى عاشت واتربت فى الهيكل، ووضعت فى قلبها منذ الطفولة محبة الله من كل قلبها، والتفرغ طول عمرها كبتول لحياة الصلاة الدائمة والتضرع من أجل البشر لينالوا الخلاص، نجد أن الأمر كان مختلفاً لأنها درست الأسفار والكتب المقدسة كويس جداً، وطبعاً كانت فاهمة النبوات عن تدبير الخلاص، ولكن من شدة تواضعها اعتبرت نفسها إنسانة غير مستحقة لأن يأتى منها المسيا.

(ب)- الحالة الروحية للعدرا مريم

إحنا عارفين إن الإنسان جسد ونفس وروح، وأيضاً معروف إن الناس اللى بيكونوا مشغولين جداً بالأمور الروحية بيكونوا زاهدين فى أمور حياة أهل العالم، ومنها الزواج.

ومن المعروف إن الرهبان والراهبات بيتركوا العالم ويعيشوا فى الأديرة، لأن أرواحهم لها اشتياقات بالإقتراب من الله أكثر مما لو انشغلوا بأمور العالم، ونلاقيهم يتركوا معيشة العالم، ومنها الجواز والخلفة ويعيشوا حياة الصلاة والعبادة والتأمل. ومعروف إن حياة البتولية المتفرغة لحياة الصلاة والتضرع من أجل الجميع اللى يختارها أشخاص فى قدرتهم الزواج

وتكوين أسرة سعيدة، سيكون سببها ليس كراهيتهم للزواج، ولكن حبهم لربنا من كل قلبهم، وبالتالي حبهم للجميع.

العدرا مريم زى ما عرفنا هي المختارة من الله منذ البداية كما جاء بالكتاب المقدس، وملاك الله بشر والديها بولادتها، ونُذِرَتْ لله وهي في بطن أمها، وزى ما شفنا في الفصل الثانى ازاى إنها أحبت ربنا من كل قلبها وعاشت حياة الطهارة فى الهيكل. وبعد كده لما أُجِبِرَتْ على الخطوبة للقديس يوسف عاشت معه ليحميها من كلام الناس، وأنجبت قدوس القديسين.

ويبقى السؤال المنطقي:

طيب هل معقول إن العذراء إالى فى فكر وتدبير ربنا منذ البداية، وإلى وجدت نعمة عند الله، والممتلئة نعمة لأنها صارت أمّا لله المتجسد وعاشت فى قمة الحياة الروحية تكون فى درجة روحانية أقل من الرهبان والراهبات؟

مستحيل، مستحيل، مستحيل. إن العذراء إالى فى فكر وتدبير ربنا منذ البداية تكون فى درجة روحانية أقل من الرهبان والراهبات.

العدرا مريم بعدما قبلت البشارة وحل عليها الروح القدس وتجسد فى أحشائها أقنوم الكلمة، نقدر نقول إن الروح القدس ذكّرَها بكل النبوات عن مكانتها كملكة عن يمين رب المجد. وبالتالي ازدادت تواضعا وإحساسا بعظم المسؤولية الموضوعة على عاتقها.

هنا نسأل سؤال منطقي وروحاني:

طيب: واحدة متواضعة جداً جداً أخذت ترقية من الله فوق كل ترقيات الملوك والسلاطين والرؤساء وأصبحت قريبة جداً من الله لأنها صارت أمّا لأقنوم الكلمة المتجسد وملكة عن يمين المخلص، ياترى حجم فرحة قلبها قد إيه؟

العدرا مريم هي إنسانة لها كل مشاعر البشر، وتبقى فرحتها فرحة غامرة لا توصف، ولكن فى نفس الوقت هي ممتلئة نعمة وأيضا متواضعة جداً، فصارت حكيمة جداً، وأصبح لها ضمير نقى جداً فوق الوصف حاسس بخطورة وعظمة المسؤولية، علشان كده كان ردها على الیصابات "تُعْظِمُ نَفْسِي الرَّبَّ، وَتَبْتَهِجُ رُوحِي بِاللهِ مُخْلِصِي، لِأَنَّهُ نَظَرَ إِلَى اتِّضَاعِ أُمَّتِهِ" (لو:1:46).

فى ناس من المعارضين حتسأل:

طالما إن الزواج سر مقدس، طيب إيه المانع إن العدرا مريم تتزوج بعد ميلاد المسيح؟

هنا فى نقطة مهمة لازم ناخذ بالناس منها. الرتبة الملكية التى أنعم بها الله على العدرا مريم هي بسبب تجسد أقنوم الكلمة منها.

وبالتالى فلو تزوجت العذرا مريم وأنجبت بالجسد أولاد، يبقى فى هذه الحالة تكون قد تنازلت عن الإمتلاء من النعمة، وبالتالى تنازلت عن مكانتها الملوكية الممنوحة لها من الله ذاته، وبالتالى أصبحت العذرا مريم زيتها زى أى امرأة قديسة متزوجة وعندها أولاد. يعنى نصيبها يكون مع القديسين فى الحياة الأبدية وليس عن يمين رب المجد كترتيب الله!!! ومن أجل اقناع المعاندين علشان كده لازم نسأل:
لو تنازلت ملكة أرضية عن مكانتها لتعيش مع عامة الشعب، ياترى الناس حتقول إيه عليها؟!!!!

طيب هل معقول إن العذرا مريم المحبوبة من الله تخالف ترتيبات الله، وتترك هذه المكانة الفائقة التى تشتهىها الملائكة وكل البشر وتنزل إلى مستوى بقية البشر؟!!!
وبعد ما استلمت هذه المسئولية الخطيرة من ملاك الله وفرحت فرح فوق الوصف. فهل معقول أنها مازالت محتاجة لشعب الأمومة لأولاد من زوج مثل باقى نساء البشر؟!!!
وهل معقول إنها ترجع وتفكر وتقول عايزة أفرح تانى بأولاد بالجسد من زواج حتى ولو كان من رجل بار زى القديس يوسف النجار؟!!!
وبعدين طيب إيه الهدف؟!!!

طبعا مستحيل مستحيل مستحيل إنها تترك هذه المكانة الفائقة وتفكر هكذا.
لقد شبع العذراء البتول (وبتوليبتها مختومة) بأمومة من لا يسعه الكون بأكمله، وبالتالى نالت شعباً روحياً وصفاء نفس يفوق كل البشر.

(ج)- روح الجدية والطاعة فى خدمة الله

لما الملاك جه يبشر العذرا مريم بإن ربنا خصصها لأقدس خدمة فى تاريخ البشر وهى أمومة أقنوم الكلمة المتجسد قالت له "كَيْفَ يَكُونُ لِي هَذَا وَأَنَا لَسْتُ أَعْرِفُ رَجُلًا؟" (لو 1:34 حسب الترجمة القبطية).

وبعدين لما طمنها الملاك وعرفت إنها المختارة، وإن الحمل هو من الروح القدس ازدادت تواضعاً وقالت "هُؤَذَا أَنَا أَمَةٌ الرَّبِّ. لِيَكُنْ لِي كَقَوْلِكَ" (لو 1:38)،
يعنى العذرا مريم وافقت على دعوة ربنا لهذه الخدمة المقدسة وعلى أن تظل بتول إلى الأبد، وما ننساش إن رغبتها كانت أيضاً حياة البتولية.

فلو كانت العذرا مريم اتجوزت وخلفت، يبقى ده معناه إنها تراجع فى كلامها لما قبلت البشارة وتعهدت بأن تكون أمة الرب وده كلام خطير وله معنيان وكلاهما مرفوضان تماماً:
المعنى الأول: هو إن العذرا مريم لم تكن جادة فى وعدها لله أمام الملاك، وحاشا لنا أن نقبل هذا.

المعنى الثانى: هو إن العدرا مريم سقطت فى تجربة حب الأولاد أكثر من حبها لله، وما تنسوش كلام السيد المسيح " مَنْ أَحَبَّ أَبَا أَوْ أُمًّا أَكْثَرَ مِنِّي فَلَا يَسْتَحِقُّنِي، وَمَنْ أَحَبَّ ابْنًا أَوْ ابْنَةً أَكْثَرَ مِنِّي فَلَا يَسْتَحِقُّنِي " (مت10:37). وحاشا لنا أن نقبل هذا أيضاً.

هنا نأخذ بالنسبة إلى سؤال العدرا مريم للملاك "كَيْفَ يَكُونُ لِي هَذَا وَأَنَا لَسْتُ أَعْرِفُ رَجُلًا؟" هو فى الحقيقة سؤال بالنيابة عن كل البشرية علشان نعرف ونفهم إن العدرا مريم كانت نادرة نفسها للبتولية، لأنها لو لم تسأل ويسجل القديس لوقا هذا الحوار لكان ممكن إن ناس تطلع علينا ببذع وتجاديف صعبة جداً.

وهنا العدرا مريم بوداعتها وحكمتها كتمت كل هذه الأفكار الشريرة إلى الأبد. بولس الرسول قال "لَيْسَ أَحَدٌ وَهُوَ يَتَجَنَّدُ يَرْتَبِكُ بِأَعْمَالِ الْحَيَاةِ لِكَيْ يُرْضِيَ مَنْ جَنَدَهُ" (2تم 2:4).

طيب هل معقول إن العدرا مريم مش فاهمة إن تجسد أقنوم الكلمة هو بداية للحرب العظيمة ضد الشيطان من أجل خلاص كل جنس البشر؟ !!!

الرد بكل تأكيد العدرا مريم فاهمة إن تجسد أقنوم الكلمة هو بداية للحرب العظيمة ضد الشيطان من أجل خلاص كل جنس البشر والدليل على ذلك هو تسبحتها "تُعْظِمُ نَفْسِي الرَّبَّ، وَتَبْتَهِجُ رُوحِي بِاللَّهِ مُخْلِصِي، لِأَنَّهُ نَظَرَ إِلَى اتِّضَاعِ أُمَّتِهِ" (لو1:46).

وبالتالى المنطق الروحانى يقول إنه مش معقول إنها لا تتجند من أجل خدمة الله، وتكون جادة ومتفانية فى تجندها أكثر من أى عسكى أمين ومخلص لبلده فى الوجود.

كمان بولس الرسول اللى داق حلاوة العشرة مع ربنا كتب "إِنَّ بَيْنَ الزَّوْجَةِ وَالْعَذْرَاءِ فَرْقًا: غَيْرُ الْمُتَزَوِّجَةِ تَهْتَمُّ فِي مَا لِلرَّبِّ لِتَكُونَ مُقَدَّسَةً جَسَدًا وَرُوحًا. وَأَمَّا الْمُتَزَوِّجَةُ فَتَهْتَمُّ فِي مَا لِلْعَالَمِ كَيْفَ تُرْضِي زَوْجَهَا." (1كو7:34 حسب الترجمة القبطية).

طيب هل معقول إن العدرا مريم أم الكلمة المتجسد تكون أقل جدية وتكريس لخدمة الله من بولس الرسول؟ وأقل من غَيْرِ الْمُتَزَوِّجَةِ؟ !!!

العدرا مريم ذاقت حلاوة العشرة مع ربنا فى الهيكل، وعاشت رهبة وعظمة لحظات البشارة، وعاشت الميلاد المعجزى الرهيب، وذاقت حلاوة طفولة المسيح اللى لا يمكن إن أى طفل من البشر يعادلها، كمان من المؤكد إنها شافت معجزات عملها المسيح وهو طفل رغم إن الإنجيل ما ذكرش حاجة ولكن التقليد يذكر تفاصيل معجزات حصلت أثناء الهروب لمصر. وهنا نقول إن العدرا مريم إهتَمَّتْ جداً فِي مَا لِلرَّبِّ لِتَكُونَ مُقَدَّسَةً جَسَدًا وَرُوحًا.

كمان فى نقطة مهمة جداً وهى إن التلاميذ لما آمنوا بالمسيح "تَرَكُوا كُلَّ شَيْءٍ وَتَبِعُوهُ" (مت 23: 21-21، مر 1: 18، لو 5: 11)، وده كان قبل أن يحل عليهم الروح القدس،
إذاً بالمنطق الروحانى مش معقول أن تكون العذرا مريم التى امتلأت من النعمة، وحل عليها الروح القدس، وظللتها قوة العلى، وحل فى أحشائها جمر اللاهوت تكون أقل منهم فى ترك كل شئ وتبعية ابنها ومخلصها؟!!!!
الخلاصة:

ولأن سر تجسد الكلمة من عذراء هو قمة الأمور الروحانية اللى ممكن تشغل فكر كل من هو مؤمن بالله ويحبه من كل قلبه، فما بالك بفكر العذرا مريم المختارة من الله ليتجسد منها؟!!!!
إذاً المنطق الروحانى يدفعنا لأن نؤكد بثقة بالغة إن العذرا مريم عاشت حياة روحانية فائقة، وزهدت تماماً فى الأمور الجسدية بما فى ذلك الرغبة فى الزواج وإنجاب أطفال. وأيضاً نقول أنها كانت أكثر من كل البشر فى جديتها وتفانيها فى خدمة الله.
إذاً فإرادتها متفقة مع إرادة ربنا أن يتجسد أقنوم الكلمة من عذراء وتكون مقدسة ومتفرغة لهذا العمل المقدس، وده دليل مبدأ حرية الإرادة لأن ربنا لا يجبر أى إنسان على عمل أى شئ مهما كان كويس.

(د) شهادة العذرا مريم نفسها بدوام بتولييتها

لما ندرس حوار العذرا مريم مع الملاك غبريال لما جه يبشرها نقدر نفهم إنها رغم إنها منتظرة الخلاص لكن من شدة تواجدها كانت حاسة إنها غير مستحقة لأن تكون أم المخلص. فلما بشرها الملاك وهى كانت شايقة الموقف وقد إيه هو رهيب، وهى شعرت إن الحديث بينهم سيعلن للعالم فيما بعد، لهذا أرادت أن تعلن للبشرية وتؤكد إن الملاك مش جاي يبشرها بولد من الجسد زى كل الستات ما بتولد، وعلشان كده "فَقَالَتْ مَرْيَمُ لِلْمَلَكِ: كَيْفَ يَكُونُ لِي هَذَا وَأَنَا لَسْتُ أَعْرِفُ رَجُلًا؟" (لو 1: 34 حسب الترجمة القبطية).
وده أكبر دليل على إن العذرا مريم كانت نادرة نفسها للبتولية طول عمرها. أما لو كان فى نيتها الزواج لكانت فرحت وقالت "أنا حابغة خطيبي بالخبر ده، وأكيد هو حيفرح قوى".
قرأت تأمل يقول إن سؤالها أيضاً يعنى "كيف أنقض عهد بتولييتي؟"، علشان كده الملاك أكد ليها أن قوة العلى ستحفظ بتولييتها مختومة لأنه سيدخل ويخرج والأبواب مغلقة.
أكثر من كده لما بلغها الملاك بحبل القديسة أليصابات أسرع على الفور لخدمتها، وده دليل على إنها كانت عايشة معاه زى الإخوات وكانت مشغولة بالصلاة الدائمة.

تعالوا نناقش السؤال الثالث:

بخصوص مشيئة القديس يوسف النجار

بعدما شرحنا شخصية القديس يوسف النجار فى الفصل الثانى لازم نسأل:

طيب وهل القديس يوسف النجار كان موافق على عدم الزواج؟

القديس يوسف النجار سمع كلام الملاك ليه عن الحبل المقدس وفهم إن الجنين مش جنين عادى زى بقية البشر.

ورغم إن الإنجيل ما ذكرش حاجة عن التفاصيل اللى عرفها القديس يوسف النجار، لكن لو تأملنا بالمنطق الروحانى نقدر نقول إنه مش معقول بعد ما ربنا بعت له الملاك علشان يطمنه بخصوص الحبل المقدس إنه كمان يبقى مش دريان بايه اللى بيحصل.

كمان كل الأمور اللى حصلت قدام عينيه من لحظة ظهور الملاك، والبراءة والملاحم الملائكية على وش العدرا مريم جعلته يعامل العدرا مريم معاملة خادم الله للملكة أم ملك الملوك، وبالتالي مستحيل إنه يفكر يقرب ليها ويطلبها أن تكون زوجة زى كل الزوجات. القديس يوسف النجار واضح إنه كان هادى جداً ووديع جداً.

ولما نقرا رسالة معلمنا القديس بولس الرسول الأولى لأهل كورنثوس نلاقيه بيتكلم عن حياة البتولية الاختيارية للمتزوجين "وَأَمَّا مَنْ أَقَامَ رَاسِخًا فِي قَلْبِهِ، وَلَيْسَ لَهُ اضْطِرَارٌّ، بَلْ لَهُ سُلْطَانٌ عَلَى إِرَادَتِهِ، وَقَدْ عَزَمَ عَلَى هَذَا فِي قَلْبِهِ أَنْ يَحْفَظَ عَذْرَاءَهُ، فَحَسَنًا يَفْعَلُ". (1كو7:37).

طيب هل معقول إن القديس يوسف المختار من الله ذاته لرعاية أم قدوس القديسين يكون فكره وقلبه تجاه أقدس عذراء فى الوجود أقل نقاوة من هؤلاء المتزوجين اللى اختاروا حياة البتولية من أنفسهم؟

لما العدرا مريم زارت القديسة أليصابات، الجنين فى بطنها تهلل. ولما الروح القدس أرشد سمعان الشيخ وراح الهيكل أول ما شاف العدرا مريم شائلة الطفل يسوع على دراعها إتفتحت عينيه وتهلل.

هنا نسأل نفسنا: لما الملاك ظهر للقديس يوسف النجار وفهمه موضوع الحبل المقدس يا ترى إيه اللى حصل للقديس؟!!!، بالمنطق الروحانى نقول إنه مش ممكن يكون أقل من الجنين فى بطن القديسة أليصابات، ولا أقل من سمعان الشيخ لأنه بشهادة الروح القدس كان "باراً".

يبقى من المؤكد إنه بعد زيارة الملاك ربنا فتح قلبه وذهنه فتهلل أكثر منهم، وبعدين عاش وشاف بعينه التجسد الإعجازى، وأكد شعر بقداسة ورهبة إن الطفل هو المخلص قدوس القديسين، وشعر بقداسة العدرا مريم. ولأن القرعة الهيكلية اختارته ليكون ولى أمر الطفل

وأمه، يبقى نقدر نقول إن مشاعره برهبة وقداسة وسمو المسؤولية المكلف بها من الله ذاته كانت أقوى من مشاعر أى إنسان تختاره القرعة الهيكلية علشان يكون بابا الكنيسة. وأعتقد أنها كانت أقوى من مشاعر بولس الرسول النارية الذى اختاره الله لينشر الإيمان للأمم.

طيب هل معقول إن واحد فى مثل هذه الظروف يفكر إنه يتجوز ويخلف من المختارة من الله لتكون أم القدوس؟

إحنا عارفين من الإنجيل إنه لما شعر القديس يوسف النجار بأنها حامل أراد تخليتها سرا. وهذا أكبر دليل على أنه بتول ولم يكن فى نيته الزواج الفعلى منها. لأنه لو كان فى نيته الجواز طيب ليه ماراحش يشتكيها للكهنة بعد ما لاحظ إنها بقت حامل؟ وبعد ميلاد يسوع المسيح، هل معقول إن رجل قديس بار وعجوز مثل القديس يوسف النجار بعد ما ظهر له وكلمه ملاك الله على الأقل ثلاث مرات إنه مايكونش فهم قصد الله إيه من اختياره لرعاية أم المخلص و قدوس القديسين؟ وبالتالي هو كخادم لله أمين جداً جداً حتى الموت مستحيل إنه يفكر فى الجواز والخلفة بعد ما شاف تهليل الملائكة وقت الميلاد المقدس، وبعد ما عاين المعجزات الكثيرة قبل وبعد الميلاد وحتى انتقاله من هذا العالم.

فيه ناس بتقول إن القديس يوسف كان شاب وقت ما خطب العدرا مريم لأن ربنا عايزه يحميها من أخطار الطريق لمصر؟

الرد على هذه الأقاويل الباطلة نسمعه من التقليد، وهو إن القديس يوسف كان فى سن كبيرة، يعنى يمكن فى سن جدها، والقرعة الهيكلية أجبرته على رعايتها، وهو قبل المسؤولية بفرح لإيمانه بأن ده اختيار ربنا ولأنه كان عارف سيرتها الطاهرة، وعلشان كده ما صدقش عينيه لما شافها حامل، ومن شدة حيرته أراد تخليتها سراً لأنه كان باراً، وبعدين الملاك كشف له عن سر الحمل المقدس.

أما من جهة سن القديس يوسف النجار فلو درسوا الإنجيل حيعرفوا أن موسى النبى بدأ خدمته فى سن الثمانين وانتهت فى سن المائة وعشرون. فليه الإعتراض على كبر سن القديس يوسف النجار؟

كمان هل كان القديس يوسف النجار هو اللى بيحمى العذراء فى طريق الهروب لمصر، زى ما بيحاولوا يبرروا رأيهم بأنه كان شاباً، أم كان حاميتها رب المجد المحمول على ذراعيها؟!!!

إذاً القول بأن القديس يوسف النجار كان شاباً هي محاولة شريرة لتبرير إدعاء البعض بأنهما تزوجا وأنجبا إخوة للرب.

+

العدرا مريم فى الكتاب المقدس

طيب هل فيه أدلة من الكتاب المقدس تشير إلى العدرا مريم؟ وهل فى نبوات تؤكد إنها ستظل بتول طول حياتها؟

بكل تأكيد الكتاب المقدس فيه نبوات ورموز كثيرة وكلها بتشير إلى طهارة وقداسة العدرا مريم الفاتكة ودوام بتوليبتها، وطبعاً مش معقول إن كلام الكتاب المقدس المكتوب بإرشاد الروح القدس يبقى كلام غلط. مستحيل مستحيل مستحيل. تعالوا بينا نراجع بسرعة بعض النبوات والرموز فى الكتاب المقدس وبالذات فى خيمة الإجتماع عن العدرا مريم:

- 1- من نبوات ورموز خدمة العهد القديم.

- 2- دلائل من العهد الجديد والتقليد

1- العدرا مريم فى نبوات ورموز خدمة العهد القديم

نسل المرأة يسحق رأس الحية: وده هو وعد ربنا لأبونا آدم وأمنا حواء بعد السقوط. حمامة السلام لنوح: لأنها كمثال الحمامة اللى رجعت لنوح بعد الطوفان وفى فمها عود زيتون إشارة أن سلام ربنا رجع للبشر (تك 11:18).

العليقة: لأن العليقة لم تحترق من النيران (خر 3:2-3) ، علشان كده هى رمز وإشارة إلى حلول جمر اللاهوت فى الحشا البتولى من غير ما تحترق العدرا مريم.

سلم يعقوب: أبونا يعقوب حفيد أبونا إبراهيم شاف فى رؤيا سلم واصل بين السما والأرض والملايكة طالعة ونازلة. السلم ده رمز للعدرا مريم. لأنه من خلالها تجسد أقنوم الكلمة، وانفتحت أبواب السماء، ورجعت العلاقة بين الإنسان والسما. وبالفعل بدأ نزول الملائكة زى ما قال السيد المسيح "وَقَالَ لَهُ: الْحَقَّ الْحَقَّ أَقُولُ لَكُمْ: مِنَ الْآنَ تَرَوْنَ السَّمَاءَ مَفْتُوحَةً، وَمَلَائِكَةُ اللَّهِ يَصْعَدُونَ وَيَنْزِلُونَ عَلَى ابْنِ الْإِنْسَانِ" (يو 1:51).

وكمان نلاحظ نزول الملايكة فى سفر أعمال الرسل لما ظهر الملايكة للرسل القديسين من أجل نشر رسالة الخلاص. وكمان الملايكة بتنزل فى كل قداس لتجمع صلوات المؤمنين وترفعها لله. علشان كده بنسمع الكاهن فى آخر القداس وهو يصرف ملاك الذبيحة قائلاً "يا ملاك هذه الذبيحة الطائر إلى علو السماء، أذكرنا أمام الرب ليغفر لنا خطايانا".

تجسد المسيح من عذراء دائمة البتولية:

+ "هَا الْعَذْرَاءُ تَحْبِلُ وَتَلِدُ ابْنًا وَتَدْعُو اسْمَهُ عَمَّاوِيلَ" (أش7 : 14). وهنا نأخذ بالناس إن تعريف العذراء مريم بأداة التعريف "الـ" معناها أنها الوحيدة، وأيضا الدائمة، يعنى مستحيل إنها تتغير، أى أنها ستظل عذراء إلى الأبد.

+ "هَذَا الْبَابُ يَكُونُ مُغْلَقًا لَا يُفْتَحُ وَلَا يَدْخُلُ مِنْهُ إِنْسَانٌ، لِأَنَّ الرَّبَّ إِلَهَ إِسْرَائِيلَ دَخَلَ مِنْهُ فَيَكُونُ مُغْلَقًا" (حز44:1).

+ "لِأَنَّ الرَّبَّ قَدْ خَلَقَ شَيْئًا حَدِيثًا فِي الْأَرْضِ. أَنْتَى تُحِيطُ بِرَجُلٍ" (أر22:31). والمعنى هنا هو أن هذا الرجل هو من نسل المرأة فقط بدون زرع بشر. هى إذا نبوة عن حبل وطفولة المسيح المولود دون زرع بشر.

+ "لَأَنَّكَ رَأَيْتَ أَنَّهُ قَدْ قُطِعَ حَجَرٌ مِنْ جَبَلٍ لَا بَيْدَيْنِ" (دا45:2). المسيح هو حجر الزاوية (مر10:12، أف20:2، 1بط7:2)، والعذراء مريم هى جبل، إذا هذه نبوة عن ميلاد المسيح من عذراء بدون زرع بشر.

+ "لِأَنَّ الرَّبَّ اخْتَارَ صِهْيُونَ. وَرَضِيَهَا مَسْكَنًا لَهُ" (مز131:13 حسب الترجمة القبطية) أيضا سليمان الحكيم تنبأ عن بتوليتهما وقال: "كُلُّكَ جَمِيلٌ يَا حَبِيبَتِي لَيْسَ فِيكَ عَيْبَةٌ". (نش7:4)

"أُخْتِي الْعَرُوسُ جَنَّةٌ مُغْلَقَةٌ، عَيْنٌ مُقْفَلَةٌ، يَنْبُوعٌ مَخْتُومٌ". (نش12:4).
إشارات فى بناء خيمة الإجتماع والهيكل:

قدس الأقداس يشير إلى دوام بتولية العذراء مريم، لأنه لم يكن مسموحاً لأحد بدخول قدس الأقداس سوى رئيس الكهنة. والمسيح هو رئيس كهنة أعظم، والحشا البتولى صار قدس أقداس لما حل فيه المسيح، ولم يدخله من بعده أحد قط.

"فِيهِ مِبْخَرَةٌ مِنْ ذَهَبٍ، وَتَابُوتُ الْعَهْدِ مَغْشَى مِنْ كُلِّ جِهَةٍ بِالذَّهَبِ، الَّذِي قَسَطُ مِنْ ذَهَبٍ فِيهِ الْمَنُّ، وَعَصَا هَارُونَ الَّتِي أَفْرَخَتْ، وَلَوْحَا الْعَهْدِ" (عب9 : 4).

مبخرة الذهب/شورية هارون: والشورية هى المبخرة اللى بيستعملها الكهنة فى الخدمة. وده رمز إن جمر اللاهوت حل فى أحشاء العذراء مريم زى الجمر (الفحم المولع) اللى فى الشورية. وزى ما الشورية بتظل سليمة، كمان العذراء مريم لم تحترق من حلول اللاهوت فى أحشائها، ودى معجزة فائقة.

تابوت العهد: لما ربنا وصف لموسى النبى كيفية صنع التابوت (خر: 25) قال تصنعه من خشب السنت الذى لا يسوس وتغطيه من خارج ومن داخل بذهب نقى. ودى رموز لقداسة وطهارة وبتولية العذراء مريم. وقال له تضع داخل التابوت الشهادة التى أعطيك، يعنى كلمة الله داخل التابوت. وإحنا عارفين إن ربنا يسوع المسيح هو كلمة الله، يبقى وضع الشهادة داخل تابوت العهد ده رمز لتجسد أقنوم الكلمة فى الحشا الطاهر.

قسط المن الذهبي: ربنا أنزل المنّ منّ السما للشعب العبراني بعد نجاتهم من فرعون، وهكذا نجوا من الموت في الصحراء. وكمان ربنا أمرهم بحفظ جزء من المن في هذا القسط. المن هو رمز للمن الحقيقي النازل من السماء، أى رمز لربنا يسوع المسيح الذى نزل من السماء وتجسد لنجاة كل البشر من قبضة الشيطان، علشان كده قسط المن هو رمز للعدرا مريم، ومرة ثانية مصنوع من الذهب الخالص، يعنى طهارتها وبتوليبتها هى كاملة بدون أدنى شك.

عصا هارون: (عد8:17، عب9:4) عصا هارون أفرخت وهى فى الهيكل، يعنى طلع منها فرع صغير به ورقة خضرا من غير زرع، وهذا رمز إن العدرا مريم ستلد بدون زرع بشر. يعنى مرة ثانية شهادة على بتوليبتها.

مكانة العدرا مريم كملكة فى السماء: "قَامَتِ الْمَلِكَةُ عَنْ يَمِينِ كِبْثَ وَبِ مَوْشَى بِالذَّهَبِ مُزَيَّنَةً بِأَنْوَاعٍ كَثِيرَةٍ" (مز قبطى9:44).

2- دلائل من العهد الجديد والتقليد

إعلان السيد المسيح

معروف إن السيد المسيح كان يكلمهم بأمثال، ومعروف إن السيد المسيح بعد القيامة دخل إلى التلاميذ فى العلية لما كانوا قافلين الأبواب من الخوف، وتأكدوا أنه هو بالحقيقة ربنا يسوع المسيح القائم من الأموات (يو20:19). يبقى رب المجد بدخوله والأبواب مغلقة أعلن بنفسه للكنيسة بمثال عملى وأوصاها أن تؤمن، وتصدق، أنه هو هو أيضا بنفسه الذى دخل وخرج من الحشا البتولى الطاهر والأبواب مغلقة زى النبوة (حز4:44).

شهادة الروح القدس

"26 وَفِي الشَّهْرِ السَّادِسِ أَرْسَلَ جِبْرَائِيلُ الْمَلَاكُ مِنَ اللَّهِ إِلَى مَدِينَةٍ مِنَ الْجَلِيلِ اسْمُهَا نَاصِرَةُ، 27 إِلَى عَذْرَاءٍ مَخْطُوبَةٍ لِرَجُلٍ مِنْ بَيْتِ دَاوُدَ اسْمُهُ يُوسُفُ. وَاسْمُ الْعَذْرَاءِ مَرْيَمُ." (لو26:1-27).

الرد على المعترضين

فى ناس بتقول إن العدرا مريم إتجوزت القديس يوسف النجار وخلفت منه إخوات ليسوع المسيح وبتستند على كلام الإنجيل؟

فى الحقيقة الناس إلى مش فاهمة عظمة سر التجسد، وازاى ربنا كان مرتب هذا العمل الخلاصى منذ البداية تلاقيهم يمسكوا فى بعض كلمات الإنجيل ويفسروها تفسير غلط، إما عن جهل أو بإيعاز من الشيطان. وبعدين يتفلسفوا ويبتدوا يشككونا فى دوام بتولية القديسة الطاهرة

ويقولوا إنها اتجوزت من نجار القرية وهو فى ريعان الشباب علشان يحميها من أخطار السفر لمصر، وإنها خلفت منه إخوة بالجسد ليسوع!!!
تعالوا بينا نفحص الحجب اللى بيستعملوها لإثبات رأيهم الغلط:

1- تعبير "وَلَمْ يَعْرِفْهَا حَتَّى وَلَدَتْ ابْنَهَا الْبَكْرَ" (مت 25:1) الكلام ده هدفه التأكيد بشدة على أن الحبل المقدس هو من الروح القدس، لأنه لو كان إتجوزها بعد ما الملاك طمنه كان ممكن الناس تشك فى معجزة الحبل من الروح القدس بدون رجل. والبكر ده لقب أول طفل حتى ولو كان طفل وحيد.

2- أو لما يذكر تعبير "إخوة الرب، إخوته" والكلام ده حنرد عليه بالتفصيل كالاتى

استعمال تعبير "إخوة" حسب العرف والتقليد المتوارث

لما نقرا فى الإنجيل كلمات "الأخ، الإخوة، إخوتى" يلزم إننا نفهم إن الكلمات دى مش حرفية، يعنى مش موجهة لإخوة أشقاء بالجسد، ولكنها من باب المحبة والذوق والتقاليد. ولما نقرا إنجيل القيامة نلاقى إن ربنا يسوع المسيح قال لمريم المجدلية ومريم الأخرى "فَقَالَ لَهُمَا يَسُوعُ: لَا تَخَافَا. اذْهَبَا قَوْلًا لِإِخْوَتِي أَنْ يَذْهَبُوا إِلَى الْجَلِيلِ، وَهَنَّاكَ يَرَوْنِي." (مت 10:28)،

وكم ان السيد المسيح وصف التلاميذ اللى بيستمعوا كلامه وقال "أُمِّي وَإِخْوَتِي هُمُ الَّذِينَ يَسْمَعُونَ كَلِمَةَ اللَّهِ وَيَعْمَلُونَ بِهَا" (لو 8:21).

ومن دراستنا للرسائل فى العهد الجديد نلاحظ إن القديس بولس الرسول والقديس بطرس الرسول والقديس يعقوب استعملوا تعبير "إخوتى، الإخوة" فى رسائلهم إلى المؤمنين. وعلشان كده نلاقى بعض الخدام يقولوا عن بعض "الأخ فلان" و "الأخت فلانة" رغم إنهم مش قرايب ولا حتى من نفس البلد.

كمان فى عرف الشعوب لما يحاول الملك، أو رئيس أو مسئول كبير فى دولة أن ينال حب شعبه ليه فلما يخطب يقول "أيها الإخوة المواطنين ...". وأيضا بعض الشعوب مازالت تستعمل هذا التعبير للدلالة على وجود محبة بينهم.

س: طيب مين هم المقصودين بكلمة إخوة الرب؟

تعالوا نبحث عن الرد المقبول فى الإنجيل.

هنا لازم نفهم إن الإنجيل الهدف الأول منه هو الكرازة بالخلاص بدم ربنا يسوع المسيح. لكن لو كانت العدرا مريم اتجوزت وخلفت كان ضرورى الإنجيل حيقول لينا الخبر ده لأن العدرا مريم كان لازم تقوم بمسؤوليات الأمومة ليهم.

ولأن الناس زمان كانت بتخلف كثير، يبقى فى احتمال كبير قوى إنهم كان ليهم قرايب كثير. يعنى أعمام وعمات وخیلان وخالات للعدرا مريم، وإخوة وأخوات للقديس يوسف النجار ودول كلهم كان ليهم أولاد، فتبقى كلمة "إخوة الرب" معناها إما قرايب قوى زى أولاد العم والعمة والخال والخالة، أو أولاد العيلة، أو أولاد نفس القرية. وهو ده العرف (التقليد) إلی كان ماشى زمان.

وكم ان إحنا عارفين إن أبونا إبراهيم كان عم لوط ومع ذلك كان بيقول له يا أخويا (تك 13:8)، وفى الغالب يحتمل إنهم كانوا قريبين من بعض فى السن. ولما تقابل يعقوب مع رفقة بنت خاله لأول مرة عند البئر قال ليها إنه أخو أبوها، وكم ان لابان خال يعقوب (وحماه فيما بعد) قال له ياأخى (تك 29:10-15). يعنى ممكن إخوة الرب يكونوا أى حالة من الحالات دى. يبقى الناس إلی بتقول الكلام الفارغ ده غلطانين جداً. ويبقى من المؤكد إن كلام الإنجيل هو عن قرايب مش إخوة أشقاء بالجسد. والمبدأ ده أكده بولس الرسول (رو 9:3-4)

وكم ان لما نبحت فى الإنجيل من وقت الهروب لمصر نلاقى الملاك يقول "إِذَا مَلَاكَ الرَّبُّ قَدْ ظَهَرَ لِيُوسُفَ فِي حُلُمٍ قَائِلًا: قُمْ وَخُذِ الصَّبِيَّ وَأُمَّهُ وَاهْرُبْ إِلَى مِصْرَ" (مت 2:13)، وبعدين لما أمره بالرجوع بعد حوالى أربع سنين فى مصر "قُمْ وَخُذِ الصَّبِيَّ وَأُمَّهُ وَادْهَبْ إِلَى أَرْضِ إِسْرَائِيلَ" (مت 2:20). يبقى لغاية لما المسيح وصل لحوالى سن ست سنين ما فيش أى خبر عن وجود إخوة بالجسد. وواضح جداً من كلام الملاك إن العدرا مريم ليست زوجة للقديس يوسف أمام الله، وإنما هى "أم الصبى"، لأنها لو كانت تزوجت لقال "خذ الصبى وامراتك".

أيضا جاء بالإنجيل "41 وَكَانَ أَبَوَاهُ يَذْهَبَانِ كُلَّ سَنَةٍ إِلَى أُورُشَلِيمَ فِي عِيدِ الْفِصْحِ. 42 وَلَمَّا كَانَتْ لَهُ اثْنَتَا عَشْرَةَ سَنَةً صَعَدُوا إِلَى أُورُشَلِيمَ كَعَادَةِ الْعِيدِ. 43 وَبَعْدَمَا اكْمَلُوا الْيَّامَ بَقِيَ عِنْدَ رُجُوعِهِمَا الصَّبِيُّ يَسُوعُ فِي أُورُشَلِيمَ، وَيُوسُفُ وَأُمُّهُ لَمْ يَعْلَمَا. 44 وَإِذْ ظَنَّاهُ بَيْنَ الرُّفَقَةِ، ذَهَبَا مَسِيرَةَ يَوْمٍ، وَكَانَا يَطْلُبَانِهِ بَيْنَ الْأَقْرَبَاءِ وَالْمَعَارِفِ. 45 وَلَمَّا لَمْ يَجِدَاهُ رَجَعَا إِلَى أُورُشَلِيمَ يَطْلُبَانِهِ." (لو 2:41-45).

واضح من كلام الإنجيل إن العدرا مريم والقديس يوسف النجار كان ليهم أقارب ومعارف كثير عندهم عدد كبير من الأولاد فى سن يسوع، وبحسب التقليد كانوا زى الإخوة. كمان التقليد يقول إن الستات كانت منفصلة عن الرجال زى عوايد المجتمعات الشرقية خصوصاً زمان، وده السبب إن العدرا مريم ظنت إن يسوع مع الرجال، والقديس يوسف ظن إنه مع العدرا مريم. فلما اكتشفوا إنه مش مع الفتية رجعوا يبحثوا عنه فى أورشليم.

وهنا نلاقى الإنجيل لا يذكر أى شئ عن وجود إخوة بالجسد، بل بالعكس يؤكد عدم وجود إخوة لما يقول إن العدرا مريم والقديس يوسف رجعوا لأورشليم يدوروا عليه من غير ما يقول ومعاهم إخوته لأنهم قطعاً حيكونوا أصغر منه، وبالتالي لازم يكونوا مع أمهم، لأنه مش معقول

يتركوهم مع الأقارب. ولما شافوا يسوع فى الهيكل كان عتابها ليه "يَا بُنَيَّ، لِمَاذَا فَعَلْتَ بِنَا هَكَذَا؟ هُوَذَا أَبُوكَ وَأَنَا كُنَّا نَطْلُبُكَ مُعَذِّبِينَ" (لو2:48)، فلو كان ليه إخوة كان من المتوقع أن تقول له العدرا مريم "العيلة كلها إتعذبت" أو "أبوك وأنا وإخوتك كنا نطلبك معذبين". يبقى بكل تأكيد لغاية ما سنه وصل لسن 12 سنه ماكانش فيش إخوات.

أيضا أحد الدلائل على إن العدرا مريم لم تتزوج نجده فى الإصحاح الثانى من بشارة القديس يوحنا لما تكلم عن معجزة عرس قانا الجليل. لو درسنا هذا الإصحاح بهدوء وعمق نلاحظ إنه بيقول "1 وَفِي الْيَوْمِ الثَّالِثِ كَانَ عُرْسٌ فِي قَانَا الْجَلِيلِ، وَكَانَتْ أُمُّ يَسُوعَ هُنَاكَ. 2 وَدُعِيَ أَيْضاً يَسُوعُ وَتَلَامِيذُهُ إِلَى الْعُرْسِ." (يو2:1-2).

المنطق يقول إنه واضح إن العدرا مريم كانت على علاقة قوية بأهل العرس، فلو كانت العدرا مريم خلفت أولاد فالأصول تحتم إن أولادها يتعزموا على الفرع، لأنهم أيضا إخوة يسوع وأقرب لأهل العرس من تلاميذ الرب.

يبقى عدم ذكر دعوة إخوة أشقاء للرب فى العزومة دليل إنجيلى قوى على أنه لا وجود لهم!!!. أيضا فى نقطة ثانية. لو كان القديس يوسف قد أنجب أولاد من العدرا مريم، لكان القديس يوسف قد قص عليهم كيف ظهر له ملاك الرب ثلاث مرات على الأقل علشان يبقوا عارفين حقيقة أخوهم البكر!!!. وده معناه إنهم لما سمعوا عن بدء كرازته أكيد كانوا حيفتكرروا حكايات أبوهم، ولما يشوفوا المعجزات حيبقوا من التلاميذ المخلصين لأخوهم البكر. لكن إحنا عارفين إن أقاربه لم يؤمنوا به عند وقت كرازته، وأكثر من كده إتهموه إتهامات باطلة (مر3:21-22).

لكن الناس اللى بتصر على إن العدرا مريم تزوجت بتستشهد من كلام الإنجيل لأنه ذكر أسماء إخوته فى مت 13 : 54-56؟

تعالوا نراجع كلام الإنجيل: "54 وَلَمَّا جَاءَ إِلَى وَطَنِهِ كَانَ يُعَلِّمُهُمْ فِي مَجْمَعِهِمْ حَتَّى بُهِتُوا وَقَالُوا: مِنْ أَيْنَ لِهَذَا هَذِهِ الْحِكْمَةُ وَالْقُوَّاتُ؟ 55 أَلَيْسَ هَذَا ابْنُ النَّجَّارِ؟ أَلَيْسَتْ أُمُّهُ تُدْعَى مَرْيَمَ، وَإِخْوَتُهُ يَعْقُوبَ وَيُوسَى وَسِمْعَانَ وَيَهُوذَا؟ 56 أَوَلَيْسَتْ أَخَوَاتُهُ جَمِيعُهُنَّ عِنْدَنَا؟" (مت13: 54-56).

هنا فى نقطة ثانية مهمة وهى إن العدرا مريم قالت عن القديس يوسف النجار "هُوَذَا أَبُوكَ" وهى عارفة كويس إنه ليس أبوه، لكن هو ده العرف بالنسبة لولى الأمر وفى اللغة الإنجليزية يقال Step Father، وهو تمام زى العرف اللى بيقول إن الأقارب زى الإخوة تماما كما ذكر الإنجيل.

تعالوا نناقش نقطة مهمة.

التقليد بيقول إن يوسف النجار تنجح بسلام والمسيح فى سن الشباب يعنى 16-18 سنة، وده معناه إنه لو كان للمسيح إخوة بالجسد بيقوا إتولدوا ما بين مناقشة المسيح للكهنة فى الهيكل لما كان عنده إتناشر سنة، وما بين نياحة القديس يوسف النجار، أى فى خلال الـ 4-6 سنين الأخيرة من حياة القديس يوسف النجار.
علشان كده نسأل:

هل معقول إن كل إخوة الرب المذكورين فى الإنجيل وعددهم أربع صبيان وعدد غير معروف من البنات يلحقوا يتولدوا فى فترة 4-6 سنين؟

طبعا كلام خيالى مش معقول.

فلو قلينا عقلنا وأخلاقنا (علشان يقتنعوا بغلطهم) وقلنا إن العذرا مريم خلفت إخوة للرب من القديس يوسف النجار، يبقى أكيد سن أكبر واحد فيهم حيكون أقل من يسوع بثلاثة عشر سنة، وده معناه إنه عند الصليب ضرورى كان فيهم واحد سنه ما بين 18 و 20 سنة. وفى العصر ده هذا السن كان يمثل مرحلة الرجولة وتحمل مسئوليات الأسرة.

تعالوا نفحص بتدقيق ايه اللى حصل والسيد المسيح على الصليب نجد:

"26 فَلَمَّا رَأَى يَسُوعُ أُمَّهُ، وَالتِّلْمِيزَ الَّذِي كَانَ يُحِبُّهُ وَاقِفًا، قَالَ لِأُمِّهِ: يَا امْرَأَتُ، هُوَذَا ابْنُكَ".
27 ثُمَّ قَالَ لِلتِّلْمِيزِ: هُوَذَا أُمُّكَ. وَمِنْ تِلْكَ السَّاعَةِ أَخَذَهَا التِّلْمِيزُ إِلَى خَاصَّتِهِ" (يو 19: 26-27).
وبعدين معروف من التقليد إن العذرا مريم عاشت من بعد الصليب وتتيحت وهى عند التلميذ المحبوب يوحنا الحبيب.

فلو كانت العذرا مريم خلفت إخوة للرب، ولأنه معروف إن الناموس والعادات والأخلاق فى هذا الوقت كان يلزم الأبناء بإعالة والديهم لآخر لحظة من حياتهم، يبقى لازم نسأل:

ليه ما قالش لتلميذه خدها وصلها لحد من أولادها لأنهم خافوا يكونوا معاها لغاية الصليب؟
وبعدين لو أولادها لم يتحملوا هذه المسئولية وتركوها للتلميذ ليتولى مسئولية إعالتها، يبقى ده تصرف بعيد جداً عن الدين والأصول والشهامة، يعنى له معانى سيئة جداً؟!!
أولاً معناه إن العذرا مريم فشلت فى تربية أولادها تربية دينية سليمة، وهذه إهانة كبرى حاشا لنا أن نقبلها.

ثانياً إنه رغم تدين العذرا مريم وأنها المختارة من الله لكن أولادها فسدوا ورفضوا تحمل المسئولية، وده كلام غير عادل لأى أم قديسة، فما بالكم بالعذرا مريم؟!!!

ثالثاً هذا كلام يناقض ما كُتِبَ عن يعقوب المدعو أخا الرب وواضح أنه كان متدين جداً، وبالتالي مش معقول إنه يرفض تحمل هذه المسئولية المقدسة والواجبة لو كان ابن العذرا مريم، أو حتى ابن القديس يوسف كما يظن خطأ البعض!!!

طبيب من هم إخوة الرب المذكورين فى الإنجيل وعددهم أربع صبيان وعدد غير معروف من البنات؟

زى ما شفنا لما راحت العدرا مريم والقديس يوسف النجار لأورشليم وقت أن كان يسوع فتى عنده إنتاشر سنة، وبعدين فى رجوعهم اكتشفوا إنه غير موجود مع الفتية "وَإِذْ ظَنَّاهُ بَيْنَ الرُّفْقَةِ، ذَهَبًا مَسِيرَةَ يَوْمٍ، وَكَانَا يَطْلُبَانِهِ بَيْنَ الْأَقْرِبَاءِ وَالْمَعَارِفِ" (لو2:44)، والكلام ده معناه إن عدد الشعب اللى كانوا راجعين من أورشليم كان كبير لدرجة إن العدرا مريم من الزحمة ما شفتش يسوع. ومن هنا نقدر نستنتج إن أقارب ومعارف يسوع اللى كانوا فى عمره كان عددهم كتير لدرجة أنهم حجبوا منظره عن العدرا مريم. ولما نحاول نعرف قرابة الأربعة رجال والبنات يبقى لازم نرجع للإنجيل ونحاول نفهم من هم هؤلاء:

"أَلَيْسَ هَذَا ابْنُ النَّجَّارِ؟ أَلَيْسَتْ أُمُّهُ تُدْعَى مَرْيَمَ، وَإِخْوَتُهُ يَعْقُوبَ وَيُوسَى وَسِمْعَانَ وَيَهُوذَا؟" 56 أَوَلَيْسَتْ أَخَوَاتُهُ جَمِيعُهُنَّ عِنْدَنَا؟" (مت13:54-56).

"55 وَكَانَتْ هُنَاكَ نِسَاءٌ كَثِيرَاتٌ يَنْظُرْنَ مِنْ بَعِيدٍ، وَهُنَّ كُنَّ قَدْ تَبِعْنَ يَسُوعَ مِنَ الْجَلِيلِ يَخْدُمْنَهُ. 56 وَبَيْنَهُنَّ مَرْيَمُ الْمَجْدَلِيَّةُ، وَمَرْيَمُ أُمُّ يَعْقُوبَ وَيُوسَى، وَأُمُّ ابْنَيْ زَبْدِي" (مت27:55-56).

"وَكَانَتْ أَيْضًا نِسَاءٌ يَنْظُرْنَ مِنْ بَعِيدٍ، بَيْنَهُنَّ مَرْيَمُ الْمَجْدَلِيَّةُ، وَمَرْيَمُ أُمُّ يَعْقُوبَ الصَّغِيرِ وَيُوسَى، وَسَالُومَةُ" (مر15:40).

"وَكَانَ جَمِيعُ مَعَارِفِهِ، وَنِسَاءٌ كُنَّ قَدْ تَبِعْنَهُ مِنَ الْجَلِيلِ، وَاقِفِينَ مِنْ بَعِيدٍ يَنْظُرُونَ ذَلِكَ" (لو23:49).

"وَكَانَتْ وَاقِفَاتٍ عِنْدَ صَلِيبِ يَسُوعَ، أُمُّهُ، وَأُخْتُ أُمِّهِ مَرْيَمُ زَوْجَةُ كُلُوبَا، وَمَرْيَمُ الْمَجْدَلِيَّةُ" (يو19:25).

"وَلَكِنِّي لَمْ أَرْ غَيْرَهُ مِنَ الرَّسْلِ إِلَّا يَعْقُوبَ أَخَا الرَّبِّ" (غل1:19).

أول حاجة تلفت نظرنا هى إن القديس متى ذكر أسماء يعقوب ويوسى مرتين. مرة دعاهم إخوة الرب والثانية قال إنهم أولاد مريم، وواضح أنه يقصد مريم أخرى. والقديس مرقس إكتفى بالقول أنهم أولاد مريم، والقديس لوقا ذكر إنه كان عند الصليب جَمِيعُ مَعَارِفِهِ، وَنِسَاءً، يعنى ناس كتيرة. وبعدين القديس يوحنا يوصف مريم زوجة كلوبا بإنها أخت العدرا مريم. والقديس بولس يتكلم عن يعقوب أخا الرب.

واضح من كل الكلام اللى فات إن يسوع كان له أقارب ومعارف كثير، وإن العرف اللى كان ماشى أيام إبراهيم ولوط ويعقوب ولابان بدعوة الأقارب والمعارف إخوة استمر إلى زمن السيد المسيح. وإحنا عارفين إن هذا النظام مازال موجود فى بعض المجتمعات الشرقية.

وكمات مريم أم يعقوب زوجة كلوبا يبدو أنها كانت من الأقارب جداً للعدرا مريم، ربما بنت عم أو خال أو عمة أو خالة، وربما كانت قريبة جداً للقديس يوسف النجار. وواضح إنها كانت تلميذة مخصصة للرب، وبتحب العدرا مريم قوى وكانت معاها فى كل خطوة حتى الصليب، وأيضاً كانت من بين من ذهبين للقبر باكراً.

ولأن القديس يوحنا مشهور بالمحبة، إذاً نقدر نقول إنه اتبع أسلوب المحبة اللى توصف الأقارب بالإخوة، علشان كده دعا زوجة كلوبا أخت العدرا مريم. ومن هنا نقدر نفهم إنه بحسب العرف الأربعة رجال والبنات، كان لازم أن يدعوهم الرسل إخوة الرب لأنهم أقارب، وربما كلهم كانوا أولاد مريم زوجة كلوبا.

بالنسبة للذين يصرون على أن مريم زوجة كلوبا هى أخت شقيقة للعدرا مريم، أقول أنه ليس هناك أى عيب فى هذا على الإطلاق، لكن فى نفس الوقت ليس هناك ما ينفى أو يؤكد هذا، ولكن المنطق ينفى هذا.

فإن كانت مريم زوجة كلوبا هى أخت شقيقة للعدرا مريم، فإن المنطق بحسب التقليد يقول إنها لابد وأن تكون أصغر من العدرا مريم.

ولكن هنا يظهر سؤال هام، لماذا سميت بنفس اسم أختها الكبرى؟!!! هذا لا يحدث إلا إذا توفيت الكبيرة، ومن شدة حب الوالدين يعيدوا إطلاق الاسم مرة ثانية. ولكن العدرا مريم هى ندر لله ومن غير المقبول إن والديها يعتبروها كميتة؟!!!

وحيث أنه معروف من التقليد إن القديسة حنة والقديس يواقيم تنيخوا بسلام والعدرا مريم مازالت طفلة بالهيكل، إذاً فأختها كانت فى سن صغيرة عندما تيتمت.

هنا يواجهنا موقف يحتاج للتوضيح وعلشان كده نسأل: من الذى تولى تربية مريم زوجة كلوبا، إن كانت أخت العدرا مريم، بعدما تيتمت وهى طفلة صغيرة؟ ولماذا لم يذكر التقليد هذا؟ ولماذا لم ترسل للهيكل لتعيش مع أختها البكر؟!!!

+

خطورة إنكار دوام بتولية العدرا مريم

إحنا شرحنا استحالة زواج العدرا مريم بعد ميلاد ربنا يسوع المسيح. كمان لو قرينا السنكسار لعيد العدرا مريم (16 مسرى الموافق 22 أغسطس)، حنعرف قصة عقوبة الشخص اللى تعرض لجنازة العدرا مريم (انظر نياحة العدرا مريم الباب التاسع).

والحادثة دى تعرفنا قد إيه كرامة العدرا مريم عند ربنا لأنها البتول الطاهرة والمختارة منذ البداية، وبرضه بتدينا فكرة عن شدة عقاب كل واحد يغلط فى حقها.

الآن وبعد كل هذا المنطق الروحانى البديهي، والدلائل الإنجيلية والتاريخية اللى تؤكد دوام بتولية العدرا مريم، لازم يكون عندنا الشجاعة ونسأل المتشككين فى دوام بتولية العدرا مريم:

ازاى يتجرأ أى إنسان ويفكر إنها إنسانة عادية زى باقى النساء؟

وازاى ينكروا كلام الروح القدس الناطق فى النبوات عن قداسة العدرا مريم ودوام بتوليبتها؟ وأى عقل هذا الذى يفكر أن الله سيسمح لبشر بالنمو فى الحشا الذى تم تقديسه، وصار سماء ثانية، لأسمى غرض فى الوجود؟

لو فكرتم بهدوء حتكتشفوا إن الكلام ده يعتبر استخفاف واستهتار بتدبير الله ذاته، الذى قرر إن سر الخلاص يتم عن طريق التجسد من عذراء بتول طاهرة نقية جداً. وطبعاً إنكار دوام بتولية العدرا مريم ده معناه تدخل البشر فى أمور وتدابير الله لخلاص البشر، والإنجيل بيقول "لَأَنَّ مَنْ عَرَفَ فِكْرَ الرَّبِّ أَوْ مَنْ صَارَ لَهُ مُشِيرًا؟" (رو21:34)، وتبقى العقوبة شديدة جداً!!!!

ويا ترى نقول إيه على العقل اللى يفكر فى مثل كل هذه الأمور البعيدة كل البعد عن العفة، والورع، والتقوى، وأقل قواعد الأخلاق المسيحية؟

كمان فى نقطة مهمة وهى إن الكلام ده يعتبر كذب وظلم شديد للعدرا مريم، واهانة كبرى أكثر بكثير جداً مما لو واحد اتهم راهبة أو فتاة بتول بأنها متجوزة. وإحنا عارفين إن اللى يكذب، أو يظلم، أو يشتم أى إنسان عمره ما حيدخل السما كتعليم الإنجيل:

+ "وَأَمَّا الْخَائِفُونَ وَغَيْرُ الْمُؤْمِنِينَ ... وَجَمِيعُ الْكَذِبَةِ، فَنَصِيبُهُمْ فِي الْبُحَيْرَةِ الْمُتَّقَدَةِ بِنَارٍ وَكِبْرِيَةٍ، الَّذِي هُوَ الْمَوْتُ الثَّانِي." (رو21:8)،

+ "9أَمْ لَسْتُمْ تَعْلَمُونَ أَنَّ الظَّالِمِينَ لَا يَرِثُونَ مَلَكُوتَ اللَّهِ؟ ... وَلَا سَتَأْمُونَ ... يَرِثُونَ مَلَكُوتَ اللَّهِ." (1كو9:10-9)

فما بالكم لما حد يظلم العدرا مريم القديسة الطاهرة أم المخلص؟!!!

فيا ترى مش خايفين من عقوبة السماء لهذا الفكر المنحرف عن الإيمان السليم؟ ومش خايفين من زعل العدرا مريم؟

علشان كده يجب إننا نرفض تماماً كل الأفكار الشريرة اللى بتنكر دوام بتولية القديسة العذراء مريم. والأهم نرفض الإشتراك فى أى نشاط دينى مع الناس اللى بيصروا على هذا الموقف الشرير والمشين.

وكمان نفكرهم بالآية "لِذَلِكَ اطْرَحُوا عَنْكُمُ الْكَذِبَ، وَتَكَلَّمُوا بِالصِّدْقِ كُلِّ وَاحِدٍ مَعَ قَرِيبِهِ، لِأَنَّا بَعْضُنَا أَعْضَاءُ الْبَعْضِ" (أف4:25).

نصيحة مخلصية

أخيراً فى نقطة بديهية مهمة جداً أقولها لمصلحة الجميع:

إحنا عارفين إن ربنا إدى موسى النبى الوصايا العشر ومن ضمنهم الوصية الخاصة بإكرام الوالدين (خر 12:20، تث 17:5). كمان إحنا عارفين إن السيد المسيح كان بيكرم أمه العذرا مريم إكرام فوق الوصف (لو 2:51، يو 19:26-27)، وكمان فى العهد القديم كان فى عقوبات شديدة لدرجة الإعدام لأى شخص يهين أبوه أو أمه (خر 21:15-17، لا 20:9)، وكمان السيد المسيح كرر أهمية هذه الوصية وعقوبة المخالفين (مت 15:4، 19:19، مر 7:10).
وحيث أن السيد المسيح هو ديان البشر فى يوم الدينونة (مت 16:27).
وحيث أنه بحسب الوصية المقدسة، ربنا سيعاقب المذنبين فى حق الأمهات،
إذاً لابد وأن نسأل:

هل معقول إن السيد المسيح يقبل كسر الوصية فى حق أمه؟!!!

أليست هى أكرم وأظهر من كل الأمهات؟!!!

كمان فى نقطة مهمة وهى تعليم السيد المسيح نفسه لما قال "15 وَإِنْ أَخْطَأَ إِلَيْكَ أَخُوكَ فَادْهَبْ وَعَاتِبْهُ بَيْنَكَ وَبَيْنَهُ وَخَذْكُمَْا. إِنْ سَمِعَ مِنْكَ فَقَدْ رَبِحْتَ أَخَاكَ. 16 وَإِنْ لَمْ يَسْمَعْ، فَخُذْ مَعَكَ أَيْضاً وَاحِداً أَوْ اثْنَيْنِ، لِكَيْ تَقُومَ كُلُّ كَلِمَةٍ عَلَى فَمِ شَاهِدَيْنِ أَوْ ثَلَاثَةٍ. 17 وَإِنْ لَمْ يَسْمَعْ مِنْهُمْ فَقُلْ لِلْكَنِيسَةِ. وَإِنْ لَمْ يَسْمَعْ مِنَ الْكَنِيسَةِ فَلْيَكُنْ عِنْدَكَ كَالْوَتْنَى وَالْعَشَارَى." (مت 18:15-17).

فإذا كان ده هو تعليم المسيح عن تعامل البشر مع بعض، طيب هنا نسأل سؤال مهم :

هل مكانة العذرا مريم عند المسيح أقل من أى إنسان؟

قطعاً لا ولا ولا إلى مالا نهاية.

فإذا كان المسيح سيعامل الشخص الذى لا يتراجع عن غلظه فى حق إنسان آخر كالوثنى، طيب هل معقول إن السيد المسيح ديان البشر حيغفر لأى واحد أخطأ وأهان أمه القديسة الطاهرة ضد الوصية المقدسة، ومات من غير ما يتوب عن هذه الخطية ضد أقدس إنسانة فى الوجود؟!!!

الرد واضح من كلام السيد المسيح نفسه:

الإنسان الذى أخطأ فى حق العذرا مريم سواء بالقول أنها تزوجت وأنجبت، أو برفض أمومتها للكنيسة واعتبارها مجرد أخت، السيد المسيح سيعامله زيه زى الوثنى،
وده معناه من غير لف ولا دوران إن المسيح لن يسامحه،
وبالتالى فليس له نصيب فى ملكوت السموات. وهذا هو الموت الأبدى.
هنا نفهم خطورة هذه الأفكار الشريرة عن العذرا مريم.

الخلاصة هي إن تشكيكات الناس في دوام بتولية العدرا مريم وعدم اعطائها الكرامة اللائقة، هو أمر غلط جداً جداً، والناس اللي بتؤمن بالكلام ده بترتكب خطية عظيمة جداً جداً، لأنه يمس كرامة الإناء الطاهر المختار من الله ذاته منذ البداية لخدمة أقدم شئ في الوجود، اللي هو سر التجسد لخلاص كل البشر.

ومن أجل ألا ننال غضب الله، يبقى لازم نفهم إن دوام بتولية العدرا مريم ده موضوع إيماني مهم جداً جداً، لأن القرار هو قرار ربنا، وانكاره هو استهتار بتدبير الله ذاته، وده يعتبر اهانة كبيرة لله ذاته!!!

وهنا نقدم نصيحتين:

النصيحة الأولى للمخطئين: ارجعوا عن طريقكم المؤدى للهلاك. والناس اللي بتنشف دماغها وترفض قبول هذه الحقيقة هم أحرار في تصرفاتهم ودينونتهم قادمة في يوم لا ينفع فيه أى ندم. **النصيحة الثانية للأرثوذكس:** لازم نحترس جداً من الناس دول، ونبعد عنهم كوصية الإنجيل، ولا نتعامل معهم في أى خدمات دينية، لأنهم حيدسوا أفكارهم في أفلام، وكتب رخيصة وفاخرة وجذابة تقدم شرح للكتاب المقدس بطريقة غير أرثوذكسية، وبالتالي بعيدة عن الإيمان السليم، وهكذا ينجحوا في افساد عقول البسطاء. وربما يتسللوا عن طريق بيع الكتاب المقدس وبعدين يقدموا معاه هذه المنتجات الضارة روحياً.

كلمة أقولها بجرأة من أجل حفظ شعبنا البسيط في حظيرة المسيح، وأيضاً من أجل خلاص البعيدين لعلهم يفيقوا من سكرة الهلاك. رغم سوء هذا التصرف، إحنا لا نستغرب منهم هذه التصرفات، لأنهم رفضوا وصايا كثير من وصايا رب المجد وأعظمهم سر الإفخارستيا. كمان معموديتهم هي معمودية غير رسولية، وبالتالي لم ينالوا الروح القدس ويصيروا هياكل مقدسة زى اللي بيتعمدوا في كنيسة رسولية. يعنى روح الله لا يسكن في داخلهم، وبالتالي فطرقهم بعيدة عن الحق. أرجو أن تحترسوا من كلامهم المعسول. الكلام ده مش كلامي، ده هو إيمان الكنيسة الأرثوذكسية وتعاليم الرسل، وأيضاً ما تسلمناه من آباء الكنيسة.

وبالنسبة لينا أحسن حاجة نعملها أمام عنادهم هو أن نسمع كلام السيد المسيح لما قال "أَتْرَكُوهُمْ. هُمْ عُمَيَّانَ قَادَهُ عُمَيَّانِ. وَإِنْ كَانَ أَعْمَى يَقُودُ أَعْمَى يَسْقُطَانِ كِلَاهُمَا فِي حُفْرَةٍ". (مت14:15).

العذراء هي

والدة الإله

العدرا مريم هي والدة الإله

جميع الكنائس الرسولية تطلق لقب "والدة الإله" على العدرا مريم. وفي الحقيقة هذا اللقب هو من الله ذاته، لأن أى واحد مسيحي دارس الإنجيل كويس بيؤمن أن الإنجيل كتبه أنبياء العهد القديم والرسول فى العهد الجديد بإرشاد من الروح القدس، وبالتالي كانوا معصومين من الخطأ. "كُلُّ الْكِتَابِ هُوَ مُوحَىٰ بِهِ مِنَ اللَّهِ، وَنَافِعٌ لِلتَّعْلِيمِ وَالتَّوْبِخِ، لِلتَّقْوِيمِ وَالتَّأْدِيبِ الَّذِي فِي الْبِرِّ" (2تى3:16).

ولأن تعبير "والدة الإله" له علاقة مباشرة بإيماننا بلاهوت السيد المسيح وطبيعته، حيث اللاهوت متحد بالإنسان من لحظة البشارة بدون اختلاط ولا امتزاج ولا تغيير. لهذا فإن هدف هذا الباب هو إزالة الشك من قلوب الذين يرفضون هذا اللقب رغم أنهم يقولوا إنهم مسيحيين. وبالطبع الرد سيكون من الكتاب المقدس نفسه، وحنشوف ازاي إن هذا التعبير هو إنجيلي مائة فى المائة. ولأن الإنجيل مكتوب بإرشاد الروح القدس، يبقى هذا التعبير هو بتأييد من الروح القدس، أى قرار إلهي لأننا نؤمن بإله واحد مثلث الأقانيم: الآب والإبن والروح القدس. علشان كده نحن لا نملك حق تغيير هذا القرار الإلهي - من أجل خاطر الناس اللى بترفض هذا القرار، علشان يبقوا مبسوطين مننا؟؟!!

لهذا فمن واجبنا إننا نفكرهم بتعليم الروح القدس الناطق على لسان الرسل "يَنْبَغِي أَنْ يُطَاعَ اللَّهُ أَكْثَرَ مِنَ النَّاسِ" (أع5:29). وطالما إننا أثبتنا ليهم إن تعبير "والدة الإله" له جذور إنجيلية، يبقى ضميرنا المسيحي يحتم علينا أن ننصحهم ونقول لهم : لا ترفضوا كلام الإنجيل إذا كنتم متمسكين بالإنجيل وتعاليمه!!

قبل ما نراجع الشواهد الإنجيلية، أحب أن أنبه القراء إلى أن التساؤلات فى هذا الموضوع ليست جديدة على الكنيسة. بس فى فرق بين واحد عايز يزداد علم ومعرفة بالإيمان وجذوره، وآخر يرفض معرفة كلام الإنجيل ويصر على خطئه. ولأن الكنيسة الجامعة الرسولية واجهت النوع الرافض والمعاند فى القرون الأولى وحسمت المناقشات بقرار مسكوني. علشان كده تعالوا بينا نراجع التاريخ المسيحي بسرعة علشان نبقي فاهمين الخلفية التاريخية لجهد كنيستنا القبطية فى حفظ الإيمان الرسولى سليماً ضد البدع والهرطقات التى أنكرت ومازالت تنكر لاهوت السيد المسيح، سواء بطريق مباشر، أو بطريق ملتوى بإنكار أمومة العدرا مريم لأقنوم الكلمة المتجسد برفضهم قبول لقب العدرا مريم "ثيوتوكوس". وزى ما إحنا عارفين هذا اللقب معطى من الروح القدس لما نطق على لسان القديسة أليصابات. وأيضا نفهم ليه كنيستنا حاربت بشدة ضد كل من أراد الفصل بين لاهوت وناسوت السيد المسيح.

إحنا عارفين من بشارة القديس لوقا إن الملاك قال للعدرا مريم "الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تَظَلِّلُكَ، فَلِذَلِكَ أَيْضاً الْقُدُّوسُ الْمَوْלוُدُ مِنْكَ يُدْعَى ابْنُ اللَّهِ" (لو:1:35).

وبعد بشارة الملاك للعدرا مريم جريت إلى بيت القديسة أليصابات علشان تخدمها، وبمجرد ما سلمت عليها امتلأت أليصابات من الروح القدس وصرخت "فَمِنْ أَيْنَ لِي هَذَا أَنْ تَأْتِيَ أُمُّ رَبِّي إِلَيَّ؟" (لو:1:43). الكنيسة الرسولية على طول قالت يبقى ده هو قرار الروح القدس فأطلقوا هذا التعبير على العدرا مريم، وما تنسوش إن الروح القدس كان فعال بشدة فى الكنيسة فى هذه الأيام كما يشهد سفر أعمال الرسل وتاريخ الكنيسة، وهكذا تسلمت الكنيسة هذا التعليم.

فى القرن الرابع الميلادى ظهر فى الإسكندرية قسيس اسمه أريوس، ويقال أنه كان من ليبيا، استطاع أن يأسر عقول ناس كتيرة لأن وعظه كان جذاب وصوته جميل وألحانه عجبت الناس، لكنه طلع ببدعة وتعاليم أنكرت لاهوت السيد المسيح، فإنعقد المجمع المسكونى الأول بنيقية سنة 325م وقرر حرمان تعاليم أريوس، وكان بطل المجمع القديس أثناسيوس القبطى وكان وقتها مجرد شماس فى الكنيسة القبطية بالإسكندرية. وفيما بعد صار بابا الكنيسة القبطية وجاهد جهاد الأبطال للحفاظ على إيمان الكنيسة الجامعة الرسولية ولهذا أعطى لقب "الرسولى".

وبعدين فى القرن الخامس الميلادى حارب نسطور بطريرك القسطنطينية بدعة أريوس ولكنه أتى ببدعة جديدة. وبدعته بتقول { أن الجزء اللاهوتى من طبيعة المسيح لم يولد من العذراء لأن الخليقة لم تلد الخالق بل ولدت إنسانا آلة لللاهوت، وبالتالي لا يحق أن ندعو العذراء "أم الله" بل "والدة المسيح" }.

هنا نأخذ بالنأ لأن ده هو نفس كلام البدع الحديثة. وأيضا علّم نسطور أن اللاهوت لم يتحد بالناسوت بل ساعده فقط. ومن ترتيبات الله إن شعب القسطنطينية كانوا واعيين ورجالة، فثاروا على نسطور، وأرسلوا تفاصيل بدعته وتعاليمه لكنائس العالم، ووصلت الأخبار إلى بابا الإسكندرية القديس العظيم كيرلس. وبعدين البابا كيرلس عقد مجمع محلى وأصدر بيان يناشد نسطور التوبة، وفى آخر الرسالة وضع 12 بند مشهورين باسم الحرمانات الإثنى عشر. وإليك أول هذه البنود "من لا يعترف بأن عمانوئيل هو الله حقا، وبالتالي فإن القديسة العذراء هى الثيوتوكس إذ ولدت كلمة الله المتجسد حسب الجسد فليكن محروما".

ولكن نسطور رفض نداء الكنيسة وأصر على موقفه، فإنعقد المجمع المسكونى الثانى سنة 431م فى أفسس برئاسة القديس العظيم القبطى البابا كيرلس عمود الدين، واصطحب معه القديس العظيم الأنبا شنوده رئيس المتوحدين، وقرر المجمع حرمان نسطور وكل تعاليمه. هنا لازم نفهم نقطة مهمة عن بدعة نسطور لأنها ستنبهنا إلى خطورة رأى اللى بيرفض تسمية العدرا مريم "والدة الإله". بدعة نسطور نادت بـ إنفصال اللاهوت عن الناسوت،

ورفضت الإيمان المسيحي "بأن طبيعة السيد المسيح منذ لحظة التجسد هي طبيعة واحدة من طبيعتين متحدتين بدون اختلاط ولا امتزاج ولا تغيير. طبيعة اللاهوت وطبيعة الناسوت". وهذا الإيمان المسيحي يستند على بشارة الملاك للعدرا مريم وكلام الروح القدس على لسان أليصابات.

وبحسب شرح بابا الإسكندرية القديس أثناسيوس الرسولي بطل الإيمان الأرثوذكسي السليم، كما تعترف كل كنائس العالم الرسولية، شرح لنا بأن هذا الاتحاد لم ينقص من الطبيعتين أو يغيرها.

يعنى اللاهوت ظلّ كاملاً مائلاً لكل الكون، والناسوت أيضاً كان كاملاً فى كل شئ، ورغم أنه شابهنا فى كل شئ لكنه كان خاليا من الخطية كما جاء بالإنجيل: "الَّذِي لَمْ يَفْعَلْ خَطِيئَةً، وَلَا وُجِدَ فِيهِ مَكْرٌ" (1بط2:22)، "وَتَعْلَمُونَ أَنَّ ذَاكَ أَظْهَرَ لِكَي يَرْفَعَ خَطَايَانَا، وَلَيْسَ فِيهِ خَطِيئَةٌ." (1يو3:5). لهذا جاع الناسوت وعطش وتألم ... إلخ، أما اللاهوت المالى كل الكون فلم يتألم أو يعطش أو يجوع ... إلخ فى كل الأمور البشرية، لكنه كان شاهداً على كل ما يحدث للناسوت.

الكلام ده مهم جداً لفهم تعبير "والدة الإله"، لأن فى ناس بتفتكر إن هذا التعبير معناه انكماش الله ليصير محدود فى حجم الإنسان بداية من حجم الجنين إلى الإنسان الكامل، قطعاً ده كلام غلط مائة فى المائة، وحاشا لنا أن نؤيد مثل هذا الكلام الشرير لأن الله "هُوَ هُوَ أَمْساً وَالْيَوْمَ وَإِلَى الْأَبَدِ." (عب13:8). الله قادر على كل شئ، فلما يأمر "كن" فإن الأمر يتم كما أراد ولا رادٍ لقضائه.

ودلوقت تعالوا نراجع ما جاء بالكتاب المقدس فى هذا الشأن:

الله خلق البشر لأنه صالح. فلما سقط آدم وحواء ربنا وعدهم بالخلاص من الشيطان لما يسحق نسل المرأة الحية، يعنى لما يتجسد أقنوم الابن الكلمة ويقدم جسده المقدس نيابة عن البشر على عود الصليب.

لهذا فإن تجسد أقنوم الكلمة من العذراء مريم ليكون فداءً أبدياً عن كل البشر هو قرار إلهى ولا رادٍ لقضائه.

وزى ما ربنا أعطى آدم حرية طاعة أو عصيان وصيته،

كذلك أيضاً كل البشر أحرار يالما يقبلوا قرار الفداء بدم ربنا يسوع المسيح ويتمتعوا بالنعم الروحية العظيمة، أو يرفضوها وفى الحالة دى "كل واحد ذنبه على جنبه" زى المثل الشعبى ما بيقول.

هنا فى ناس حتسأل: ازاي نقبل إن العدرا مريم تلد اللاهوت؟

الرد سهل جداً: حاشا لنا أن نقول أن العذرا مريم ولدت اللاهوت ومن يظن هذا فهو غلطان جداً في فهمه.

تعالوا نراجع هذا الموضوع خطوة خطوة علشان نفهم معنى هذا التعبير:

+ الله روح غير مرئى، وغير ملموس، ونحن نؤمن أن الله روح. والذين يعرفونه المعرفة الحقيقية لا يعرفونه إلا بالروح والحق، أى بالروح القدس. "اللَّهُ رُوحٌ. وَالَّذِينَ يَسْجُدُونَ لَهُ فَبِالرُّوحِ وَالْحَقِّ يَنْبَغِي أَنْ يَسْجُدُوا" (يو4:24).

+ نحن نؤمن أن الكتاب المقدس موحى من الله "كُلُّ الْكِتَابِ هُوَ مُوحًى بِهِ مِنَ اللَّهِ، وَنَافِعٌ لِلتَّعْلِيمِ وَالتَّوْبِيعِ، لِلتَّقْوِيمِ وَالتَّأْدِيبِ الَّذِي فِي الْبَرِّ" (2تم3:16).

+ نحن نؤمن أن الله واحد مثلث الأقانيم: الآب والابن والروح القدس، وليس معنى هذا أننا نؤمن بثلاثة آلهة كما يظن البعض.

+ إيماننا بوحداية الله أساسه كل ما جاء بالكتاب المقدس عن الله الواحد المثلث الأقانيم، والآيات التى تعلن هذا الإيمان وتؤكدته كثيرة جداً، وعلشان كده بنبدأ قانون الإيمان ونقول "بالحقيقة نؤمن بالله واحد ... "

+ نحن نؤمن أن الله وعد البشر أنه بنسل المرأة يسحق رأس الحية، أى أن أقنوم الكلمة المتجسد يسحق الشيطان ويخلص البشر (تك3: 15).

+ أشعياء رأى بعين النبوة هذا الأمر فتنبأ وقال "وَلَكِنْ يُعْطِيكُمْ السَّيِّدُ نَفْسَهُ آيَةً. هَا الْعَذْرَاءُ تَحْبِلُ وَتَلِدُ ابْنًا وَتَدْعُو اسْمَهُ عِمَّا نُؤِيلَ" (أش7:14).

+ القديس متى البشير فسر هذه النبوة بإرشاد الروح القدس عندما كتب "22 وَهَذَا كُلُّهُ كَانَ لِكَيَّ يَتِمَّ مَا قِيلَ مِنَ الرَّبِّ بِالنَّبِيِّ الْقَائِلِ: 23 هُوَذَا الْعَذْرَاءُ تَحْبِلُ وَتَلِدُ ابْنًا، وَيَدْعُونَ اسْمَهُ عِمَّا نُؤِيلَ الَّذِي تَفْسِيرُهُ: اللَّهُ مَعَنَا." (مت22:23).

+ نحن نؤمن أن أقنوم الابن الكلمة تجسد من الروح القدس والعذراء مريم "31 وَهَا أَنْتِ سَتَحْبِلِينَ وَتَلِدِينَ ابْنًا وَتُسَمِّيْنَهُ يَسُوعَ. 32 هَذَا يَكُونُ عَظِيمًا، وَابْنُ الْعَلِيِّ يَدْعَى، وَيُعْطِيهِ الرَّبُّ إِلَهِ كُرْسِيِّ دَاوُدَ أَبِيهِ. 33 وَيَمْلِكُ عَلَى بَيْتِ يَعْقُوبَ إِلَى الْأَبَدِ، وَلَا يَكُونُ لِمُلْكِهِ نِهَايَةٌ. 34 فَقَالَتْ مَرْيَمُ لِلْمَلَاكِ: كَيْفَ يَكُونُ لِي هَذَا وَأَنَا لَسْتُ أَعْرِفُ رَجُلًا؟ 35 فَأَجَابَ الْمَلَاكُ وَقَالَ لَهَا: الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تُظَلِّلُكَ، فَلِذَلِكَ أَيْضًا الْقُدُّوسُ الْمَوْلُودُ مِنْكَ يَدْعَى ابْنَ اللَّهِ" (لو1:31-35).

+ ولكن من هو المولود من العذراء؟ "1 فِي الْبَدْءِ كَانَ الْكَلِمَةُ، وَالْكَلِمَةُ كَانَتْ عِنْدَ اللَّهِ، وَكَانَ الْكَلِمَةُ اللَّهُ. 2 هَذَا كَانَ فِي الْبَدْءِ عِنْدَ اللَّهِ. 3 كُلُّ شَيْءٍ بِهِ كَانَ، وَبِغَيْرِهِ لَمْ يَكُنْ شَيْءٌ مِمَّا كَانَ. ... 14 وَالْكَلِمَةُ صَارَ جَسَدًا وَحَلَّ بَيْنَنَا، وَرَأَيْنَا مَجْدَهُ، مَجْدًا كَمَا لَوَحِيدٍ مِنَ الْآبِ، مَمْلُوءًا نِعْمَةً وَحَقًّا." (يو1:1-14).

"16 **وَبِالْإِجْمَاعِ عَظِيمٍ هُوَ سِرُّ التَّقْوَى**: **اللهُ ظَهَرَ فِي الْجَسَدِ، تَبَرَّرَ فِي الرُّوحِ، تَرَاعَى لِمَلَائِكَةٍ، كُرِّرَ بِهِ بَيْنَ الْأُمَمِ، أُؤْمِنَ بِهِ فِي الْعَالَمِ، رُفِعَ فِي الْمَجْدِ.**" (اتم 16:3).
+ لهذا نؤمن أن "الله لم يره أحد قط. الابن الوحيد الذي هو في حضن الآب هو خبر." (يو 18:1).

+ إذاً "عمانويل - الله معنا" تعنى تجسد أقنوم الكلمة حيث اللاهوت متحد بالاناسوت بغير اختلاط ولا إمتزاج ولا تغيير.

+ لهذا عندما سلمت العذراء على القديسة أليصابات امتلأت من الروح القدس وصرخت قائلة "41 **فَلَمَّا سَمِعَتْ أَلِيصَابَاتُ سَلَامَ مَرْيَمَ ارْتَكُضَ الْجَنِينُ فِي بَطْنِهَا، وَامْتَلَأَتْ أَلِيصَابَاتُ مِنَ الرُّوحِ الْقُدُسِ،** 42 **وَصَرَخَتْ بِصَوْتٍ عَظِيمٍ وَقَالَتْ: مُبَارَكَةٌ أَنْتِ فِي النِّسَاءِ وَمُبَارَكَةٌ هِيَ ثَمَرَةٌ بَطْنِكَ.** 43 **فَمِنْ أَيْنَ لِي هَذَا أَنْ تَأْتِيَ أُمُّ رَبِّي إِلَيَّ؟"** (لو 41"1-43).

والسيد المسيح أكد لاهوته وأنه أقنوم الابن كما هو واضح بالأخص فى بشارة معلمنا القديس يوحنا وإليك بعض أقواله:

+ "17 **فَأَجَابَهُمْ يَسُوعُ: أَبِي يَعْمَلُ حَتَّى الْآنَ وَأَنَا أَعْمَلُ.** 18 **فَمِنْ أَجْلِ هَذَا كَانَ الْيَهُودُ يَطْلُبُونَ أَكْثَرَ أَنْ يَقْتُلُوهُ، لِأَنَّهُ لَمْ يَنْقُضِ السَّبْتَ فَقَطْ، بَلْ قَالَ أَيْضاً إِنَّ اللَّهَ أَبُوهُ، مُعَادِلاً نَفْسَهُ بِاللَّهِ. ...** 21 **لَأَنَّهُ كَمَا أَنَّ الْآبَ يُقِيمُ الْأَمْوَاتَ وَيُحْيِي، كَذَلِكَ الْإِبْنُ أَيْضاً يُحْيِي مَنْ يَشَاءُ"** (يو 5:17-21).
+ "29 **أَنَا أَعْرِفُهُ لِأَنِّي مِنْهُ، وَهُوَ أَرْسَلَنِي"** (يو 7:29).

+ "فَقَالُوا لَهُ: مَنْ أَنْتَ؟ فَقَالَ لَهُمْ يَسُوعُ: **أَنَا مِنَ الْبَدْءِ مَا أَكَلَمَكُمُ أَيْضاً بِهِ"** (يو 8:25).
+ "30 **أَنَا وَالْآبُ وَاحِدٌ. ...** 36 **فَالَّذِي قَدَسَهُ الْآبُ وَأَرْسَلَهُ إِلَى الْعَالَمِ، أَتَقُولُونَ لَهُ: إِنَّكَ تُجَدِّفُ، لِأَنِّي قُلْتُ إِنِّي ابْنُ اللَّهِ؟** 37 **إِنْ كُنْتُ لَسْتُ أَعْمَلُ أَعْمَالِ أَبِي فَلَا تُؤْمِنُوا بِي.** 38 **وَلَكِنْ إِنْ كُنْتُ أَعْمَلُ، فَإِنْ لَمْ تُؤْمِنُوا بِي فَامِنُوا بِالْأَعْمَالِ، لِكَيْ تَعْرِفُوا وَتُؤْمِنُوا أَنَّ الْآبَ فِيَّ وَأَنَا فِيهِ."** (يو 10:30-38).

+ وحيث أن أقنوم الكلمة فى تجسده أخذ جسدا من العذراء،
+ إذاً العذراء كأم للمسيح ولدت **ناسوت** كلمة الله المتجسد،
+ إذاً هى **أم الله المتجسد**، ولكن لا يعنى هذا أنها ولدت اللاهوت لأن اللاهوت روح. وهنا نرجع للقديس كيرلس عمود الدين لما قال ما معناه "إذا كانت الأمهات لا يهبن أولادهن أرواحهم، ومع ذلك ما حدش يقول إن الأم التى تلد إنسان هى أم للجسد فقط، بل أم للإنسان المخلوق من الله الحى فى هذا الجسد، كذلك العذراء مريم هى أم يسوع الذى هو نفسه الله"
+ وبالتالي فإننا على حق أن ندعوها "**والدة الإله**". لأن لاهوته لم يفارق ناسوته لحظة واحدة ولا طرفة عين منذ لحظة البشارة التى هى لحظة بداية التجسد.
الكلام ده معناه أن اللاهوت لم يولد من بشر،

وأيضا اللاهوت لم يصر بشرا ثم تناسل بشريا وولد جسديا ناسوت أقنوم الكلمة المتجسد. للأسف هذا الفكر الهرطوقى ظهر فى الجزيرة العربية فى القرون الأولى وحاربته الكنيسة بشدة.

أما الميلاد الإلهى لأقنوم الابن من أقنوم الآب فهو أمر يفوق مفهوم البشر وكل من يريد الخلاص فليقبله بإيمان وشكر لله الذى أعلنه لنا من خلال تجسد أقنوم الكلمة. "الله لَمْ يَرَهُ أَحَدٌ قَطُّ. الْإِبْنُ الْوَحِيدُ الَّذِي هُوَ فِي حِضْنِ الْآبِ هُوَ خَبَرٌ." (يو:18). ومن أجل إقناع المعارضين تعالوا نسأل: لما الإنجيل يقول "وَالْكَلِمَةُ صَارَ جَسَدًا" (يو:14) مش ده معناه أن الله تجسد.

طيب هل معقول إن اللاهوت يكون منفصل عن الناسوت فى أى لحظة؟

قطعا لا. لأنه لو كان المسيح سيولد كناسوت فقط، وبعدين يحل عليه اللاهوت لقال "ولد وحل الكلمة على الجسد". لكنه قال "وَالْكَلِمَةُ صَارَ جَسَدًا". إذاً اتحاد اللاهوت بالناسوت تم من أول لحظة للتجسد، أى من لحظة الحمل المقدس، ليقدهه ويجعله ذبيحة مقبولة أمام الله الآب قادرة على محو ذنوب كل البشر من آدم لغاية نهاية العالم.

طيب عرفنا منين إن اللاهوت اتحد بالناسوت من أول لحظة؟

إحنا عارفين ونؤمن من كلام الإنجيل أن الله واحد مثلث الأقانيم الآب والابن والروح القدس، ما فيش رد أحسن مما ورد بالإنجيل فلما يقول: "الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تَظَلُّكَ، فَذَلِكَ أَيْضاً الْقُدُّوسُ الْمَوْلُودُ مِنْكَ يُدْعَى ابْنُ اللَّهِ." (لو: 1 : 35). لما ندرس الآية:

"الرُّوحُ الْقُدُسُ يَحِلُّ عَلَيْكَ، وَقُوَّةُ الْعَلِيِّ تَظَلُّكَ"

يبقى ده معناه إن الله أقنوم الآب ظللها، والله أقنوم الابن مولود منها، والله أقنوم الروح القدس يحل عليها،

يعنى اللاهوت حاضر من لحظة بدء الحمل المقدس،

يعنى اللاهوت متحد بالناسوت من هذه اللحظة.

ولما نرجع لأشعيا الذى رأى بعين النبوة هذا الأمر فتنبأ وقال "وَلَكِنْ يُعْطِيكُمْ السَّيِّدُ نَفْسَهُ آيَةً. هَا الْعَذْرَاءُ تَحْبِلُ وَتَلِدُ ابْنًا وَتَدْعُو اسْمَهُ عِمَّاوُئِيلَ" (أش: 7 : 14).

والقديس متى البشير فسّر هذه النبوة بإرشاد الروح القدس عندما كتب "22 وَهَذَا كُلُّهُ كَانَ لِكَي يَتِمَّ مَا قِيلَ مِنَ الرَّبِّ بِالنَّبِيِّ الْقَائِلِ: 23 هُوَذَا الْعَذْرَاءُ تَحْبِلُ وَتَلِدُ ابْنًا، وَيَدْعُونَ اسْمَهُ عِمَّاوُئِيلَ الَّذِي تَفْسِيرُهُ: الله معنا". (مت 23:1-22).
هنا نسأل:

طبيب عمانوئيل المولود من العذراء ألم يبدأ كجنين؟

بكل تأكيد تجسد السيد المسيح بدأ كجنين،
وحيث أن الروح القدس حل منذ اللحظة الأولى للبشارة كقول الملاك "الرُّوحُ الْقُدُسُ يَحِلُّ عَلَيْكَ"،
وحيث أن الملاك قال "فَلِذَلِكَ أَيْضاً الْقُدُّوسُ الْمَوْلُودُ مِنْكَ يُدْعَى ابْنُ اللَّهِ"،
إذاً فالمولود هو أقبوم الإبن المتجسد من العذراء مريم والروح القدس هو هو نفسه الذي بدأ كجنين في الحشا البتولى، ثم ولد ونما وتأنس، وصار معروفا لكل البشر بإسم يسوع المسيح، ونحن نؤمن أنه هو هو بالحقيقة كلمة الله المتجسد.
فالناس اللى بترفض تعبير "والدة الإله" لازم نسألهم:

هل عمانوئيل المولود من العذراء لما كان جنين، هل بدأ تأنسه كجنين ثم اتحد به اللاهوت، أم بدأ كلاهوت متحد بالناسوت؟

أعتقد إن كل المسيحيين العاقلين حيقلوا "لا نقبل أى مساس بموضوع اتحاد اللاهوت بالناسوت من اللحظة الأولى للبشارة". هنا نأخذ بالناسوت أى واحد يرفض الإيمان بأن اللاهوت اتحد بالناسوت من اللحظة الأولى للتجسد هو سواء بعلم أو بغير علم يؤيد بدعة نسطور، وده موضوع خطير جداً لازم نحترس منه.

الكتاب المقدس يقول "وَبِالْإِجْمَاعِ عَظِيمٍ هُوَ سِرُّ التَّقْوَى: اللَّهُ ظَهَرَ فِي الْجَسَدِ، تَبَرَّرَ فِي الرُّوحِ، تَرَأَى لِمَلَائِكَةٍ، كُرِّزَ بِهِ بَيْنَ الْأُمَمِ، أُؤْمِنَ بِهِ فِي الْعَالَمِ، رُفِعَ فِي الْمَجْدِ". (1 تيمو 3:16).

طبيب ظهور الله فى الجسد متى بدأ؟

لو قالوا بعد الميلاد يبقوا فصلوا بين اللاهوت والناسوت، يعنى تابعين لبدعة نسطور.
أما نحن فنقول بكل تأكيد إن التجسد بدأ منذ لحظة قبول العذراء مريم للبشارة، إذاً الله ظهر فى الجسد من هذه اللحظة.

الخلاصة

من كل ما سبق نقدر نقول بثقة كاملة أن إيمان الكنيسة الواحدة الجامعة الرسولية بأن العذراء هي "والدة الإله" هو إيمان مسيحي سليم مائة في المائة، لأنه أيضا يؤكد الإيمان المسيحي الرسولي بأن طبيعة السيد المسيح الواحدة هي هي لم تتغير منذ لحظة قبول العذراء مريم للبشارة حيث اللاهوت متحد بالاناسوت بدون اختلاط ولا امتزاج ولا تغيير.

ومرة ثانية لما شخص يقول هي "أم يسوع" حسب كلام الإنجيل، يبقى لازم نسأله:

وهل تؤمن أن المسيح هو أقنوم الله الكلمة المتجسد أم لا؟

فإذا كان يؤمن بأن المسيح هو أقنوم الله الكلمة المتجسد، يبقى ليه يرفض لقب "والدة الإله"؟
!!!

وإذا لف ودار، ساعتها نعرف أنه غير مؤمن بلاهوت السيد المسيح زى بعض الطوائف الأمريكية الجديدة.

ومرة ثانية أفكركم بخطورة السكوت أمام ناكري أمومة العذراء مريم لله الكلمة المتجسد كما حذرنا القديس البابا كيرلس عمود الدين في حرماناته الإثنى عشر.

العدرا مريم فى طقس الكنيسة

(أ) العدرا مريم فى إيمان الكنيسة:

تطويب العدرا مريم كأمر الروح القدس
تقنين ادعاء البعض أن العدرا مريم أخت لنا
ألقاب العدرا مريم ومعانيها
العدرا مريم وكهنوت المرأة
العدرا مريم فى أيقونات الكنيسة

(ب) العدرا مريم فى صلوات الكنيسة:

فى التسبحة
فى سهرات شهر كيهك
فى صلوات الساعات (صلوات الأجبية)
فى صلوات عشية وباكرو القداسات
أعياد وتذكارات العدرا مريم

القديسة العذرا مريم فى إيمان الكنيسة وصلواتها

(أ) العذرا مريم فى إيمان الكنيسة

كنيستنا بدأت ومازالت مستمرة من أيام مارمرقس، يعنى كنيسة من أيام الرسل، علشان كده إيماننا هو نفس إيمان الكنيسة الأولى الجامعة الرسولية الأرثوذكسية الممتدة منذ عصر الرسل. بالنسبة لمكانة العذرا مريم فى الإيمان المسيحى الأرثوذكسى، فهى مكانة مبنية على كل ماورد عنها فى الإنجيل، وفى التقليد الذى استلمناه من الرسل الأطهار وآباء الكنيسة الأولين. يعنى إحنا بندى العذرا مريم مكانتها السليمة من غير ما نزود شئ، أو ننقص شئ زى بعض الطوائف الغير رسولية.

ودلوقتى تعالوا نلخص كل هذه الحقائق:

- + العذرا مريم فى فكر ربنا منذ البداية لأنها المختارة والأم اللى حيتجسد منها أقنوم الكلمة من أجل خلاص كل البشر.
- + العذرا مريم تنبأ عنها كل أنبياء العهد القديم، سواء بنبوات مباشرة، أو غير مباشرة، لما تنبأوا عن خلاص البشر بتجسد السيد المسيح.
- + العذرا مريم وُلِدَتْ من أبوين زى كل البشر ما بيتولدوا، يعنى كانت محتاجة لنوال الخلاص بدم ربنا ومخلصنا يسوع المسيح.
- + العذرا مريم هى أول من آمن بالرب يسوع المسيح كمخلص للبشر، وأعلنت هذا الإيمان عند زيارتها للقديسة أليصابات بعد ما بشرها الملاك بتجسده منها (لو 1 : 47).
- + العذرا مريم نالت الخلاص زى كل البشر، لما المسيح قدم نفسه على عود الصليب نيابة عن كل البشر. وصارت عضو حى فى الكنيسة الجامعة الرسولية زى كل المؤمنين، أى فى جسد المسيح. ورغم أنها عضو أول متقدم، لكنها غير منفصلة عن الكنيسة.
- + العذرا مريم فاقت كل البشر فى قداستها وطاعتها لله بدون مناقشة. ورغم إنها امتلأت من الروح القدس وحملت جمر اللاهوت فى أحشائها، وده أمر يفوق العقل، ومع ذلك العذرا مريم كانت فى منتهى التواضع لدرجة إنها راحت تخدم القديسة أليصابات وهى حامل للقديس يوحنا المعمدان فى شهورها الأخيرة، ثم رجعت لبيتها.
- + العذرا مريم أصبحت سماء ثانية بسبب الحمل المقدس، والحشا البتولى صار قدس أقداً.

+ العذرا مريم هي ملكة جالسة عن يمين السيد المسيح في الفردوس، وفيما بعد في ملكوت السموات حسب النبوات، وبالتالي أصبحت أعلى من الشاروبيم والساووفيم وكل رتب الملائكة والشهداء والأنبياء والقديسين والأبرار.

+ علشان كده شفاعتها عن البشر أمام ربنا يسوع المسيح هي شفاععة مقتدرة، غير شفاععة القديسين والملائكة التوسلية، والدليل على كده إن أول معجزة يعملها السيد المسيح هي معجزة عرس قانا الجليل، اللي عملها علشان خاطرها بسبب شفاعتها لأهل الفرح.

+ العذرا مريم هي عذراء بتول قبل الحمل المقدس، وظلت بتول أثناء الحمل، وأيضا ظلت بتول من بعد الميلاد الإعجازي وإلى آخر لحظة من حياتها. لأنه إذا كان الحمل قد تم بسر عجيب ومذهل، طيب إيه المانع أن يتم الميلاد بطريقة إعجازية حسب ترتيب الله ذاته كما جاء بالنبوات "هَذَا الْبَابُ يَكُونُ مُغْلَقًا، لَا يُفْتَحُ وَلَا يَدْخُلُ مِنْهُ إِنْسَانٌ، لِأَنَّ الرَّبَّ إِلَهَ إِسْرَائِيلَ دَخَلَ مِنْهُ فَيَكُونُ مُغْلَقًا". حزقيال (44: 4). وما ننساش إن الرب أعلن وأكد هذه الحقيقة علانية وبطريقة عملية عندما دخل ربنا يسوع المسيح إلى العلية والأبواب مغلقة والتلاميذ مجتمعين بعد القيامة من الأموات (يو20:19). إذا فدوام بتولية العذرا مريم هي حقيقة إنجيلية أكيدة لا تقبل النقاش.

+ الروح القدس كشف لنا لقب العذرا مريم المعطى من السما لما صرخت القديسة أليصابات "فَمِنْ أَيْنَ لِي هَذَا أَنْ تَأْتِي أُمُّ رَبِّي إِلَيَّ؟". ولأننا بنؤمن إن اللاهوت اتحد بالناسوت من أول لحظة للتجسد بدون اختلاط، ولا امتزاج، ولا تغيير، علشان كده الكنيسة أخذت كلام الروح القدس من لسان القديسة أليصابات وأطلقت على العذرا مريم لقب "ثيوتوكوس". ويبقى كل مسيحي ييعترض على هذا اللقب هو في الحقيقة ييعترض على قرار الروح القدس كما هو مكتوب في الإنجيل، يعنى ييعترض على قرار إلهي، وده أمر خطير يجب أن يتوب عنه كل إنسان يترجى الحياة الأبدية قبل فوات الأوان.

+ أخيراً العذرا مريم نالت الخلاص.

+ وفي النهاية زى كل البشر العذرا مريم تنيحت بسلام وأسلمت روحها في يدى يسوع المسيح وبحضور الرسل والطغمت السمائية ودفنت، لكن المسيح أرسل الملائكة ليحملوا جسدها إلى السماء.

ازاي العذرا مريم تكون أعلى من الشاروبيم والساووفيم؟

الرد سهل جداً. الشاروبيم والساووفيم دول مخلوقات نورانية لم تسقط مثل الشيطان اللي كان برضه مخلوق نوراني وسقط. فلما ربنا يقرر إن العذرا مريم تجلس في ملكوت السموات في رتبة أعلى من كل الطغمت السماوية يبقى ماحدش يعترض وإنما نقول آمين.

كمان معروف إن اللاهوت حل فى حشا العذراء وطهره فصار سماء ثانية وقدس أقدس، لكن اللاهوت لم يحل فى أى من الطغمت السمائية.

كمان من دراستنا للإنجيل نعرف إن المخلوقات الأربعة تحمل عرش الله، والعدرا مريم جالسة عن يمين رب المجد، وكمان العدرا مريم حملت المسيح وهو طفل على حجرها، أى صارت عرش له، تبقى العدرا مريم أعلى من المخلوقات الأربعة.

علشان كده نوّمن ونصدق أن العدرا مريم لها مكانة أعلى من كل رتب الملائكة والطغمت السمائية.

+

دوام بتولية العدرا مريم قبل وبعد ميلاد المسيح

زى ما شرحنا بالتفصيل فى الفصل الحادى عشر إحنا بنوّمن بدوام بتولية العدرا مريم قبل وبعد الميلاد المعجزى وإلى وقت نياحتها.

+

تطويب العدرا مريم كأمر الروح القدس

لما العدرا مريم زارت القديسة أليصابات علشان تخدمها نطق الروح القدس على لسان العدرا مريم وأمرنا بتطويبها زى ما قالت "فَهْوَذَا مُنْذُ الْآنَ جَمِيعُ الْأَجْيَالِ تُطَوِّبُنِي" وعلشان كده كنيسة تطوب العدرا مريم فى كل طقوسها وصلواتها.

إحنا كنيسة رسولية تقليدية متسلسلة من عصر الرسل، وما زلنا متمسكين بكل الإيمانيات اللى استلمناها من السيد المسيح عن طريق تعاليم الرسل.

وبالتالى نرفض مبادئ جميع الحركات الغير رسولية التى انشقت عن الكنيسة الأم الجامعة الرسولية. علشان كده لازم نبقى حريصين جداً من مبادئهم لأنهم بيرددوا بعض الإيمانيات السليمة فى وسط كلامهم لخداع البسطاء.

لكن فى نفس الوقت إحنا عارفين إن الله أعطى آدم حرية الاختيار بين طاعة وصايا الله أو عصيانها. وإحنا عارفين نتيجة العصيان.

إذاً الناس أحرار فى الإنضمام لأى دين أو مذهب. أيضاً هم أحرار يالما يوقروا العدرا مريم، أو يرفضوا توقيرها.

ولكن فى النهاية كلنا سنحاسب أمام ربنا يسوع المسيح فى يوم الدينونة (مت 27:16، يو 21:5-30، رؤ 12:22-13).

علشان كده العاقل هو اللى يرجع لوصايا السيد المسيح علشان يعرف إيه الصح، وإيه الغلط.

ولأن السيد المسيح هو رأس الكنيسة الجامعة الرسولية، يبقى العاقل هو الشخص المتمسك بهذه الكنيسة.

+

تفنيد إدعاء البعض أن العذرا مريم أخت لنا

بعض الطوائف بيعترضوا لما نقول أننا العذرا مريم، ويقولوا إن العذرا مريم دى أختنا وبس. نرد عليهم نقول إيه؟

معروف لكل المسيحيين أننا أعضاء فى جسد المسيح، والعذرا مريم هى أم المسيح، تبقى هى أمنا كلنا.

فالناس اللى بترفض أمومة العذرا مريم ليهم لازم نسألهم: هل ترفضون الإنضمام لجسد المسيح؟

الرد هو كل من ينضم لجسد المسيح فهو ابن للعذرا مريم. ومن يرفض أمومة العذرا مريم، هو رافض للإنضمام لجسد المسيح؟!!!

كنيستنا بتفكرنا بهذا الإيمان فى ثيوتوكية الثلاثاء "السلام للقديسة مريم، أم جميع الأحياء ...".

السيد المسيح وهو على الصليب سلم العذرا مريم للقديس يوحنا الحبيب وقال لها "هُوَذَا ابْنُكَ. ثُمَّ قَالَ لِلتِّلْمِيزِ: هُوَذَا أُمُّكَ".

وزى ما شرحنا القديس يوحنا هنا هو رمز عملى وإشارة لكل المؤمنين، فالتلميذ المخلص ليسوع لازم ينفذ الوصية، أى يتعامل مع العذرا مريم كأم.

كمان أمومة العذرا مريم لنا دى هدية غالية جداً من ربنا يسوع المسيح. هنا نسأل:

لو ملك عظيم أعطى واحد منا هدية جوهرية غالية جداً، ياترى إيه شعور هذا الشخص؟

لو شخص ذكى فاهم قيمة الهدية حيفرح جداً ويعتبر إن ده تكريم عظيم من الملك فوق ما يستحق، وحيفتخر قدام كل الناس بهدية الملك.

طيب لو شخص تانى رفض قبول هذه الهدية بحجة أنها قليلة القيمة، يا ترى الملك حيعمل فيه إيه؟

أول حاجة الناس حتقول عليه ده شخص يالما مختل العقل، يالما جاهل جداً، لأنه مش فاهم قيمة الهدية.

كمان الملك سيشعر بإهانة عظيمة، وقطعا سينتقم لكرامته من هذا الشخص. وأبسط شئ ممكن يحصل هو إن الملك يأمر بطرد هذا الشخص من أمامه وعدم السماح له بالوقوف أمامه مرة ثانية، لكن لو قدم اعتذار شديد وبضمير صالح، ساعتها ممكن الملك يصفح عنه.

تعالوا بينا نفحص موضوع رفض أمومة العذرا مريم:

هدية الملك الأرضى هى هدية ستبقى فى يوم من الأيام لما تقوم القيامة. لكن العذرا مريم سنقابلها مرة ثانية فى الحياة الأبدية، وسنراها ملكة جالسة عن يمين ملك الملوك ورب الأرباب ربنا يسوع المسيح إلى الأبد.

طيب بالعقل أيهما أثمن؟

هدية ملك الملوك الباقية إلى الأبد، أم هدية الملك الأرضى الفانية؟

العذرا مريم هى أم يسوع ملك الملوك ورب الأرباب. والشخص المسيحى التقى هو الشخص اللى بيفرح بأمومة العذرا مريم، لأنها جوهرة فائقة الثمن هدية من ملك الملوك رب المجد ذاته، وهو هو نفسه ديان البشرية فى يوم الدينونة. أمّا الناس اللى بترفض أمومتها ليهم، فهم فى الحقيقة بيرفضوا هدية من ملك الملوك رب المجد ذاته، وبالتالي بيرفضوا البركات المعطاة من الله!!! ولكن الأخطر، هو إنهم بيُهيئُوا رب المجد أولا، ثم العذرا مريم!!! والناس اللى بتقول دى أختنا وخلص، دول الناس اللى بتبخس وترفض قبول الجوهرة الفائقة الثمن وهدية ملك الملوك ورب الأرباب. ياترى إيه عقوبة هذا التصرف!!!

+

ألقاب ورموز العذرا مريم ومعانيها

"والدة الله = ثيوتوكوس": وده أول وأهم لقب للعذرا مريم لأن الروح القدس نطق بيه على لسان أليصابات لما زارتها، لأنها ولدت الله المتجسد بالحقيقة من أجل خلاص كل البشر. **أم يسوع**: وده لقب موجود كتير فى العهد الجديد من الكتاب المقدس. بس هنا لازم ناخذ بالنا إن هذه الصفة وكل الصفات الأخرى هى **خاصة بأقنوم الكلمة المتجسد**، أى أنها تعنى "أم الله المتجسد الذى صفته ... " علشان كده نقدر ناخذ كل صفات ربنا يسوع المسيح ونكتب الصفات دى ونقول "أم". كمثال: أم النور الحقيقى، أم الرحمة، أم المخلص، أم القدوس، إلخ.

العذراء الحقيقية: وده معناه إنها هى العذراء اللى ربنا وعد أمنا حوا بإنه من نسلها حيتم سحق رأس الحية أى الشيطان، أى الخلاص. كمان هى العذراء اللى تنبأ عنها أشعياء النبى بميلاد عمانوئيل منها.

الحمامة الحسنة: لأن سلام البشر مع الله تم من خلال ثمرة بطنها ربنا يسوع المسيح، كمثال الحمامة اللى رجعت لنوح بعد الطوفان وفى فمها عود زيتون إشارة إن سلام ربنا رجع للبشر.

الملكة الحقيقية: لأنها هى الوحيدة من كل بنات حواء التى ستبقى ملكة إلى الأبد فى ملكوت السموات.

الشفيعة المؤتمنة: لأننا لو اشتكينا ليها وشافت فعلا إننا مظلومين، ضرورى حتتدخل فى الوقت المناسب روحياً. كمان فى نقطة مهمة معروفة للكثيرين وهى إن شفاعة العذراء مريم هى أقوى شفاعة.

السماء الثانية: لأن ملء اللاهوت اتحد مع الناسوت وحل فى الحشا الطاهر وصيِّره قدس أقدس.

حواء الثانية: لأنه بولادتها لأقنوم الكلمة المتجسد ربنا يسوع المسيح (آدم الثانى)، أصبح فى إمكان البشر أن يُولدُوا مرة ثانية من الماء والروح، وبهذا يبدأ طريقهم للحياة الأبدية.

الكرمة: لأن ثمرتها هو عنقود الحياة ربنا يسوع المسيح، الذى خلصنا بدمه الذكى المسفوك على الصليب.

المسكن: لأن أقنوم الكلمة سكن فى الحشا الطاهر تسعة أشهر.

الكرسى/العرش: لأن السيد المسيح جلس على حجرها فصارت عرشا له.

العليقة: لأنها لم تحترق من جمر اللاهوت، مثل العليقة التى رآها موسى النبى وهى مشتعلة بالنار دون أن تحترق.

المنارة الذهبية/ المصباح الذى لا ينطفئ: لأنها حملت على يديها المسيح، نور العالم وشمس البر.

جَبَلُ الله: ولأن المسيح هو حجر الزاوية (مت 21:42، مر 12:10، لو 20:17)، إذاً حسب النبوات تبقى العذراء مريم هى الجبل "جَبَلُ الله، الجَبَلُ المتجمد، الجَبَلُ الدسم" (مز 15:67 قبطى)، "لَأَنَّكَ رَأَيْتَ أَنَّهُ قَدْ قُطِعَ حَجَرٌ مِنْ جَبَلٍ لَا بَيْدَيْنِ" (دا 2:45)، وهذه الآية هى أيضا نبوة عن ميلاد المسيح من عذراء بدون زرع بشر مثل نبوة "لَأَنَّ الرَّبَّ قَدْ خَلَقَ شَيْئًا حَدِيثًا فِي الْأَرْضِ. أَنْتِى تَحِيْطُ بِرَجُلٍ" (أر 22:31).

صهيون الأم: "أَسَاسَاتُهُ فِي الْجِبَالِ الْمُقَدَّسَةِ. 2 الرَّبُّ أَحَبَّ أَبْوَابَ صِهْيَوْنَ أَفْضَلَ مِنْ جَمِيعِ مَسَاكِنِ يَعْقُوبَ. 3 أَعْمَالُ كَرِيْمَةٍ قِيلَتْ مِنْ أَجْلِكَ يَا مَدِينَةَ اللَّهِ". (مز 86:1-3 قبطى).

فى تسبحة كيهك: الكنيسة بتفكرنا بانتظار قديسى العهد القديم للمسيح، وبالتالى كانوا منتظرين "نسل المرأة" أى منتظرين ميلاد العدرا مريم ليتجسد منها السيد المسيح. وإليكم بعض هذه الألقاب:

تهليل حواء، فرح هابيل البار، تهليل يعقوب، فرح الأجيال، كرامة صموئيل، قوة إيليا، ثبات أيوب البار، نعمة ابراهيم، نعمة أليشع، فخر يهوذا، فخر إسرائيل، ابنة داود، علم حزقيال، صديقة سليمان، شفاء أرميا، حمامة نوح.

وزى ما شرحنا قبل كده العدرا مريم كان لها رموز فى العهد القديم وهى: العليقة، السحابة الخفيفة، شوربة هارون، المنارة الذهب، تابوت العهد، قسط المن الذهبى، عصا هارون، سلم يعقوب، لوحا العهد.

+

العدرا مريم وكهنوت المرأة

فى ناس كتيرة بتسأل:

ما المانع فى رسامة السيدات فى الرتب الكهنوتية؟

قبل ما نرد على هذا السؤال لازم نفهم أنه يوجد نوعين من الكهنوت. أولاً الكهنوت العام: الكهنوت العام معطى لكل الشعب (رؤ 5: 10)، اللى هو التضرع والصلاة من أجل الجميع. وده كهنوت غير الكهنوت الخاص بإتمام الأسرار المقدسة. وهنا يستوى الجميع، رجال ونساء، صغار وكبار. وده معناه حق الصلاة والطلبة من أجل الآخرين. علشان كده الكنيسة تنبه الشعب دائماً إلى ضرورة الصلاة من أجل الآخرين. وده نلاحظه فى القداس لما الكاهن يصلى أوأشى الطلبات، المفروض إننا نصلّى معاه زى ما بنسمع من الشماس فى القداس لما يقول "صلوا من أجل ...". ولكن ليس معنى هذا أننا صرنا كهنة الأسرار.

ثانياً كهنوت الأسرار والخدمة المقدسة: إحنا عارفين أن الله اختار سبط لاوى فقط ليكونوا كهنة لإتمام طقوس العهد القديم، وأعطى هذا الكهنوت للرجال فقط لاغير. يبقى ده أمر إلهى لايجب مناقشته.

هنا فى نقطة مهمة جداً. دور العدرا مريم مهم جداً فى اتمام سر التجسد من أجل خلاص كل البشر، كمان الروح القدس حل عليها وامتألت نعمة، وكانت مع التلاميذ عند حلول الروح القدس عليهم.

السيد المسيح اختار إنتاشر تلميذ وأعطاهم سلطان الكهنوت المقدس لإتمام كل أسرار العهد الجديد. فلو كان السيد المسيح ينوى تغيير هذا النظام، لأعطى العدرا مريم مكانة كهنوتية فى

وسط التلاميذ، ولكننا نلاحظ أنه رغم دورها العظيم في اتمام سر الخلاص ومكانتها الفائقة في الحياة الأبدية لكنه لم يعطها هذا المركز.
إذاً الله له حكمة فائقة في هذا الأمر.

ولو سألنا: ما هو السبب؟

حنلقى أول وأهم سبب هو أن الله أعطى المرأة نعمة عظيمة جداً وهي أن تكون معمل حي لشركة الإنسان مع الله في إنشاء خليفة جديدة، ثم الصلاة والتضرع بلجاجة من أجل هذه الخليفة، وهذه هي الأمومة الحقيقية، وقمة الكهنوت العام. ولكن لا بد من التواضع خشية السقوط كما سقطت حواء أولاً!!!

بعض السيدات محبى المودرنزم، بيتطلعون للغرب وبعدين يطالبوا بسر كهنوت الأسرار زى ما حصل فى المذاهب المنحرفة، علشان كده نقول "عندكم كهنوت الأمهات، اللي هو تابع للكهنوت العام والمهم جداً لإستمرار الحياة. كمان الأم الحكيمة هي اللي تعيش حياة الصلاة والتضرع بلجاجة من أجل كل أفراد أسرتها وجيرانها. وهكذا ينتشر السلام والخير."
إحنا كنيسة رسولية ممتدة من عصر الرسل، وعلشان كده بنسمع ونصر على تنفيذ تعاليم السيد المسيح بأن كهنوت الأسرار المقدسة هو للرجال المختارين فقط.

وكم اننسا إن العذرا مريم لم يكن مسموح لها بالدخول لمكان الخدمة بالهيكل. ولو تأملنا فى أسباب إختيار بيتها ليكون مكان البشارة حنكتشف إن له معنى روحى جميل وهو إن بيوتنا هي كنائس صغيرة نصلى فيها بإستمرار من أجل الجميع. ورغم إن خدمة أسرار الكنيسة هي للرجال فقط، لكن جنس المرأة أخذ بركة عظيمة جداً من خلال العذرا مريم. وبكده الستات اللي بتحب ربنا من كل قلبها ما تطمعش فى كهنوت الأسرار الخاص بالمختارين من الرجال، وبدل كده تنتبه إلى كهنوت الشعب من خلال الصلاة والتضرع فى بيتها، أى الكنيسة الصغيرة فى بيتها.

+

العذرا مريم فى أيقونات الكنيسة

تعليم الإنجيل

لما نرجع إلى التعليمات المشددة من الله لموسى فى كيفية بناء خيمة الإجتماع، نراه يأمره بشدة ويحذره من عدم صنع تمثال منحوت أو صورة. وده كان لمصلحة الشعب منعاً من استعمال الصور والتماثيل فى العبادة، وشوية شوية كان ممكن ينحرفوا ويعبدوا هذه التماثيل، يعنى يعبدوا أصنام زى ما حصل مع شعوب كثيرة. ثم لعن الله كل من يصنع هذا الأمر لإغظة الرب (تث 15:27).

هذه الوصية تسلمتها الكنيسة منذ البداية، لهذا رفضت تماماً السماح بإستعمال التماثيل والصور

فى عبادتها. وبعءما انتشرت المسيحية واستتب الأمر؁ وبعءين بءاً فن عمارة الكنائس يظهر للوجود؁ وبالأخص فى طريقة فصل المذبح عن الشعب بالحجاب المشقوق تذكارةً لإنشقاق حجاب الهيكل عند صلب رب المجد؁ اختلفت الآراء فى كيفية تزيين هذا الحجاب. بإختصار تم الإتفاق على تزيينه بأيقونات وليس بالصور بهدف أن تشرح هذه الأيقونات العقيدة. وهذه الأيقونات تمثل القديسين الذين سبقونا إلى الفردوس؁ فنأمل سيرتهم ونتمثل بهم لأننا كنيسة واحدة حية لأنه ليس موت لمن آمن بالرب يسوع المسيح بل هو انتقال؁ وأيضاً لأنهم ينظرون إلينا. علشان كده أطلق على هذا الحجاب لقب "حامل الأيقونات". وبالطبع هناك فرق شاسع بين الأيقونة والصورة.

لكن الكنيسة الحكيمة لم تترك هذا الأمر لكل من أراد أن يكتب (يرسم) كيفما شاء؁ وإنما وضعت شروط واضحة المعالم أهمها:

+ أن الفنان كاتب الأيقونة (الرسام حسب اللفظ الشائع خطأً) يكون مسيحياً روحانياً متفهماً للعقيدة المسيحية السليمة؁ وبالتالى فإن الفنان الروحانى يتأمل ويكتب بفرشة الألوان؁ زى الكاتب لما يتأمل بالقلم ويكتب كتاب. علشان كده الروحانيون يقولون "فلان كتب أيقونة" بدلاً من "فلان رسم أيقونة".

+ ما تكونش الأيقونة مشابهة للصورة الفوتوغرافية من حيث النسبة والتناسب بين أبعاد الجسم.

+ أن تكون الأيقونة أشبه بكتاب يشرح التعليم المستفاد من حياة وسيرة القديس؁ بهدف تذكير المصلين بالتعليم الأرثوذكسى للكنيسة؁ وبأهم صفات وأعمال القديس. علشان كده ممكن نلاقى رموز وإشارات خارج الأمر الطبيعى لصورة مصورة.

+ كذلك لابد وأن تشمل الأيقونة هالة حول رأس رب المجد وبداخلها صليب؁ وهالة حول رأس القديسة والدة الإله وباقى القديسين؁ مع مراعاة أن تكون الهالة حول الرب يسوع أكبر من أى هالة أخرى؁ وأحياناً يكون حجم الرب أكبر من أحجام الآخرين إشارة إلى أنه الأعظم وأيضاً لأنه يمثل البشرية كلها مش مجرد شخص واحد؁ وكمان ممكن إن الفنان كاتب الأيقونة ما يلتزمش بالنسبة والتناسب لجسم أو عمر الإنسان.

ومن المعروف أن هناك مدارس روحية متعددة فى كيفية كتابة الأيقونة؁ وحتى المواد المستعملة يجب أن تكون مواد من الطبيعة لايدخل فيها أى مواد مصنعة؁ ولكن فى النهاية ليس هناك إختلاف فى الأساسيات الروحية.

كمثال تعالوا ندرس شروط كتابة أيقونة القديسة العذراء مريم:

+ أن تكون جالسة فوق عرش وعلى رأسها تاج ملوكى مرصع بإتناشر جوهرة من أجود الجواهر، رمز للأسباط الإثنى عشر وأيضاً للتلاميذ، وحول رأسها هالة من ذهب، ولأنها ملكة نقية طاهرة فبالتالى لابد وأن تكون متشحة بثوب الملكات.

+ ولابد وأن تحمل الطفل الرب يسوع على ذراعها الأيسر، فتكون هى عن يمينه كنبة المزمور بجلوسها عن يمينه فى الحياة الأبدية، وطبعاً فى هالة حول رأس الطفل يسوع وبداخلها صليب.

+ وحول العرش الملائكة والقوات السماوية، لأنها تحمل الرب يسوع ولأنها أيضاً صارت أعلى من الشاروبيم والसारوفيم.

للأسف الطوائف الأخرى بتعترض على استعمال الأيقونات وبتقول ماحدش شاف القديسة مريم فى أيام حياتها على الأرض فى مثل هذا المنظر بالعيون الترابية. طبعاً لا أحد إطلاقاً شاف العدرا مريم بهذه العظمة فى حياتها، زى ماشافوش السيد المسيح فى مجده. لكن بالروح رآها الأنبياء فتنبأوا عنها، وبالطبع رأتها الملائكة وخدمتها، وبعد نياحتها وصعود جسدها رآها القديسون ونقلوا لنا ما رأوا. والتقليد يقول إن القديس لوقا البشير كان فنان وكتب أيقونتين للعدرا مريم يعتبروا الأساس اللى كل الفنانين المسيحيين نقلوا منه شكل العدرا مريم.

علشان كده لازم نتمسك دايماً باستعمال الأيقونات ونرفض الصور الطبيعية لأشخاص بيمثلوا المسيح أو العدرا مريم مهما كانت جميلة وجذابة.

بس فى ناس بترسم البشارة والعدرا مريم راکعة على الأرض وبتمسح البلاط لما جالها الملاك؟

أولاً أرجو الرجوع إلى الباب الثالث اللى تكلمنا فيه بالتفصيل عن موضوع البشارة، وأرجو إننا نكون عرفنا قداسة ورهبة هذه اللحظات المقدسة.

أما بخصوص هذه الرسومات الغير مسيحية، فأقول بكل جرأة وأمانة دول ناس من الدول الغربية اللى الإلحاد منتشر جداً فيها، وبالتالي الفنانين دول مش ممكن يكونوا مسيحيين روحانيين على الإطلاق. وبصراحة ممكن يكونوا من أعداء المسيح. يعنى ناس مش فاهمين الإنجيل ولا يعرفوش ربنا المعرفة الحقيقية. والغلط طبعاً يقع على الناس اللى قبلت رسوماتهم وافتكروا إنها رسومات مسيحية ونشروها فى مصر. على فكرة كنيسةنا لا تعترف بهذه الرسومات لأننا لا نقبل سوى الأيقونات الأرثوذكسية السليمة.

هنا فى نقطة مهمة أرجو أن ينتبه ليها الآباء والأمهات: **أولادهم هى وزنات تسلموها من الله،** وبالتالي فهم المسئولون أولاً وآخراً أمام الله فى يوم الدينونة عن نجاحهم، أو فشلهم فى تسليم الإيمان السليم لأولادهم، وأمامهم مثال مما فعلنا والددة وجدة القديس تيموثاوس، وأيضاً هناك

أمثلة كثيرة في سير القديسين. لهذا فمن الخطأ الشديد ترك هذا الأمر لخدام الكنيسة فقط. لابد من التعاون في محبة وتواضع بين الأهل والخدام. وبالطبع مطلوب من خدام الكنيسة أيضا الالتفات إلى هذه النقطة، والإهتمام بتعليم الوالدين مبادئ الإيمان، وهكذا يمكن للوالدين مساعدة الخدام وتسليم الإيمان من جيل إلى جيل. في آية خطيرة في الإنجيل تقول "مَلْعُونٌ مَنْ يَعْمَلُ عَمَلَ الرَّبِّ بَرِّخَاءٍ" (أر 10:48). كلام الإنجيل معناه بكل وضوح وبدون أى لف ولا دوران إن كل المسؤولين عن تعليم الصغار وتسليمهم مبادئ الإيمان لازم يكونوا في قمة الإنتباه لكل ما يقدمونه لهم لتعليمهم الإيمان، لأنهم سيحاسبوا في يوم الدينونة عن كل هذه الأمور. علشان كده لما أى إنسان مسيحي يقظ يقع في أيده أو أيديها أى إنتاج ضد الإيمان، فإن الضمير المسيحي يحتم عليهم جميعا التكاتف كالاتي:

- 1- فضح هذا الإنتاج وتحذير الكنيسة وجمعه وحرقه إن فشلوا في استرداد أموالهم.
- 2- الرد على ما جاء مخالفا للإيمان الأرثوذكسي بتقديم التعليم السليم وشرح أسباب الأخطاء في التعاليم الباطلة.

وهنا أقول إوعوا حد يضحك عليكم ويقول ده عمل سلبي. بالعكس فضح الأعمال الضارة هو عمل إيجابى مائة في المائة زى السيد المسيح لما مسك السوط وطرده الصيارفة وباعة الحمام من الهيكل، وزى ما الرسل وبالأخص القديس يوحنا الحبيب والقديس بولس الرسول كتبوا في رسائلهم، وأيضا جميع آباء الكنيسة الأولين حاربوا الأفكار المنحرفة. وبالطبع تكملة هذا العمل تأتى من الناس اللي في مقدورهم أن ينتجوا إنتاج صالح لأنها عمل مبارك.

ياريت نحترس جداً من مؤامرات أعداء الكنيسة اللي بتتسلل إلى عقول الصغار والبسطاء عن طريق الكتب الفخمة التي تبيعها أى هيئة حتى ولو كان لها اسم مسيحي مشهور كما حدث. ورغم أن كنيستنا اعترضت وحذرت الشعب من شراء هذه الكتب لكن للأسف محبة المال تدفع المنتفعين للإستمرار في بيع هذه الكتب. لهذا احترسوا وحذروا بعضكم البعض وارفعوا صلوات حارة مع الكهنة في القداس قائلين "بدد مشورتهم يارب زى ما بددت مشورة أختيوفل"

(ب) العدرا مريم في صلوات الكنيسة

كنيستنا نفذت وصية الروح القدس الناطق على لسان العدرا مريم "فَهُوَذَا مِنْذُ الْآنَ جَمِيعُ الْأَجْيَالِ تُطَوِّبُنِي، لِأَنَّ الْقَدِيرَ صَنَعَ بِي عَظَائِمَ، وَاسْمُهُ قُدُّوسٌ، وَرَحْمَتُهُ إِلَى جِيلِ الْأَجْيَالِ لِلَّذِينَ يَتَّقُونَهُ" (لو 1 : 48-50). وعلشان كده تلاقينا بنكرمها في كل صلواتنا.

فى التسبحة: أرجو الرجوع لكتاب التسبحة لأن المكان هنا لا يسع لكل ما هو مكتوب.
فى صلوات الأجيبة: نلاحظ فى جميع صلوات الساعات إن الكنيسة بتفكرنا يا إما بالنبوات عن العذرا مريم، أو إيمان الكنيسة، أو بتتشفع بيها علشان ربنا يغفر لنا خطايانا. وهنا نذكر كل ما ورد فى صلوات الأجيبة بخصوص العذرا مريم كمرجع مفيد.

+ **فى الثلاثة تقديسات:** قدوس الله، قدوس القوى، قدوس الحى الذى لا يموت، الذى ولد من العذراء. إرحمنا.

+ **بدء قانون الإيمان:** نعظمك يا أم النور الحقيقى ونمجذك أيتها العذراء القديسة والدة الإله، لأنك ولدت لنا مخلص العالم، أتى وخلص نفوسنا.....
فى قانون الإيمان: هذا الذى من أجلنا نحن البشر، ومن أجل خلاصنا، نزل من السماء وتجسد من الروح القدس. ومن مريم العذراء. تأنس....

فى صلاة باكر:

+ هلم نسجد. هلم نسأل المسيح إلهنا. هلم نسجد. هلم نطلب من المسيح ملكنا. هلم نسجد. هلم نتضرع إلى المسيح مخلصنا. ياربنا يسوع المسيح كلمة الله إلهنا بشفاعة القديسة مريم وجميع قديسيك. ...

+ أنت هى أم النور المكرمة من مشارق الشمس إلى مغاربها، يقدمون لك تمجيدات يا والدة الإله السماء الثانية، لأنك أنت هى الزهرة النيرة غير المتغيرة والأم الباقية عذراء، لأن الأب اختارك والروح القدس ظللك والابن تنازل وتجسد منك. فإسأليه أن يعطى الخلاص للعالم الذى خلقه، وأن ينجيه من التجارب. ولنسبحه تسبيحا جديدا ونباركه الآن وكل أوان وإلى الأبد. آمين.

+ السلام لك. نسألك أيتها القديسة الممتلئة مجداً العذراء كل حين والدة الإله أم المسيح اصعدى صلواتنا إلى ابنك الحبيب ليغفر لنا خطايانا.

+ السلام للتي ولدت لنا النور الحقيقى المسيح إلهنا العذراء القديسة، اسألى الرب عنا ليصنع رحمة مع نفوسنا ويغفر لنا خطايانا. أيتها العذراء مريم والدة الإله القديسة الشفيعة الأمانة لجنس البشرية، اشفعى فينا أمام المسيح الذى ولدته لكى ينعم علينا بغفران خطايانا. السلام لك أيتها العذراء الملكة الحقيقية. السلام لفخر جنسنا، ولدت لنا عمانوئيل. نسألك اذكرينا أيتها الشفيعة المؤتمنة أمام ربنا يسوع المسيح ليغفر لنا خطايانا.

فى صلاة الساعة الثالثة:

+ "قَامَتِ الْمَلِكَةُ عَنْ يَمِينِكَ بِثَوْبٍ مَوْشَى بِالذَّهَبِ مُزَيَّاةٌ بِأَنْوَاعٍ كَثِيرَةٍ" (مز قبطى 9:44).

+ ياوالدة الإله أنت هي الكرمة الحقيقية الحاملة عنقود الحياة، نسألك أيتها المملوءة نعمة مع الرسل من أجل خلاص نفوسنا. ...

+ إذا ما وقفنا في هيكلك المقدس نحسب كالقيام في السماء. ياوالدة الإله أنت هي باب السماء. افتحي لنا باب الرحمة.

في صلاة الساعة السادسة:

+ إذ ليس لنا دالة ولا حجة ولا معذرة من أجل كثرة خطايانا. فنحن بك نتوسل إلى الذي ولد منك. ياوالدة الإله العذراء. لأن كثيرة هي شفاعتك ومقبولة عند مخلصنا، أيتها الأم الطاهرة لاترفضى الخطاة من شفاعتك عند الذي ولدته...

+ أنت هي الممثلة نعمة يا والدة الإله العذراء، نعظمك لأن من قبل صليب ابنك انهبط الجحيم و بطل الموت. أمواتا كنا فنهضنا. واستحققنا الحياة الأبدية. ونلنا نعيم الفردوس الأول. من أجل هذا نمجد بشكر غير المائت المسيح الهنا.

في صلاة الساعة التاسعة:

+ يامن ولدت من البتول من أجلنا ...

+ عندما نظرت الوالدة الحمل والراعى مخلص العالم على الصليب معلقا، قالت وهي باكية : أما العالم فيفرح لقبوله الخلاص، وأما أحشائي فتلتهب عند نظرى إلى صلبوتك الذى أنت صابر عليه من أجل الكل يا ابنى والهى .

في صلاة الساعة الحادية عشر (الغروب):

+ لكل إثم بحرص ونشاط فعلت ولكل عذاب وحكم استوجبت. فهبي لى أسباب التوبة أيتها السيدة العذراء فأليك أتضرع. وبك أستشفع وإياك أدعو أن تساعدنى لنلا أخزى. وعند مفارقة نفسى من جسدى احضرى عندى. ولمؤامرة الأعداء اهزمى. ولأبواب الجحيم اغلقى. لنلا يبتلعوا نفسى يا عروسة بلا عيب للختن الحقيقى.

في صلاة الساعة الثانية عشر (النوم):

+ أيتها العذراء الطاهرة اسبلى ظلك السريع المعونة على عبدك. وابعدى أمواج الأفكار الرديئة عنى وانهضى نفسى المريضة للصلاة والسهر لأنها استغرقت فى سبات عميق. لأنك أم قادرة رحيمة معينة والدة ينبوع الحياة ملكى وإلهى يسوع المسيح رجائى.

في صلاة الستار (للرهبان):

+ ياوالدة الإله إذ قد حوينا الثقة بك فلا نخزى بل نخلص، وإذ قد اقتنينا معونتك ووساطتك أيتها الطاهرة الكاملة فلا نخاف بل نطرد أعداءنا فنبددهم، ونتخذ لنا ستر معونتك القوية فى كل شئ نظير الترس. ونسأل ونتضرع إليك هاتفين ياوالدة الإله لكى تخلصينا بوسائلك وتنهضينا من النوم المظلم إلى التمجيد بقوة الإله المتجسد منك.

فى صلاة نصف الليل:

الخدمة الأولى: + أنتِ هى سور خلاصنا يا والدة الإله العذراء الحصن المنيع غير المنتلم. ابطلى مشورة المعاندين. وحزن عبيدك رديه إلى فرح. وحصنى مدينتنا. وعن ملوكنا حاربى وتشفعى عن سلامة العالم. لأنك أنتِ هى رجاؤنا يا والدة الإله.

الخدمة الثانية: + السموات تطوبك أيتها الممتلئة نعمة العروس بلا زواج. ونحن أيضا نمجد ميلادك غير المدرك يا والدة الإله. يأم الرحمة والخلاص تشفعى من أجل خلاص نفوسنا.

الخدمة الثالثة: + يا باب الحياة العقلى يا والدة الإله المكرمة خلصى الذين التجأوا إليك بإيمان من الشدائد لكى نمجد ميلادك الطاهر فى كل شئ من أجل خلاص نفوسنا.

فى رفع بخور العشية وباكر: رجاء الرجوع للخولا جى والإبصلمودية.

فى القداس الإلهى: بعد رفع الحمل والتحليل بنصلى لحن المجرمة الذهب، وبعديها الهيثينيات يعنى بنطلب شفاعة القديسين والملايكة وطبعاً أول شخصية هى العذرا مريم مريم لأنها علت فوق الجميع بما فى ذلك الطغمت السمائية. وبعد قراءة البولس والكاثيليكون بنرتل لحن شيرى نى ماريا.

+ ومرة ثانية بعد صلاة الصلح بنرتل لحن "افرحى يا مريم" وبعد ما نقبل بعض بقبلة مقدسة نصلى "بشفاعة والدة الإله".

+ وبعد صلاة تقديس الذبيحة نلاقى العذرا مريم هى أول اسم فى قائمة المجمع اللى بيذكره الكاهن.

+ كمان فى قسمة العذرا مريم الكاهن بيصلى " مقدسة ومملوءة مجداً والدة الإله الطاهرة القديسة مريم العذراء آمين هليلويا"

+ وفى قسمة الأعياد الكاهن بيصلى "نسبح ونمجد اله الآلهة ورب الأرباب الذى تجسد من القديسة مريم وولده فى بيت لحم..."

+ وفى قسمة صوم وعيد الميلاد الكاهن بيصلى "الكائن فى حضنه الأبوى كل حين أتى وحل فى الحشا البتولى الغير دنس، ولدته وهى عذراء وبتوليته مختومة..."

+ وعند التناول يرتل الشعب لحن بى أويك "خبز الحياة الذى نزل إلينا من السماء، وهب الحياة للعالم، وأنت أيضا يا مريم، حملت فى بطنك المن العقلى الذى أتى من الأب، ولدته بغير دنس، وأعطانا جسده ودمه الكريم، فحيينا إلى الأبد".

فى صلوات السجدة (عيد العنصرة): يقال لحن شيرى نى ماريا فى السجدة الأولى والثالثة.

فى قداس اللقان: فى لقان الغطاس يردد الشمامسة ألحان تاشورى، وبشفاعة والدة الإله القديسة مريم.

وفى لقان خميس العهد "تجسدت فى بطن الغير دنسة والدة الإله القديسة مريم".

وفى لقان عيد الرسل يقال لحن شيرى نى ماريا.

فى صلاة الحميم: وهذه الصلاة تسمى صلاة الطشت وتتم بعد أسبوع من الولادة، أى قبل المعمودية وفيها يقول المرتلون: إشفعى فينا يا سيدتنا كلنا السيدة والددة الاله، مريم أم مخلصنا، ليغفر لنا خطايانا.

فى المعمودية: قبل العماد يعلن طالب العماد أو اشبينه أمام الأسقف أو الكاهن إيمانه بالميلاد العذروى للسيد المسيح كجزء أساسى فى قانون الإيمان المسيحى.

وفى طقس تقديس مياه المعمودية بنطلب شفاعة العذرا مريم علشان ربنا يغفر لنا خطايانا.

فى طقس سر الزواج:

فى طقس الكنيسة الأصيل يتم الإكليل بعد رفع بخور باكر وقبل رفع الحمل. فيزف الشمامسة العريس أولا بلحن إبؤرو (ياملك السلام) لأنه سيتم تتويجه كملك، وبعدين يقف العريس أمام الهيكل فى انتظار العروسة. وبعدين يزف الشمامسة العروسة بلحن شيرى ماريا (لحن البركة) أى السلام لمريم الملكة لأن العروسة ستتوج كملكة.

وفى صلاة عقد الأملاك يقول الكاهن "طهر عبيدك آبءنا وإخوتنا الذين اجتمعوا واشتركوا معنا فى الصلاة. واحفظهم بشفاعة سيدتنا كلنا والددة الاله مريم، وكل مصاف قديسيك" كمان الكاهن بيصلى ويقول "يا من حضر فى عرس قانا الجليل بارك هذا الزواج مثل ما باركت ذاك الزواج".

وإحنا عارفين إن المسيح اتعزم لعرس قانا الجليل علشان خاطر العذرا مريم، وحصلت معجزة بشفاعة العذرا مريم. تبقى الكنيسة بتتشفع بالعذرا مريم لكى يبارك الله هذه الزيجة، وتنبه العروسين إلى أهمية وجود المسيح والعذرا مريم فى البيت. كمان لو الوقت يسمح ممكن الشمامسة يرتلوا ألحان خاصة بالعذرا مريم زى "هذه هى المجرمة"، "العذراء هى المجرمة الذهب"، "باب المشارق هو مريم العذراء".

وفى نهاية الإكليل يعطى الكاهن البركة ويقول "وبركة الرب جل اسمه الحالة فى عرس قانا الجليل تحل عليكم وفى منزلكما وتوفق بينكما وتجعل المحبة الروحانية فى قلبكما وتديم أرزاقكما وتعمر منزلكما وتمنحكما العمر الطويل والحياة الهنية مع الأولاد المباركين".

وأیضا یصلی لطلب شفاعة العذرا مريم ثم یقول الشمامسة لحن "السلام للعروس المضیئة (العذرا مريم)، أم الذی یضئ، السلام للتی قبلت إليها الكلمة، الكائن فى أحشائها، السلام للتی هی أكرم من الشاروبیم، السلام للتی ولدت لنا مخلص أنفسنا، المجد للآب والابن والروح القدس".

فى صلوات الصوم الكبير: يقال لحن ميغالو. "رئيس الكهنة الأعظم ... المتجسد من الروح القدس ومن القديسة البتول بسر عظيم"

فى صلوات أسبوع الآلام: أرجو الرجوع لقراءات البصخة وألحانها وطلبات الصباح والمساء الى بنطلب فيها شفاعاة العذرا مريم. كمان فى لحن جميل "مونوجانيس" وفيه نقول "أيها الابن الوحيد الجنس، وكلمة الله الذى لا يموت، الأزلى، المتجسد من القديسة والدة الإله، الدائمة البتولية مريم، بغير استحالة، ... "

سر مسحة المرضى: يصلى الكاهن ويكرر طالباً شفاعاة العذرا مريم " ... بشفاعة العذرا أم الخلاص، تلك التى نطوبها قائلين: مباركة أنت فى النساء، ومباركة هى ثمرة بطنك ... بشفاعات والدة الإله أيتها العذراء القديسة والدة الإله بغير زرع بشر، اشفعى من أجل خلاص نفوسنا.

أعياد وتذكارات العذرا مريم

تذكار البشارة بميلادها 7 مسرى - 13 أغسطس

عيد ميلاد العذرا مريم أول بشنس - 9 مايو

عيد دخولها الهيكل 3 كيهك - 12 أو 13 أو ديسمبر

عيد دخول السيد المسيح لمصر محمولا على ذراع العذرا مريم 24 بشنس - 1 يونية

عيد نياحتها 21 طوبة - 29 يناير أو 30 يناير

تذكار العذرا مريم كل يوم يوافق 21 من الشهر القبطى.

عيد ظهور جسدها 16 مسرى - 22 أغسطس

عيد معجزة العذرا حالة الحديد 21 بؤونة

تذكار بناء أول كنيسة على اسمها 21 بؤونة - 28 يونية

عيد ظهورها بالزيتون 2 أبريل - 24 برمهات

شفاعة العذرا مريم المقتدرة

الشفاعة فى إيمان الكنيسة

شفاعة العذرا مريم

شفاعة العذرا مريم فى معجزة عرس قانا الجليل

شفاعة العذرا مريم من أجل إيماننا

شفاعة العذرا مريم فى وقت كرازة السيد المسيح

شفاعة العذرا مريم من أجل تلاميذ السيد المسيح

الشفاعة فى إيمان الكنيسة

قبل ما نتكلم عن شفاعة العذرا مريم تعالوا بينا نفهم إيه معنى الشفاعة، لأن معظم الطوائف الغير رسولية بتعترض على الشفاعة، وحجتهم إن الإنجيل لم يذكر سوى يسوع المسيح كشفيح.

وهنا لازم نفهم إن الشفاعة فى المفهوم المسيحى تنقسم إلى ثلاثة أنواع:
الشفاعة الأولى وأعظمهم هى شفاعة المسيح الكفارية، وهذا هو إيمان كل المسيحيين اللى بيؤمنوا بالمسيح.

1 **يَا أَوْلَادِي، أَكْتُبُ إِلَيْكُمْ هَذَا لِكَيْ لَا تَخْطِئُوا. وَإِنْ أَخْطَأَ أَحَدٌ فَلَنَا شَفِيعٌ عِنْدَ الْآبِ، يَسُوعُ الْمَسِيحُ الْبَارُّ.** 2 **وَهُوَ كَفَّارَةٌ لِخَطَايَانَا. لَيْسَ لِخَطَايَانَا فَقْطُ، بَلْ لِخَطَايَا كُلِّ الْعَالَمِ أَيْضًا.** 3 **وَبِهَذَا نَعْرِفُ أَنَّنَا قَدْ عَرَفْنَاهُ: إِنَّ حَفِظْنَا وَصَايَاهُ.** (1يو2:1-3).

الشفاعة الثانية وهى تخص العذرا مريم وحدها لأنها شفاعة مقتدرة. والدليل هو إن المسيح عمل معجزة عرس قانا الجليل بشفاعة العذرا مريم (يو2:1-11). وهذه الشفاعة هى موضوع هذا الباب لأنه للأسف معظم الطوائف الغير رسولية بتعترض على هذا الإيمان.

الشفاعة الثالثة وهى الشفاعة التوسلية التى تخص علاقة المؤمنين بعضهم ببعض وهذا يشمل شفاعة الذين انتقلوا من هذا العالم إلى الفردوس، وأيضا شفاعة الملائكة الواقفين أمام الله. ومن العجيب إن كثير من الطوائف الغير رسولية بتمارس هذا النوع تحت بند "صلوا من أجلنا"، ولكنها لا تتعامل إلا مع الأحياء على الأرض فقط لا غير.

إليكم ما جاء بالإنجيل بخصوص الشفاعة التوسلية، وللمزيد أرجو الرجوع للكتاب الأول من سلسلة كتب أبونا المنتيح القمص بشوى عن الشفاعة.

فى العهد القديم:

نلاقى ربنا يأمر أبيمالك بالذهاب لإبراهيم ليصلى من أجله فشفى (تك18:20-18).
لما ربنا أراد أن يفنى سدوم وعمورة، نلاقيه يخبر إبراهيم بما هو عازم عليه (تك18:17).
وبعدين نقرا حوار جميل بين الله وإبراهيم المتوسل من أجل لوط ابن أخيه، وفى النهاية نكتشف أن الله قبل شفاعة إبراهيم، والنتيجة كانت إن الله أرسل ملاكه ليخرج لوط وأسرته قبل حرق سدوم (تك18:22-32).

وأيضا موسى النبى تشفع بإبراهيم وإسحق (خر32:11-13).
أيضا لما نقرا سفر الخروج ابتداء من الأصحاح الخامس عشر حنشوف شفاعة موسى النبى عدة مرات من أجل العبرانيين لئلا يهلكهم ربنا لما تدمروا عدة مرات ولما عبدوا العجل ... إلخ، وبالفعل ربنا استجاب لشفاعته.

وفى العهد القديم حنشوف شفاعة صموئيل (1صم7:5، 12:23).

وربنا أعلن شفاعة موسى النبي وصموئيل ولكن من شدة شرور الشعب رفض شفاعتهم (ار15:1).

وأيضاً تشفع سليمان بأبيه داود (2اي6:42)

وأيضاً في العهد الجديد: لما ندرس الإنجيل بعمق حنكتشف الآتى:

+ المسيح عمل معجزات بشفاعة العذرا مريم ومنهم معجزة عرس قانا الجليل.
+ المسيح شفى المفلوج من أجل إيمان حامله (مت9:2-7). يعنى بشفاعة حامله.
+ المسيح شفى بنت المرأة الكنعانية (مت15: 21-28)، يعنى بشفاعة ومن أجل طلبة الأم بلجاجة.

+ وفى رسالة معلمنا يعقوب نعرف إن ربنا عاوزنا نتشفع من أجل بعض (يع5:16).

شفاعة الملائكة التوسلية: (زك12:1-13) ، (لو10:15)

كل هذا دليل قوى على أن الله يستجيب ويشجعنا على طلب الشفاعة من القديسين والملائكة.
يبقى ازاي حد يعترض؟!!!

طيب ما هو مفهوم الشفاعة؟

+ الله أوصانا بأن نحب الله من كل قلوبنا.
+ الله محبة ومن فرط محبته للبشر بذل ابنه الوحيد من أجل خلاصنا، وبهذا أعطانا مثال عملى فى المحبة.

+ كمان ربنا أوصانا بأن نحب بعضنا بعضاً.
+ إذاً الإنسان المسيحى هو اللى بيحب ربنا من كل قلبه، وبالتالي يحب كل خليفة الله، مش بس البشر ولكن أيضاً يحب الطبيعة وكل ما خلقه الله. والإنسان اللى بيحب خليفة الله لازم يحافظ عليها.

+ ومن هنا نبتدى نفهم ليه الإنسان اللى بيحب ربنا لازم يحب الخير لإخوته فى الإنسانية.
+ علشان كده الإنسان المسيحى يجاهد ليكون فى ملكوت السموات مع المسيح، ولأنه يتمنى الخير لإخوته، علشان كده نلاقيه يصلى من أجلهم.

+ ومن الملاحظ إن فى ناس كتيرة من الطوائف الغير أرثوذكسية تطلب من الآخرين الصلاة من أجلهم.

+ هذه الصلاة النابعة من قلب محب للآخرين هى اللى بنسميها الشفاعة.
+ هنا فى نقطة مهمة وهى إننا بنؤمن أن روح الإنسان لا تموت. علشان كده بنؤمن أننا كنيسة واحدة جامعة رسولية مكونة من خورسين (جزئين). الخورس الأول هم أرواح المنتقلين اللى أكملوا الجهاد وهم الآن فى الفردوس. والخورس الثانى هو الأحياء المجاهدين على الأرض.

+ إذا ما المانع أن نتكلم مع المنتقلين ونطلب منهم الصلاة من أجلنا، طالما أن أرواحهم حية تعيش مع المسيح فى الفردوس!!!

+ ليس هناك أى مانع أو خطأ. وهو ده السبب إننا بنطلب من القديسين اللى سبقونا إنهم يصلوا من أجلنا، لأننا نعرف أنهم قريبين جداً من ربنا يسوع المسيح.

+ هذا الطلب هو تعبير عن الحب المتبادل بين أعضاء الكنيسة الواحدة، بغض النظر عما إذا كانوا فى هذا العالم، أم سبقونا إلى العالم الآخر. لأننا نحن جميعاً أعضاء فى الجسد الواحد الذى لربنا يسوع المسيح.

+ إذا الشفاعة هى تجسد روحى لمحبتنا بعضنا لبعض حسب وصية السيد المسيح لتلاميذه وطلبته من الآب وقت الوداع "34وَصِيَّةٌ جَدِيدَةٌ أَنَا أُعْطِيكُمْ: أَنْ تُحِبُّوا بَعْضُكُمْ بَعْضًا. كَمَا أَحْبَبْتُكُمْ أَنَا تُحِبُّونَ أَنْتُمْ أَيْضًا بَعْضُكُمْ بَعْضًا. 35بِهَذَا يَعْرِفُ الْجَمِيعُ أَنَّكُمْ تَلَامِيذِي: إِنْ كَانَ لَكُمْ حُبٌّ بَعْضًا لِبَعْضٍ." (يو13:34-35).

وواضح من دراستنا للكتاب المقدس إن السيد المسيح صنع معجزات بسبب شفاعة الآخرين. يعنى السيد المسيح بيوكد لنا قبوله للشفاعة وتشجيعه لها، لأنها إعلان من البشر عن قبولهم لرسالة السيد المسيح الداعية للمحبة وتنفيذا لوصيته بالصلاة من أجل الآخرين.
ومن نحن حتى نعترض على وصية إلهية!!!

لو حد قال إنه بيصلى للقديس الفلانى علشان يعمل ليه معجزة، نقول إيه؟

القديسين هم بشر لا يستطيعون عمل معجزات من ذواتهم، لكن بتوسلاتهم لله ممكن ربنا يعمل معجزة من أجل توسلاتهم.

فالناس اللى بتفتكر إنهم لو صلوا لقديس، فالقديس حي عمل معجزة دول غلطانين جداً. أولاً لأننا لا نصلى لأى إنسان بما فى ذلك العدرا مريم أطهر وأقدس من عرفتهم البشرية، نحن لا نصلى سوى لله وحده لا غير.

لكن فى فرق بين طلب شفاعة العدرا مريم، وطلب شفاعة أى قديس زى ما حنناقش فى الآتى.

+

شفاعة العدرا مريم

الكنيسة الحكيمة نبهتنا إلى أن شفاعة العدرا مريم هى أقوى شفاعة فى الوجود لأنها شفاعة مقتدرة، بس أوعوا تلخبطوا بينها وبين الشفاعة الكفارية التى للمسيح وحده.

المسيحى الحقيقى لابد وأن يعتبر العدرا أم خاصة أعلى وأعظم من أمهاتنا بالجسد.

إحنا شفنا ازاي ربنا استجاب لشفاعة البشر فى العهد القديم، وأيضا وقت كرازته.

فإذا كان المسيح قد استجاب لشفاعته الذين لم يكونوا قد وصلوا إلى الإيمان المسيحي الكامل ونوال الأسرار المقدسة بعد،

فهل معقول أن المسيح لا يقبل شفاعته العذرا مريم من أجلنا؟

أليست هي التي ظللتها قوة العلى، وحل أقنوم الكلمة في الحشا البتولى، وحل عليها الروح القدس؟

تعالوا نتأمل في شفاعته العذرا مريم المقتدرة.

شفاعة العذرا مريم في معجزة عرس قانا الجليل

تعالوا بينا ندرس معجزة عرس قانا الجليل المذكورة في بشارة القديس يوحنا الحبيب الإصحاح الثانى لأنها بتؤكد صدق إيمان كنيستنا الرسولية بقوة شفاعته العذرا مريم عند ربنا يسوع المسيح. ولو فهمنا الدرس كويس أكيد حنعم العذرا مريم تيجى تعيش معنا فى بيوتنا علشان تباركنا، وتطلب من ربنا يسوع المسيح من أجلنا.

"1 وَفِي الْيَوْمِ الثَّالِثِ كَانَ عُرْسٌ فِي قَانَا الْجَلِيلِ، وَكَانَتْ أُمُّ يَسُوعَ هُنَاكَ. 2 وَدُعِيَ أَيْضاً يَسُوعُ وَتَلَامِيذُهُ إِلَى الْعُرْسِ. 3 وَلَمَّا فَرَغَتِ الْخَمْرُ، قَالَتْ أُمُّ يَسُوعَ لَهُ: لَيْسَ لَهُمْ خَمْرٌ. 4 قَالَ لَهَا يَسُوعُ: مَا لِي وَلكِ يَا امْرَأَةً. لَمْ تَأْتِ سَاعَتِي بَعْدُ. 5 قَالَتْ أُمُّهُ لِلْخُدَّامِ: مَهْمَا قَالَ لَكُمْ فافْعَلُوهُ. 6 وَكَانَتْ سِتَّةَ أَجْرَانِ مِنْ حِجَارَةٍ مَوْضُوعَةً هُنَاكَ، حَسَبَ تَطْهِيرِ الْيَهُودِ، يَسَعُ كُلُّ وَاحِدٍ مِطْرَيْنِ أَوْ ثَلَاثَةً. 7 قَالَ لَهُمْ يَسُوعُ: امْلُؤُوا الْأَجْرَانَ مَاءً. فَمَلَّأُوهَا إِلَى فَوْقٍ. 8 ثُمَّ قَالَ لَهُمْ: اسْتَقُوا الْآنَ وَقَدِّمُوا إِلَى رِئِيسِ الْمُتَّكَأ. فَقَدَّمُوا. 9 فَلَمَّا ذَاقَ رِئِيسُ الْمُتَّكَأ الْمَاءَ الْمُتَحَوِّلَ خَمْرًا، وَلَمْ يَكُنْ يَعْلَمُ مِنْ أَيْنَ هِيَ، لَكِنَّ الْخُدَّامَ الَّذِينَ كَانُوا قَدْ اسْتَقُوا الْمَاءَ عَلِمُوا، دَعَا رِئِيسُ الْمُتَّكَأ الْعَرِيسَ 10 وَقَالَ لَهُ: كُلُّ إِنْسَانٍ إِنَّمَا يَضَعُ الْخَمْرَ الْجَيِّدَةَ أَوَّلًا، وَنَتَى سَكِرُوا فَحِينَئِذٍ الدُّونَ. أَمَّا أَنْتَ فَقَدْ أَبْقَيْتَ الْخَمْرَ الْجَيِّدَةَ إِلَى الْآنَ. 11 هَذِهِ بَدَايَةُ الْآيَاتِ فَعَلَهَا يَسُوعُ فِي قَانَا الْجَلِيلِ، وَأَظْهَرَ مَجْدَهُ فَأَمَنَ بِهِ تَلَامِيذُهُ". (يو: 2: 1-11)

وهنا نخلّى بالنا لما الإنجيل يقول "وَكَانَتْ أُمُّ يَسُوعَ هُنَاكَ. وَدُعِيَ أَيْضاً يَسُوعُ وَتَلَامِيذُهُ إِلَى الْعُرْسِ" يبقى ده معناه إن العذرا مريم كانت ليها معرفة قوية بأصحاب العرس، يعنى ما كانتش معزومة زى المسيح، ونقدر نقول إنها كانت معتبرة من أصحاب العرس، يعنى إما إنها قريبة لأصحاب العرس، أو محبتها ليهم شديدة قوى. والمسيح اتعزم علشان خاطرها.

من ضمن عادات الطقوس اليهودية كان شرب النبيث فى الأفراح لأنه أحمر زى الدم، يعنى تذكّار للفصح والنجاة من قبضة فرعون، يعنى هو رمز للفرح الحقيقى لما يأتى المخلص ويخلص البشر من قبضة الشيطان. وهنا فى الفرح (العرس) نلاقى المخلص موجود.

وهنا نلاحظ إن العدرا مريم ما كانتش قاعدة ضيفة ساكتة فى الصفوف الأولى، لأ ده واضح إنها كانت بتخدم وعينيها كان على كل الفرحة بما فى ذلك المعازيم وكان اهتمامها إن الكل يكون فرحان. يعنى كانت فى قمة التواضع وأمومتها كانت لكل الحاضرين، عايزاهم يفرحوا بالفرحة الحقيقى لما يتعرفوا على المخلص.

فلما العدرا مريم لاحظت إن النبىء خلص بسرعة طلبت من المسيح انقاذ الموقف. وده معناه إنها كانت عارفة ومتأكدة إنه لن يؤخر طلبها وكمان كانت عارفة إن ده هو اليوم اللى المسيح حيعمل أول معجزة.

هنا نتأمل شوية.

1- من الناحية المادية، النبىء خلص معناه أحد سببين:

السبب الأول: يحتمل إن فى ناس حضرت أكثر مما كانوا متوقعين وربما كان ده بسبب إن تلاميذ المسيح اللى حضروا كانوا كثير بسبب القديس يوحنا المعمدان اللى أرشدهم إليه، وخصوصا لما شافوا الروح القدس نازل عليه لما اتعمد فى نهر الأردن وصوت من السما بيقول "هَذَا هُوَ ابْنِي الْحَبِيبُ الَّذِي بِهِ سُرِرْتُ." (مت 17:3، مر 11:1، لو 3:22)، وبعدين القديس يوحنا المعمدان نصح تلاميذه وقال "هُوَذَا حَمَلُ اللَّهِ الَّذِي يَرْفَعُ خَطِيئَةَ الْعَالَمِ." (يو 1:29، 36). فتلاميذ يوحنا أصبحوا تلاميذ للمسيح وجم معاه للفرح وأصحاب الفرحة ما كانوا يعرفوا عددهم، فحصل عجز فى النبىء.

السبب الثانى: هو إن أصحاب الفرحة كانوا فقرا زى العدرا مريم والمسيح، وماكانش فى إمكانهم إنهم يشتروا أكثر من اللى اشتروه.

وفى أى من الحالتين العدرا مريم شعرت إن الوقت جه لإعلان شخص المسيح للجموع بإنقاذ الموقف.

كمان نلاحظ إن السيد المسيح لم يتأخر عن تنفيذ طلبها رغم إنه قال "لَمْ تَأْتِ سَاعَتِي بَعْدُ" (يو 4:4).

2- لكن لو تأملنا فى المعنى الروحى لكلام الإنجيل "وَلَمَّا فَرَعَتِ الْخَمْرُ" نقدر نقول إن الخمر هنا هو الخمر اللى صنعه الإنسان من عصير العنب، أى من نبات الأرض علشان يفرح لوقت قصير وبالتالى عمر الإنسان المادى ما حيفرح منه فرح حقيقى، وكمان هذا الخمر لابد وأن يفرغ فى يوم من الأيام.

أما الخمر التى صنعها الرب فهى خمر جيدة أصلها ماء للشرب، وبالتالى فهى غير مسكرة وتشير إلى الفرحة الحقيقى لكل من يشرب من الماء الحى عندما يؤمن بالسيد المسيح، ويثبت فى الكرمة الحقيقية من خلال أسرار الكنيسة وأهمها بالطبع سر الإفخارستيا.

تبقى العذرا مريم لما طلبت منه هذا الطلب ماكانش هدفها انقاذ الموقف اجتماعياً علشان الناس تفرح وتهيص وماحدث يتكلم عن فقر أهل العرس، لأ ده هدف العذرا مريم كان هدف روحى فوق الوصف، وواضح إنها من شدة محبتها لأهل العرس كانت عايزاها يفوقوا من خمر العالم ويوجهوا أنظارهم وقلوبهم للمسيا المنتظر، الجالس فى وسطهم، لأنه هو بالحقيقة مخلص العالم من الشيطان.

كمان ماننساش إن التلاميذ اللى حاضرين مع المسيح، كانوا لسه مش عارفين أى حاجة عنه أكثر من نصيحة القديس يوحنا المعمدان بإنهم يتركوا المعمدان ويتعلموا للمسيح المعلم لأنه هو حمل الله. وتبقى العذرا مريم بتقول للتلاميذ انتبهوا من هنا ورايح لكل أقوال وأعمال ومعجزات المعلم.

3- كمان فى نقطة مهمة وهى إن العذرا مريم كانت متأكدة إن المسيح مش حيتأخر عن تنفيذ شفاعتها بدليل إنها قالت للخدم "مَهْمَا قَالَ لَكُمْ فَافْعَلُوهُ" (يو:2:5)، وهم نفذوا أوامر السيد المسيح بدون مناقشة، وهكذا تمت المعجزة. وبكده تبقى العذرا مريم فهمتنا قوة شفاعتها عند المسيح وعلمتنا درس مهم جداً، وأرشدتنا للشروط اللى بيها ربنا ممكن يبارك حياتنا، ويصنع معجزة إذا كانت الظروف محتاجة، والشرط هو لو نفذنا نصيحتها الغالية "مَهْمَا قَالَ لَكُمْ فَافْعَلُوهُ"، يعنى لازم نفهم كويس وصايا السيد المسيح ونجاهد فى تنفيذها، وهذا لا يتم إلا بالدراسة الجادة للكتاب المقدس.
فى ناس حتسأل:

لكن ليه المسيح قال "مَا لِي وَلَكَ يَا امْرَأَةً. لَمْ تَأْتِ سَاعَتِي بَعْدُ.؟"

لو تأملنا وفكرنا بهدوء حنعرف الآتى:
زى ما شرحنا تعبير "يَا امْرَأَةً" معناه أيتها العذراء المختارة من الله منذ الأزل.
ولما يقول "لَمْ تَأْتِ سَاعَتِي بَعْدُ" يبقى بيقول لها لسه ميعاد الخلاص ماجاش، أنا لسه قدامى ثلاث سنين ونص علشان أعد الشعب والتلاميذ لقبول هذا السر العظيم.
ولما يقول "مَا لِي وَلَكَ" يبقى بيقول لها ما تستعجلش الوقت، لأنه عارف اشتياقات العذرا مريم للخلاص.

لكن فى نقطة مهمة وهى إن العذرا مريم اللى اتربت فى الهيكل عارفة كويس إن سن كهنوت العهد القديم بيدأ من سن ثلاثين. والمسيح كان قد وصل لهذا السن، ولأنه يحتمل إنها عارفة إنه هو الكاهن الأعظم الذى سيؤسس كهنوت جديد للعهد الجديد على طقس ملكى صادق، فيبقى ممكن كان قصدها "متى تعلن كهنوتك الأعظم للعهد الجديد بخبز وخمر؟". علشان كده كان رده لسه الميعاد.

+

شفاعة العذرا مريم من أجل إيماننا

نلاحظ إن القديس يوحنا ذكر فى نهاية قصة معجزة عرس قانا الجليل "هَذِهِ بَدَايَةُ الْآيَاتِ فَعَلَهَا يَسُوعُ فِي قَانَا الْجَلِيلِ، وَأَظْهَرَ مَجْدَهُ فَأَمَّنَ بِهِ تَلَامِيذُهُ". (يو: 2: 11). إذاً لما يقول فَأَمَّنَ بِهِ تَلَامِيذُهُ يبقى ده تأكيد إن العذرا مريم لما طلبت من المخلص انقاذ الموقف كان هدفها الأساسى هو ارشاد النفوس إلى المخلص، أى أن يؤمن به التلاميذ، وبالفعل تحقق طلبها. وهكذا فرح كل المدعوين فرحاً حقيقياً، وآمن منهم من آمن وأصبحوا تلاميذ للمسيح. وهنا نقدر نقول إن العذرا مريم تصرفت كأُم حنون للبشر بإرشاد الروح القدس.

والآن وقد تم الخلاص وهى جالسة عن يمين الرب فى الفردوس، نقدر نقول بكل ثقة أنها أيضاً قادرة على التشفع من أجلنا وشفاعتها لا مثيل لها. ولكن الأهم هى أن أعظم معجزة يمكن أن تصنعها من أجلنا هى تثبيتنا فى الإيمان بربنا يسوع المسيح زى ما حصل فى عرس قانا الجليل.

علشان كده لما نلاقى نفسنا غارقين فى وسط أمواج العالم المتلاطمة بعنف وشراسة، من مصلحتنا ألا نترك الموقف يبتلعنا ونفقد الإيمان. الحكمة تقول إننا نصرخ إلى الله ونتشفع بالعدرا مريم لما نقول "أعن ضعفنا يارب بشفاعة العذرا مريم أم النور. ساعدنى يأم النور". وهى ستتحنن علينا وتقول له "قد فرغ إيمانهم"، وهو سيستجيب لطلبته لأنه قادر أن يملأ أوعيتنا مرة ثانية من أجل شفاعتها، وبالطبع هذا يحتاج إلى جهاد مستمر وعلاقة قوية مع العذرا مريم.

هنا نتأمل ونسأل:

ياترى لو حبينا العذرا مريم بشدة ومسكنا فيها بشدة علشان تعيش معنا فى البيت وتبقى صاحبة البيت، هل حتعيش معنا لوحدها من غير ما تعزم المسيح؟ بكل تأكيد حتعزم المسيح معاها.

يبقى اللى يمشى مع المسيح لغاية الصليب، المسيح يسلمه العذرا مريم كأُم خاصة ليه. ولما العذرا مريم تعيش معنا تبقى هى صاحبة البيت، وقطعاً المسيح حيكون معاها. طيب ياترى إيه حجم البركات الروحية اللى ممكن ننالها لو عاش المسيح فى بيتنا ومعاها أظهر وأقدس أم فى الوجود؟ فكروا بهدوء.

+

شفاعة العذرا مريم فى وقت كرازة السيد المسيح

لوسألنا نفسنا:

أين كانت القديسة العذراء عندما كان السيد المسيح يجول كارزاً وصانعاً الخير لكل السامعين؟

لو تأملنا بهدوء فيما هو مكتوب بالإنجيل حنعرف أن التلاميذ ومن بينهم نساء كثيرات كانوا يتابعون خدمة السيد المسيح. إذاً بالمنطق الروحاني لابد وإن العذراء مريم كانت معاه فى كل كرازته، لأنها مش ممكن تكون أقل من التلاميذ.

كمان نلاحظ إن السيد المسيح كان يبدأ اجتماعه بالشعب بتقديم غذاء الروح، أى بالوعظ والتعليم، وبعدين يشفى المرضى، وبعدين يشبع الجموع من خبز الجسد لئلا يخوروا فى الطريق.

وهنا نتساءل: كم من معجزات شفاء المرضى صنعها السيد المسيح بشفاعته العذراء مريم؟ أعتقد أنها تشفعت من أجل الكثيرين وهو لم يتأخر عن طلبها، لأن الكتاب المقدس يقول إنه لو ذكرت كل الآيات والمعجزات اللى صنعها رب المجد فلن تسعها الكتب. وهنا ناخذ بالنسبة إن أعظم المعجزات هى معجزة لمس القلوب الحجرية فتتوب وتقبل خدمة وكراسة رب المجد.

+

شفاعة العذراء مريم من أجل تلاميذ السيد المسيح

مع القديس بطرس الرسول: بعد ما قتل الحاكم هيرودس القديس يعقوب ومعرفته إن اليهود فرحوا من هذا التصرف، قرّر هيرودس القبض على بطرس الرسول وقتله، والعذراء مريم كانت مع بقية الرسل والتلاميذ لما صلوا بلجاجة إلى الله من أجله. وبالفعل ظهر له ملاك وفك قيوده وأخرجه من السجن. ولما عرف هيرودس أمر بقتل الحراس. وبعدين الدود أكل هيرودس ومات وهو جالس على كرسى الولاية (أع12: 1-23).

مع القديس متياس الرسول: التقليد يذكر إن الوثنيين قبضوا على متياس الرسول وحبسوه فى سجن بعد ما ربطوه بالحديد. فصلّى وتشفع بالعذراء مريم. فحملتها سحابة إلى مكان القديس وصلت من أجله، فتحول الحديد فى كل المدينة إلى سائل. ولما علم أهل المدينة بما حدث آمنوا بالمسيح وعمدهم متياس الرسول.

الجزء الثالث

العدرا مريم

هى أمنا

هدف الجزء الثالث هو تذكرة الأقباط بمحبة القديسة الطاهرة لمصر، وبالتالي تذكرتهم بأهمية الإستفادة من هذه المحبة من أجل بنيان أسر مسيحية قوية. أيضا هذا الجزء يشرح كيفية التعامل معها كأحن أم فى الوجود وطلب شفاعتها كل حين.

محبة العدرا مريم لمصر

العدرا مريم شفيعة ومنقذة الأقباط عبر التاريخ
ظهورات العدرا مريم حديثا رسالة صامته
معجزات العدرا مريم وظهوراتها في مصر

محبة العدرا مريم لمصر العدرا مريم شفيعة ومنقذة الأقباط عبر التاريخ

هنا نخلى بالنا من نقطة مهمة لنا كمصريين. مصر هي البلد الوحيدة التي زارها السيد المسيح والعدرا مريم والقديس يوسف النجار خارج حدود بلدهم، وده مش غريب لأن مصر كان لها دور مهم فى العهد القديم فى حياة ابراهيم أبو الآباء وكل نسله.

وحيث إن السيد المسيح والعدرا مريم والقديس يوسف النجار عاشوا فى مصر عدة سنوات، يبقى أكيد العدرا مريم تعاملت مع كثير من شعب مصر. وقطعا كان فيهم ناس طيبين، وناس أشرار، ومن هنا نقدر نقول إن أكيد العدرا مريم حبت شعب مصر الطيب، وعلشان كده بتظهر فى مصر أكثر من أى بلد تانية فى العالم. أعتقد أننا لو جمعنا جميع ظهورات القديسة الطاهرة أم النور بمصر وجمعنا كل ظهوراتها بجميع دول العالم، سنجد أن عدد ظهوراتها بمصر يفوق عدد ظهوراتها فى أى بلد آخر فى كل العالم، وربما أكثر منهم مجتمعين معا. ودلوقتى تعالوا بينا نراجع أهم هذه الظهورات:

معجزة انقاذ كنيسة أتريب

معجزة نقل جبل المقطم أيام حاكم مصر المعز لدين الله الفاطمى

ظهور العدرا مريم فى الزيتون عام 1968

شبرا عام 1986

ظهورات العدرا مريم فى أسيوط بداية من عام 2000

ظهور العدرا مريم فى ملوى عام 2008

ظهور العدرا مريم فى وراق الحضر (محافظة الجيزة غرب القاهرة) عام 2009

وهنا ملخص سريع لهذه الظهورات وطبعاً فيه كتب كثيرة عنها يمكنكم قراءتها.

معجزة انقاذ كنيسة أتريب

التاريخ يذكر أن جيوش الخليفة وصلت لمصر ومعها قرار بهدم الكنائس. وبالفعل حطموا ونهبوا كنائس كثيرة قبل ما يوصلوا لأتريب. ولكن فى أتريب كانت هناك كنيسة على اسم العدرا مريم، وكان كاهن الكنيسة تقياً وبيحب العدرا مريم جداً، فلما وصلته أخبار الجيوش القادمة لهدم الكنائس صلى بدموع ولجاجة وتشفع بالعدرا مريم لكى لا يدمر العرب كنيستها.

فظهرت له العدرا مريم وأخبرته بأن الخليفة سيصدر أمر بوقف الهدم. فلما وصل الجيش تكلم الكاهن مع القائد وقال له إن قرار الخليفة فى الطريق وسيصل بعد أيام، فاستهزأ به القائد، ولكن من أجل حاجة الكاهن، وافق القائد على أن يستريح جيشه عدة أيام وبعدها سيهدم الكنيسة.

وبعدين العدرا مريم ظهرت للخليفة فى بغداد وأمرته بوقف الهدم، فارتعب وسألها "لكن الجيوش بعيدة ومستحيل أن يصلهم قرارى فى الميعاد". هنا أمرته العدرا مريم بتوقيع القرار وختمه بالخاتم الرسمى للدولة. وبمجرد ما ختم القرار ظهرت حماسة خطفت الخطاب من يد الخليفة وهو مرعوب وطارت بالخطاب إلى أتريب، وبعدين وضعت أمام الكاهن. وهكذا وصل القرار قبل انتهاء المهلة التى وافق عليها القائد، وتأكد القائد أن الخطاب أصيل وأنه مختوما بختم الخليفة الرسمى مما أثار تعجبه الشديد. وهكذا أنقذت العدرا مريم كنيسة فى أتريب من الهدم.

+

معجزة نقل جبل المقطم

احنا بنصوم صوم الميلاد 43 يوم ودول عبارة عن 40 يوم استعداد لميلاد السيد المسيح، وتلات أيام تذكرا للمعجزة اللى عملتها العدرا مريم مع أقباط مصر وأنقذتهم من مؤامرة وزير كان أصله يهودى، وبعدين عمل دسياسة عند الحاكم المعز وأقنعه إنه يدى إنذار للبابا أبرام ابن زرعة يالما يشيل جبل المقطم من القاهرة حسب كلام الإنجيل، وإلا حيصدر أمر بقتل كل الأقباط فى دولة مصر.

لكن محبة العدرا مريم للأقباط خلتها ظهرت للبابا وأرشدته على رجل فقير لكن قديس عظيم من عامة الشعب اسمه سمعان الخراز، وقالت له "هو ده اللى حينقل الجبل". وبالفعل تم نقل الجبل بعد ما صامت الكنيسة كلها من الصغير حتى الكبير وبصلوات القديس سمعان الخراز وكل أقباط الكنيسة. ياريت تشوفوا الفيلم اللى بيقدم تفاصيل المعجزة. هنا أتقدم باقتراح جريء للكنيسة. لماذا لا نفصل هذه الأيام الثلاثة وننقلها إلى نهاية العام القبطى لتنتهى فى أول توت ونسمى هذا الصوم "صوم نقل جبل المقطم".

أو على الأقل فلنقسم الثلاثة والأربعين يوما إلى صومين متتابعين الثلاثة أيام الأولى "صوم نقل جبل المقطم" والأربعين التالية هى صوم الميلاد.

+

ظهور العدرا مريم فى الزيتون 1968

العدرا مريم ظهرت على قبه كنيسة العدرا مريم بالزيتون فى 2 أبريل 1968 وظلت تظهر لمدة تصل إلى سنتين وفى كتب كثيرة بتوصف التفاصيل والمعجزات اللى حصلت.

+

ظهور العذرا مريم فى كنيسة القديسة دميانة بشبرا

العذرا مريم ظهرت فى كنيسة القديسة دميانة بشبرا سنة 1986. أرجو الرجوع إلى الكتب اللى بتوصف التفاصيل.

+

ظهورات العذرا مريم فى أسيوط بداية من عام 2000

العذرا مريم ظهرت فى أسيوط مرات عديدة وهناك بيان صادر من مجمع الكهنة بخصوص هذه الظهورات.

+

ظهور العذرا مريم فى ملوى 2008

العذرا مريم ظهرت فى أماكن متعددة فى عيد الصعود الموافق يوم 5 يونيو 2008 فى ملوى وكان ظهورها عجباً جداً وإليك ترتيب الظهورات كما رواها نيافة الأنبا ديمتريوس فى تسجيل بصوته:

1- بداية الظهور: فى مساء يوم الخميس 5 يونيو 2008 والذى يوافق عيد صعود ربنا ومخلصنا وفادينا يسوع المسيح بحسب الطقس القبطى الأرثوذكسى، رأى الشعب مسلمين ومسيحيين فى بلدة دير أبو حنس (معربة من اسم القديس يحنس/يونس القصير) من فوق سطوح بيوتهم عمود من النور نازل من السماء إلى الأرض ورأوا بوضوح القديسة الطاهرة العذراء مريم داخل هذا العمود.

2- بعد ذلك: ارتفع عمود النور من على سطح الأرض وتحول إلى سحابة على شكل حمامة وبداخلها العذراء.

3- فى نفس الوقت: رأى بعض الناس فى "بئر السحابة" القديسة واقفة عند حافة البئر، وبعدين أخذت حبل وربطت به جردل فارغ، وبعدين نزلت الجردل فى البئر، وبعدين رفعت الجردل ورشمت عليه علامة الصليب، وبعدين رمت الميه فى البئر مرة ثانية.

4- بعد ذلك: تحركت السحابة متجهة إلى كنيسة مار جرجس فى دير أبو حنس على ارتفاع منخفض وظلت فوق الكنيسة حوالى ثلث ساعة ورآها كل الشعب.

5- بعد ذلك: مرت السحابة على كنيسة الأنبا يحنس وهى متجهة إلى كنيسة السيدة العذراء بدير أبو حنس، وظل الظهور فوق كنيسة السيدة العذراء واضحا للجميع لمدة 45 دقيقة وكانت العذراء تبدو متهللة ومسبحة.

6- بعد ذلك: تحركت السحابة متجهة إلى منطقة كوم ماريا، ثم اتجهت نحو أنصنا واختفت عن أنظار شعب دير أبو حنس لمدة ثلث ساعة.

7- **بعد ذلك:** بعد ثلث الساعة هذه رأى شعب دير أبو حنس **السحابة** وهى عائدة من الغرب إلى كنيسة السيدة العذراء بدير أبو حنس، وظلت **السحابة** فوق الكنيسة لمدة ثلث ساعة ثم اختفت **السحابة**.

تعالوا بينا نسأل ونتأمل فى كل هذه الظهورات:

طيب إيه الهدف من الظهورات الكثيرة للعدرا مريم فوق كنائس مصر من سنة 1968 لغاية النهاردة؟

الرد على هذه التساؤلات لا بد وأن تكون هذه الظهورات للتأكيد إن العدرا مريم بتحب مصر قوى وعارفة أحوالنا وعلشان كده بتظهر لأنها **بتظهر ومعاها رسالة من السما**، ولكنها رسالة صامتة مش كل واحد يقدر يفهمها، وكمان مش كل واحد حيصدق هذه الرسالة. الإنسان الحكيم هو اللى يتأمل ويفهم الرسالة ويستفيد منها.

ولأن أول ظهور كان بعد نكسة 1967، علشان كده **نقدر نتأمل** فى كل هذه الظهورات من عام 1968 وحتى أحدثها ونقول إن الرسالة ليها عدة أهداف روحية كالاتى:

أول هدف للرسالة: العدرا مريم بتدعو الجميع فى مصر للمعيشة فى محبة وسلام وبتؤكد أن الله يعرف أن الأقباط شعب يؤمن بآله واحد، وبإن إيمانهم الأرثوذكسى هو إيمان سليم ومقبول من الله إلى يوم القيامة.

تانى هدف للرسالة: العدرا مريم بتنبه كل العالم إلى مكانة وإيمان كنيسة مصر القبطية الأرثوذكسية.

ثالث هدف للرسالة: رسالة تحذير للأقباط من نشاط المضللين أصحاب البدع والهرطقات اللى بتحارب الإيمان الأرثوذكسى المستقيم.

رابع هدف للرسالة: العدرا مريم ظهرت أحيانا فى وضع حزين، وده معناه إنها حزينة على الناس الذين أهملوا ماء الحياة الأبدية، وانهمكوا فى خمر العالم، ولهذا فهى بتدعو كل الناس الذين تركوا الكنيسة للتوبة والرجوع إلى الكنيسة الأم. ولأنها كانت بتظهر كتير فى وضع الصلاة، يبقى هى بتدعونا لحياة الصلاة من أجل توبة ورجوع الأحباء الذين تركوا الكنيسة.

خامس هدف للرسالة: هو "لا سلام بدون ملك السلام" ودى رسالة لكل أنحاء العالم، وبالأخص منطقة الشرق الأوسط التى لا تنتهى منها الحروب والإنقسامات. كمان هى حزينة على قساوة قلب عشيرتها (اليهود) لأنهم رفضوا الإيمان بالسيد المسيح.

مناقشة هادئة للهدف الأول لرسالة العدرا مريم

هل ممكن تشرح معنى الهدف الأول؟

نقدر نتأمل ونقول العدرا مريم طبعاً بتدعو كل شعب مصر للإهتمام ببلدهم، والحياة مع بعض فى محبة وسلام، وبتقول لكل المصريين "كُلُّ مَمْلَكَةٍ مُنْقَسِمَةٍ عَلَى ذَاتِهَا تَخْرُبُ، وَبَيْتٌ مُنْقَسِمٌ عَلَى بَيْتٍ يَسْقُطُ" (لو17:11).

العدرا مريم بتقول لشعب مصر انظروا إلى الخراب الذى يعيش فوق رؤوس كل الشعوب المتناحرة، وما أكثرها هذه الأيام، وتأملوا وفكروا ازاي تحموا مصر وتنقذوها من كل هذه الويلات كما تظهر على شاشات التلفزيون؟

فكروا بحكمة واطلبوا الخير من الله لكل شعب مصر فتمتلى بيوتكم بالخيرات. واضح إذاً أن الوسيلة الوحيدة لتجنب مصر كل هذه الويلات هي فى نشر العدل والسلام والمحبة والوئام بين كل شعب مصر، ببركة وشفاعة وصلوات حبيبة وشفاعة مصر وأظهر أم فى الوجود، وأعتقد أن ظهور طيفها داخل سحابة على شكل حمامة، رمز السلام هي دعوة واضحة للسلام وليتنا لا نهملها.

+

مناقشة هادئة للهدف الثانى لرسالة العدرا مريم

هل ممكن تشرح معنى الهدف الثانى؟

نقدر نتأمل ونقول العدرا مريم بتفكر كل العالم إن كنيسة مصر القبطية الأرثوذكسية ليها مكانة فريدة فى تاريخ البشرية، وفى ترتيبات الله، وهذا واضح لكل من يدرس الكتاب المقدس. وكمان مصر ليها مكانة خاصة جداً فى حياة السيد المسيح لأنه هرب إليها من وجه هيرودس الشرير، إذاً فمصر لها مكانة خاصة عند الله.

إذاً رسالة العدرا مريم واضحة جداً لأنها بظهورها فوق الكنائس القبطية الأرثوذكسية فقط كأنها تقول للعالم بوجه عام، وبالأخص لأقباط مصر من الطوائف الأخرى الغير رسولية "هذه الكنيسة القبطية الأرثوذكسية هي التى وضع حجر أساسها السيد المسيح، وهنا فى الكنيسة القبطية الأرثوذكسية ستجدوا الإيمان المسيحى السليم، والكهنوت الرسمى المقدس الممتد منذ عصر الرسل". يعنى العدرا مريم بتقول ليهم ارجعوا إلى الإيمان السليم.

+

مناقشة هادئة للهدف الثالث لرسالة العدرا مريم

هل ممكن تشرح معنى الهدف الثالث؟

نقدر نتأمل ونقول زى ما قلنا البند الثالث رسالة تحذير من نشاط المضللين أصحاب البدع والهرطقات. ودلوقتى تعالوا نفكر بهدوء.

لما يكون رئيس دولة رايح فى زيارة مهمة لدولة ثانية يقوم بيعت أولا مندوب على مستوى على جدى. طيب السيد المسيح هو ملك الملوك والعدرا مريم هى أقدس وأطهر من عرفتهم البشرية. هل نقدر نسأل ونقول: هل إن ربنا بعثها لينا علشان تنبهننا إن قدوم الرب هو على الأبواب!!!

هنا ننتبه إلى تحذير السيد المسيح نفسه عن الناس اللى حيضللوننا فى أواخر الأيام "انظروا، لا يُضِلُّكُمْ أَحَدٌ" (مت 24:4، مر 13:5، لو 21:8)، علشان كده لازم نحترس من البدع والهرطقات، وأهمها بدعة الملك الألفى.

موضوع البدع والهرطقات هو فى الحقيقة موضوع جهاد كنيستنا القبطية الأرثوذكسية من يوم ما حضر القديس مار مرقس وبشرنا بالإيمان الرسولى السليم، وأسس كنيستنا اللى رب المجد وضع حجر أساسها لما جه مصر وهو طفل هرباً من وجه الشرير هيرودس.

ولأن هدف كل البدع والهرطقات على ممر العصور هو إنكار لاهوت السيد المسيح، سواء بطريقة مباشرة، أو غير مباشرة. وعلشان كده دراسة تاريخ الكنيسة وجهادها ضد البدع والهرطقات مهم جداً، لو فهمناه نقدر نفهم مين هم أصحاب هذه البدع والهرطقات، وبكده نقدر نحترس منهم. علشان كده لازم نبعد عن اجتماعات الطوائف الجديدة اللى أسسها يهود أمريكا لخدمة مصالحهم تحت ستار الحرية الدينية.

ولو فحصنا إيمانيات هذه الطوائف حنلاقيها مليانة انحرافات خطيرة، رغم إنهم بيقولوا إنهم مسيحيين، وبعدين نلاقيهم بينكروا أسرار الكنيسة اللى أسسها السيد المسيح وأهمها بالطبع نوال سر المعمودية المقدسة فى كنيسة رسولية ومن كهنة مرسومين رسامة سليمة باسم الأب، والإبن، والروح القدس، ونوال الروح القدس من خلال سر الميرون، وبعدين ممارسة سر الأسرار اللى هو سر الإفخارستيا وبكده تثبت فى الكرامة الحقيقية بالتناول من الجسد الكريم الحقيقى والدم الذكى الحقيقى لربنا يسوع المسيح.

هنا لازم نفهم كويس إن الشخص اللى ينكر أسرار الكنيسة الجامعة الرسولية هو فى الحقيقة بينكر تعاليم السيد المسيح، ولأن السيد المسيح هو مؤسس هذه الأسرار، يبقى هذا الشخص بينكر السيد المسيح، وبالتالي ليس لهذا الإنسان أى نصيب فى الحياة الأبدية بحسب كلام ربنا يسوع المسيح "وَلَكِنْ مَنْ يُنْكِرُنِي قُدَّامَ النَّاسِ أُنْكِرُهُ أَنَا أَيْضًا قُدَّامَ أَبِي الَّذِي فِي السَّمَاوَاتِ" (مت 10:33).

كمان فى نقطة مهمة وهى إن الأسرار الثلاثة دول لابد من نوالهم عن طريق كهنة مرسومين رسامة رسولية سليمة فى كنيسة رسولية ممتدة من عصر الرسل، وبالتالي فإن كهنوتهم هو كهنوت رسولى متسلسل منذ عصر الرسل. يعنى لما واحد يروح يلبس لبس أرثوذكسى ويقول

إنه بقى كاهن أرثوذكسى من غير ما ترسمه الكنيسة الرسولية يبقى لازم نرفضه تماما، ولما ناس تؤسس كنيسة لا علاقة لها بالكنيسة الجامعة الرسولية أيضا لازم نرفضهم.

علشان كده ظهور العذرا مريم فوق كنايس الأقباط الأرثوذكس كسفيرة للسيد المسيح هو بدون شك إعلان سماوى بأن الإيمان المستقيم هو فى هذه الكنيسة الرسولية. ويبقى غير الأرثوذكس اللى بيعترضوا على ظهور العذرا مريم وينكروه هم فى الحقيقة معترضين على رسالة السما اللى بتدعوهم للرجوع للإيمان الأرثوذكسى الرسولى، وأكد إنهم إن لم يتوبوا ويرجعوا للإيمان السليم فستكون دينونتهم فى أواخر الأيام شديدة.

+ كمان العذرا مريم بتدعو الأقباط للثبات فى الإيمان الأرثوذكسى السليم والإحتراس من الذئاب أعداء المسيح المختفين فى وسط الخراف: "لَا تَخَافُوا مِنَ الَّذِينَ يَقْتُلُونَ الْجَسَدَ، وَبَعْدَ ذَلِكَ لَيْسَ لَهُمْ مَا يَفْعَلُونَ أَكْثَرَ. 5 بَلْ أُرِيكُمْ مِمَّنْ تَخَافُونَ: خَافُوا مِنَ الَّذِي بَعْدَ مَا يَقْتُلُ، لَهُ سُلْطَانٌ أَنْ يُلْقِيَ فِي جَهَنَّمَ. نَعَمْ، أَقُولُ لَكُمْ: مَنْ هَذَا خَافُوا." (لو 12: 4-5)؟؟؟

+ أيضا كل هذه الظهورات هى رسالة من السماء للأقباط: الرب يدافع عنكم فإياكم والإعتماد على ذراع بشر للدفاع عنكم، هوذا الأم الحنون العذراء تشفع من أجلكم أمام الله. "هَكَذَا قَالَ الرَّبُّ: مَلْعُونُ الرَّجُلُ الَّذِي يَتَّكِلُ عَلَى الْإِنْسَانِ، وَيَجْعَلُ الْبَشَرَ ذِرَاعَهُ، وَعَنِ الرَّبِّ يَحِيدُ قَلْبُهُ" (أر 17: 5).

+

مناقشة هادئة للهدف الرابع لرسالة العذرا مريم

العذرا مريم ظهرت أحيانا فى وضع حزين، علشان كده نسأل:

طيب ليه العذرا مريم كانت بتظهر حزينة فى بعض الظهورات؟

نقدر نتأمل ونقول إن ظهورها أحيانا فى وضع حزين معناه إنها حزينة على الناس اللى أهملت ماء الحياة الأبدية وانهمكت فى خمر العالم، تمام زى معجزة عرس قانا الجليل. وعلشان نفهم سبب حزنها لازم نسأل نفسنا:

هل أحوالنا النهارده تفرح قلب ربنا ومخلصنا يسوع المسيح؟

لو راجعنا أحوالنا وناقشناها بصراحة سنكتشف إن أحوالنا محزنة جداً. نور المسيح اللى كان فينا زمان خايف أقول إنه أصبح فتيلة مدخنة وطبعاً ده ما يمنعش إن الكنيسة مازال فيها أبرار كثير لكن مش زى زمان.

فين الطيبة والوداعة والأمانة والقناعة بتاعة أيام زمان؟

نسيتوا إن كل الصرافين فى وقت من الأوقات كانوا أقباط بسبب ثقة كل الشعب فيهم!!!

فين البركة اللى كانت كل البيوت فى مصر مليانة منها؟!!!

فين السمعة الطيبة عن الأخلاق الطاهرة، والعفة والأدب، اللى كان الأقباط مضرب المثل فى كل الشرق؟!!!

الأسئلة كثيرة وفى ناس حتقول "ما هو ده حال الدنيا فى كل مكان، وإحنا عايشين فى الدنيا وزينا زى كل الناس".

هنا نسمع الرد من فم ربنا يسوع المسيح "لَسْتُمْ مِنَ الْعَالَمِ" (يو15:19).
علشان كده العدرا مريم حزينه. كمان هى حزينه لأننا لا نصرخ إلى الله فى وقت الضيقات بقلب واحد، وفكر واحد، وروح واحدة؟!!!

ولأنها كانت بتظهر كتير فى وضع الصلاة يبقى هى بتدعونا لحياة الصلاة.
ولأن طيف العدرا مريم ده نور سماوى، تبقى هى بتقول "قوموا يابنى النور لنسبح رب القوات" (صلاة نصف الليل)، يعنى بتدعونا للصلاة وحياة التسبيح حتى واحنا مشغولين فى طاحونة مشاكل الحياة اللى بتشغل بالنا كتير هذه الأيام.

ويبقى ظهورها ده تأكيد على سلامة إيمان كنيستنا المَحَارَبَة من كل اتجاه وخصوصا من ضعاف النفوس. وهى طبعاً حزينه على الناس اللى سابت الكنيسة وانجذبوا لخداع العالم لسبب أو لآخر وللأسف فاكيرين إنهم فى طريق سليم بينما هم فى طريق مظلم.

+

مناقشة هادئة للهدف الخامس لرسالة العدرا مريم

ظهور العدرا مريم وظهور الحمام فى السما بعد حرب 1967 كان رسالة لكل العالم، وخصوصاً لليهود فى إسرائيل إن السلام الحقيقى ليس فى كسب المعارك الحربية والإستيلاء على أراضى الغير وإنما فى الرجوع لله.

كمان العدرا مريم أكيد بتحب عشيرتها، يعنى بتحب العبرانيين، ولأنهم رفضوا السيد المسيح بسبب غلاظة قلوبهم، تبقى هى حزينه على كل النفوس اللى عايشة بعيد عن نور المسيح رغم إنهم أولاد المواعيد الأولى وحتفضل حزينه إلى أن يتوبوا ويرجعوا للإيمان السليم.

+++

تأمل خاص فى ظهور العدرا مريم فى ملوى

بالطبع فى تساؤلات كثيرة حول الظهور الديناميكى العجيب للعدرا مريم فى ملوى يوم 5 يونية عام 2008، وهو حصل بعد 40 سنة وشهرين من ظهورها فى الزيتون فى 2 أبريل عام 1968، ورقم 40 له معانى روحية. ولكن الآن دعونا نفتح أذهاننا وندخل إلى عمق الأعماق للتأمل فيما يخص كنيستنا من هذه الرسالة السماوية الديناميكية الفائقة الروعة والمتشابهة

الأهداف كنسج رائع ومن الصعب المسك بخيوطه. تعالوا نحاول نفهم الرسالة ولأن التأمل فى هذا الظهور الفريد يمكن أن يملأ مجلدات، لهذا سأكتفى هنا بالقليل جداً على شكل أسئلة أو عناوين لموضوعات، ثم أدعوكم إلى فتح الإنجيل المقدس والبحث عن الآيات التى لها علاقة بهذه التساؤلات ثم التأمل فيها فى اجتماعاتكم:

ما مغزى ظهورها فى عيد الصعود؟

لو انتبهنا إلى إنجيل هذا العيد (لو24:36-53) حنلاقيه بيتكلم عن دخول المسيح للتلاميذ والأبواب مغلقة. يبقى نقدر نتأمل ونقول إن كنيسةنا بتفكرنا إن رب المجد بنفسه قبل أن يصعد أكد دوام بتولية العذرا مريم بالدليل المادى الذى لا يقبل أى مساومة، لأنه كما دخل والأبواب مغلقة، هكذا تجسد وولد وبتوليته مختومة كما يقول الكاهن فى القسمة، وأيضا حسب النبوات. + ما علاقة احتفال الكنيسة بعيد الصعود وهذا الظهور فى ذات نفس اليوم؟ ولماذا هبط ثم ارتفع العمود فى عيد الصعود؟

+ الظهور حدث فى عيد الصعود: فهل هو اشارة لتجسد السيد المسيح وصعوده للسماء كما شرح رب المجد لنيقوديموس "وَلَيْسَ أَحَدٌ صَعَدَ إِلَى السَّمَاءِ إِلَّا الَّذِي نَزَلَ مِنَ السَّمَاءِ، ابْنُ الْإِنْسَانِ الَّذِي هُوَ فِي السَّمَاءِ."؟ (يو3:13).

+ التقليد القبطى، والذى عنه أخذت كل كنائس العالم قبل الإنقسام، هو ضرورة الإحتفال بعيد القيامة بعد الفصح اليهودى الذى هو رمز التجسد والخلاص بدم ربنا يسوع المسيح.

أليست هذه شهادة من السماء بسلامة الفكر والطقس القبطى؟

إذاً لاتسمحوا للأجانب بالسخرية منا ولا تسمحوا لأنفسكم بالسقوط فى عقدة الخواجا!!!

ما مغزى ظهورها فوق الكنائس الأرثوذكسية فقط؟

كنيسةنا القبطية الأرثوذكسية لها مكانة خاصة عند الله وهذا واضح جداً لكل من يدرس الكتاب المقدس. علشان كده لازم نسأل:

+ ألا يذكرنا مشهد العمود بنبوة أشعياء النبى "فِي ذَلِكَ الْيَوْمِ يَكُونُ مَذْبَحٌ لِلرَّبِّ فِي وَسْطِ أَرْضِ مِصْرَ وَعَمُودٌ لِلرَّبِّ عِنْدَ تَحْمِهَا. فَيَكُونُ عَلَامَةً وَشَهَادَةً لِرَبِّ الْجُنُودِ فِي أَرْضِ مِصْرَ. لَأَنَّهُمْ يَصْرُخُونَ إِلَى الرَّبِّ بِسَبَبِ الْمُضَايِقِينَ فَيُرْسِلُ لَهُمْ مُخْلَصاً وَمَحَامِياً وَيُنْقِذُهُمْ. فَيَعْرِفُ الرَّبُّ فِي مِصْرَ وَيَعْرِفُ الْمِصْرِيُّونَ الرَّبَّ فِي ذَلِكَ الْيَوْمِ وَيُقَدِّمُونَ ذَبِيحَةً وَتَقْدِمَةً وَيَنْذَرُونَ لِلرَّبِّ نَذْراً وَيُوفُونَ بِهِ" (إس21:19-21). !!!؟

أليس هذا النص هو نبوة واضحة وضوح الشمس عن وصول الإيمان بالمسيح لمصر، وإيمان المصريين بالمسيح، وتأسيس الكنيسة القبطية الأرثوذكسية!!!؟

والأهم لما يقول "وَيُقَدِّمُونَ ذَبِيحَةً وَتَقْدِمَةً"، أليس هذا نص واضح أن المصريين سيقدمون

ذبيحة خارج أورشليم مقبولة من الله، ولأن الذبيحة في العهد القديم لم يكن مسموحا بتقديمها إلا في هيكل أورشليم،

إذا فالنبوة هنا هي عن سر الإفخارستيا لأنها هي ذبيحة العهد الجديد؟!!!

يبقى ازاي أى واحد يقول إنه مسيحي ولا يعترف بهذا السر أو يتحايل ويقول كسر خبز؟!!!
أليست كنيسة مصر هي الكنيسة الوحيدة من كل كنائس الأمم التي تنبأ عنها أنبياء العهد القديم بالإسم؟!!!

ثم لماذا مصر بالذات دون بقية العالم؟!!!

أليس لأن أشعياء النبي رأى بعين النبوة رب الجنود قادماً لمصر بالذات ليباركها ويضع حجر الأساس لكنيستنا محمولاً كطفل على السحابة (القديسة العذراء) وفي رعاية القديس يوسف النجار؟!!!

تأملوا يا أحبائى فى كل هذه البركات التي تشتهيها أمم كثيرة؟!!!

+ كنيستنا تتمسك بالترجمة القبطية الأرثوذكسية للإنجيل المقدس فى قراءاتها ومن بينها النص الخاص بتحية الملاك للقديسة العذراء وقت البشارة "سَلَامٌ لَكَ يَا مُمْتَلِنَةً نِعْمَةً" (لو1:28)، ونرفض الترجمة البروتستانتية "أيتها المنعم عليها". يبقى ظهور العذرا مريم فوق الكنائس الأرثوذكسية هو تأكيد لنا من السما أنها مملوءة نعمة وملتحنة بالمجد.

وأعتقد أن العذرا مريم بتعاتبنا وتقول "إمتى تخرجوا للنور إنجيل مترجم ترجمة أرثوذكسية دقيقة بدلاً من الترجمات البروتستانتية الغير دقيقة؟ لا تخافوا من شراسة أعداء الإيمان الأرثوذكسى، أو الاتهامات الباطلة بأنكم تحرفوا الإنجيل، أنتم فى أشد الإحتياج إلى مراجعة للترجمات المنتشرة من أجل تثبيت الإيمان الأرثوذكسى."

هنا أقول لتشجيع كل من يحثه قلبه للعمل، أن إخوتنا المسلمين الذين كانوا حتى وقت قريب يرفضون بشدة ترجمة القرآن، قد أعلنوا على مواقعهم بالإنترنت أنه قد تمت ترجمته إلى ما يقرب من خمسين ترجمة كما يقولون، والله أعلم.

يبقى عيب علينا نحن أحفاد الشهداء الأقباط إنه مايكونش عندنا ترجمة عربية أرثوذكسية، خصوصاً وإن مسألة ترجمة الكتاب المقدس من اللغات الأصلية إلى لغات العالم معمول ومعترف بها حتى من قبل تجسد رب المجد عندما تُرجم العهد القديم إلى اللغة اليونانية فى الإسكندرية قبل ميلاد السيد المسيح بمئات السنين. واستمرت عمليات الترجمة للمساعدة فى نشر الإيمان المسيحي إلى شعوب العالم منذ بداية الكرازة؟ كمان الترجمة القبطية هي من أقدم الترجمات إن لم تكن أولها.

هنا لازم نحترس جداً من التعامل مع الذين لا يكونون أى وقار أو احترام للعذرا مريم. ولأن الذى يحب كثيراً يغفر له كثيراً (لو7:47)، لهذا أتجراً وأقول "وهل هناك حب أعظم من

أن نهتم بترجمة الكتاب المقدس بأنفسنا ولأنفسنا؟!!

لهذا أعتقد أن العدرا مريم تطالبنا أيضا بأن تكون هذه الترجمة قبطية مائة في المائة. الكلام ده معناه إن كل مجهوداتنا للترجمة يجب أن تكون أرثوذكسية مائة في المائة سواء من المترجمين، أو المراجعين، أو الفنيين كاتبى الترجمة بالكمبيوتر، وعاملى المطبعة، ودار النشر يجب أن تكون فى إطار الكنيسة دون اللجوء لجهات غير أرثوذكسية، لأنه من السهل عليهم تشويش هذا المجهود عندما يحاولون الضغط علينا وإقناعنا بإختيار ترجمة غير أرثوذكسية. ولكن أخطر شئ هو إننا لو سمحنا لغير الأرثوذكس بالإشتراك فى هذا العمل، حنلاقى كثير من البسطاء يفتكروا إننا مشتركين فى نفس الإيمان مع الطوائف الغير رسولية وهذه مصيبة كبرى يجب تلافيها.

ما مغزى عامود النور؟

+ **الظهور ابتداء بعمود نور من السماء للأرض وبعدين ارتفع العمود وتحول إلى سحابة على شكل حمامة وبداخلها طيف القديسة العذراء، هكذا رآها الجميع بدون أدنى تفرقة، مسلمين ومسيحيين.** وده دليل محبتها لكل شعب مصر.

+ **ما هو النور؟ ومتى ظهر النور؟** هناك نور حقيقى سماوى أزلئ، وهناك أيضا أنوار مخلوقة كالشمس والقمر والنجوم (تك1:14-19)، وهناك أنوار صناعية ولكنها كلها مؤقتة لأن كل العناصر ستتحل يوم القيامة (2بط3:12). وأيضا هناك أنوار زائفة. فكيف نفرق بينهم؟

+ **السيد المسيح هو نور العالم الحقيقى** (يو1:9، 12:8، 5:9، 36:12). وأوصانا بأن نؤمن به لنكون نور العالم (يو12:36، مت5:16). وشرح لنا فى موعظته على الجبل كيف نكون نور للعالم (إنجيل متى إصحاحات 5، 6، 7).

طيب هل إحنا فعلا نور العالم أم فشلنا؟ ولماذا؟

+ **عمود النور من السماء للأرض: إيه معناه؟**

أليس هو كشف من السماء يشير للتائبين فى صحراء مشغوليات العالم كأنه يقول "هنا كنيسة المحبوبة، هنا الإيمان الأرثوذكسى السليم، هنا الجوهرة غالية الثمن، بيعوا كل ما لكم لتتقنوها، لا تنظروا إلى الأشخاص وإنما إلى الأسرار المقدسة والإيمان المحفوظ فى هذه الكنيسة".

+ **كمان واضح إنها دعوة سمائية "النور معكم زماناً قليلاً بعد، فسيروا ما دام لكم النور لنلاً يذركم الظلام."** (يو12:35).

يعنى نصيحة من السماء افتحوا الكتاب المقدس، وادرسوه بعمق، لتتعرفوا على النور الحقيقى، فتنالوا ملكوت السموات.

ما هو مغزى الطيف؟

+ التحاف طيفها بالنور أليس هذا شهادة من الروح القدس أنها تفوق كل البشر فى الطهارة والقداسة؟!!!

+ فكيف نسمح لأحد أن يستهزئ بأمننا الطاهرة سواء باللسان، أو بنشر كتابات هرطوقية قديمة فى ظاهرها دفاع عن بتولية العدرا مريم أما فى حقيقتها فهى تخدش العدرا مريم بأسلوب مقزز جداً، أو باستعمال كتابات ورسومات علمانية حديثة خالية من أى روح مسيحي تحت ستار أنها قصص مصورة للنشء وللأطفال. ولما يقولوا إن سبب استعمال الترجمات الغير دقيقة هو للتبسيط، يبقى ضميرنا يحتم علينا إننا نرفض تقديم هذا الإنتاج الغريب لأولادنا كما لو كان خبزاً صالحاً، بينما هو فى الحقيقة خبز غير صالح وبه عقارب سامة؟!!!

أشكر الله إن بعض الفنانين الأقباط الأرثوذكس بدأوا فى التعاون مع الكنيسة وأنتجوا بعض الكتب للنشء والأطفال. ولكن هذا لا يكفى. أتمنى أن يزداد عدد الكتاب والفنانين المسيحيين المتعمقين فى الإيمان، والمخلصين لهذا الهدف السامى، وعلى استعداد لتقبل النصائح البناءة، بوداعة وصدر رحب، مع وجود مراجعة كنسية دقيقة، بدون محاباة منعاً من الأخطاء، وبهذا تزدهر مكتباتنا بكل ما هو صالح ونافع للأجيال الصاعدة.

مامغزى السحابة؟

+ لقد ارتفع العمود وتحول إلى سحابة على شكل حمامة.
+ ألا تذكرنا السحابة بنبوة أشعيا النبى فى العهد القديم "هُوَذَا الرَّبُّ رَاكِبٌ عَلَى سَحَابَةٍ خَفِيفَةٍ وَقَادِمٌ إِلَى مِصْرَ" (أش:19)؟ ترجمة قبطية

+ أليست أم النور هى السحابة التى حملت ربنا يسوع المسيح إلى مصر كما جاء بالنبوات؟
+ كمان ما ننساش إن السيد المسيح أخبرنا عن مجيئه على السحابة "وَحِينَئِذٍ يُبْصِرُونَ ابْنَ الْإِنْسَانِ آتِياً فِي سَحَابَةٍ بِقُوَّةٍ وَمَجْدٍ كَثِيرٍ" (لو:21:27)، تمام زى ما صعد إلى السما "وَلَمَّا قَالَ هَذَا ارْتَفَعَ وَهُمْ يَنْظُرُونَ. وَأَخَذَتْهُ سَحَابَةٌ عَنْ أَعْيُنِهِمْ" (أع:1:9)

+ كمان إحنا عارفين إن السحابة بتتكون من بخار المياه، والمياه رمز للمعمودية زى ما شرح معلمنا القديس بولس الرسول عن خروج بنى إسرائيل من مصر "1فَإِنِّي لَسْتُ أُرِيدُ أَيُّهَا الْإِخْوَةُ أَنْ تَجْهَلُوا أَنَّ آبَاءَنَا جَمِيعَهُمْ كَانُوا تَحْتَ السَّحَابَةِ، وَجَمِيعَهُمْ اجْتَازُوا فِي الْبَحْرِ، 2وَجَمِيعَهُمْ اعْتَمَدُوا لِمُوسَى فِي السَّحَابَةِ وَفِي الْبَحْرِ" (1كو:10:1-2)

ما مغزى الحمام؟ وماذا ترمز إليه الحمامة؟

+ الحمامة هي رمز للروح القدس (مت 3:16)

+ وأيضا نحن نعلم أن الحمامة هي رمز للسلام في عرف كل الشعوب. والسبب يرجع إلى أيام الطوفان لأنه عندما شعر نوح البار بإنهاء الطوفان فتح طاقة بالفلك (شباك صغير) وأرسل الغراب أولا ليستشف الأمور فخرج متردداً، ثم أرسل الحمامة فرجعت لأنها لم تجد مقراً لرجلها، ثم عاد وأرسلها بعد أسبوع فعادت وهي حاملة ورقة زيتون في فمها إشارة إلى أن الخراب قد انتهى وهوذا السلام قريب، وبعدها أرسلها ثانية فلم تعد. فعرف نوح البار أنها قد استقرت بسلام، فخرج هو وبنوه وزوجاتهم جميعاً وكل ما معه من مخلوقات من الفلك وقدم الشكر لله (تك 8 : 11-18).

يبقى ظهور الحمام معناه إن الروح القدس هو الذي يحمل إلينا السلام الحقيقي.

علشان كده لازم نسأل نفسنا:

+ هل يمكن لإنسان أن يعيش في سلام حقيقى مع الله بدون الروح القدس؟

+ هل الظهور رسالة من السماء: هوذا الروح القدس المعزى، الذى ستحتفل به الكنيسة بعد عشرة أيام من عيد الصعود، هو فى داخلكم ولأنكم هياكل الله والروح القدس حل فيكم فى المعمودية الرسولية المقدسة (1كو 3:16)، إذاً الروح القدس سيرشد ويعزى كل إنسان مكلوم أو مظلوم، إن تضرع وطلب وصلى وسبح بلجاجة كما أظهر لكم الآن!!! فلا تخافوا.

+ إذاً نستطيع أن نقول أن هناك رسالة خاصة بكل شعب مصر مسلمين ومسيحيين. إنها دعوة سمائية للشعب علشان يعيشوا مع بعض فى عدل ومحبة وسلام

+ كنيستنا تصف العذراء فى التسبحة بأنها الحمامة الحسنة ونحن ندعوها "أم النور". أليس ظهور طيفها داخل عمود النور ثم السحابة على شكل حمامة هو تأكيد لهذا اللقب؟

+ أليس هذا المشهد المرهب فى روعته هو تأكيد من السماء لنبوة سليمان الحكيم "9 وَاحِدَةٌ هِيَ حَمَامَتِي كَامِلَتِي. الْوَحِيدَةُ لِأَمِّهَا هِيَ. عَقِيلَةٌ وَالدَّتْهَا هِيَ. رَأَتْهَا الْبَنَاتُ فَطَوَّبْنَهَا. الْمَلَكَاتُ وَالسَّرَارِيُّ فَمَدَحْنَهَا. 10 مَنْ هِيَ الْمُشْرِفَةُ مِثْلَ الصَّبَاحِ جَمِيلَةٌ كَالْقَمَرِ طَاهِرَةٌ كَالشَّمْسِ مُرْهِبَةٌ كَجَيْشٍ بِالْوِيَّةِ." (نش 9:6-10)

ما مغزى ظهورها فى وضع التسبيح والصلاة؟

+ وظهور العذراء فى وضع التسبيح، ألا يعنى هذا أنها تدعونا "قوموا يا بنى النور سبحوا رب القوات"؟

+ ثم ألم ينطق الروح القدس على لسانها عند زيارتها للقديسة أليصابات "فَهُوَذَا مِنْذُ الْآنَ جَمِيعُ الْأَجْيَالِ تُطَوِّبُنِي" (لو 1:48)؟

فهل ظهورها فى وضع التسبيح كالراهبات هو عتاب وديع لتذكرة من أهملوا تكريم بتوليبتها

الدائمة من الإخوة غير الأرثوذكس واتهموها ظلماً أنها أنجبت إخوة للرب؟!!!
وهل هو تحذير لنا معشر الأقباط الأرثوذكس بعدم نسيان ما صنعتة معنا منذ هروبها لمصر؟
وما أكثر ما صنعت.

ما هو مغزى البير والدلو والماء؟

لو قرينا سفر التكوين حنعر إن الماء هو مصدر الحياة، منه خرجت الأرض وبه نعيش ولكن الأهم هو أننا ننال سر المعمودية المقدسة **بالماء** والروح.

+ **مشهد البير والدلو والماء:** ايه معنى ربط الجردل بالحبل، ثم تدليته، ثم سحبه مملوءاً بالماء، ثم رشمها علامة الصليب على الماء ، ثم صب الماء ثانية فى البئر، إنه ظهور ديناميكي فريد جداً. فماذا يعنى؟!!!

+ وماذا يشير الماء والدلو والحبل والبئر إلى؟!!!

+ ألا يذكرنا هذا المنظر بقاء رب المجد مع السامرية عند البير والحوار الذى دار بينهما، حيث السامرية تمثلنا نحن كل البشر الشاربين من آبار العالم المشققة بدلا من ماء الحياة الأبدية؟!!!

+ بعض المفسرين يقولوا إن البير حفره يعقوب ليشرب هو وأولاده منه. ولما نقرا الإنجيل حنعر إن رب المجد دعا السامرية إلى ترك هذا الماء لكى تشرب من عنده ماء الحياة الأبدية، علشان كده نسأل: هل اقترب زمان عودة أولاد يعقوب إلى رشدهم ليشربوا من ماء الحياة الأبدية فيحل السلام؟!!!

+ وياترى هل السلام الحقيقى مع الله على الأبواب؟

+ الماء هو مصدر الحياة لكل البشر، والبير هو ينبوع الماء. فإذا مسكت العذراء بدلو فارغ ألعها تقول لنا: تعالوا فأريكم حالكم. دلوكم فارغ وليس لديكم ماء، وقطعاً المقصود هو ماء الحياة الأبدية. ادخلوا إلى العمق فتجدون ماء الحياة. ثم نسأل مع السامرية ومن أين ستأتينا بهذا الماء والدلو فارغ والبئر عميق؟ فإذا بالنور السماوى يرد "هو فى داخل أسرار هذه الكنيسة الرسولية التى باركها رب المجد". لانتظروا إلى الخدام وأحوالهم بل "انظروا إلى راعي نفوسكم وأسقفها ربنا يسوع المسيح" (1بط2:25).

+ ولما تربط العذراء الجردل بالحبل وتنزله فى البئر ألعها تقول: ها أنا قد أريتكم كيف تشربون من ينبوع الماء الحى. لابد من التعب والجهد كمن يمسك بالحبل ويربط الدلو به ثم يدلّه فى البئر العميق ليرفع الماء الحى، لأن ابنى وإلهى رب المجد قد وعد ووعدته صادق "إِنْ عَطِشَ أَحَدٌ فَلْيَقْبَلْ إِلَيَّ وَيَشْرَبْ. 38 مَنْ آمَنَ بِي، كَمَا قَالَ الْكِتَابُ، تَجْرِي مِنْ بَطْنِهِ أَنْهَارُ مَاءٍ حَيٍّ." (يو7:37-38).

+ إذاً هذا الظهور هو دعوة لكل الأقباط وبالأخص المشغولين فى دوامة الحياة وأيضا لغير الأرثوذكس، لماذا لا تفيقوا من مشغوليات الحياة وتأتوا إلى كنيستكم الأم لتناولوا ماء الحياة الأبدية من خلال أسرارها المقدسة؟

+ وهل هى دعوة لترك الآبار المشققة التى لاتضبط ماءً والدخول إلى الأعماق؟

+ أعلها تسألنا: هل ماء الحياة الأبدية موجود فى بيوتكم؟

+ وماذا عن العطاش للبر وماء الحياة الأبدية؟

+ ما علاقة الماء بالسحابة على شكل حمامة ؟

إحنا عارفين إن الحمامة هى رمز للروح القدس، وإن الميلاد الثانى هو من الماء والروح، كما شرح رب المجد لنيقوديموس (يو:3:1-8)، يعنى المعمودية بالماء والروح القدس من خلال كنيسة رسولية!!!!!!

لهذا فكل من يريد أن يخلص لابد وأن يعتمد فى كنيسة رسولية تمارس هذا السر المقدس بالتغطيس ثلاث مرات بإسم الأب والإبن والروح القدس كما علمنا السيد المسيح (مت:28:19)، وبعدها يلبس المؤمنون لباس العرس الأبيض.

+ إذاً هذا الظهور هو دعوة لكل من ليس عليه لباس العرس من الطوائف الغير رسولية "هلموا إلى الكنيسة الأم لتغسلكم وتلبسكم لباس البهاء".

ما هو مغزى الحبل؟

+ الحبل القوى (الغليظ) المصنوع من ألياف طبيعية يصنع على عدة مراحل، تبدأ بجمع نباتات ذات ألياف قوية نمت من تراب الأرض والماء، وبعدين تجدل إلى ألياف متشابكة لتنتج أولا أحبال رفيعة ، ثم تجدل الحبال الرفيعة لتنتج الحبل القوى.

فلو تأملنا نقدر نقول إن الحبل يذكرنا بأن الكنيسة القوية زيتها زى الحبل القوى، مجدولة من الألياف الصغيرة اللى هم الأفراد نموا من تراب الأرض والماء واجتمعوا إلى أسر متدينة، وبعدين أصبحوا كحبال رفيعة مكونة من شعب كنيسة محلية، وبعدين الحبل أصبح أقوى لما اجتمعت كنائس المناطق فى محبة لتصير الإيبارشيات، ثم اجتمعت هذه الحبال القوية فى الكنيسة الجامعة الرسولية.

إذاً هى دعوة من الأم الحنون لوحدة الإيمان والقلب والفكر فى المسيح يسوع ربنا وأيضاً للترابط بدلاً من الصراعات وتشتت الأراء.

هى دعوة للشعب بعدم الكسل، وضرورة أن يشترك مع خدام الكنيسة فى دراسة الكتاب المقدس لفهم الإيمان فهماً أرثوذكسياً سليماً وبهذا تصير الكنيسة قوية.

تصوروا لو إن بعض الألياف فى الحبل أصابها نوع من العطب وأهملنا العلاج، إيه اللى ممكن يحصل بعد فترة؟؟
ياريت ندرس تحذيرات الملاك للكنائس فى سفر الرؤيا.

ما مغزى زياراتها لعدة أماكن فى يوم واحد؟

+ أليس هذا الظهور الديناميكي، وزيارتها لأماكن متعددة أشبه بزيارات خدام السيد المسيح الأمناء لإفتقاد الرعايا المحتاجين للعون الروحي؟.
يبقى العدرا مريم بتؤكد أمومتها لكل المؤمنين وإنها لن تتخلى عنهم فى وقت الضيق، وبتدى درس خصوصى للخدام فى الإفتقاد والخدمة المثالية لتثبيت إيمان المساكين علشان يتمثل الخدام بهذا الإفتقاد!!

+

خلاصة التأمل فى ظهورات العدرا مريم وبالأخص فى ملوى
لاشك أن ظهور عمود النور وتحوله إلى سحابة على شكل حمامة، رمز الروح القدس، وبداخلها الحمامة الحسنة كما تصف التسبحة القديسة العذراء، ثم مشهد الدلو والبنر والماء يعنى أن الحمامة الحسنة جاءت برسالة من الروح القدس للعالم أجمع وبالأخص لمنطقة الشرق الأوسط حيث مشاكل الإبن الضال لا تنتهى، قائلة:
لا سلام بدون ملك السلام

ورسالة لشعب مصر:

انشروا العدل والمحبة والسلام فى ربوع مصر فتمتلئ بيوتكم من الخيرات

ورسالة خاصة جداً لكل المسيحيين بمصر.

هنا فى الكنيسة القبطية الأرثوذكسية ستجدوا نور السيد المسيح، وأسرار الروح القدس، وخبز الحياة، من خلال الإيمان الرسولى السليم، فليكن لكم قلب واحد، وفكر واحد، وإيمان واحد.

ثم أليست هذه دعوة واضحة من السماء للأقباط الأرثوذكس:

+ أليس الظهور هو دعوة للأقباط للثبات فى الإيمان الأرثوذكسى السليم والإحتراس من الذئاب أعداء المسيح المختلفين فى وسط الخراف:

أَنَا أَعْرِفُ أَعْمَالَكَ وَضَيقَتَكَ وَفَقْرَكَ مَعَ أَنَّكَ غَنِيٌّ. كُنْ أَمِيناً إِلَى الْمَوْتِ فَسَأُعْطِيكَ إِكْلِيلَ الْحَيَاةِ. هَا أَنَا آتِي سَرِيعاً. تَمَسِّكْ بِمَا عِنْدَكَ لِنَلَّا يَأْخُذَ أَحَدٌ إِكْلِيلَكَ.

"لَا تَخَافُوا مِنَ الَّذِينَ يَقْتُلُونَ الْجَسَدَ، وَبَعْدَ ذَلِكَ لَيْسَ لَهُمْ مَا يَفْعَلُونَ أَكْثَرَ. بَلْ أُرِيكُمْ مِمَّنْ تَخَافُونَ: خَافُوا مِنَ الَّذِي بَعْدَ مَا يَقْتُلُ، لَهُ سُلْطَانٌ أَنْ يُلْقِيَ فِي جَهَنَّمَ. نَعَمْ، أَقُولُ لَكُمْ: مِنْ هَذَا

خَافُوا. " (لو 4: 12-5)؟؟؟

كمان هل ننكر ان الظهور كان تعزية من الأم الحنون لأسر القتلى الأبرياء والمصابين والمسجونين والمتهمين خطأ أو ظلماً؟

وها هو الرب يقول لكم "حَوِّلِي عَنِّي عَيْنَيْكَ فَإِنَّهُمَا قَدْ غَلَبَتَانِي" (نش 5: 6). "إِلَيَّ النَّقْمَةُ وَالْجَزَاءُ. فِي وَقْتٍ تَزِلُّ أَقْدَامُهُمْ. إِنَّ يَوْمَ هَلَاكِهِمْ قَرِيبٌ وَالْمُهَيَّاتُ لَهُمْ مُسْرِعَةٌ." (تث 35: 32).
+ إذاً هذا الظهور هو رسالة من السماء للأقباط: الرب يدافع عنكم فإياكم والإعتماد على ذراع بشر للدفاع عنكم، هوذا الأم الحنون العذراء تشفع من أجلكم أمام الله. وهل نسيتم وعده "لأنَّه مَنْ يَمَسُّكُمْ يَمَسُّ حِدَقَةَ عَيْنِهِ." (زك 8: 2).

وللأقباط غير الأرثوذكس:

لِذَلِكَ كَمَا يَقُولُ الرُّوحُ الْقُدُسُ: الْيَوْمَ، إِنْ سَمِعْتُمْ صَوْتَهُ فَلَا تُقَسُّوا قُلُوبَكُمْ، كَمَا فِي الْإِسْحَاطِ، يَوْمَ التَّجْرِبةِ فِي الْفَقْرِ وَالرُّوحِ وَالْعُرُوسِ يَقُولَانِ: تَعَالِ. وَمَنْ يَسْمَعُ فَلْيَقُلْ: تَعَالِ. وَمَنْ يَعْطَشُ فَلْيَأْتِ. وَمَنْ يَرِدْ فَلْيَأْخُذْ مَاءَ حَيَاةٍ مَجَّانًا.

إرجعوا الآن إلى أحضان راعي نفوسكم وأسقفها ربنا يسوع المسيح من خلال رجوعكم إلى أسرار أمكم الكنيسة القبطية الأرثوذكسية.

مَنْ لَهُ أُذُنٌ فَلْيَسْمَعْ مَا يَقُولُهُ الرُّوحُ لِلْكَنَائِسِ.
آمِينَ. تَعَالِ أَيُّهَا الرَّبُّ يَسُوعُ.

+++

مناقشة المتشككين في ظهورات العذراء مريم في مصر

طبيب إيه السبب إن العذراء مريم بتظهر زى طيف؟

من أجل منفعة المؤمنين نفكرهم بحاجة مهمة وهى موضوع قيامة الأموات.
السيد المسيح علمنا ودعانا للحياة الأبدية، ووعدنا أننا حنقوم بأجساد نورانية فى القيامة وحنكون معاه فى الحياة الأبدية، وحنكون كملائكة الله بدون أن نعطش، أو نجوع، أو نتزوج ونتناسل من جديد (مت 22: 30، مر 12: 25، لو 20: 34-36). والقديس بولس الرسول شرح بالتفصيل موضوع القيامة وأكد أننا حنقوم بأجساد نورانية (1كو 15: 12-50).

طبيب وهو ظهور العذراء مريم مش كان شكله على هيئة طيف من النور؟
يبقى الظهور فى أشكال نورانية هو عربون لتأكيد القيامة بأجسام نورانية، أى تأكيد من السما على سلامة وعد المسيح لنا، وسلامة التعليم المسيحى.

هنا نأخذ بالناس إن السيد المسيح عندما كان يكرز كان يتكلم بأمثال علشان الناس المختارين بس هم اللى يفهموا، وبعدين شرح السبب "فَقَالَ لَهُمْ: قَدْ أُعْطِيَ لَكُمْ أَنْ تَعْرِفُوا سِرَّ مَلَكُوتِ اللَّهِ." (مر4:11)، "قَالَ: لَكُمْ قَدْ أُعْطِيَ أَنْ تَعْرِفُوا أَسْرَارَ مَلَكُوتِ اللَّهِ، وَأَمَّا لِلْبَاقِينَ فَبِأَمْثَالٍ" (لو8:10)

لو طبقنا الآية دى بالنسبة لظهورات العدرا مريم فى أى مكان فى العالم وبالأخص فى مصر، حنفهم على طول إن فى رسالة من السما ورا الظهورات دى. أحيانا العدرا مريم بتتكلم مع شخص واحد زى ما حصل فى معجزة نقل جبل المقطم، ومعجزة إنقاذ كنيسة أتريب من الهدم، وأحيانا الظهور بيكون صامت لعدد كبير من الشعب زى ما بيحصل من سنة 1968 لغاية النهاردة. فالناس اللى فاهمة أسرار الملكوت حتفهم الرسالة، واللى مش فاهمين أسرار الملكوت حيفضل الظهور لغز بالنسبة ليهم.

طيب ليه مش كل الناس بتشوف العدرا مريم عند ظهورها؟

ظهور طيف العدرا مريم ده ظاهرة روحية من السما. ومعروف إنه ممكن إثنين يكونوا واقفين جنب بعض، ونلاقى واحد يشوف والتانى ما يشفش حاجة. طبعا ما حدش يعرف إيه السبب لأن ما حدش يقدر يسأل ربنا فى هذه الأمور، ويأريت ما ننساش إن الله هو فاحص القلوب. علشان كده نقدر نقول إن ربنا ليه حكمة فى هذا الأمر، ويبقى ربنا هو صاحب القرار.

+

هل ظهور الطيف حقيقة أم خدعة تكنولوجية؟

بعد ظهور طيف العدرا مريم على قبة الكنيسة فى وراق الحضر فى ناس قالت إن الظهور هو خدعة تكنولوجية. ازاي نرد عليهم؟

لازم نرد عليهم بأدب مسيحى وبمنطق علمى، وفى نفس الوقت نصلى ونتشفع بالعدرا مريم علشان ربنا يفتح قلبهم ويفهموا رسالة السما.

لو كان الظهور خدعة تكنولوجية يبقى أكيد فى أجهزة مستعملة فى الخدعة، وأكيد هذه الأجهزة معروفة للفنيين، خصوصاً لمن يشتغل فى الخدع السينيمائية، وبالتالي ممكن كل الناس تعرف مكانها بالقرب من قبة الكنيسة، وتشوفها وتشوف الأشعة الصادرة منها، وبالتالي ممكن تعترض الأشعة المرسله من الأجهزة.

طيب فين الأجهزة دى؟

ما فيش ولا جهاز واحد ظهر، لكن فى نقطة مهمة وهى إن الطيف كان مجسم فى الهواء الطلق وبيتحرك، يعنى مش عرض سينيمائى على شاشة. فلو كان خدعة تكنولوجية يبقى فى الحالة

دى قدامنا اختراع مذهل ممكن يكسب المخترع من وراه فلوس كتيرة. يعنى ممكن يبيعه لـديزنى لاند (Disney Land) المشهورة عالميا، وكان أكيد عملوا بيها لعب مسلية جداً لجميع الأعمار، وكسبوا من وراها ملايين الدولارات، وهذا المخترع كان حقيقى شخصية سينيمائية مشهورة.

وهنا فى سؤال مهم:

الطيف كان شبيه بالظهور اللى حصل سنة 1968، طيب هل هذا الاختراع حصل من وقتها؟ وازى لم ينتشر فى العالم؟!!!

هنا وللعلم يوجد فى أمريكا لمبات كهربا لما نولعها تنور على شكل شمعة نارها بيتحرك زى ما تكون شمعة حقيقية والهوا بيلعب باللهب، وطبعا إحنا شايفيين السلوك داخل اللمبة، يعنى عارفين مصدر الإضاءة. كمان فى ديزنى لاند فى أمريكا كان فى عرض ممتع نشوف كرة من زجاج (لمبة ضخمة) وجواها طيف على شكل وش ست بتتكلم داخلها. وواضح إن فكرتها تشبه فكرة الشمعة المتراقصة داخل اللمبة وطبعا ليها توصيلات كهربائية وفيها غازات ربما زى غازات اللمبات النيون.

طيب فىن هذه الإستعدادات والأجهزة المستعملة والتوصيلات فوق الكنائس اللى ظهرت فوق قبتها؟

كمان الطيف ظهر فوق قباب الكنائس فى الهوا الطلق مش داخل وعاء زجاجى يمكن التحكم فيما داخله، لأ ده الطيف كان بيتحرك فى الهوا من غير ما حد يشوف مصدره. ولأن طيف العدرا مريم يظهر فجأة فى الهوا الطلق بدون أى تنبيه، أو إستعدادات فنية، ولا أجهزة، ولا توصيلات كهربائية فوق الكنيسة، ولا حد قدر يحدد فىن مصدر الطيف. وكمان الطيف ظهر فى أماكن كتيرة فى نفس اليوم، وطبعا مش معقول إن الفنيين اللى بيشغلوا الأجهزة دى يلحقوا يفكوها وينقلوها من مكان لمكان علشان يقدموا عرض تانى من غير ما حد يشعر بيهم؟!!!

يبقى الناس اللى بتفتكر إن الظهور هو خدعة تكنولوجية نقول لهم كلامكم ليس له أى أساس مادى أو علمى على الإطلاق، لأن الطيف هو من السما وليس من صنع إنسان زى ما بيشككونا.

+

ما هو هدف معجزات العدرا مريم؟

يعنى إيه معجزة؟

المعجزة هي عمل يفوق قوانين الطبيعة. مثلا إحنا عارفين من دراستنا للإنجيل إن ربنا خلق كل شئ من العدم، ودى اللى بنسميها معجزة الخلق. وطبعا دى معجزة فوق الوصف. وبعدين ربنا وضع قوانين لكل الخليقة بنسميها قوانين الطبيعة، كمثال: قانون الجاذبية ودوران مجموعة من الكواكب حول كوكب آخر، ومنها المجموعة الشمسية.

وبعد سقوط الإنسان أصبح من طبيعة الإنسان المرض والشيخوخة والموت.

ولما ندرس الكتاب المقدس نلاقى معجزات كثيرة حصلت فوق قوانين الطبيعة. كمثال: عبور موسى النبى ومعه الشعب البحر الأحمر، بعد ما ربنا شق مياه البحر الأحمر، ومشىوا على قاع البحر بعدما نشفت المياه من القاع، والمية واقفة كحيطه من على اليمين والشمال، دى معجزة كبيرة والأعظم من كده إن جيش فرعون لما مشى على نفس الأرض نلاقى المياه رجعت تانى وغرق الجيش. كمان نزول المن والسلوى من السما دى معجزة.

ولما نقرا تفاصيل المعجزات اللى عملها السيد المسيح مع الموتى والمرضى والعمى، لازم نأمن بقوة سلطان لاهوته، لأنها فوق أى عمل ممكن يقوم بيه دكتور بإستعمال قوانين العلاج، اللى ممكن نقول إنها من ضمن قوانين الطبيعة بسبب اكتشاف الإنسان ليها.

لكن هل فى حد يقدر يخلق عينين لإنسان مولود أعمى فى لحظات، فى الشارع وليس فى حجرة عمليات زرع أعضاء؟!!!

أو يقدر حد يقيم ميت بعد موته بأربعة أيام؟!!!

أو يقدر حد يشبع خمسة آلاف رجل ما عدا النساء والأولاد مرة بسمكتين وخمس خبزات، ومرة أشبع الجموع بسبع خبزات وقليل من صغار السمك؟!!!

هى دى المعجزات اللى فوق الطبيعة! وفوق مقدرة أعظم الاكتشافات العلمية!. وهنا لازم نقول إن الاكتشافات العلمية هى عملية إكتشاف لخبايا قوانين الطبيعة الموجودة فى المواد اللى خلقها ربنا.

لكن عمر ما حد من العلماء قدر، ولا حيقدر يخلق شئ من العدم. وحتى مع كل الاكتشافات الطبية المذهلة، نلاقى الإنسان مازال عاجز عن علاج أمراض كثيرة، وعاجز عن فهم كل أسرار الطبيعة.

وإيه الهدف من المعجزات؟

فى معظم الأحيان الهدف منها هداية الناس علشان تعرف ربنا المعرفة الحقيقية، وتأمين بانه هو خالق كل الأشياء، لأنه لما الناس تشوف قوة أعماله، خصوصا بالنسبة لغير المؤمنين، يقوموا يشعروا بانه فعلا هو الإله الحقيقى. وده نشوفه فى تاريخ انتشار المسيحية فى وسط الشعوب الوثنية.

كمان ممكن يكون الهدف تقوية إيمان المؤمنين لما يكون إيمانهم فى خطر بسبب الإضطهاد، وده نلاحظه فى أيام خروج العبرانيين من مصر، والمعجزات اللى ربنا عملها معاهم علشان يعرفوا إن ربنا معاهم.

طيب لما نسمع خبر معجزة عملتها العذرا مريم أو قديس، إيه اللى نتعلمه من الخبر؟

أولا إحنا كمسيحيين نؤمن أن الله محب لكل البشر، وأن خيراته تعم على الجميع الأبرار والأشرار وأنه لا يسر بموت الخاطئ مثلاً يرجع ويتوب.

كمان ربنا هو وحده صانع المعجزات من خلال وبشفاعة قديسيه. فلما نسمع عن معجزة عملها قديس لازم نشكر ربنا لأنه استجاب لشفاعة القديسين. والمعجزات بتحصل لكل الناس وربنا ليه هدف من كل معجزة. يعنى كل معجزة تحصل بيبقى وراها رسالة من ربنا لأشخاص معينين، أو بتكون رحمة من مراحم الله الرحوم. وممكن تحصل معجزة مع شخص ميئوس من علاجه علشان ناس تانية تشعر بقوة ربنا وبعد ماكانوا ملحدين نلاقيهم اتغيروا وصاروا مؤمنين. وطبعا المريض بيفرح بالشفاء ويشكر ربنا.

طيب هل غلط إننا نطلب معجزة من ربنا بشفاعة العذرا مريم؟

إحنا كلنا عايشين فى عالم مملوء بالمشاكل والضيقات، وكلنا بنشتكى من ضغوط الحياة. فلما تقابلنا مشكلة صعبة بيبقى نفسنا إنها تتحل بسرعة. لكن ربنا له حكمة ويعرف مصلحتنا أكثر منا. يعنى إحنا بننظر إلى الحياة من خلال نظرة ضيقة جداً ولوقت قصير جداً، بينما ربنا بينظر إلى نهاية سيرتنا، يعنى بينظر إلى ما هو صالح لأبديتنا.

والسيد المسيح علمنا "لَا تُجَرِّبِ الرَّبَّ إِلَهَكَ" (مت 4:7)، يبقى لما نطلب المعجزات ده معناه إننا بنجرب الرب، إذاً الأفضل هو ترك الأمر فى أيدين ربنا.

لكن فى مشاكل نقف قصاها ونشعر إنها مش ممكن تتحل من غير تدخل من عند ربنا، وهنا تيجى شفاعاة العذرا مريم المقتدرة.

لما إحنا نفسنا فى طلب صالح، طيب نعرف ازاى إننا مش بنجرب ربنا لما نطلب هذا الطلب الصالح بشفاعة العذرا مريم؟

هنا فى نقطة مهمة وهى إننا كمسيحيين أرثوذكس صلاتنا تتبع نظام مختلف.

أول حاجة: لازم نكون مؤمنين إيمان قوى من كل قلوبنا بلاهوت المسيح، وبأنه هو مخلص العالم، وبفاعلية وقوة الصليب المقدس فى حياتنا، وقوة أسرار الكنيسة وبالأخص سر الإفخارستيا.

ثاني حاجة: لازم نكون مؤمنين إننا أصبحنا تلاميذ للمسيح وأولاد لله من يوم ما اتعمدنا فى كنيستنا الرسولية، وبالتالي من حقنا إننا نصلى بدالة ونقول "أبانا الذى فى السموات".

ثالث حاجة: لازم نكون تاركين كل أمورنا لإرادة ربنا، يعنى نطلب بإيمان وبلجاجة، ولكن من غير ما نشترط شروط ومواصفات وزمن معين علشان ربنا ينفذ طلبنا. دايمًا نقول بإيمان "لتكن إرادتك"، "المر الذى يختاره الرب لى أفضل من العسل الذى اختاره لنفسى".

رابع حاجة: لازم نحط قصاص عينينا تعاليم السيد المسيح وهى "لَأَتَّكُم بِدُونِي لَا تَقْدِرُونَ أَنْ تَفْعَلُوا شَيْئًا" (يو:15:5)، وأيضاً "لَأَنَّهُ حَيْثُمَا اجْتَمَعَ اثْنَانِ أَوْ ثَلَاثَةٌ بِاسْمِي فَهُنَاكَ أَكُونُ فِي وَسْطِهِمْ". (مت:18:20). فلو العيلة كلها بتصلى بقلب واحد من أجل طلب صالح، أكيد ربنا سيستجيب فى الوقت الذى يراه هو وليس حسب ما نراه مناسباً لظروفنا.

خامس حاجة: لازم نلجأ إلى سر الأسرار، أى سر الإفخارستيا، يعنى التناول من الأسرار بقلب مؤمن وواثق. ده معناه إننا نطلب من الكاهن أن يرفع الذبيحة من أجل أن يتدخل الله فى تدبير الأمر كما يرى. هنا لازم نروح الكنيسة قبل رفع الحمل ونحضر القداس من أوله. تصور لو ليك طلب من وزارة معينة وبعدين حددوا ليك ميعاد مع الوزير، تقدر تروح متأخر؟ مستحيل. طيب القداس ده ميعاد مع ملك الملوك ورب الأرباب، ازاي نستعثر بمواعيده وبعدين نزل لما المشاكل تزيد علينا!!

سادس حاجة: علشان نستفيد من قوة الذبيحة المقدسة لازم نقف فى القداس بخشوع وصمت كامل وندى الذبيحة المقدسة الوقار اللازم. كمان لازم نعيش القداس، يعنى نتابع كل حاجة بانتباه شديد. هنا ننتبه لأن فى ناس بتحضر القداس كأنها رايحة حفلة سواء من جهة اللبس أو الكلام أو استعمال التليفون المحمول ... إلخ، للأسف كل هذه التصرفات تغضب الله جداً. وبعدين نزل لما المشاكل تزيد علينا!!!

سابع حاجة: المرشدين الروحيين سلمونا نصايح بخصوص الوقت المناسب لتقديم صلواتنا وطلباتنا وتضرعاتنا لربنا أثناء القداس. وطبعا نطلب شفاعة العذرا مريم وباقي القديسين اللى بنحبهم.

أول فرصة للصلاة: لحظة تقديم الحمل وده فى أول القداس.

ثاني فرصة للصلاة: لحظة أول سجدة لأن الخبز قد صار جسداً حقيقياً، وعصير الكرم قد صار دمًا حقيقياً لربنا يسوع المسيح، وبالتالي فأحنا بنسجد أمام جسد حقيقى، ودم حقيقى لربنا يسوع المسيح.

ثالث فرصة للصلاة: قبل التقدم للأسرار، وهناك من يفضل أن تكون فى وقت الإعراف العلنى للكاهن والشماس، وهناك من يفضل الصلاة أثناء ترتيل الشماسة.

تامن حاجة: المداومة على الصلاة وشكر ربنا على كل حال ومن أجل كل حال وفى كل حال.

تاسع حاجة: ما ننساش أبدا إنه لما كان القديس بطرس الرسول فى السجن وصلت الكنيسة كلها من أجله بلجاجة وأكد العدرا مريم كانت بتصلى من أجله، ربنا بعت ملاكه وأخرجه من السجن.

كمان ما ننساش معجزة العدرا مريم حالة الحديد للقديس متياس الرسول. وكل معجزات العدرا مريم، كل ده يدينا الأمل إن ربنا حيختار الوقت المناسب بشفاعة العدرا مريم لكل أمر صالح، من غير أى شروط مننا.

طيب إيه هي الأمور الصالحة اللى نطلبها؟

فى الحقيقة السيد المسيح رد على السؤال ده لما نصحنا وقال "لَكِنْ اَطْلُبُوا أَوَّلًا مَلَكُوتَ اللَّهِ وَبِرَّهُ، وَهَذِهِ كُلُّهَا تُرَادُ لَكُمْ" (مت6:33). يبقى دايما نبص لأبديتنا ونطلب كل حاجة تساعدنا على الثبات فى طلب هذا الهدف المقدس بشفاعة العدرا مريم. كمان فى نقطة مهمة وهى نصيحة السيد المسيح "لَأَنَّهُ حَيْثُمَا اجْتَمَعَ اثْنَانِ أَوْ ثَلَاثَةٌ بِاسْمِي فَهُنَاكَ أَكُونُ فِي وَسْطِهِمْ." (مت18:20). وهنا نقول إنه حتى الشخص الواحد اللى بيحب العدرا مريم كأم، قبل ما يصلى بمفرده لو طلب من العدرا مريم إنها تكون معاه يبقى هنا نلاقى اتنين، وبالتالي المسيح حيكون فى الوسط، أى معاه. علشان كده لو اجتمعت الأسرة مع العدرا مريم لدراسة الإنجيل وطلبوا ملكوت الله أولا، يبقى ضرورى ربنا حيستجيب لطلبات الأسرة بشفاعة العدرا مريم، ويكون حاضرا فى وسطهم، ويبارك هذه الأسرة بالبركات الروحية اللى ليس لها حدود.

حناخد مثال عملى فى الباب التالى.

فلندعو القديسة العذرا مريم إلى بيوتنا

أمومة العذرا مريم لكل واحد منّا شخصياً
شفاعة العذرا مريم ومشاكل الإدمان
نصيحة عملية لتكوين أسرة مسيحية
مناقشة هادئة مع الأمهات

أمومة العذرا مريم لكل واحد منا شخصياً

هنا أذكركم بالقصة اللى ذكرتها فى المقدمة، وأرجو إننا نكون اقتنعنا بعد قراءة هذا الكتاب إن العذرا مريم ليست مجرد قديسة طاهرة تبعد عنا كثيراً وعلاقتنا بها هى مجرد تكريم وطلب تشفعات، وإنما هى أمانا كلنا نستطيع أن نقرب جداً منها كالطفل الذى لا يستريح إلا بوضع رأسه على صدر أمه، ثم نتكلم معها ونشكو لها هموم الحياة وبالطبع نطلب صلواتها من أجل أن نعيش فى سلام.

حقاً إن أمومتها المتدفقة بأروع وأعظم وأطهر أنواع الحنان لا تضارعها أى أمومة بشرية مهما كانت. فلنرتو من هذا الينبوع العذب.

هنا تعالوا نفكر ونتأمل شوية ازاي نتعامل مع العذرا مريم.

مش إحنا كلنا تلاميذ ليسوع المسيح وإخوة الرب بحسب كلامه "لَأَنَّ مَنْ يَصْنَعُ مَشِيئَةَ أَبِي الَّذِي فِي السَّمَاوَاتِ هُوَ أَخِي وَأُخْتِي وَأُمِّي." (مت 12: 50)، والمسيح سلم العذرا مريم كأم لتلميذه القديس يوحنا الحبيب وهو على الصليب، وهذا التلميذ هو مثال لنا كلنا،

وعلشان كده تبقى العذرا مريم بقت أمانا كلنا زى أمر ربنا يسوع المسيح لما قال لتلميذه "هُوَذَا أُمِّي. وَمِنْ تِلْكَ السَّاعَةِ أَخَذَهَا التِّلْمِيزُ إِلَى خَاصَّتِهِ." (يو 19: 27).

علشان كده لو إحنا بنسمع كلام يسوع المسيح، يبقى كل ما نكون محتاجين مساعدة فى الإيمان نصلى بشدة ليسوع المسيح، وبعدين نجرى لأمانا العذرا مريم ونقول "يا أم النور، ويا أمانا يا عذرا ساعدينا واشفعى لنا أمام ربنا يسوع المسيح".

هنا ناخذ بالناس لأن العذرا مريم ممكن تيجى وتعيش معانا فى بيوتنا لو عزمناها وتبقى بركة كبيرة لنا. وده معناه إن بيتنا لازم يبقى نضيف من كل حاجة تزعلها علشان تعيش معانا. إيه رأيكم؟

إحنا عارفين إنه لما يجى كاهن ورع يزورنا، نلاقى إننا بنرحب بيه بشدة، وتبقى قعدته معانا كلها فرح ومحبة وآخر أدب، ونسمع كلام روحى مفيد.

طيب لو جه زارنا نيافة أسقف البلد زيارة شخصية مخصوصة علشاننا ياترى حتكون القعدة شكلها إيه؟ وإيه الموضوعات اللى حنتكلم فيها؟

طيب لو جه زارنا قداسة البابا زيارة شخصية مخصوصة علشاننا، ياترى حتكون القعدة شكلها إيه؟ وإيه الموضوعات اللى حنتكلم فيها؟

طيب لو زارنا واحد من القديسين السواح، وزادت القعدة وعاش فى بيتنا أيام طويلة إيه تأثير حياة الصلاة والعبادة والتأمل اللى حيعيشها معانا علينا؟

طيب لو زارتنا العدرا مريم بنفسها ياترى حتكون القعدة شكلها إيه؟ وإيه الموضوعات اللى حنتكلم فيها؟

فى الحقيقة المسيح والعدرا مريم معانا طول الوقت، بس للأسف إحنا مشغولين بأمر كتيرة، لكن لو انتبهنا وابتدينا نتكلم معاهم حنستفاد كتير.

طيب ازاي نتكلم معاهم وإحنا مش شايفينهم؟

لو رجعنا لسفر صموئيل حنتعلم إننا لو صلينا وقلنا " تَكَلِّمْ يَا رَبُّ لَأَنَّ عَبْدَكَ سَامِعٌ " (1صم3:9-10)، فأكيد ربنا مش حيسيبنا ولا العدرا مريم كأمر حنون حنستكت. ولما العدرا مريم تيجى تسكن فى بيتنا ضرورى حنتعلم منها فضائل كتيرة.

+

شفاعة العدرا مريم ومشاكل الإدمان

مشكلة إدمان المخدرات والسجائر والخمر ... إلخ، هى فى الحقيقة مشكلة عالمية تواجهها كل الشعوب. ولو درسنا إيه الأسباب حنكتشف بسهولة إن المحرك الأساسى ليها هو الشيطان، العدو الأول للإنسان لكى يحطمه ويبعده عن الله.

إذاً جهادنا ضد هذه المشكلة هو فى الحقيقة جهاد روحى ضد الشيطان أولاً وقبل كل شئ. ومن هنا نقدر نفهم ليه لازم نلجأ إلى ربنا يسوع المسيح بالصلوات الحارة والتقدم لسر الإفخارستيا ونطلب شفاعة أمنا العدرا مريم فى هذا الموضوع الصعب، وطبعاً قد يحتاج الأمر إلى العلاج النفسى عند أطباء أمناء ... إلخ.

وهنا لازم نسأل:

إيه اللى بيدفع أى إنسان إلى الإدمان رغم كل التحذيرات؟

للرد على هذا السؤال لازم نقسم أعمار الضحايا إلى مجموعتين: المجموعة الأولى: هم الأحداث وربما بعض الأطفال.

المجموعة الثانية: وهم الشباب والكبار.

لو بحثنا أحوال الأحداث والأطفال للأسف الشديد حنكتشف إن:

السبب الأول: انشغال الآباء والأمهات فى أمور الحياة بطريقة تدفعهم إلى عدم متابعة كل اللى بيحصل مع أولادهم من لحظة خروجهم من البيت لغاية رجوعهم. وللأسف الإنترنت من بين العوامل اللى بتفصل بين الوالدين والأبناء.

الحل العملى هو ضرورة وجود حب شديد بين الوالدين والأبناء، بدون تدليل (دلع)، ومرة ثانية لازم ربنا يسوع المسيح يكون فى وسط هذه الأسرة، وبشفاعة أم النور نلاقى الأبناء أصبحوا أصدقاء للوالدين ويحبوا ليهم عن كل حاجة بتحصل.

الوالدين العاقلين هم اللى يسمعو من أولادهم عن كل اللى بيحصل، ولما يلاقوا فى تصرفات أو كلام غلط يقوموا يناقشوا أولادهم فى هدوء ووقار كما لو كانوا كبار، وبعدين يقنعوهم بإيه الصح، وإيه الغلط، وهنا نشوف أهمية معرفة تعليم الكتاب المقدس.

كمان الأسرة الحكيمة هى اللى تبقى عارفة أصدقاء أولادهم كويس جداً وعارفة ميولهم إيه، لأن أخطر شئ هو حب الإستطلاع لدى الصغار لأنه سلاح ذو حدين. وبعدين نلاقى أصدقاء السوء يحاولوا يردوا على أسئلتهم والسيطرة عليهم من خلال هذا الباب.

السبب التانى: هو عدم وجود وعى روحى فى الأسرة. وربما يكون هذا بسبب انشغال الأسرة أو بسبب حالة عدم الإحساس بالمسئولية سواء من الأسرة أو بين صفوف خدام الكنيسة. يعنى الكنيسة اليقظة هى اللى تبقى زى النسر، واخدة بالها من أحوال أولادها وعارفة كل الإتجاهات الخاطئة فى المجتمع ودايما تعلم الأسرة إزاي تواجه هذه المشاكل بمعونة أم المعونة العذرا مريم. مهمة الكنيسة مش بس تفسير الإنجيل وإنما تسليح الوالدين بالمعرفة الروحية القوية التى لا تعرف روح الإستسلام والفشل لضغوط المجتمع، وإنما تجاهد ضد حروب الشيطان وأهمها بالطبع هذه العادات المهلكة.

أما بالنسبة لمشكلة الإدمان لدى الكبار، فالطريقة الوحيدة هى إننا نتعلم من درس المفلوج اللى شاله أصدقاؤه الأربعة لغاية السيد المسيح ليشفيه. (مر2:3-12، لو5:18-25)

فلو فى شخص مدمن لشرب السجائر ونفسه من كل قلبه إنه يبطل لكن مش قادر، فلو صلى وصلّت العيلة كلها معاه من قلبهم، وتشفعوا بالعذرا مريم، وشربوا مية اللقان، وتناولوا من الأسرار المقدسة بقلب نقى، وطالما إن ماحدش بيحرب ربنا وإنما صلوات وطلبات بلجاجة، أعتقد إن ربنا حبيبت العذرا مريم علشان تشفيه. ولما ربنا يشفى هذا المدمن يبقى لازم نقدم الشكر لربنا والعذرا مريم، ونستمر فى الصلاة علشان ما يرجعش تانى للإدمان.

+

نصيحة عملية لتكوين أسرة مسيحية

كلمة سريعة عن سر الزيجة:

سر الزيجة المقدس وشريعة الزوجة الواحدة هو سر قررره الله، وسلمه للبشرية لما خلق أبونا آدم وأمنا حواء كجسد واحد، لأن حواء كانت مختبئة داخل صدر آدم، يعنى بجوار قلبه، وبعدين ربنا أخرج ضلع من آدم وصنع منه حواء لكى يحبان بعضهما بعضاً، ويعيشا فى تعاون وألفة وسلام.

وبعدين الله فى حكمته الفائقة علمنا أنه فى سر الزواج المقدس الله بنفسه يكون حاضراً عند اتمام السر، علشان يضم العريس والعروسة ليصيرا جسداً واحداً تماماً كما خلق الله الإنسان فى البداية: "لِذَلِكَ يَتْرُكُ الرَّجُلُ أَبَاهُ وَأُمَّهُ وَيَلْتَصِقُ بِأَمْرَاتِهِ وَيَكُونَانِ جَسَداً وَاحِداً" (تك2:24). والسيد المسيح ثبت هذه الشريعة المقدسة لما حاولوا يجربوه بخصوص الطلاق وقال "إِذَا لَيْسَا بَعْدُ اثْنَيْنِ بَلْ جَسَدٌ وَاحِدٌ. فَالَّذِي جَمَعَهُ اللَّهُ لَا يُفَرِّقُهُ إِنْسَانٌ" (مت5:19، مر7:10-8، 1كو6:16، اف5:31).

ولأن الله فى ترتيبه الأول كان يريد للجسد الواحد (أى الزوجين) أن يعيش فى طهارة وقداسة ليثمر أجيال طاهرة. إذاً الحكيم هو من يسير فى هذا الطريق، وأقصد من الحكيم هو الجسد الواحد المكون من الزوج والزوجة.

علشان كده كل من يرغب فى تأسيس أسرة مقدسة، لابد وأن يدرس الكتاب المقدس دراسة واعية، ويدخل إلى العمق، ليعرف نصائح الله اللى أعطانا إياها لهذا الغرض. هنا اسمحوا لى أن أقول أن الزواج الناجح هو الذى يبدأ بصلوات، وأصوام، وطلبات بلجاجة، وإيمان. وطبعاً طلب شفاعاة العذرا مريم مهم جداً جداً علشان تساعد فى بناء هذا الجسد الواحد، ليعيش فى نور المسيح، ويطرد الشياطين التى لن تكف عن محاربة هذا الجسد المقدس.

تعالوا نمشى المشوار ده خطوة خطوة.

شاب بيبحت عن عروسة:

ياترى حيطلب المال والجمال ويحصل فصال فى العفش والشبكة ... إلخ، أم حيطلب الطهارة ونقاوة القلب علشان يُكون أسرة مسيحية تقية؟!!!! وطبعاً مش عيب لما تكون فى شابة تقية نَفْسَهَا تُكون أسرة مسيحية إنها تطلب نفس الطلب، لأن ده طلب متفق مع إرادة ربنا لما خلق الإنسان. وهنا تيجى شفاعاة العذرا مريم لأنها كأم حنون حتساعد فى الوصل بين عريس تقى وعروسة نقية القلب امرأة فاضلة. وطبعاً ما تنسوش صلوات ودعاء الوالدين علشان ربنا يسهل هذا الأمر. وياريت الآباء والأمهات ما يحاولوش فرض رأيهم حتى وإن كان سليماً. النقاش الهادى الحكيم والبناء أفضل مليون مرة.

وبعدين تيجى فترة الخطوبة:

ياترى حتكون فترة ضحك ولعب وفسح وطلب وتقديم الهدايا وكلام معسول ... إلخ؟ أم فترة تخطيط روحى وتفكير رزين ازاي حيعيشوا كأ أسرة مسيحية تقية مع العذرا مريم كأم. وده معناه إنهم لازم يتكلموا معاها، ويتعلموا ازاي يجاهدوا علشان يكون ليهم قلب واحد وفكر واحد فى المسيح يسوع ربنا.

وهنا ينصح بالتشفع بالعدرا مريم لكشف الأمور الباطنة اللى من الصعب معرفتها، لأنه ممكن الإنسان من الظاهر يكون ممتاز، ولكن القلب فاتر جداً فى محبته لله. الناس اللى فاترين فى محبة ربنا ومسيحيين بالإسم، نلاقى بيوتهم مافيهاش روح ربنا ... و.... إلخ، وده للأسف الشديد هو أهم عنصر لفشل الزواج وكل الخناقات اللى بتحصل.

بعكس الزوجين اللى بيحبوا ربنا من كل قلبهم، تلاقىهم بيحبوا بعض، ويعيشوا فى سلام، وحتى لو اختلفوا فى رأى، تلاقىهم ينهوا المشكلة بسرعة لأن العدرا مريم عايشة معاهم كأه حنون.

أيضا ينصح للخطيبين إنهم يحتفظوا بزجاجة بها ماء اللقان فى الشقة، وحبذا لو رشوا الشقة كلها حبة حبة بهذا الماء المقدس والمشهور بطرد الشياطين. وطبعاً بعد الزواج لابد من إحضار هذا الماء المقدس من الكنيسة باستمرار.

الإستعداد لنوال سر الزيجة المقدسة فى الكنيسة:

اقترب ميعاد الإكليل. هنا نأخذ بالنأ إحنا بنسميه إكليل، يعنى تتويج العريس كملك، والعروسة كملكة، علشان كده بنشوف الكاهن وهو يضع تاج مثل تاج الملوك على رأس العريس، وتاج مثل تاج الملكات على رأس العروسة.

ياترى كم عريس وكم عروسة بيهتموا بالزينة الداخلية لإعداد القلب للتقدم لهذا الإكليل بقلب طاهر ونية صافية، زى ما بنسمع فى وصايا الكاهن فى الإكليل؟! والزينة الداخلية تعنى الإستعداد روحياً لهذا السر تمام زى ما بنستعد قبل التقدم لسر الإفخارستيا (التناول).

لهذا ينصح للعريس وللعروسة بالتناول من الأسرار المقدسة قبل الذهاب للكنيسة لنوال سر الزيجة. وكذلك ينصح العروسين بالصلاة معا بلجاجة بعد ما بيتدوا حياتهم كجسد واحد من أجل نمو الكنيسة الصغيرة التى فى بيتهما (كو4:15).

ياترى كم عروسة قبل ما تختار فستان الفرح تقول ياعدرا تعالى وساعدينى فى اختيار فستان يعجبك علشان تجلسى بجوارى على كرسى الزفاف؟

بصراحة: كم عروسة تشعر أن فستان الفرح حيفرح قلب العدرا مريم العفيفة؟

وبصراحة أكثر كم عروسة زعلت العدرا مريم ومنعتها من حضور فرحها بسبب فستانها الفاضح!!!

وبعدين نشكى من كتر المشاكل التى تحدث فى أسرنا!!! لو راجعنا شريط الفرح فى ذهننا حنكتشف إننا زعلنا العدرا مريم!!!

علشان كده العروسة الحكيمة والتقية، قبل ما تختار فستان الفرح تصلى من قلبها، وتعزم العدرا مريم على الفرح وتأخذها معاها علشان تختار الفستان، ... إلخ. صدقونى يوم ما العدرا

مريم تقبل العزومة وتحضر الفرح، حتكون هى صاحبة الفرح زى ما عملت فى عرس قانا الجليل. "مَنْ لَهُ أُذُنٌ فَلْيَسْمَعْ مَا يَقُولُهُ الرُّوحُ لِلْكَنَائِسِ".

وياخت هذه العروسة الحكيمة وطوباها ثم طوباها. وياخت العريس اللى كان من نصيبه عروسة بنت العدرا مريم بحسب وصف الإنجيل "إِمْرَأَةٌ فَاضِلَةٌ مَنْ يَجِدُهَا؟ لَأَنَّ ثَمَنَهَا يَفُوقُ اللَّالِيَّ". (أمثال 31: 10).

نصيحة من رجل سمع كثير ويعرف كيف يفكر بعض الحاضرين، أرجو أن تفكر فيها العرائس بجديّة:

عندما تلبس العروسة التقية فستان أبيض مثل الثلج، رمز الطهارة والعفة، وحشمة جداً يغطيها من الرقبة إلى الرجلين، وتتحلى بقليل جداً من الماكياج، فإنها تجبر المدعوات والمدعوين على تقديرها كما لو كانت جوهرة نادرة فى طبق من اللؤلؤ الأبيض النادر. وهكذا لا يسقط أحد فى العثرات بسبب ملابس وزينة العروسة.

فى الكنيسة أثناء طقس سر الزواج:

ياريت ننتبه إلى رهبة وقسية الكنيسة، ونطلب من الجميع الوقوف فى وقار وصمت، لأنه وللأسف معظم العرائس والعrsان وأهل العروسين والمعازيم يبيقوا مشغولين بأمور أخرى ... لأنهم بيهتموا جداً بالمظاهر الخارجية من غير ما يعملوا حساب لقدسية هذا السر المبارك، ولا أى اعتبار لوقار وقسية الكنيسة بيت الله، وبينسوا إن ملائكة الله بتحضر فى هذا السر المقدس.

طلب شفاعاة العدرا مريم فى طقس سر الزواج:

نصيحة مخلصاة للعروسين: ياريت ينتبهوا جداً للوصايا التى يقرأها الكاهن ويطلبوا شفاعاة العدرا إنها تساعدنا على تنفيذها، وبكده البيت يمتلئ من البركات وحبذا لو طبعتها الكنيسة وأعطتها هدية للعrsان لتبقى فى البيت.

أخيراً أدعو الأغنياء لمراعاة عدم المغالاة فى احتفالاتهم لأنها تسبب عثرات كثيرة!!! وأيضاً أدعو محدودى الدخل للبساطة، خصوصاً والعالم كله يعانى من أزمة اقتصادية رهيبية لا يعلم نهايتها إلا الله وحده. وياريت يتصرفوا بحكمة المثل الشعبى اللى بيقول "على قد لحافك، مد رجلك".

وبعدى العروسة والعريس نالوا سر الزواج المقدس:

دلوقتى الزوجين مبتدين حياتهم كجسد واحد مقدس كتعليم الكتاب المقدس والعدرا مريم ساكنة معاهم فى البيت. فلو حطوا فى قلبهم إنهم يدرسوا الإنجيل كويس ويعيشوا مع بعض فى محبة مسيحية بدون نظر إلى المستوى المادى لمعيشة أى حد تانى، وبعدى يواظبوا على الثبات فى جسد الرب بالصلاة والتناول من الأسرار المقدسة، وهنا كثير من الآباء ينصحونا بالصلاة

بالمزامير من كتاب الأجبية فلو الزوجين قالوا "نقدم صلاة الساعة ... للمسيح ملكنا وإلهنا ونرجوه أن يغفر لنا خطايانا بشفاعاة العذرا مريم" ويطلبوا من ربنا بلجاجة إنه يحفظ أسرته من الشرير ويبارك حياتهم، أكيد العذرا مريم تحب تعيش فى البيت ده وحتعزم المسيح معاها ولأنه هو ملك السلام، تبقى الأسرة دى حتعيش فى محبة وسلام وربنا حيبارك هذه الأسرة.

الأسرة الجديدة نفسها فى أولاد:

طيب بعد كده نفسهم فى أولاد وده طلب صالح، بس الغلط لو اشتروا إن أول مولود يكون ولد... إلخ. الأفضل إنهم يصلوا ويطلبوا شفاعاة العذرا مريم علشان ربنا يرزقهم نسل صالح وبار أمام الله.

طيب العروسة حامل فى أول طفل:

هنا من مصلحة الأم الحامل إنها تتكلم مع أم فى الوجود وهى أمنا العذرا مريم وتطلب معونتها. إوعوا تنسوا إنها أم مجربة وعارفة كل واجبات الأمومة.

فلو تشفعت الأم الحامل فى العذرا مريم وأحسن طلب تطلبه منها هى إنها تشفع لربنا ليكون جنينها على مستوى القديس يوحنا المعمدان لما كان جنين فى بطن أمه. علشان لما تروح الأم للكنيسة للتناول من الأسرار المقدسة، وبعدين تصلى بلجاجة وتطلب من العذرا مريم إنها تسلم على جنينها ليستعد للقاء رب المجد لما تتناول الأم، يقوم الجنين يركض من الفرح زى يوحنا المعمدان لما كان جنين فى بطن أمه.

وما تنسوش إن الجنين بينمو فى أحشاء أمه التى هى هيكل الله، "أَمَا تَعْلَمُونَ أَنَّكُمْ هَيْكَلُ اللَّهِ، وَرُوحُ اللَّهِ يَسْكُنُ فِيكُمْ؟" (1كو3:16)، وبالتالي فإن روح الله يسرى فى الدم الذى يغذى الجنين!!!! يعنى الجنين بينمو فى بيئة أعظم من البيئة التى نما فيها يوحنا المعمدان لما كان جنين فى بطن أمه، وبعدين هذا الجنين سينال معمودية العهد الجديد التى لم يتنعم بها كل قديسى العهد القديم وأيضاً يوحنا المعمدان. وهو ده أحد التفاسير لكلام السيد المسيح "الْحَقُّ أَقُولُ لَكُمْ: لَمْ يَقُمْ بَيْنَ الْمُؤَلُودِينَ مِنَ النِّسَاءِ أَعْظَمُ مِنْ يُوْحَنَّا الْمَعْمَدَانِ، وَلَكِنَّ الْأَصْغَرَ فِي مَلَكُوتِ السَّمَاوَاتِ أَعْظَمُ مِنْهُ" (مت 11:11).

علشان كده الأم الحكيمة هى التى تضع فى قلبها الإيمان الكامل بالمزمور القائل "مِنْ أَفْوَاهِ الْأَطْفَالِ وَالرُّضْعِ هَيَاتَ سُبْحًا" (مز8:2) وتبتدى تعلم أولادها الصلاة وهم مازالوا أجنة فى بطنها.

معمودية الأطفال:

ربنا رزق الأسرة بأول طفل وأتى زمن المعمودية. المنطق يقول لو كانت العذرا مريم عايشة فى وسط هذه الأسرة تبقى هى صاحبة الإحتفال بالميلاد الثانى للطفل، يعنى العذرا مريم حتفرح جداً من أجل انضمام الطفل للكنيسة، وحتصلى من أجله كثيراً، ودى بركة عظيمة جداً

للأسرة وللطفل. وطبعا الأسرة حتطلب من العدرا مريم إنها تكون مع الطفل خطوة خطوة فى كل الأيام. وطبعا نفس الأمر بالنسبة لبقية الأطفال.

بالنسبة للأسر اللى لسه ما عزمتمش العدرا مريم علشان تعيش معاها فى البيت، نقدر نقول إن معمودية الطفل هى فرصة ذهبية للتعرف على العدرا مريم واختبار بركات معيشتها معهم فى الأسرة. ياريت إن الجميع يسعى لنوال هذه البركة العظيمة.

دلوقتى أصبح فى أطفال فى الأسرة:

ما تنسوش إن الأطفال هم الوزنات اللى ربنا أعطاها للوالدين. الأم المسيحية الحكيمة محتاجة إنها تعلم أولادها إزاي يتعاملوا مع العدرا مريم كأعظم أم فى الوجود، وده معناه إنها تعلمهم إزاي يتكلموا مع العدرا مريم ويشتكوا ليها من أى مشكلة تواجههم. علشان كده مهم إن الأم تعلم أولادها إنهم يصبحوا على العدرا مريم أول ما يصحوا من النوم، ويسلموا عليها قبل النوم.

شفاعة العدرا مريم فى تسليم الإيمان والأخلاق للأولاد:

ياترى لو استمرت الأم فى الصلاة من أجل إن ربنا يساعدها على تسليم الإيمان لأطفالها بشفاعة العدرا مريم أعتقد إنه لو كانت طلبة الزوجة بلجاجة وبمساعدة الزوج فمستحيل إن العدرا مريم تتأخر عنهما. وبالتالي حيعرفوا يربوا أولادهم فى خوف الله، يعنى نجحوا فى تنفيذ وصية رب المجد وكسبوا ثلاثين وستين ومائة ضعف، وده أمر يفرح قلب الله. والنتيجة إن الكنيسة تتملى من النسل الصالح وده تنفيذ لوصية السيد المسيح.

أيضا الأم الحكيمة هى اللى تهتم جداً إنها تعلم بناتها إن العدرا مريم هى مثلهن الأعلى من جهة الطهارة والحشمة والوداعة والأهم حياة الصلاة.

شفاعة العدرا مريم فى حفظ الأولاد من الشرور:

الأم الحكيمة هى اللى فاهمة إنها محتاجة إن العدرا مريم تقف مع أولادها فى كل خطوات حياتهم علشان العدرا مريم تختار ليهم بنفسها الأصدقاء الصالحين، وتكون معاها فى كل خطوة من حياتهم. يعنى وهم رايعين المدرسة والجامعة وبعد التخرج لما يشتغلوا ويواجهوا الحياة وقساوتها. وده معناه إن الأم تطلب بلجاجة شفاعة العدرا مريم علشان تحفظ أولادها من الشرور طول أيام حياتهم خصوصا وهم قاعدين على الإنترنت وهى مش عارفة بيعملوا إيه؟ وبيتكلموا مع مين؟ وفى أى موضوعات!!!؟

الأولاد كبروا وكملوا التعليم واشتغلوا وأن الأوان للزواج:

وبعدين لو استمر الأب والأم فى الصلاة من أجل أولادهم وأحفادهم وتسليمهم هذا الإيمان طول حياتهم، حيبترى نور المسيح يظهر فى حياة كل أفراد الأسرة، وبعدين بيان فى

تصرفاتهم. وأكد العدرا مريم حتعلّم أولادهم وأحفادهم الوداعة ومحبة الله من كل القلب زى ما كانت هى وديعة وبتحب الله من كل قلبها.
وهكذا تستمر الدورة من جديد.

+

مناقشة هادئة مع الأمهات

لو رجعنا لمدايح شهر كيهك اللى الكنيسة تطوب فيها العدرا مريم حنلاقى إننا بنصف العدرا مريم بأنها تهليل حواء، وسبب هذا الكلام هو أن المسيا المخلص قد تجسد من إحدى بنات حواء أى العدرا مريم، وبهذا أعادت لبنات حواء مكانتهن القديمة المساوية للرجال لما كانت حواء عايشة مع آدم فى جنة عدن.

علشان كده بنات حواء يفتخرن بهذا الدور العظيم. هنا نسأل:

أليس هذا سبب كافى لتكون العدرا مريم هى المثل الأعلى لبنات حواء المؤمنات؟

لو درستهم سفرى الأمثال والحكمة حتلاقوا كلام كثير عن المرأة الحكيمة، أو المرأة الفاضلة والكنيسة أخذت أحد هذه الحكم وحولته إلى لحن جميل يقال فى الأفراح رغم أنه نبوة عن العدرا. "إِسْمَعِي يَا ابْنَتِي وَانْظُرِي، وَأَمِيلِي أُذُنَكَ، وَانْسِي شَعْبَكَ وَبَيْتَ أَبِيكَ" (مز44:11) قبلى

العدرا مريم بتحب بنات مصر، وعلشان كده نقدر نقول إن ظهوراتها المتكررة فى مصر هو نوع من العتاب الهادئ لبنات الكنيسة. العدرا مريم عايزة تنبه الأجيال الجديدة إلى ضرورة التمثل بها من جهة الطهارة، ونقاوة الفكر، والإبتعاد عن التقليد الأعمى لكل ما هو قادم من الغرب، سواء من ناحية الملابس، أو طريقة الإحتفالات، أو ... أو ... إلخ.

فى مثل شعبى قديم بيقول "اقلب القلة/القدرة على فمها تطلع البنت لأمها"، يعنى إن الأم الواعية التقية تربي بناتها زيها. طيب لو تعاملنا مع العدرا مريم كأمر مش ده معناها إنها حتكون المثل الأعلى لبناتنا، وبالتالي بناتنا بيقوا فاضلات تقيات، وبالتالي لما يجى العريس تقوم بيوتنا تبقى بيوت طهارة وصلاة وممتلئة من البركات!!!

اسمحوا لى أن أقول كلمة مختصرة. بعد عشرات السنين من التعامل مع أناس من أركان الأرض الأربعة فى أمريكا، أقول إن البشر هم البشر لافرق بينهم. والشئ الذى لمسته هو أن المرأة التقية المحتشمة المتواضعة فى كل أمورها، والتى تحترم نفسها فى كل تصرفاتها، تستطيع أن تجبر كل من حولها على احترامها حتى ولو عاشت فى قلب سدوم وعمورة، وأكثر من هذا تستطيع أن تغير سلوكهم وبالأخص فى حضرتها.

يقول الشاعر:

الأم مدرسة إن أعددتها إعدادا طيبا أعددت شعبا طيب الأعراق

لهذا أدعو كل الأمهات فى مصر إلى دراسة سيرة القديسة العذراء لأنها سيرة طيبة جداً جداً جداً، وليتهن يتعلمن الحديث مع **أظهر أم فى كل البشرية**. نعم أقول الحديث معها لأنها أم كل شعب مصر، وليس هناك أدنى شك أن الأمهات لهن لغتهن الخاصة عندما يتحدثن مع بعضهن البعض. ومن المؤكد أن الحديث معها سيكون مملوء بحلاوة لا مثيل لها.

نحن الأقباط الأرثوذكس نتكلم معها كثيراً جداً جداً جداً. نخاطبها فى صلواتنا، ومن خلال تسبيحاتنا لله، وفى الترانيم والمدائح، ونتشفع بها فى كل أمورنا، ونفرح جداً عند ظهورها، ونشعر دائماً أنها ترفع صلواتنا وتضرعنا إلى الله وتعود حاملة البشرى لنا.

عندما كنت صغيراً أتذكر أن كثيرات من السيدات المصريات كن ينتظرن بلهفة ميعاد صوم السيدة العذراء ويصمنه بفرح كبير، وكانت الفرحة تملأ وجوههن فى هذا الصوم كما شهدت ويشهد أبناء جيلى. وكانت الطيبة من صفات كل شعب مصر بدون استثناء، وكان الجميع شاكراً وقانعاً ولهذا كان الخير والسلام والمحبة تملأ كل ربوع مصر وكان يطلق عليها **"مصر أم الدنيا"**.

والآن لماذا كل هذا الغلاء والشجار حتى بين الإخوة؟
ولماذا نسمع عن قصص النزاعات عن الميراث بأساليب دنيوية بعيدة كل البعد عن الأخلاق المسيحية؟
ولماذا نسمع عن نهب الأشقاء لأرملة أخيهيم لأنها لم تلد ذكراً يحميها من هذه الذئاب الناطقة؟
وأين صوت الكنيسة فى هذه الأمور!!!
وهل توجد أم فى الوجود لا تحزن عندما ترى بعضاً من أولادها يضربون الآخرين؟
ألا تتدخل الأم لترفع ظلم بعضاً من أولادها عن الآخرين؟
الوصية تطالبنا باكرام الأم، فما بالكم بأظهر أم فى الوجود!!!
ونحن معشر الأقباط الأرثوذكس نؤمن تماماً أن العذراء هى أمانا، وأم كل البشر بغض النظر عن ديانتهم، وهى تؤكد هذا بظهوراتها المتعددة هذه الأيام على مرأى من الجميع.
هناك أسر تتبنى أولاد، وهناك أولاد يدفعون أنفسهم للتبنى من الأسر الكريمة.
فإن كنا قد اتفقنا على أن **"العدرا مريم هى أظهر أم فى الوجود"**، فلماذا ياأختى لا ترفعى صلاة لله بالطريقة التى توافقك وتطلبى من أعظم وأظهر أم فى الوجود أن تقبلك كابنة لها؟
ومن المؤكد أنها ستقبلك فوراً وبدون أدنى تردد لأنها أم حنون جداً جداً جداً لكل البشر.
ووقتها ياأختى ستشعرين بأمومة لا مثيل لها فى كل هذا العالم المضطرب جداً.
ومن هنا سيكون أيضاً من حقا أن تشكى لها كل متاعبك الخاصة وخصوصاً إذا وقع عليك أو على أولادك أى نوع من أنواع الظلم، وهنا أصمت وأترك الأمر لدموعك لتروى التفاصيل وأنت فى حضن أظهر أم فى الوجود.

ثم تطلبى منها أن تتشفع من أجل أن الله يملأ ربوع مصر بالسلام، والخير، والبركة وتعود الطيبة - المختلفة تحت مشاكل وضغوط الحياة - لهذا الشعب الأصيل والعريق فى تاريخه وحضارته.

وهكذا عندما تشعرين بأمومتها وحبها العظيم لك ولأسرتك ولكل شعب مصر، تذكرى أيضا أن هناك آخرين مظلومين من شعب مصر.

أخيرا انظرى يا أختى إلى الخراب الذى يعيش فوق رؤوس كل الشعوب المتناحرة، وما أكثرها هذه الأيام، وتأملى وتفكرى كيف تُجنّبى مصر ونفسك وأسرتك كل هذه الولايات كما تظهر على شاشات التلفزيون؟

نعم يا أختى فكرى بحكمة واطلبى الخير من الله لكل شعب مصر فيمتلئ بيتك بالخيرات. واضح إذاً أن الوسيلة الوحيدة لتجنب مصر كل هذه الولايات هى فى نشر العدل والسلام والمحبة والوئام بين كل شعب مصر ببركة شفاعة حبيبة وشفيعه مصر وأظهر أم فى الوجود، وأعتقد أن ظهور طيفها داخل سحابة على شكل حمامة، رمز السلام هى دعوة واضحة للسلام وليتنا لا نهملها.

+

فلنفرح بأمومة العذرا مريم فى ملكوت السموات

السيد المسيح وعدنا إننا حنكون معاه فى ملكوت السموات، وسفر الرؤيا يعطينا لمحة من حياتنا مع المسيح فى ملكوت السموات. وكمان السيد المسيح قال "فِي بَيْتِ أَبِي مَنَازِلُ كَثِيرَةٌ" (يو:14:2) وده معناه إنه فى النهاية المكافئات تختلف من شخص لآخر حسب جهاده الروحى ومقدار محبته لربنا.

والمؤمنين اللى اعتمدوا باسم الآب والإبن والروح القدس، ونفذوا وصايا الله، وأحبوه من كل قلوبهم، وجاهدوا الجهاد الحسن، لازم يسمعوا صوت الحبيب عندما يدعوهم قائلا لكل واحد "نِعَمًا أَيُّهَا الْعَبْدُ الصَّالِحُ الْأَمِينُ كُنْتَ أَمِينًا فِي الْقَلِيلِ فَأُقِيمُكَ عَلَى الْكَثِيرِ. ادْخُلْ إِلَى فَرْحِ سَيِّدِكَ." (مت:23، 25:21).

كمان إحنا عارفين إن الأسر التقية بيبقوا عايشين فى محبة وروح واحد وقلب واحد، ودايما الأم بتكون موضع احترام الجميع حتى بعد ما يكبر الأولاد ويكُونوا أسرهم، وعلشان كده نلاحظ إنه حتى الأصدقاء دايما يحترموا أمهات أصدقائهم التقيات.

ونحن نعلم أن الأم دايما تحب تشوف أولادها وأحفادها يزوروها ويجلسوا حواليتها علشان تفرح بيهم، وأيضا الأولاد المخلصين دايما يشتاقوا للجلوس مع أمهم ليفرحوا بحبها.

ولأن النبوات شرحت لنا مكانة العذرا مريم فى ملكوت السموات كملكة جالسة عن يمين ربنا يسوع المسيح، تبقى مكانتها هى أعظم مكانة فى ملكوت السموات.

ولأنها جالسة عن يمين رب المجد، إذاً ده معناه إن هؤلاء المؤمنين اللى أحبوا الله من كل قلوبهم وأكرموا العدرا مريم حيكونوا عن يمين أمهم العدرا مريم الجالسة عن يمين رب المجد. إذاً نقدر نتأمل ونقول إن الشخص المؤمن التقى اللى بيحب ربنا يسوع المسيح محبة خالصة، ضرورى حيحب ويحترم العدرا مريم ويتعامل معها كأم طاهرة.

ومن المؤكد إن العدرا مريم أيضا تبادلهم هذا الحب، ونقدر نقول إن العدرا مريم حتطلب من ربنا يسوع المسيح إن أولادها المؤمنين يجلسوا بجوارها، وكمان أكيد إن رب المجد سيستجيب لشفاعتها فى العرس السماوى زى ما استجاب لشفاعتها فى عرس قانا الجليل، بالتالى حيكون المؤمنون جنبها فى ملكوت السموات.

هنا نسال: هل توجد جائزة فى الحياة الأبدية أعظم من هذه الجائزة؟

تأملوا ياأحبائى فى عظمة هذه المكانة التى ستعطينا رؤية "مَا لَمْ تَرَ عَيْنٌ، وَلَمْ تَسْمَعْ أُذُنٌ، وَلَمْ يَخْطُرْ عَلَى بَالِ إِنْسَانٍ: مَا أَعَدَّهُ اللَّهُ لِلَّذِينَ يُحِبُّونَهُ" (1كو 9:2)

السيد المسيح هو شمس البر الذى يضىء ملكوت السموات، والعدرا مريم مثال القمر اللى بيعكس نور المسيح زى ما تنبأ عنها الكتاب المقدس "مَنْ هِيَ الْمُشْرِفَةُ مِثْلَ الصَّبَاحِ جَمِيلَةً كَالْقَمَرِ طَاهِرَةً كَالشَّمْسِ مُرْهَبَةً كَجَيْشٍ بِأَلْوِيَةٍ" (نش 10:6).

إذاً إحنا كأولاد مخلصين لأمنا العدرا مريم مشتاقين جداً لليوم اللى نقابلها وجهاً لوجه فى ملكوت السموات، لنتمتع بسماع صوتها وهى ترتل مع القوات السماوية ممجدة الله "قُدُّوسٌ، قُدُّوسٌ، قُدُّوسٌ، الرَّبُّ إِلَهُ الْقَادِرُ عَلَى كُلِّ شَيْءٍ"، وأنا متأكد إن جلستنا معاها حتكون جلسة مقدسة عذبة وحلوة جداً جداً، وأعتقد إننا حتتعلم منها حاجات كثيرة وأهمها بالطبع حياة الشكر والتسبيح الدائم وهكذا نعيش حياة أبدية مقدسة.

بولس الرسول تكلم عن الحياة الأبدية وقال "فَإِنَّا نَنْظُرُ الْآنَ فِي مِرَاةٍ، فِي لُغْزٍ، لَكِنْ حِينَئِذٍ وَجْهًا لَوَجْهِهِ. الْآنَ أَعْرِفُ بَعْضَ الْمَعْرِفَةِ، لَكِنْ حِينَئِذٍ سَأَعْرِفُ كَمَا عَرَفْتُ" (1كو 12:13).

وزى ما ربنا كشف لنا بعض أسرار الخلاص من خلال الأنبياء والرسل، لهذا فإنى أعتقد إن ربنا سيكشف لنا فى الحياة الأبدية أسرار كثيرة عن طريق أمنا العدرا مريم.

أيضا كل الأمور التى لم تذكر عنها ستعلن. كمثال أعتقد إن العدرا مريم حتعرفنا على كثير من الشهداء اللى لما نقرا قصص عذاباتهم بنندش ونتساءل ازاي تحملوا كل هذه العذابات دون أن ينهاروا!!! وبعبدين العدرا مريم حتقول لنا ازاي وقفت معاهم أمام قسوة التعذيبات وساعدتهم على تحملها، وساعتها سيزداد اكرامنا وحبنا ليها، لأنها أم حنون تعرف إمتى تسرع لنجدة أولادها، وبعبدين نشكر الشهداء لأنه لولا جهادهم لما استلمنا إيماننا المستقيم.

كلمة ختامية

العدرا مريم عاشت كل حياة تجسد السيد المسيح على الأرض، من لحظة البشارة، لغاية الصليب والقيامة من الأموات والصعود للسموات، وبعدين كانت مع الرسل لما حل الروح القدس على الكنيسة فى يوم الخمسين.

وده معناه إنه بالإضافة إلى الفرح بأعمال السيد المسيح العظيمة، لكن برضه هى شافت بعنيها الظلم اللى وقع عليه، وعاشت الآلام، وفى النهاية فرحت بانتصار المسيح على الشيطان وتحريره لكل الأبرار من قبضة الشيطان.

العصر اللى إحنا عايشين فيه هو عصر غريب وصعب، وما أكثر الظلم هذه الأيام فى كل مكان فى العالم.

بولس الرسول قال "فَرَحًا مَعَ الْفَرِحِينَ وَبُكَاءَ مَعَ الْبَاكِينَ" (رو12:15) وزى ما شفنا فى هذا الكتاب العدرا مريم فرحت مع عرس قانا الجليل، وبكت مع مريم ومرثا، وبعدين فرحت لما المسيح أقام لعازر من الموت، وفرحت مع كل الناس اللى شفاهم رب المجد. يبقى العدرا مريم كأم حنون بتحب وتتفاعل مع أولادها فى كل ظروفهم.

ياترى لو وقع على حد فينا ظلم ورفع عينيه إلى الله وصلى وصرخ وطلب معونة العدرا مريم وقال "يا عدرا يا أم النور ويا أمى إنت قادرة، أسرعى وأعينينى وتشفعى لى عند ربنا يسوع المسيح"، فهل معقول إن الأم الحنون تقف ساكتة؟!!!

مستحيل أكيد حتتحرك زى ما تاريخنا شهد بإنها اتحركت وأنقذتنا من كوارث كثيرة، بس للأسف إحنا بننسى.

علشان كده ياريت نبتدى نتعامل معاها كأم خاصة لكل واحد فينا بنحبها من كل قلبنا ونكلمها ونمسك فيها بشدة علشان تعيش معنا، يعنى نبتدى نكلمها، ونشتكى مشاكلنا، ونطلب معونتها، وطبعاً أهم حاجة نطلب إنها تكون معنا ضد أفكار الهرطقة والإلحاد اللى انتشرت كثير هذه الأيام.

والنتيجة إنها حتفرح معنا فى وقت الفرح، وحتعزينا عزاء روحانى يفوق عزاء البشر لما نفقد أحد الأحباء لأنها حتفكرنا إننا نولد ونعيش ونموت على رجاء قيامة الأموات.

ولما ندوق حلاوة أمومتها اللى ما فيش زيتها فى الوجود، ساعتها نقدر نحكى تاريخنا مع العدرا مريم لأولادنا وأحفادنا ونسلمها من جيل إلى جيل. ولما أولادنا وأحفادنا يبتدوا هم كمان يتعاملوا مع العدرا مريم كأم خاصة لكل واحد، صدقونى ساعتها حيحصل تغيير كبير فى حياتنا كشعب وكنيسة.

وبعدين حتمر الأيام وفى النهاية سيجتمع المؤمنون حول العرش فى ملكوت السموات. وزى ما
تأملنا، نقدر نقول إننا حنكون حول أمنا العذرا مريم، ولأنها عن يمين رب المجد، يبقى إحنا
حنكون فى أعظم مكان فى الحياة الأبدية.
نتضرع إليك يا الله الرحوم بشفاعتك أيتها الأم الطاهرة العذراء كل حين القديسة مريم ويا
أظهر أم فى الوجود لكىما تحفظ إيماننا المسيحى الأرثوذكسى سليما إلى المنتهى، ولكىما
يحل الخير والعدل والسلام والوئام فى كل ربوع مصر. آمين